





# JOHANNIS DEVOTI

DEI ET APOSTOLICAE SEDIS GRATIA

EPISCOPI OLIM ANANIENSIS

N U N C

ARCHIEPISCOPI CARTHAGINENSIS

## INSTITUTIONUM CANONICARUM

LIBRI IV.

*NOVA EDITIO VENETA*

OMNINO AD INSTAR ULTIMAE ROMANAE

*Ab Auctore recognita et Additionibus locupletata.*


TOMUS SECUNDUS

Admittitur JACOB. Card. Patr.

VENETHIS

SUMPTIBUS JOSEPHI GNOATI QU. SILVESTRI

MDCCCXXXIV.



*Sicut a persona B. Petri Apostoli Episcopatus sumit initium, ita necesse est, ut disciplinis competentibus Sanctitas Vestra singulis Ecclesiis, quid observare debeant, evidenter ostendat.*

S. Cyprianus Arelatensis Ep. ad Symmach. P. tom. 2. Conc. col. 956 Collect. Harduini edit. Paris.

# LIBER II.

## TITULUS I.

### *De rerum divisionem.*

1 et 2. Res Ecclesiastica quid? ejus particio.

§. 1. **A**lter hic liber pertinet ad res ecclesiasticas, quarum latissime patet nomen. Nam quidquid est in Ecclesia extra personas, & judicia, id rei nomine comprehendimus. Sunt autem res ecclesiasticæ, quas jus Canonicum respicit, vel spirituales vel temporales. Spirituales sunt, quæ ad animarum salutem, æternamque earum beatitudinem, tamquam ad finem & terminum, totæ referuntur; atque huc spectant sacramenta; preces, jejunia, dies festi, indulgentiæ, cætera generis ejusdem. Pertinent etiam ad spirituales res sacræ, quæ scilicet Deo & Religioni sunt consecratæ, ut divinus cultus exerceatur; veluti ecclesiæ, sacraque vasa & ornamenta, itemque res religiosæ, domus scilicet & loca, in quibus vel Regulares vitam traducunt, vel pauperes atque ægroti curantur, vel fidelium cadavera sepeliuntur. Res temporales ecclesiasticæ sunt redditus, & fundi ecclesiarum, quibus aluntur clerici & pauperes; omniaque ad Religionis usum necessaria comparantur (1).

(1) Ecclesiastica quidem prædia aliquando spiritualia dicuntur, non quod ea revera sint, quæ nobis hoc loco spiritualia esse diximus, sed quod spiritualibus inserviunt, & eo referuntur.

§. 2. De spiritualibus agentes non dicimus de grâtiâ, fide, charitate, ceterisque virtutibus, quæ sunt animæ Christianæ Religionis, quoniam ad Theologos pertinet hæc disputatio. Nos de iis agemus, quæ propria Juris Canonici sunt; & ordiemur a Sacramentis, quæ Christus Dominus ad æternam hominum salutem instituit.

## TITULUS II.

## De Sacramentis.

- |  |  |
|--|--|
| <p>1. Sacramentum quid?</p> <p>2. Vis et natura sacramenti.</p> <p>3. Antiquorum sacramentorum a novis diversitas.</p> <p>4. Divisio sacramentorum. Legis veteris.</p> <p>5. Sacramentorum novae Legis numerus.</p> <p>6 et 7. Eorum materia et forma.</p> <p>8. Gratia et character.</p> <p>9. Gratia ex opere operato procedit.</p> <p>10. Sacramenta vivorum, et mortuorum.</p> | <p>11. Quae sacramenta characterem imprimant?</p> <p>12. Sacramenta alia necessaria, alia singulis non necessaria.</p> <p>13 et 14. Sacramentorum Minister.</p> <p>15 et 16. Huius intentio qualis esse debeat?</p> <p>17. Intentio suscipientis sacramentum.</p> <p>18 ad 20. Ritus et caeremoniae sacramentorum.</p> |
|--|--|

§. 1. Sacramenti in re cum Civili, tum Ecclesiastica multiplex significatio est. Nam & iusjurandum (1), & pecunia, quam olim litigantes apud Pontificem, aut in aede sacra deponebant (2), & arcanum (3) atque mysterium (4), & interdum etiam sacer quilibet ritus ac caeremonia sacramentum appellatur (5). Nos hoc loco sacramentum dicimus invisibilis gratiae visibile signum ad sanctificationem nostram divinitus institutum (6).

(1) *Amb. Sacramenta puberum Cod. Si advers. vendit.* Hinc iusjurandum, quo milites suam Imperatori fidem obligant, sacramentum militare, & milites ipsi sacramento obstricti dicebantur. *Leg. 7 ff. de Accusation. Leg. 11 ff. ad L. Jul. de Adulter., Leg. 15 ff. de Re militar., L. 14 ff. de His, quae ut indign., Leg. 9 §. 1 Cod. ad L. Jul. majest.*

(2) Litigantes initio iudicii certam pecuniae vim apud Pontificem, aut in aede sacra deponebant ea lege, ut victor, peracto iudicio, suam repeteret, victus autem poenae causa arario relinqueret. Unde & haec pecunia deposita, & inita super ea stipulatio sacramentum dicebantur. Confer Jacobum Guthrum *de Jur. Pontific. lib. 4 cap. 21.*

(3) Apostolus *ad Ephesios IX 11* ut notum faceret, inquit, sacramentum voluntatis suae; *Tob. XII 7* sacramentum regis abscondere bonum est; & *Daniel c. 11 v. 18* ut quaerent misericordiam a facie Dei celi super sacramento isto.

(4) Apostolus *ad Coloss. I. 27* incarnationem Christi Domini appellat sacramentum. S. August. *Serm. 227 col. 973 t. 5 ed. Maurin. Venet. 1731* memorat exorcismi sacramentum, & *l. 2 de peccator. merit. & remiss. c. 26 col. 62 t. 10* panem benedictum, & salem catechumenis dari solitum sacramentum vocat; quo eodem verbo utitur Concilium Chartag. III *Can. 5* apud Labbæum *t. 2 col. 1400 ed. Venet.* Similiter S. Paulinus *Ep. 50 n. 4 & 15 col. 288 et 294 ed. Muratorii Verona* mysterium sacramentum appellat.

(5) Ita orationis Dominicae sacramenta dixisse videtur S. Cyprianus *de Orat. Domin. p. 189 ed. Rigakii Paris. 1666.* Commun-

nes christianorum preces in divinis celebrandis officiis similiter a Patribus dictæ sunt sacramenta; & huc spectat S. Ambrosius *l. 3 de Virgin. c. 2 col. 212 ed. Maurin. Venet. 1751.*

(6) Definitionem huic simillimam Augustini nomine proponit Gratianus *in Can. 52 dist. 2 de Consecr. sacramentum*, inquit, *est invisibilis gratiæ visibilis forma*: quæ definitio his concepta verbis apud Augustinum nusquam extat, sed tamen, ut in eum locum monent Romani correctores, ex Augustini verbis in *libro de Catechiz. rud. c. 26 col. 295 t. 6 ed. indic.* desumpta est. Explicatius Catechismus Rom. *par. 1 c. 1 n. 11.* Sacramentum definit, *rem sensibus subiectam, quæ ex Dei institutione sanctitatis, et justitiæ tum significande, tum efficiende vim habet.*

§. 2. Tria igitur sunt, quæ ad sacramentum pertinent, divina institutio, visibile signum, & invisibilis gratia, quæ externo illo signo confertur, & designatur. Nam summus dominator & artifex rerum, ut quæ occulta ejus virtute efficiuntur, facilius imbecillitas, fragilitasque humani generis intelligeret, eam ipsam virtutem declaravit signis, quæ sub sensus cadunt (1), eaque esse voluit quasi pignora divinarum promissionum (2), & remedia ad animarum salutem vel tuendam, vel recuperandam (3), & vincula christianæ societatis, notasque, & symbola, quibus ejus fidem testatam faceremus (4), quibusque fideles internoscerentur (5).

(1) Præclare S. Jo. Chrysost. *Hom. 82 in Matth. n. 4 p. 787 t. 7 ed. Monfauconii Paris. 1727.* Si incorporeus, inquit, *esses, nuda tibi illa et incorporea dona tribuisset; sed quia corpori conjuncta est anima, in sensibilibus spiritualia tibi largitur.*

(2) Egregie Catechismus Rom. *par. 2 c. 1 n. 14*: *Quemadmodum, inquit, in veteri testamento Deus fecerat, uti magni alicujus promissi constantiam signis testificaretur; ita etiam in nova lege Christus Salvator noster cum nobis peccatorum veniam, calem gratiam, Spiritus Sancti communicationem pollicetur est; quedam signa oculis & sensibus subiecta instituit, quibus eum quasi pignoribus obligatum haberemus, atque ita fidelem in promissis futurum dubitare numquam possemus.*

(3) Confer S. Ambros. *de Sacr. opp. t. 3 p. 440 ed. Maurin. Venet. 1751.*

(4) Sacramentis enim fidem nostram in hominum conspectu declarare, atque omnibus illustrem ac manifestam facere videmur; & huc spectat Apostolus *ad Roman. X 10* *Corde creditur ad justitiam, ore autem confessio fit ad salutem.*

(5) In nullum nomen religionis, inquit S. August. *Contra Faustum lib. 19 c. 11 col. 319 t. 8 ed. indic.*, sive verum, seu falsum, coagulari homines possunt, nisi aliquo signaculorum, vel sacramentorum visibilium consortio colligentur. Utrumque igitur præstant novæ legis sacramenta; scilicet & fideles ab infidelibus

distinguunt, & ipsos fideles inter se sancto quodam vinculo conjungunt.

§. 3. Sæ etiam sacramenta habuit vetus Testamentum, eaque umbræ & figuræ erant venturi Servatoris; verum sacramenta novæ Legis Christum jam natum exhibent (1). Scilicet tantum fide in Christum servari homines possunt (2). Itaque, ut hanc fidem sustineret, abundans misericordia & clementiæ Deus instituit sacramenta, quæ vel venturum Christum adumbrarent, vel jam natum ostenderent; & vero tum ante, tum post Christi adventum fides in Servatorem illustrius excitari, fovèrique non poterat, quam externis signis, quibus homines fidem suam manifestam facerent.

(1) *Sacramenta novi testamenti*, inquit S. August. in *Palm.* 73 col. 769 t. 4 opp. cit. ed. Venet. dant salutem, sacramenta vterili testamenti promiserunt Salvatore.

(2) Apostolus II ad Corinth. V 19, & ad Galat. II 16: *Itaque ab exordio generis humani*, inquit S. August. Ep. 102 ad Decentian col. 277 t. 2 indic. ad quicumque in eum (Christum) crediderunt, eumque utcumque intellexerunt, & secundum ejus præcepta pie et fæste vixerunt, quandolibet, ut ubilibet fuerint, et per eum potius dubia salutis facili satis. Confer eundem S. August. ad Bonifacium contr. duas ep. Pelagian. l. 3 c. 4 col. 450 t. 10, et de Nuptiis et concupiscen. l. 2 c. 11 col. 313 eod. t. 10, S. Ignatium martyrt. Ep. ad Magnes. apud Cotelierium p. 153 t. 2 PP. Apostolic. edit. Amstelod. 1724, S. Justinum Dialog. n. 64 p. 161 ed. Paris. 1742, S. Thomam in Summ. part. 3 quart. 61 art. 3.

§. 4. Sacramentorum legis Mosaicæ multiplex erat genus, quædam enim pertinebant ad consecrationem, sive institutionem populi, aut ministrorum in cultu Dei, ut *circumcisio* & *Sacerdotum consecratio*; quædam sacrarum rerum usu constabant, ut *agni Paschalis in azymis comestio* quoad populum, *oblatio victimarum*, *esus panum propositionis* &c. quoad sacerdotes; quædam denique erant, per quæ divini cultus impedimenta removebantur, nimirum *legales sordes*, & *crimina*, ut *purificationes*, ac *lustrationes*, & *sacrificia piacularia*, præsertim *vaccæ rufæ* & *hirci emissarii* (1). Verum hæc sacramenta Hebræis tantum divina lege erant necessaria, non item reliquis gentibus, quæ etiam sine his externis signis æternam salutem consequi poterant, modo cum aliqua mediatoris fide legem naturalem observarent (2).

(1) Divisionem hanc sacramentorum antiquæ Legis tradit S.

Thomas 1<sup>o</sup> 2<sup>o</sup> qu. 102 art. 5. Consule Natalem Alexandr. *Histor. Eccles. in IV mundi aetatem diss. 3 art. 4 t. 1 p. 361 ed. Venet. 1779.* De hitco emissario vide Levit. c. xvi v. 7 & seq. ibique Calmetum in *Comment.*

(2) Vide S. August. *de Civit. Dei* l. 18 c. 47 col. 430 v. 7 opp. *ed. Maurin. Venet. 1732.* Theodoretum *Interrog. 68 in Genes. opp. t. 1 p. 53 ed. Paris. 1642.* S. Gregor. M. *Prefat. in lib. Job col. 9 tom. 1 opp. ed. Maurin. Paris. 1705.* Iisdem tamen judaïcis sacramentis tenebantur etiam Proselyti *Exod. XII 48,* adventu scilicet, qui ex gentibus ad Judæos transiverant.

§. 5. Sublatis Christi morte sacramentis, et caeremoniis Hebraeorum, quoniam cessare oportebat umbras adventu ejus, quem figurabant (1), christiana sacramenta, jam nati mediatoris symbola, Christus Dominus instituit. Ea vero septem numero sunt, scilicet Baptismus, Confirmatio, Pœnitentia, Eucharistia, Extrema Unctio, Ordo, Matrimonium (2). Quæ singula vera esse Catholicæ Ecclesiæ sacramenta, nec plura, quam septem hæc, a Christo esse instituta, explorata fidei doctrina est (3).

(1) *Prima sacramenta,* inquit August. *Contr. Faustinum* l. 19 c. 13 col. 320 t. 8 *laud. ed.,* quæ celebrabantur & observabantur ex lege, prænunciativa erant Christi venturi. Itaque hæc sacramenta ideo sunt ablata, quia ea suo adventu Christus implevit, uti pergit August. *loc. cit.,* quæ cum suo adventu Christus implevisset, ablata sunt, ut ideo ablata quia impleta .... et alia sunt instituta virtute majora, utilitate meliora, actu faciliora, numero pauciora. Quod etiam tradit lib. *de Vera Relig. c. 17 t. 1 col. 49,* ut Ep. 44 t. 2 col. 124.

(2) Conc. Trid. *Sess. 7 can. 1 de Sacram.*

(3) Late de hoc catholica fidei dogmate contra Lutheranos, Calvinianos, ceterosque hæreticos disputant Jueninius *de Sacram. diss. 1 de sacram. in gener. qu. 2 c. 4,* Drouvenius *de re Sacram. lib. 1 qu. 3 c. 2,* alique Scriptores rerum Theologicarum.

§. 6. Jam duabus veluti partibus constant sacramenta, signo sensibili, quod sensibus subjicitur, et re invisibili, quæ sensus fugit. Signum sensibile constat ex materia, hoc est ex re, qua conficitur sacramentum, et ex forma, nimirum ex verbi, quæ in eo conferendo adhibentur (1). Atque in hoc ritu, qui ex rebus et verbis divina auctoritate conficitur, sacramentum consistit, cum res a verbis sejunctæ sacramenta non sint, sed per verba ad sacrum usum determinantur (2).

(1) Voces *materia & forma* ex Peripatetica philosophia arreptæ sunt, atque eas primus usurpasse videtur Guilelmus An-

tisiodorensis, qui sac. XIII vitæ usura fruebatur: eum postea sequuti sunt Alexander de Hales, Albertus M., D. Thomas ac denique Ecclesia universa. Ante hoc tempus in Sacramentis res & verba distinguebantur. Ita Tertullianus de *Præscript.* c. 50 p. 216 *ed. Venet.* 1744 ait demonem in suis idolorum mysteriis res sacramentorum divinorum æmulari. Dicebantur etiam communiter mystica symbola, sacra signa, Religionis initia, seu initiationes, & sacramenta. Paulo distinctius interdum designabantur per elementum, & verbum; quo sensu August. in *Can.* 54 c. 1 q. 1 aiebat; *accedis verbum ad elementum, & fit sacramentum.* Sed primum Latinos, postea Græcos vocabula illa materiam & formam usurpasse ostendit Morinus de *Sacrament. ordinis.* par. 5 exerc. 1 c. 3. (2) *Detrahe verbum,* inquit August., in *Can.* 54 c. 1 q. 1, *& quid eris aqua, nisi aqua? Accedit verbum ad elementum, & fit sacramentum.*

§. 7. Materia vel remota, vel proxima est. Remotam dicimus rem ipsam, quam in conferendo sacramento adhibemus, quali est aqua, oleum &c.; proximam vocamus ipsum rei usum, uti est ablutio; unctio &c. Forma aut pura, sive absoluta est, aut conditionalis. Haec in iis sacramentis adhibetur, quæ iterari non possunt, cum incertum est, rectene collata fuerint, an secus (1).

(1) Conditionalis formæ expressa mentio primum occurrit VIII sæculo in statutis S. Bonifacii Episc. Moguntini, quæ condita sunt circa an. 745, extantque apud Dacherium *Spicileg.* t. 1 c. 28 p. 508 *ed. Paris.* 1725, itemque in Capitularibus Caroli M. apud Balutium l. 6 c. 184 t. 1 col. 858 *ed. Venet.* 1772, unde idem decretum excerptit, suæque canonum collectioni sit. II c. 17 adiecit Isaac Episcopus Lingonensis apud Harduinum *collect. Concil.* t. 5 col. 447 *ed. Paris.* Ex quo recte colligit Edmundus Martenius de *Antiquis Eccles. Ritib.* t. 1 l. 1 c. 1 art. 16 n. 10 p. 59 *ed. Antuerpiæ seu Venet.* 1765 quantum a vero aberraverint, qui conditionalem hanc formam primum a Scholastici inventam, atque in Ecclesiam inuestam putarunt, cum ea revera multo ante Scholasticorum ætatem adhiberetur. Ante sæculum VIII sacramenta, quæ repeti nequeunt, nulla adiecta expressa conditione repetebantur cum plane incertum erat, collata ne, & an recte collata fuissent. Non inde tamen confici potest, quod aliquibus visum est, antiquam Ecclesiam sine ulla prorsus conditione conferre consuevisse sacramenta, quæ iterari non possunt. Non erat quidem disertis verbis concepta conditio, quæ tantum VIII sæculo expressa esse cœpit, sed erat tamen conditio tacita, quæ eodem redibat; & Ecclesia, quæ semper rebaptizantium hæresim damnavit, baptismum repeti voluit, quatenus non constaret, num collatus aut num recte collatus fuisset. Nam non monstratur iteratum, quod non certis indiciis ostenditur rite præsumptum, uti loquitur S. Gregorius M. *Ep.* 17 l. 14 ad *Felic.* col. 1729 *opp.* t. 2 edit. Maurini. *Paris.* 1705. Quod ante Gregorium docuerat S. Cyprian. *Ep.* 69 ad *Magnum* p. 297 *edis. Amstelod.* 1700, cum de vi baptismi cli-



nicorum per aspersionem dati interrogatus fuisset, itemque S. Leo M. Ep. 159 p. 490 par. 2 opp. ed. Rom. 1755, & Patres Concilii Carthagin. V, qui, cum quærerentur, quid agendum esset de pueris, qui num baptizati essent, nemo certo sciebat, responderunt *Can. 6 col. 987 t. 1 collect.* Harduini, *absque ullo scrupulo eos esse baptizandos, ne ista trepidatio eos faciat sacramentorum purgatione privari.* Placuit hæc canonis verba describere, ut facile deprehendatur error Auctoris *Delectus actor. Eccles. univers.* qui in notis ad eundem Canon. t. 2 col. 169 Lugduni 1706 *trepidationem, & dubitationem* interpretatur *conditionem*, quasi omnis conditio a Carthaginensibus Patribus rejecta fuerit, Trepidatio & dubitatio Patribus est incertus, ancepsque animus, propter quem illam ad synodum controversiam detulerant, qui dubitabant, num in illo rerum discrimine baptismum repetere oporteret. Evellunt hunc scrupulum Concilii Patres ætates, baptismum esse repetendum, *ne ista trepidatio* (quod certe de conditione intelligi nequit) *eos faciat sacramentorum purgatione privari.* Idem quoque de iisdem infantibus respondit Gregor. II *Epist. 2 n. 9 col. 1859 t. 5 collect. concil. Harduini.* Ecclesia igitur, cum eorum baptismum repeti volebat, & simul etiam damnabat hæresim rebaptizantium, non aliter illud fieri voluit, quam cum tacita animoque retenta conditione: *si non est baptizatus.* Quæ conditio, uti dixi, sæc. VIII verbis expressa esse cepit, eamque disciplinam sua jam ætate multis in locis receptam probavit, & ubique servari jussit Alex. III in *cap. 2 de baptismo*, ac denique confirmavit Joannes XXII apud Raynaldum *ad an. 1553 n. 42 t. 5 p. 566 ed. Lucæ 1750.* Nunc igitur conditionalis forma adhibetur in sacramentis, quæ iterari non possunt; verum ea non temere, & inconsulto adhibenda est, sed cum adest probabilis dubitatio, ac re primum cognita, & quæsitâ diligenter, uti monet Catechismus Rom. *par. 2 c. 2 n. 57.* Confer Bened. XIV, qui ea de re late disserit in *Instit. Eccles. Instit. 8 & 84, & de Synod. Dioc. 1. 7 c. 6.* Disputant Theologi, num etiam in sacramento penitentiae conditionalis absolutio tribui possit, cum scilicet incertum est, num minister necessaria verba pronunciaverit, aut num is, qui absolutionem obtinet, ad eam suscipiendam aptus & idoneus sit. Hujus conditionalis formæ in sacramento penitentiae initium plerique repetunt a sæc. XVI, sed revera ejus est expressa mentio apud Joannem Gersonium, qui ineunte sæc. XV vitam agebat in *tract. de Schismate p. 69 de unit. Eccl. p. 118 in Respons. ad interrogat. Chartusian. p. 461 n. 2 opp. edit. Antuerpiæ 1605.* Vide Jueninium *de Sacramen. diss. 1 de sacram. in genere qu. 5 c. 5 art. 2, Tournelyum Prælect. theolog. t. 7 de Sacram. in gener. qu. 1 art. 4 concl. 2, & Bened. XIV de Synod. dioc. 1. 7 c. 15, qui de ea re copiose disputant.*

§. 8. Res invisibiles, quas signa illa externa significant, & continent, duæ præcipuæ sunt, gratia & character. Gratia communis est omnibus sacramentis. Nam quisquis ea rite & recte suscipit, hoc est nullo posito aut contrariæ voluntatis, aut pravæ dispositionis obice, is gratiam accipit, quam Theologi *sancificantem* appellant. Haec au-

tem non solum peccata remittit; sed justificat & renovat interiorem hominem, qui ex injusto fit justus, & ex inimico amicus Dei, ut sit hæres secundum spem vitæ æternæ, uti docet Synodus Tridentina (1).

(1) *Sess. 6 de Justificat. cap. 7.*

§. 9. Gratiam sacramenta conferunt suapte vi & naturâ, sive, ut inquirunt Theologi, ex opere operato (1). Itaque non ex meritis suscipientis, aut conferentis sacramentum vis ejus æstimatur, sed ea tota profluit a Christo, qui per ipsum opus, quod Minister rite conficit, divinam gratiam hominibus tribui voluit (2). Qua in re sacramenta novæ Legis valde differunt a veteribus, quæ tantum mediatoris fidem sustinebant, cum salus esset a fide suscipientium, aut parentum, neque sua vi gratiam conferebant (3).

(1) Conc. Tridentinum *Sess. 7 de Sacram. Can. 8.*

(2) S. August. l. 4 *Contra Crescon. Cap. 16 col. 493 opp. 2. 9 ed. Ven. 1755 non eorum meritis, docet, a quibus ministratur, consistere baptismum, sed propria sanctitate, atque veritate propter eum, a quo institutus est. Eadem habet Anastasius P. Ep. ad Anastas. Imper. c. 8 p. 274 apud Pichæum *Cod. Can. Paris. 1687.* Consentiant Græci & Latini PP., quos cumulat Drouvenius *De re Sacram. qu. 4 c. 1. Ecclesia*, ut hæc catholica veritas planius populo fideli proponeretur, invenit vocabulum *operis operati*, quo circa ætatem D. Thomæ Aquinatis uti cœpit. Disputant vero inter se Thomistæ & Scotistæ de modo, quo sacramenta gratiam elargiuntur. Illi nimirum sacramenta causam physicam gratiæ esse contendunt, hi vero tantum causam moralem, hoc est non ipsis sacramentis velut indicam esse gratiam, sed per ea moveri Deum ad gratiam elargiendam; excepta Eucharistia, quæ ex se gratiam effundit, quoniam ipsum gratiarum fontem Christum continet.*

(3) Apostolus *ad Galat. IX 9* vetera sacramenta *infirmæ et æternæ elementa* vocat.

§. 10. Non eodem modo sese gratia explicat in omnibus sacramentis. Nam quædam hominem mortuum veneno peccatorum excitant, & revocant ad vitam spiritualem, uti sunt Baptismus & Pœnitentia, quæ conferunt primam gratiam, & mortuorum sacramenta appellantur. Reliqua sacramenta vivorum dicuntur, quod dantur iis qui vivi sunt gratiæ, eaque superfundunt gratiam secundam, prioris incrementum & robor.

§. 11. Præter gratiam, quæ communis est omnibus sacramentis, quædam sunt, quæ conferunt etiam characterem, hoc est notam quamdam impressam & insculptam animo,

quæ deleri non potest (1). Hujusmodi sunt Baptismus, Confirmatio, Ordo, per quæ sacramenta fixa certaque nota efficiuntur aut Dei filii, aut Christi milites, aut christianæ religionis ministri ac sacerdotes. Et quia character semel animo impressus semper manet, idcirco tria hæc sacramenta nefas est iterare; iterantur cetera quæ non imprimunt characterem.

(1) Conc. Trident. Sess. 7 Can. 9 de Sacram. Hujus signi & characteris satis perspicue meminit Apost. II ad Corinth. 1. 21 & 22. *Qui unxit nos Deus, ait, & signavit nos, & dedit pignus Spiritus in cordibus nostris; & ad Ephes. 1. 14, IV 40. In quo & credentes, inquit, signati estis Spiritu promissionis sancto, qui est pignus hereditatis nostræ in redemptionem acquisitionis, in laudem gloriæ ipsius ... Nollis contristare Sp. S. Dei, in quo signati estis in diem redemptionis.* Apostolicam hanc doctrinam explicatius tradiderunt antiqui Patres, præsertim S. Hermas Pastor l. 3 Simil. 9 n. 16 apud Cotelierum PP. Apostol. p. 120 t. 1 edit. Amstel. 1724, S. Cyprianus Ep. 68 p. 258 ed. Amstel. 1700, S. Cyrillus Hierosolym. Cateches. 17 n. 35 p. 282, vt Procatech. n. 16 p. 12 ed. Paris. 1720, quorum primus baptismum *sigillum filii Dei*, alter *signum Dei*, postremus *signaculum sanctum, & indelebile* appellat. Diserte etiam S. Epiphanius Heres. 8 l. 1 n. 6 t. 1 p. 19 ed. Colonia 1642, S. Basiliius in Exhort. ad Baptism. hom. 13 t. 2 c. 117 ed. Montfaucon. Paris. 1721, S. Jo. Damascenus de Fid. orthodox. l. 4 c. 9 opp. t. 1 p. 261 edit. Lequienii Venet. 1748, S. Ambrosius de Spir. S. l. 1 c. 6 n. 79 opp. t. 4 col. 22 ed. Maurin. Venet. 1751, & S. August. de Baptism. l. 1 c. 1 col. 79 & l. 8 c. 1 col. 161 l. 2 contr. epist. Parmenion. c. 13 col. 44 & 45, & in Sermone ad Casarean. Eccles. plebem n. 4 col. 620 opp. t. 9 ed. Maurin. Venet. 1733 memorant characterem dominicum, seu sacramentalem, per quem Christiani distinguuntur. Falsus igitur est Van-Espenius par. 2 Jur. Eccles. tit. 1 de Sacram. in gener. c. 1 n. 11 & 13, cum apud Patres, aut in antiquis canonibus de hoc characterē nihil solidi occurrere asseverat, adeo ut antiqui scholastici, cum pro characterē pugnarent, tantum nisi potuerint Decretali Innocentii III in cap. 3 de Baptismo, qua expresse definitum est, Baptismo imprimi characterem.

§. 12. Rursus alia sacramenta singulis sunt necessaria vel omnino, & necessitate mediæ, ut inquiunt, ita ut sine illis nemo æternam salutem consequi possit, qualia sunt Baptismus, qui necessarius est omnibus, ac pœnitentia, quæ est necessaria iis, qui post Baptismum crimē aliquod perpetrarunt; vel solâ necessitate præcepti, quo fit ut contenti quidem, aut oblata refutari sine animæ detrimento nequeant, at, eorum suscipiendorum non oblato loco, impune omittantur. Hujusmodi sunt Confirmatio, Eucharistia & Extrema Unctio. Reliqua duo sacramenta, Ordo scilicet

& Matrimonium, necessaria quidem sunt universo corpori Ecclesiæ, non tamen singulis, cum nulla necessitas cogat singulos homines aut ordines suscipere, aut nuptias conciliare (1).

(1) Conc. Tridentinum *Sess. 7 Can. 4 de Sacram.*

§. 13. Omnia sacramenta ministrum postulant, & subiectum, illum scilicet, qui ea conferat, & illum, qui ea suscipiat. Utrumque soli homines præstant (1); sed non omnis homo ea conferendi habet potestatem, verum tantum, quibus id. munus divina & ecclesiastica auctoritate datum est (2). Generatim sacramenta conferre Episcoporum est, & Sacerdotum. Quædam tamen exigunt ministrum consecratum, quædam ministrum quemlibet habere possunt (3). Consecratum ministrum sacramenta omnia postulant, excepto Baptismo, qui a quocumque collatus valet (4), & excepto matrimonio, si vera est opinio illorum, qui putant, ejus ministros esse ipsos contrahentes (5).

(1) Quæsitum est in scholis, num soli viatores homines, an etiam Cælestes. Atque Angeli Sacramentorum ministri sint? Certe viatoribus tantum hominibus id munus a Christo datum, sacra litera ostendunt, quod præ ceteris animadvertit Chrysostomus de *Sacerdot.* l. 3 n. 5 opp. 1. p. 383 ed. Montfauconii Paris. 1718, ideoque ab eo ministerio Cælestes, atque Angelos exclusos habere debemus; quamquam, uti docet D. Thomas par. 5 qu. 64 art. 7 possit Deus, ubi velit, etiam Angelis extra ordinem hoc munus committere.

(2) Concilium Tridentinum *Sess. 7 Can. 10 de Sacramen.*

(3) Discriminis ejus causas accurate, cum primis, enucleateque nuper illustravit V. Cl. Fr. Hermanus Dominicus Christianopolus Ord. Præd. in libro *della Nullità delle assoluzioni nei casi riservati cap. 2 section. 1 §. 5 p. 142 seqq.*

(4) *Can. 21, 23, 24 de Consecr. dist. 4.*

(5) De hac questione suus erit agendi locus paulo post cum de matrimonio disputabimus.

§. 14. In conficiendis sacramentis Ministri media tantum salutis exhibent, & tractant, neque suam gerunt personam, sed Christi, qui eadem instituit, & a quo vis eorum procedit (1). Quare sive bonis, sive pravis imbuti sint moribus, sacramenta conficiunt, & conferunt, modo id faciant, quod in sacro illo explendo munere catholica Ecclesia fieri jubet. Hinc mali ministri sibi quidem æternam perniciem & mor-

tem afferunt, cum sancta tractant impure, sed impedire non possunt fructum gratiæ, qua donantur, qui sacramenta recte suscipiunt (2).

(1) Concil. Trident. Sess. 7 de Sacram. Can. et Sess. 7 de Baptism. Can. 4: *Magnum quidem est baptisma*, inquit S. Jo. Chrysostomus Hom. 3 in 1 ad Corinth. n. 2. p. 18 t. 10 edit. Paris. 1752, *sed non illud magnum facis is, qui baptizat; sed qui in baptismo invocatur*. Confer etiam S. August. de Baptismo contr. Donat. l. 3 c. 10 fol. 115 & contr. Crescon. l. 3 c. 8 col. 439 t. 9 ed. Venet. 1733, & S. Gregorium Nazianz. Orat. 40 in S. Baptisma p. 656 t. 1 opp. edit. Paris. an. 1890. Atque huc spectat S. Joannes I. 33, & S. Paulus I. ad Corinth. I. 11 & seq. III 4 et seq.

(2) Memento ergo, ait August. l. 5 Contr. liter. Petil. c. 47 col. 253 t. 9, *sacramentis Dei nihil obesse mores malorum hominum; quo illa vel omnino non sint, vel minus sancta sint*. Et tract. 5 in Joann. n. 18 t. 3 par. 2 col. 328 opp. edit. Venet. cit. *Dedit Baptismum*, inquit, *Judas, et non baptizatum est post Judam, dedit Joannes, et baptizatum est post Joannem*. Quia si datus est a Juda baptizatur, Christi erat: qui autem a Joanne, datus est, Joannis erat; non Judam Joanni, sed baptismum Christi, etiam per Judæ manus datum, baptismo Joannis, etiam per manus Joannis dato, recte præponimus. Atque hæc causa erroris fuit Novatianis, Donatistis, S. Cypriano & ceteris, quod non distinguentes eternum sacramenti opus humanum ab interno effectu divino, perperam existimarunt, effectum sacramenti necessarium ab homine ministrante, non a sanctificante Deo procedere; uti observat Augustinus de Baptism. contr. Donatist. lib. 6 cap. 1 col. 161 tom. 9 edit. indic.

§. 15. Quamquam autem sacramenta opus non habeant Ministri sanctitate, postulant tamen ejus intentionem, hoc est deliberatam voluntatem id quod agitur, conficiendi (1). Quam intentionem scholæ triplicem faciunt, *actualement*, quæ præsto est, cum ad id, quod agimus, animum impellimus, & nihil omnino aliud cogitamus: *virtualement*, quæ adesse dicitur, cum ad aliquid primum animum adjunximus, neque postea voluntatem hanc revocavimus, sed adhuc in ea perseveramus, licet aliud cogitemus, cum rem ipsam agimus: denique *habitualement*, quam habet, qui nulla animi deliberatione, sed tantum consuetudine proclivis ad sacrum ministerium, atque alio distracto animo sacramentum administrat. Sane *actualis* voluntas efficacissima est, *virtualis* sufficit ad vim sacramenti, *habitualis* autem plane inutilis est (2).

(1) Concilium Tridentinum Sess. 7 Can. 11 de Sacrament.

(2) S. Thomas par. 5 qu. 64 art. 8: sufficere ait *habitualement* in-

intentionem ad perfectionem sacramenti; sed ei voluntas habitualis est quam nos hodie virtutalem appellamus.

§. 16. Nam sacramentalis actio humano modo fieri debet; scilicet non modo pecudum, sed certo ac deliberato animo, quod est proprium hominis, qui particeps rationis est, Atqui modum humanum non præstat habitualis intentio, quam habent etiam amentes, dormientes, ebrii, qui certe non humano agunt modo, nec cum iudicio rationis, quidquid agunt. Ferri voluntas debet in ea, quæ Christus iussit, quæque facit Ecclesia (1), eaque in hoc opere conficiendo seria ac deliberata esse debet (2). Nam sacramenta mimicæ, & per jocum, aut dicis causa administrata, nulla & inania sunt.

(1) Concil. Florent. in Instruct. ad Armenos apud Labbæum t. 18 Concil. col. 547 edit. Venet., Concil. Trident. Sess. 7 de Sacram. in gener. can. 11. Hinc inter ceteras propositiones ab Alex. VIII. proscriptas illa etiam refertur: *Valeat Baptismus collatus a Ministro, qui omnem ritum externum, formamque baptizandi observat, intus vero in corde suo apud se resolvit, non intendendo quod facit Ecclesia.* Quamquam vero Minister sacramentum conficiens debeat intendere, quod facit Ecclesia, necesse tamen non est, cum etiam intendere id quod ipsa intendit Ecclesia; quæ per illum actum verum conferri sacramentum, & gratiam sacramentalem docet. Scilicet si quis improbus Minister intus inclusa cogitatione putet, sacramentum non eam vim habere quam habere censet Ecclesia, sed tamen serio velit hos ipsos quos Ecclesia adhibet, externos ritus peragere, hæc intentio faciendi id, quod facit Ecclesia, non quod ea intendit, satis quidem habetur ad vim sacramenti: Audiendus ea de re D. Thomas in Sum. par. 3 qu. 64 art. 6 cuius hæc verba sunt: *Si quis passusur fidei defectum circa ipsum sacramentum, quod exhibet, licet credat, per id quod agitur exterius, nullum sequi interiorem effectum, non tamen ignorat, quod Ecclesia catholica intendit per huiusmodi, quæ exterius aguntur, præbere sacramentum; unde non obviante infidelitate, potest intendere facere id, quod facit Ecclesia, licet æstimet id nihil esse, & talis intentio sufficit ad sacramentum.* Ita Ecclesia ratum & firmum habuit Baptismum collatum a Pelagianis, licet ipsi non cogitarent de delendo originali peccato, quod negabant; & ita S. Pius V approbavit baptismum Calvinianorum, licet ipsi intentionem non haberent baptizandi in remissionem peccatorum. Nam ad sacramenti integritatem nihil interesse, docet August. de Baptism. l. 7 c. 53 col. 201 opp. t. 9 cit. ed. Venet. quæ sit fides ministrorum. Confer etiam eundem August. epist. 98 ad Bonifac. n. 5 col. 265 t. 2 edit. Venet. 1729. Ambrosius Catharinus e Dominicanorum familia in eo, quem in vulgus edidit, cum Trident. Synodo haberetur, libello de intentionis externa sufficiencia, contendit, ad sacramentum rite & recte ad-

ministrandum satis esse, quod Minister intentionem habeat serio perficiendi ritum externum, qui ab Ecclesia adhibetur, quamquam interius dicat, se nolle facere, quod facit Ecclesia, modo exterius serio agat, nulloque signo pravam suam voluntatem ostendat. Sententia hæc à Trident. Synodo damnata non est, sicuti monet Card. Pallavicinus in *Hist. Concil. Trid. l. 9 c. 6 n. 2*; sed tamen a decreto Alex. VIII, cuius nunc facta mentio est, gravi vulnus accepit, ut inquit Benedictus XIV, qui de *Synod. Diac. l. 7 c. 4* ea de re accurate disputat. Sunt tamen, qui Catharini sententiam ita explicant, ut eam nullo modo proscriptam, atque improbatam fuisse defendant, & hi præsertim sunt Hyacinthus Derry in *Vindic. Catharin.*, Jueninius de *Sacram. dissert. 1 qu. 5 art. 5*, Drouvenius de *re Sacram. l. 1 qu. 7 cap. 3 sect. 2 §. 1 & 2*.

(2) Lutherus *lib. de Captiv. Babylon. cap. de Baptismo*, quique ejus deliramenta sequutus est, Kemnitius *par. 2 Exam. Conc. Trident.* etiam per jocum collatum sacramentum valere existimarunt. Sed gravissimum errorem damnavit Leo X in *Bulla Exurge Domine 44 art. 12 p. 489 t. 3 Bullarii Rom. ed. ult. indic.*, & Conc. Trident. *Sess. 14 de Sacram. panit. can. 6*. Quod de S. Athanasio narrat Socrates *Hist. eccl. l. 1 c. 15 p. 44*, & Sozomenus *lib. 2 c. 17 p. 67 ed. Vales. Cantabrig. 1720* id vel falsum est, vel si etiam verum sit, baptismus ab Athanasio non per jocum sed serio ac vere collatus haberi debet, sicuti observant PP. Maurini in *Vit. Athanasii t. 1 p. 9 ed. Patavii 1777*. Fabulosum est etiam, quod de mimico Genesii ac Dioscori baptismo narratur; qua de re vide Jueninium de *Sacram. Dissert. 1 qu. 6 c. 1 de Sacram. in genere*.

§. 17. Nec tantum dantis, sed etiam accipientis sacramentum intentio est necessaria, ut illud valeat. In infantibus, & perpetua amentia laborantibus nulla voluntate opus est; sed hi in fide, in voluntate Christi, & Ecclesiæ sacramentum recte suscipiunt (1). Adulti, qui integra mente sunt, habere debent intentionem sacræ in Ecclesia rei suscipiendæ (2); iis vero, quo ratio defecit, vel quod vi graviore morbi opprimuntur, sacramenta tribuit Ecclesia, cum in vitæ discrimine versantur, modo, cum bene valebant, sacramenti suscipiendi voluntatem significaverint (3).

(1) *Can. 7, 8 & 74, dist. 4 de Consecr. cap. 3 de Baptismo*; Conc. Trid. *Sess. 7 de Baptism. can. 13 & 14*; Catechis. Rom. *par. 2, cap. 2, §. 33*; S. Thomas in *Summa par. 3 qu. 68 art. 9*.

(2) Quamquam enim sacramentum accipiens patiatur actionem, quam Minister exercet, non est tamen, inquit D. Thomas in *Summa par. 3 qu. 68 art. 7*, passio illa coacta sed voluntaria, & ideo requiritur intentio recipiendi id, quod ei datur. Vide etiam decretalem Innocentii III in *cap. 3 de Baptism.*

(3) Concil. Arausicanum I. *can. 12* apud Labbzum *t. 4 col. 703 ed. Ven.*, S. Leo M. *ep. 84 ad Theodor. Episc. t. 4 p. 529 par. 2*

opp. ed. Romæ 1755. S. Thom. Opusc. 65 §. de Extrem. unct. & in Sum. par. 5 qu. 68 art. 12, Catech. Rom. par. 2 c. 2 §. 59, Ritua-  
le Pauli V Tit. de Baptism. Adultorum. Quod si voluntas, quam pri-  
dem habebat æger, aut amens, ita incerta sit & obscura, ut nemo de  
ea testimonium ferre possit, tunc morienti danda potius, quam de-  
neganda sacramenta, censet Augustinus de Conjug. adulterin. l. 1 c.  
26 col. 403 opp. t. 6 ed. Venet. 1731; licet alii id quidem negent  
ex illo Christi præcepto apud Matth. VII 8; *Nolite sanctum dare  
canibus, neque mittatis margaritas vestras ante porcos.*

§. 18. Sacramentorum omnium, uti diximus, auctor Chris-  
tus (1), ipseque constituit singulorum materias & formas  
quæ *substantiales* dicuntur (2). Quæ a Christo sunt consti-  
tuta mutari ab Ecclesia nequeunt; sed tamen ipsa potest,  
salva sacramentorum substantia, quibusdam addere certas  
conditiones, quas omnino servare oportet, ut sacramentum  
valeat (3). Ritus etiam, & cæremonias sacramentorum ac-  
cepta a Christo potestate Ecclesia constituit (4), & hi ritus  
aut cæremoniæ sine piaculo omitti non possunt; quamquam  
si omittantur, valeat sacramentum, quoniam intimam rei  
naturam non attingunt (5).

(1) *Si quis dixerit*, inquit Synod. Trident. Sess. 7 Can. 1 de  
Sacram. in gener. omnia sacramenta nova legis non fuisse a Iesu  
Christo Domino nostro instituta, anathema sit. Quibus verbis Sy-  
nodus catholicum dogma stabilivit, sed expresse noluit defini-  
re, mediata ne, an immediata omnium sacramentorum institu-  
tio a Christo sit repetenda. Nam Alexander de Hales, Hugo  
a S. Victore, Petrus Lombardus, aliique nonnulli Theologi Conc.  
Trident. antiquiores putarunt confirmationis, & extremæ un-  
ctionis immediatum auctorem non esse Christum, quoniam nul-  
lus est Scripturæ locus, quo hæc divina institutio referatur. Tri-  
dentina inquam Synodus id expresse noluit definire; sed tamen  
multa sparsim constituit, ex quibus patet Christum immediatum  
omnium sacramentorum auctorem esse habendum; in primis au-  
tem Sess. 14 cap. 1 de extrem. unct. expressis verbis declaravit,  
sacramentum extremæ unctionis fuisse a Christo Domino nostro  
institutum, & a B. Jacobo Apostolo promulgatum. Quibus verbis  
Christo institutio, Jacobo tantum promulgatio tribuitur. Atque  
omnes quidem, qui post Conc. Trident. floruerunt, Theologi im-  
mediatum omnium sacramentorum auctorem Christum esse de-  
fendunt, & contrariam sententiam vix jam temeritatis notam  
effugere posse sentiunt. Consule Tournelyum *Praelect. theol. de  
Sacram. in gener. qu. 5 art. 1*, Jueninium *de Sacram. dissert. 1. qu.  
4 de Sacram. in genere*, & Drouvenium *de re Sacram. l. 1 qu. 6 per  
tot.* Neque obstat silentium Scripturæ, cum id doceat divina tra-  
ditio, ac verbum Dei sive scriptum; sive traditum parem habeat  
auctoritatem, & huc referendus D. Th. in Summa par. 3 qu. 64  
art. 2 ad 2.

(2) Atque hæc quidem, quæ a Christo stabilita est materia, &



forma sacramentorum, quæ *substantialiter* dicitur, mutari non potest. Ita in Baptismo alia nequit adhiberi materia, quam aqua naturalis, neque aliis verbis hoc sacramentum conferri potest, quam illis, quæ Christus constituit, scilicet *in nomine Patris, et Filii, et Spiritus Sancti*. Modo tamen integra sit materia, & formæ substantia, veritati sacramenti nihil detrahit mutatio, quæ *accidentaliter* dicitur. Ita in baptismo nihil refert, num aqua sit frigida, an calida, atque in Eucharistia tum azymum, tum fermentum rite consecratur. Similiter Græci in quibusdam sacramentis adhibent deprecativam formam, quæ Latinis indicativa est; sed utraque forma vim eandem habet, & utraque eodem relict, licet verba diversa sint. Confer Juvenium *de Sacram. diss. 1 qu. 5 c. 5*, & Drouvenium *de Sacram. l. 1 qu. 1 c. 1 §. 5*.

(3) Concilium Tridentinum *Sessio 21 capit. 2 de Communione*.

(4) Apostolos sacrorum rituum instituendorum potestatem a Christo accepisse, manifestum est ex Paulo I. *ad Corimb. XI*, ubi postquam multa de Eucharistiæ institutione, ejusque celebratione a Domino accepta præscripsit: *cetera*, inquit, *vers. 34, cum venero disponam*. Ipsa hæc verba expendenti August. *epist. 54 seu l. 1 ad inquisit. Januar. c. 6 col. 127 t. 2 app. ed. Mohrin. Ven. 1733* videtur Dominus *ideo non præcepisse, quo deinceps ordine numeretur Eucharistia, ut Apostolis per quos Ecclesias dispositurus erat, servaret hunc locum*. Atqui potestatem a Christo datam Apostolis in spirituali fidelium regimine legitima successione ad Ecclesiam transmissam, inter omnes constat. Atque hanc sibi quidem inesse potestatem Ecclesia & declaravit, & factis demonstravit. Synodus Trident. *Sess. 21 c. 2 declarat hanc potestatem perpetuo in Ecclesia fuisse, ut in sacramentorum dispensatione, salva illorum substantia, ea statueret, vel mutaret, quæ suscipientium utilitati seu ipsorum sacramentorum venerationi pro rerum, temporum et locorum varietate, magis expedire judicaret*. Quam potestatem habere se Ecclesia verbo declaravit, eandem quovis tempore exercuit, uti ex antiquis Scriptorum Ecclesiasticorum monumentis perspicuum est. S. Justinus M. *Apol. 1 m. 65 p. 82 seqq. edit. Paris, 1742* ceremonias memorat ab Ecclesia præscriptas in Eucharistia conficienda, ac distribuenda. Baptismi ritus describit Tertullianus *de Baptismo n. 7 et seq. p. 226 ed. Ven. 1744*. Cyrillus Hierosolymitanus in suis mystagogicis catechesibus ceremonias, quæ apud Orientales vigeant, catechumenos docet. Augustinus non semel explicat vim exorcismorum, qui ante Baptismum adhibebantur. Mitto ceteros Patres. Tantum indicabo testimonium Tertulliani, qui *lib. de Corona cap. 3 p. 102 ed. cit.* traditionis necessitatem vindicat, exemplo rerum multarum, quas sua ætate Ecclesia observabat, quamquam scriptæ non essent, *Dissert. 1 qu. 8 c. 3*. Idem quoque confirmant Euchologia Græcorum, & Rituales libri Latinorum, ex quibus intelligimus, multas lapsu temporum ceremonias ab Ecclesia institutas, earumque observandarum legem ministris impositam. Confer Cl. Zaccariam *Bibl. Ritual. diss. de jur. liturgic. tom. 1*, Jo. Laurentium Bertium *de Theolog. discipl. l. 50 c. 23 t. 6 & Salam in not. ad Bonam rer. liturg. l. 1 c. 18 §. 1 p. 21. 1 edit. Taurin. 1749*, ubi plura etiam *Devoti. Tom. II.*

describuntur testimonia hæreticorum, qui hanc veritatem plus semel fateri debuerunt.

(5) Conc. Trident. *Sess. 7 de Sacram. in gener. can. 13* & Catechismus Romanus *par. 2 cap. 1 §. 18*. Quid tamen agendum sit, cum necessitas non omnes adhiberi sinit cæremonias ab Ecclesia præscriptas, rituales libri demonstrant.

§. 19. Ab ipsa sane Apostolorum ætate sacramentis extrinsecus accesserunt solemnes quidam ritus, & cæremoniæ, quibus major ipsis adjungitur reverentia, & eorum sanctitas altius in hominum animis imprimitur, & necessarius in Ecclesia ordo sustentatur (1). Earum cæremoniarum non eadem omnium antiquitas est. Quædam enim ab ipsis Apostolis originem repetunt (2); atque hæc propter auctoritatem, unde manarunt, ubique retinet, ac diligenter custodit Ecclesia, quamquam sacramenti naturam non constituent. Sic ex. gr. signum crucis in omnium administratione sacramentorum ubique præscribitur (5), & ubique etiam sacramentorum materiæ mysticis benedictionibus consecrantur.

(1) Confer Conc. Trident. *Sess. 22 c. 5 de Sacrif. Miss.*, & Catechism. Rom. *l. 2 c. 1 §. 18*, & confer Drouvenium *de re Sacrament. l. 1 qu. 7*, & Gagliardum *Instit. Canonic. l. 2 tit. 3*, qui de sacris his ritibus & cæremoniis late contra hæreticos disputant.

(2) Protrita est Augustini *ep. 54 ad Januar. n. 1 opp. t. 2 col. 124 ed. Venet. cit.* regula, quod ab Apostolis repetenda sunt ea, quæ semper in Ecclesia observata esse constat, & quorum initium demonstrari non potest. Atque huc refert Tertullian. *de Corona c. 4 p. 102 ed. Rigaltii Paris. 1675*, S. Basil. *de Spiritu S. 27 t. 3 opp. p. 65 ed. Paris. cit.* S. Cypr. *ep. 63 ad Cecilium. p. 100 ed. Rigaltii Paris. 1666*.

(5) Quod signum nisi adhibeatur, inquit August. *Tract. 118 in Joann. col. 801 opp. t. 3 edit. Maurin. Venet. 1730, sive frontibus credentium, sive ipsa aqua, qua regeneramur, sive oleo, quo Chrismate unguuntur, sive sacrificio, quo aluntur, nihil eorum rite perficitur.*

§. 20 Quædam autem cæremonias consequenti ætate adjunxit Ecclesia, & hæc quidem non eadem ubique sunt. Nam suos habent peculiare ritus Latini, Græci, Orientales; quin & in Occidente non una omnium Ecclesiarum ea in re consensio est. Non enim in omnibus rebus iidem sunt ritus Ecclesiæ Romanæ, Mediolanensis, Hispanicæ, Gallicanæ, quod in ceteris etiam Orientis atque Occidentis partibus evenire, ex omnium ritualibus compertum est.

Romana Ecclesia reliquarum mater & magistra permittit, aut tolerat hanc rituum diversitatem, quæ non officit unitati fidei (1), quæ omnibus una est, licet dissimiles sint populorum mores & consuetudines (2).

(1) *In una fide nihil officit Sanctæ Ecclesiæ consuetudo diversa*, inquit S. Greg. M. ep. 45 ad Leandr. l. 1 col. 532 t. 2 opp. ed. Maurin. Paris. 1705. Ad hunc locum pertinet etiam August. ep. 56 ad Casulanum c. 9 col. 77 t. 2 indic. ed. Venet. cum ait: *Omni enim pulchritudo filia Regis intrinsecus; illa autem observationes, quæ varia celebrantur, in ejus veste intelliguntur. Unde ibi dicitur: in fimbriis aureis circumamicta varietate*. Vide etiam S. Hieronymi ep. 71 ad Lucinium Boeticum n. 6 col. 432 opp. t. 1 edit. Vallarsii Veronæ 1634.

(2) De Græcis, qui Latinis, subiecti Episcopis in Italia, finitimisque insulis commorantur, multæ sunt editæ Summorum Pontificum constitutiones, per quas ipsis sui ritus permittuntur, ac præterea cavetur, ut neque Græcus ad Latinum ritum, neque Latinus ad Græcum sine auctoritate Sedis Apostol. transire possit. Sed omnium celeberrima est *Constitutio Epi pastoralis* 57; Benedicti XIV tom. 1 ejus Bullar. pag. 101 ed. Romæ seu Ven. 1754, qua omnia, quæ ad hanc rem pertinent, accurate explicata ac definita sunt.

## S E C T I O I.

### De Baptismo.

- |  |   |
|--|---|
| 21. Baptismus Joannis.                               | 30. Audientes.                            |
| 22 et 23. Baptismus Christi, et ejus materia remota. | 31. Genusflectentes et Competentes.       |
| 24 et 25. Materia proxima ablutio, eaque triplex.    | 32. Catechistarum officium.               |
| 26. Baptismi forma.                                  | 33. Catechumeni ad Baptismum accedentes.  |
| 27. Minister.  | 34 et 35. Cæremoniæ in Baptismo adhibitæ. |
| 28. Baptizantur tam infantes, quam adulti.           | 36. Sponsores seu Patrini.                |
| 29. Catechumenorum gradus.                           | 37. Qui eo munere fungi possint?          |

§. 21. **P**rimus ex Christianis sacramentis Baptismus est, qui ita dicitur a græco verbo βαπτίζω, latine *mergere, abluere*. Itaque Baptismus ablutio est. Prophetarum ultimus Joannes Baptistā ante Christum missus, ut baptizaret in aqua (1), prædicavit Baptismum pœnitentiæ, & qui sua confitebantur crimina, baptizavit in remissionem peccatorum proxime futuram in Christo Jesu (2). Verum hic Baptismus neque gratiam conferebat, neque imprimebat characterem (3), neque erat per se sacramentum, sed quasi quoddam sacramentale disponens ad Baptismum.

Christi (4), cui decebat homines assuefacere, eosque ad hoc sacramentum rite & recte suscipiendum per poenitentiam præparare (5).

(1) Joan. I. 33, Marc. I. 8.

(2) Agebatur itaque a Joanne, inquit Tertull. *de Baptism.*, cap. 10 p. 223 ed. Venet. 1744, Baptismus poenitentia, quasi candidatus remissionis & sanctificationis in Christo subsecutura. Nam quod predicabat Baptismus poenitentia in remissionem delictorum, in futuram remissionem enuntiatur: siquidem poenitentia antecedit, remissio subsequitur, & hoc est viam præparare: qui autem præparat, non idem ipse perficit, sed alii perficiendum procurat. Vide S. Hieron. ep. 69 ad Oceanum n. 6 opp. t. 1 col. 418, & *Constr. Luciferian.* n. 7 col. 173 t. 2 ed. Vallarsii Verona 1735, S. Joan. Chrysost. in *Matth. Hom.* 11 c. 4 t. 7 p. 154 ed. cit. S. Cyrill. Alex. in *Joan.* c. III vers. 22 & c. IV v. 1 opp. t. 4 p. 151 & 175 ed. Paris. 1657, S. August. in *Enchirid.* c. 49 col. 214 opp. t. 6 ed. Venet. 1731, S. Ambros. in *Luc.* l. 2 n. 79 & l. 10 n. 140 p. 794 & 1095 opp. t. 2 ed. Maurin. Ven. 1748.

(3) Ego quidem, inquit ipse Joannes apud Matth. III 11 baptizo vos in aqua in poenitentiam; qui autem post me venturus est, fortior me est, cujus non sum dignus calcamenta portare; ipse vos baptizabit in Spiritu Sancto, & igni. Eadem habentur apud Marc. I. 8. Luc. III 16. Jo. I. 26 seq. Quare Paulus Apostolus eos, qui Joannis Baptismum acceperant, denuo baptizatos in nomine Christi voluit Act. Apost. XIX 1 & seq. Itaque non negabantur, inquit August. loc. cit., qui Baptismo Joannis baptizabantur, sed Christo, in quo solo renasci poterant, parabantur.

(4) S. Th. in *summa part.* 3 qu. 38 art. 1 ad 1; ac vide totam hanc qu. 38, ubi de Joannis Baptismo solide disputatur.

(5) Petilianum Donatistam, qui unum Christi, & Joannis Baptismum esse putabat, cujus tres faciebat gradus, cum aquam a Joanne, Spiritum Sanctum a Christo, ignem a Spiritu Sancto datum diceret, acriter refellit S. August. *Constr. liter. Petilian.* l. 2 c. 32 & seq. col. 259 opp. t. ed. Ven. Bucerum autem, Melancthonem, Zuin-  
gillum, Calvinum, ceteros hæreticos, qui utriusque Baptismi vim eandem esse arbitrabantur, profligavit Synodus Trident. *Sess. 7 de Baptismo can.* 1 his verbis: Si quis dixerit, baptismum Joannis habuisse eandem vim cum Baptismo Christi, anathema sit. Confer Tournelyum *Prælect. theol. de Sacram. Baptism.* qu. 1, art. 5, ac vide etiam Drouvenium *de re Sacram.* l. 2 qu. 5 c. 1 §. 4 ubi quaeritur, num Baptismus Joannis peccata dimitteret.

§. 22. Verum ac proprium sacramentum est Christi Baptismus, a quo incipit omnis fidei origo; & ad spem vitæ æternæ salutaris ingressio (1). Definatur in catechismo Romano (2) sacramentum regenerationis per aquam in verbo. Triplex baptismus distinguitur, aquæ, sanguinis, & flaminis seu desiderii. Baptismus aquæ vere sacramentum est; reliqui duo, flaminis scilicet, atque sanguinis,

vicem baptismi præstant, & ideo per similitudinem ejus nomen acceperunt. Nam qui pro Christo martyrium patitur, qui sanguinis, baptismus est, & qui moriens, ubi copia baptismi non est, peccata dolet, ac baptismum desiderat, qui flaminis baptismus dicitur, ipsos sacramenti fructus, etiam sine sacramento, consequuntur (3). Remota baptismi materia est aqua naturalis, quæ cum ubique præsto sit, maxime est idonea ad sacramentum omnibus necessarium, quæque demonstrat ejus virtutem, per quam animæ sordes eluuntur (4). Quævis autem aqua naturalis, quæ mixtione, aut artificio in aliam naturam non migraverit, apta Baptismo erit, sive ea maris sit, sive fluvii, sive putei aut paludis, aut fontis (5).

(1) S. Cyprian. *ep. 73 ad Iubajanum*, p. 125 *ed. Rigalij Paris. 1666.*

(2) *Catechis. Rom. par. 2 §. 5. Quid est Baptismus Christi?* inquit August. *Tract. 15 in Joan. n. 4 col. 408 t. 3 opposit. part. 1 edit. Maurin. Ven. indic. Lavacrum aquæ in verbo. Tolle aquam, non est baptismus; tolle verbum, non est baptismus.*

(3) Concilium Trident. *Sess. 6 de Justificas. c. 4, S. Ambros. in Orat. de obitu Valentini. Imperat. n. 51 col. 265 opp. t. 3 edit. Venet. 1751, S. August. de Baptism. contr. Donatist. l. 4 c. 22 col. 139 t. 9 indic. ed., S. Basilius de Spiritu S. c. 1 p. 30 t. 3 opp. edit. Paris. cit., S. Cyprian. de Exhortat. martyris. p. 118 opp. edit. Amstel. 1700., S. Thomas in Summa par. 3 qu. 66 art. 12.*

(4) *Catechismus Romanus loc. cit. §. 10.*

(5) Idem *Catechismus ibid. §. 7.* Quod si Joannes Baptista apud Matth. III 11. Christi Baptismum Spiritu S., & igne constare prædixit, id non de materia hujus sacramenti intelligendum est, sed vel ad intimum Spiritus S. effectum, ut inquit idem Catechismus loc. cit. §. 8, vel certe ad miraculum referri debet, quod die Pentecostes apparuit, cum Spiritus S. e celo in Apostolos ignis specie delapsus est. Synodus Trid. *Sess. 7 de Baptismo Can. 2; Si quis dixerit, inquit, aquam veram & naturalem non esse de necessitate Baptismi, atque ideo verba illa Domini nostri Jesu Christi, nisi quis renatus fuerit ex aqua, & Spiritu S., ad metaphoram aliquam detorserit, anathema sit.* Quibus verbis Synodus execratur Calvinum qui ad metaphoram detorquebat ea, quæ de aqua naturali a Christo dicta sunt, ac Lutherum, qui vinum etiam Baptismo aptum putabat. Neque ulla habenda ratio est ejusdem rescripti, quod editum fuit a Stephano III Pontif. apud Sirmundum *Concil. Gallie t. 2 p. 16 ed. Paris. 1629, & quo probatur baptismus, qui in vino datus fuerat puero, qui in vitæ discrimine versabatur.* Nam falsum hoc rescriptum esse omnes norunt, primum quod nullus Patrum ejus rescripti meminit, deinde quia verisimile non est, Summ. Pontif. in re protrita tam graviter errare potuisse, extremo quia de ejus rescripti auctore non constat, atque illud duo Mss. Codices Stephano II, tertius Siricio adscribit. Consule Anton. Augustinum de Emend. *Grasian. l. 1*



*diol.* 18 oppos. t. 3 p. 90 ed. Luca 1767, ibique Balutkem in *No-  
tis*, & *Natal. Alexand. Histor. Eccles. sac.* 8 cap. 1 art. 6 p. 7  
edit. Venet. 1776.

§. 23. Aquam benedici vetus Ecclesiæ disciplina est (1);  
atque hæc quidem est benedictio, quam Patres aquæ sancti-  
ficationem & consecrationem appellarunt (2). Duobus die-  
bus a Latinis, nempe sabbatis sancto, & Pentecostes (3), a  
Græcis autem in singulis baptismis aquæ benedicuntur. Si-  
gnantur signo crucis (4), & certæ ab Ecclesia institutæ  
preces, in ea benedictione adhibentur (5); quod utrumque  
antiquissimæ consuetudinis est. Aquæ adjicitur chrisma, quod  
magis explicat vim sacramenti; sed tamen hoc valet etiam  
collatum in aqua naturali, quæ nihil aliud admixtum habet  
(6). Multitudo baptizandorum sæpe olim faciebat, ut ad  
omnes abluendos satis aqua non esset, & ideo nova per  
canales in baptisterium infundebatur (7).

(1) S. Basilius de Spiritu S. c. 27 p. 55 t. 3 opp. ed. laudat., S. Gre-  
gorius Nyssenus de Baptism. Christ. p. 803 opp. t. 2 ed. Paris. 1615, S.  
Cyrillus Hierosol. Catech. 4 n. 3 p. 40 & seq. ed. Paris. 1720, S. Am-  
brosius de Sacram. l. 1 c. 5 col. 443 & 444 opp. t. 3, & de Spirit. S.  
l. 1 c. 7 n. 83 col. 25 ed. Maurin. Venet. 1751, Theophilus ep.  
pasch. I Biblioth. PP. t. 5 p. 846 ed. Lugdun., Victor. Viten. de Per-  
secut. Vandal. l. 2 p. 633 t. 8 indic. Biblioth. Neque vero extra ca-  
sum necessitatis conferre licet Baptismum cum aqua communi, vel  
ea, quæ pro lustrationibus benedicitur, Benedictus XIV Const. Inter  
omnigenas 83 §. 20 t. 1 ejus Bullar. p. 186 ed. Romæ seu Venet.  
1754.

(2) Tertull. de baptism. c. 4 p. 225 ed. Venet. 1744, S. Cypria-  
nus ep. 70 p. 300 edit. Amstelod. 1700, S. Ambrosius de Mys-  
ter. c. 3 n. 8 col. 409 opp. t. 3 laud. ed., S. August. de Baptism.  
l. 6 c. 25 col. 175 opp. t. 7 indic. ed., Auctor operis de Hierarch.  
eccl. c. 2 §. 7 p. 253 opp. t. 1 ed. Antwerp. 1654.

(3) Confer. S. Carolum Borromæum Instruēt. de Baptism. Aff.  
Eccles. Mediolan. part. 3 t. 1 p. 421 ed. Patavii 1754.

(4) Auctor operis de Eccles. hierarch. l. c., S. August. Serm. 55a  
n. 3 col. 1364 opp. t. 5 ed. Maurin. Venet. 1751.

(5) Preces ad sanctificandam aquam olim adhibitas describit  
Auctor Constit. Apostol. lib. 7 c. 43 apud Cotelerium PP. Apostol. t. 1  
p. 384 ed. Amstel. 1724. Hinc deprecari super aquam Baptismi, apud  
August. l. 5 c. 20 de Baptism. col. 155 opp. t. 9 ed. Maurin.  
Ven. indic.

(6) Catechismus Romanus par. 2 cap. 2 §. 11.

(7) Consule Martenium de Antiqu. Eccles. rit. l. 1 c. 1 art.  
14 §. 3 t. 1 p. 48 ed. Antuerpiæ seu Venet. 1763. Atque ad hanc  
consuetudinem aquam vivam blando murmure decurrentem, quam  
memorat S. Zeno Tract. 35 l. 2 p. 246 t. 1 opp. ed. August.  
Vindelic. an. 1753 referendam putant Fratres Ballerini ib. not. 3.

§. 24. Proxima materia est ipsa ablutio, cujus triplex est modus, *aspersio, effusio, immersio*. Fuerunt olim, qui dubitarunt de vi Baptismi per *aspersionem*, aut *effusionem* dati (1); sed eum valere certum est, cum *immersio, aspersio, effusio* diversi quidem sint ablutionis modi, revera tamen nihil distent (2). Dubitatio hæc de Baptismo per *aspersionem*, *effusionem*ve collato satis claro argumento est, olim Baptismum per immersionem conferri consuevisse. Et certe fuit hæc vetus Ecclesiæ disciplina, ut Baptismum suscepturi, sive mares essent, sive fœminæ, sive adulti, sive infantes, vestibus exuti, atque omnino nudi (3) ter in aqua toto corpore mergerentur, & inde educerentur (4).

(1) Confer Cornelium Pap. *epist. 9 ad Fabium Antiochenum num. 5 & 6 col. 154 & 155* apud Coustonium *Epist. Roman. Pontif.*, & S. Cyprianum *epist. 76 ad Magnum p. 363 & seq. ed. Venet. 1758.*

(2) Vide Catechismum Roman. *par. 2 c. 2 §. 17.* Antiquitus etsi Baptismus immersione dari soleret, tamen interdum effusionem etiam, atque aspersionem adhibitam fuisse constat; quod luculentissimo argumento est, Ecclesiam semper firmum ratum habuisse Baptismum, sive per immersionem, aut aspersionem, aut effusionem ablutio fieret. Ita cum Petrus, ceterique Apostoli hominum ter millia baptizarunt, sicuti narrat in Act. Apostol. II 37 & seq. videtur dedisse baptismum per aspersionem aut effusionem, cum verisimile non sit, tantam hominum multitudinem tam brevi tempore in aquam immergi potuisse. S. Cyprianus *loc. cit.* multis ostendit, valere baptismum, quem agri aspersione aut effusione susceperant; quam sententiam veluti suæ ætate certissimam approbat, & sequitur S. Augustinus de *Baptismo contr. Donatist. l. 6 c. 7 col. 185 opp. t. 8 ind. ed. Venet.* Eadem est sententia Concil. Neocasariensis *can. 12* apud Labbeum *t. 1. Concil. col. 1516 ed. Ven.*, Antisiodorensis *can. 18 t. 6 col. 644*, Matisconensis II *can. 3 col. 674 diff. t. 6*, Parisiensis VI *can. 7 col. 714 t. 9*, & idem sæc. IX tradidit Walfridius Strabo de *Reb. Eccl. c. 26 col. 692, Bibl. PP. t. 10 ed. Paris. 1624.* Huc etiam spectant acta S. Laurentii apud Surium de *Vitis St. mentis Augusti p. 96 edit. Colonia 1718*, ubi agitur de baptismo per effusionem dato, & huc similia exempla, quæ refert Martenius de *antiqu. Eccl. rit. l. 1 c. 1 art. 14 §. 5 t. 1 p. 49 edit. Antwerp. seu Venet. 1763.* Ex quibus manifestum est, etiam Baptismum aspersione aut effusionem collatum semper validum habitum fuisse: licet antiquitus in eo conferendo immersio ad adhiberetur.

(5) S. Joan. Chrysost. *Homil. 6 in Coloss. n. 4 opp. t. 11 p. 569 ed. Paris.*, S. Cyrillus Hierosolymitan. *Catech. Mystagog. 2 part. 311 edit. Paris. 1720*, S. Ambrosius, seu potius Auctor *Serm. 19, n. 3 t. 4 opp. Ambros. col. 514 ed. Ven. 1751*, S. Zeno *Tract. 55 lib. 2 p. 248 1 edit. Ballerin. Augusta Vindelic. 1758.* Verum

ne quid in rei tam sanctæ administratione aspiceretur non decere, duo præsertim erant antiquis regulis constituta. Primum erat, ut viri ac mulieres separatim baptizarentur, & ideo vel in baptisteriis duo erant conclavia, alterum pro viris, alterum pro fœminis, vel alio tempore mares, alio fœmine baptismum suscipiebant; S. August. *De civit. Dei* l. 22 c. 8 col. 665 opp. t. 7 edit. indic., Hugo Menardus in *S. Greg. Sacramentar.* col. 382 t. 3 ed. Maur. Paris. 1705; Albinus l'acrus *de Divin. Offic. de Sabb. S. Pasche* col. 258 Bibl. PP. t. 10 ed. Paris. 1624. Alterum erat, ut Diaconissæ præsto essent fœminis baptismum susceperis, ac per eas muliebri verecundiæ consuleretur. S. Epiphanius *Hæres.* 59 sive 79 *advers. Collyrid.* n. 3 t. 1 p. 1060 ed. Coloniae 1682.

(4) Trinam hanc immersionem memorant omnes antiqui Patres, inter ceteros Tertullianus *de Coron.* cap. 3 p. 102 & *Advers. Praxeam* cap. 27 p. 510 ed. Rigaltii Paris. 1675, S. Ioan. Chrysost. *Hom.* 25 in *Joan.* n. 2 opp. t. 8 p. 146 ed. Paris. cit., S. Cyrillus Hierosolym. *Catech.* 20 n. 4 p. 512 ed. Paris. 1720, S. Greg. Nyssenus *de Baptism. Christi.* p. 804 t. 2 ed. Paris. 1615, S. Ambrosius *de Sacram.* l. 2 c. 7 n. 20 col. 452 opp. t. 3 ed. Maurin. Venet. Hanc autem aquam aliquantulum calefactam fuisse, ne qui toto corpore mergebantur ac præsertim pueri, aliquid ex nimio frigore caperent detrimenti, non obscure demonstrat S. Zeno *Tract.* 35 l. 2 p. 246 ind. ed., cum memorat aquam in baptisterio igne dulcissimo temperatam. In unaquaque immersione non integra baptismi forma pronuntiabatur, sed unius personæ nomen appellabatur, ut colligitur ex Tertulliano *lib. advers. Praxeam* c. 27 p. 516 edit. Venet. 1744, ex S. Ambrosio *de Sacram.* l. 2 c. 7 opp. t. 3 col. 452 edit. Maurin. Venet. 1751, & ex Rit. Rom., ubi præscribitur: *Fuerum baptizet dicendo: Ego te baptizo in nomine Patris, & semel immergat, & Filii, et secundo immergat, et Spiritus Sancti amen, et tertio immergat.* Idem patet ex Euchologio Græcorum.

§. 25. Quæ immersio, &eductio repræsentabat Christi mortem, & resurrectionem (1); eaque triplex erat, ut tri-duana Christi sepultura, fideique professio in Sacros. Trinitatem indicarentur (2). Erat tamen hæc trino immersio præcepti ecclesiastici, cuius violati pœnas dabat qui eam neglexisset (3); verum ad vim, ac necessitatem sacramenti non pertinebat (4). Græci nunc etiam in conferendo baptismo immersionem retinent; sed Latini post sec. XII effusionem adhibere cœperunt, cum illa nudati corporis immersio, præsertim infantibus, gravis, & periculosa deprehenderetur (5). Abluendum est autem præsertim caput, ac tanta effundenda est aquæ copia, quanta opus est, ut baptizandus vere ablutus dici possit.

(1) S. Ambrosius *loc. cit.* n. 25, S. Jo. Chrysost. *Hom.* 40 in *I ad Corin.* n. 1 p. 570 t. 10 edit. Paris. cit., Concil. Toletanum IV *can.* 6 apud Labbeum t. 6 col. 1452 ed. Venet.



(2) S. Cyrillus Hierosol. *Catech. 2 mistag. n. 4 p. 312 ed. ind.*, S. Greg. M. l. 1 ep. 43 opp. t. 2 col. 532 ed. Paris. cit.

(3) Canon. Apostol. 50 p. 449 apud Cotelierum *PP. Apostol. t. 1 ed. Amstelod. 1724*, D. Thomas in *Summa par. 3 qu. 66 art. 4*.

(4) Ita cum in Hispania nonnulli unam tantum immersionem adhibuissent, ne Arianos imitari viderentur, qui triplici immersione triplicem in Trinitate substantiam indicabant, eorum factum probavit S. Greg. M. l. 1 ep. 45 ad Leandr. t. 2 opp. col. 532 ed. cit., quod Gregorii decretum cum laude memorant Patres Concil. Toletani IV *can. 6 loco mox ind.* Præclare S. Thomas *loc. cit.*: *Utramque licite fieri potest, inquit, scilicet & semel, & iterum immergere, quin unica immersione significatur unitas mortis Christi, et unitas Deitatis; per trinam autem immersionem significatur triduum sepulture Christi, et etiam Trinitas personarum.* Vide etiam S. Hildephonsus *Adnot. de Cognit. Baptism. c. 117* apud Balutium *Miscell. sacr. t. 2 p. 34 ed. Lucæ 1751*.

(5) Sæc. XIII, quo D. Thomas vitæ usura fruebatur, jam in locis quibusdam apud Latinos immersio desuescere coeperat; & ipse Thomas docet, uno aut altero ex tribus illis modis recte baptismum conferri, quamquam totius esse dicat, eum dare per immersionem, qui sua adhuc ætate communior erat baptismi conferendi modus. Ait enim in *Summa loc. cit. art. 7. Ablutio autem fieri potest per aquam, non solum per modum immersionis, sed etiam per modum aspersionis vel effusionis; et ideo quampis tutius sit baptizare per modum immersionis (quia hoc habet communior usus) potest tamen fieri baptismus per modum aspersionis, vel etiam per modum effusionis.* Quæ ex loco perspicuum meo quidem iudicio est, ea tempestate, qua D. Thomas florebat, communior quidem fuisse ærum immersionis, sed tamen quibusdam etiam usitatam fuisse aspersionem aut effusionem. Guilelmus Beveregius in *Not. ad can. 50 Apostol. p. 472* apud Cotelierum *PP. Apostol. t. 1 ed. Amstelod. indic.* putat immersionis loco aspersionem, sive profusionem aquæ, in Occidentali præsertim Ecclesia, plusquam mille abhinc annis, Gregorii videlicet 1. ætate; substitutam esse. Sed certa desunt antiqua monumenta, quibus hæc Beveregii opinio niti posse videatur. Illud tamen animadvertam, quod etiam antiquior aspersionis in baptismo, & eo quidem solemnî, ut videtur, adhibitæ mentio est in opusculo de *Ecclesiast. Dogmatibus*, quod inter opera falso Augustino adscripta PP. Maurini rejiciunt ad *Appendic. t. 8*, & plerique tribuunt Gennadio Massiliensi Gallicanæ factionis, contra quam Prosper & Hilarius Augustino scripserunt. Nam c. 41 ejus *oper. col. 79 t. 8 opp. Augustin. ed. Maurin. Ven. indic.* Baptismus, & Martyrium inter se comparantur, atque hæc habentur: *Baptizandus confitetur fidem suam coram sacerdote, et interrogatur responder; hoc Martyr coram persecutore facit, qui et confitetur fidem suam, et interrogatur respondet: Ille post confessionem vel adpergitur aqua, vel tingitur; et hic vel adpergitur sanguine, vel tingitur igne.* An non hic locus argumento esse potest, quod in ea regione in qua Gennadius scripsit, immersionis loco aspersio adhiberetur? Utut ea de re sit, certe generatim tum apud Latinos ubique obtinuit immersio, quæ alicubi vigeat sæc. XIV, uti ostendit Codex membranaceus, qui cum aliis compluribus extat in museo Alberti fratris mei Canonici Basilicæ S. Mariæ trans

laicus præsente clerico, neque clericus, cum adest sacerdos, sibi sumere hoc munus debent (5). Recte, inquam, hoc est sine culpa; ceterum, etiam absente necessitate, baptismus a laicis collatus valet, sed ne ii contra ecclesiae disciplinam peccant (4). De Baptismo ab hæreticis aut infidelibus dato magna olim disputatio fuit, num valeret; sed eum valere certum est, si tamen id efficere propositum eis fuerit, quod catholica Ecclesia facit (5).

(1) Confer Catech. Roman. par. 2 c. 2 §. 25, & S. Thom. in summa par. 5 qu. 67 art. 2. Quod si a Tertull. de Baptism. c. 17 p. 250 ed. Rigulii Paris. 1675, S. Hieronymo Diss. advers. Luciferian. n. 9 col. 182 opp. t. 2 ed. Verona 1735, aliisque Patribus scriptum est, baptismum sine auctoritate, aut jussione Episcopi a Presbytero non esse conferendum, id referri debet ad solemnem baptismum, qui certis anni diebus administrari consueverat. Non omnis tamen Presbyter, sed tantum proprius, hoc est Parochus, jure ordinatio baptizat.

(2) Can. 21 dist. 4 de Consecr., Tertullianus loc. cit. p. 251, S. August. Contr. epist. Parmen. l. 2 c. 15 col. 44 opp. t. 9 edit. Venet. indic., Concil. Eliberitanum can. 38 apud Labbeum t. 1 col. 996 ed. Venet. Quo in canone videtur excludi bigamus, etiam necessitate cogente, a baptismi administratione. Statuit enim, *potius fidelem, qui lavacrum suum integrum habet, nec sit bigamus, baptizari in necessitate*. Mirum id videtur Dionysio Petavio in Not. ad Epiphan. t. 2 p. 341 ed. Paris. 1722, quod bigamis baptizari in tanta necessitate non licuit. Verum, uti observant Albaspinus in Not. p. 175 edit. Neap. 1770, canon non omnino excludit bigamum a baptismi administratione, sed in eo munere bigamo vult præferri laicum, qui bigamus non sit.

(3) Vide Catechismum Romanum loc. cit. §. 25. \*

(4) Apposite Augustinus Contr. epist. Parmen. citat. c. 15: *Nulla, inquit, necessitate si fiat, alieni muneris usurpationis est.*

(5) Concil. Trident. Sess. 7 can. 4 de Baptism. Primus Agrippinus Carthaginensis Episcopus in exitu sæc. II hæreticorum baptismum irritum judicavit, S. August. de Baptism. Contr. Donatist. l. 2 c. 7 col. 102 opp. t. 9 ed. Maurin. Venet. ind., S. Vincentius Lirinensis Commonit. c. 6 p. 306 Baluzii Pedeponti 1743 Agrippini sententiam sæc. III, S. Cyprianus, atque alii tum in Asia, tum in Africa Episcopi sequuti sunt. Consule Natalem Alexandrum Hist. Eccl. sæc. 3 diss. 12 p. 92 ed. Venet. 1776. Sed S. Stephanus Pontifex ratum habuit baptismum hæreticorum, modo esset collatus secundum catholicæ Ecclesiae leges, atque hoc Stephani iudicium universa Ecclesia sequuta est in plenario, hoc est œcumenico Concilio, quod mortuo Cypriano, se tamen nondum nato habitum testatur Augustinus de Baptism. l. 2 c. 4 & 9 col. 98 & 104 t. 9 opp. ed. Venet. cit. Spectat Augustinus (quod mihi quidem verisimilius videtur, licet non eadem omnium sententia ea de re sit, ut ostendunt Tournelyus Trelezi. theol. de Sacram. in gener. qu. 7 art. 2 concil. ult., & Jueninus de Sacram. diss. 3 art. 3 §. 5) ad Nicænam Synodum, quæ, uti loquitur Hieronymus loc. cit. c.

omnes hæreticos suscipit (Can. 8) exceptis Pauli Samosatani discipulis, de quibus agitur can. 16 quoniam hi præscriptam ab Ecclesia formam non observabant. Probavit, inquam, Stephanus hæreticorum baptismum, modo secundum catholicæ Ecclesiæ ritus collatus fuisset. Nam calumnia est, quam inter ceteros refellunt Natalis Alex. *Histor. ecclesiast. Sæc. 5 diss. 14 art. 1 t. 4 p. 104 ed. indic. & Tournelyus Præfati. Theolog. de Sacram. in genere qu. 7 art. 2*, Blondelli Basnagii, & aliorum agentium, Stephanum probasse etiam baptismum hæreticorum, Catholicæ Ecclesiæ ritus non servantium. Infidelis qui in eo conferendo leges ritusque ecclesiæ servet, atque id velit facere, quod illa facit, ejus quoque baptismum valere, respondit Nicolaus I. in can. 24 de Consecr. 4. Augustinus ea in re ancipiti contentione distractus nihil affirmandum dixit *Contrar. ep. Parmen. l. 1 c. 15 col. 45 t. 9 opp. ed. Ven. cit. sine auctoritate tanti concilii, quantum tamæ rei sufficit.*

§. 28. Baptizantur tam infantes, quam adulti; in illis originale peccatum tollitur, in his universa. Infantes rationis usu carentes baptismo donandos non esse, hæreticorum quorundam opinio fuit: sed eos recte in fide Ecclesiæ baptizari, certum est (1). Ut vero eorum baptismus valeat, ex utero matris in lucem editi esse debent; quoniam inutilis est baptismus eorum, qui cum intus in utero inclusi lateant, aqua tingi non possunt (2). Quod si ex eo non totum corpus, sed ejus partem eduxerint, ea pars abluatur (3), cum mors imminet, atque in primis caput, si prodierit. Infantes filios infidelium baptismo donari vetat Ecclesia, nisi vel mors immineat, vel a parentibus expositi ac relictæ sint, vel saltem eorum aliter assentiatur (4).

(1) Concil. Trident. *Sess. 7 can. 12 & 13 de Baptism.*, Catech. Rom. *par. 2 c. 2 §. 32 & apposite Origenes Hom. 8 in Levitic. t. 2 opp. p. 250 edit. Paris. 1733 secundum Ecclesiæ observantiam baptisma etiam parvulis dari inquit.* Anabaptistarum error, qui parvulos baptizari posse negabant, jam explosus, atque rejectus ab Ecclesia est, lateque adversus illos disputant scriptores rerum Theologicarum, præsertim Drouvenius *de re Sacrament. l. 2 qu. 6 c. 2*. Sunt qui exdubaptismum recentiori ætate inductum putant, ac negant, Ecclesiam duobus prioribus sæculis baptismum infantibus dare consuevisse. Sed eos late refellit Binghamus *Origin. Eccles. l. 11 c. 4 §. 5 & seq. t. 4 p. 192 ed. Hulsæ Magdeburg. 1755 testimoniis Clementis Romani, Hermæ Pastoris, Justinii Mart., Irenæi, Tertulliani, Origenis, Cypriani, omnium denique Patrum, qui duobus tribusque prioribus ecclesiæ sæculis floruerunt.* Constat enim, ecclesiam semper certam ac fixam habuisse doctrinam de peccato originali, atque ejus delendi causa baptismum infantibus tribuisse.

(2) Vide S. Augustinum *Contr. Julianum l. 6 c. 5 n. 13 col. 666*

opp. t. 10 *ed. indic.* S. Thom. in *Summa* par. 3 q. 63 art. 12. Quæstio tamen est, num recte baptizetur infans adhuc latitans in utero matris, cum ejus corpus aqua per ostium uteri immissa tingi potest. Late ea de re agit Bened. XIV de *Synod. dioces. l. 7 c. 5*, ac puerum in eo rerum discrimine ita baptizandum monet sub conditione, sub qua similiter baptizandus erit, si in lucem prodcat. Ceterum non ambigitur, quin recte baptizetur infans, qui sæcto matris utero in lucem eductus est, quin etiam, mortua matre, ejus uterum reserandum esse per sectionem caesaream, ut inde extrahatur infans, ac baptizetur, docent S. Thomas *loc. cit.* Rituale Rom. *sic. 7 de Baptizandis pueris §. 3.* Instructio edita a S. Carolo Borromæo pro recta administratione baptismi *sic. de iis, quæ Parochus curet, cum timesur de partu, Aflor. Eccles. Mediolan. par. 4 p. 502.* Multa enim sunt exempla infantum, qui ex mortuæ matris utero vivi prodierunt, qui adoleverunt, & qui etiam ad senectutem ætate processerunt. Conser Theophilum Raynaudum de *Orat. infant. per section. caesar. c. 2 opp. t. 14.* Auctorem *Lexici universalis rei medicæ verb. Casarea sectio t. 2.* Heisterum *Inst. chirurgic. par. 2 sect. 5 c. 3 t. 3.* & Franciscum Emanuele Cangiamilam, qui peculiari libro Panormi edito an. 1745 materiam hanc fuscè pertraxit.

(3) *Exspectanda est*, inquit S. Thomas *cit. qu. 63 art. 12 ad 4* totalis egressio pueri ex utero ad baptismum, nisi mors imminuat. Si tamen primo caput egrediatur, in quo fundantur omnes sensus, debet baptizari, periculo imminente, & non est postea rebaptizandus, si eum perfecte nasci contigeris. Et videtur idem faciendum, quæcumque alia pars egrediatur, periculo imminente. Quia tamen in nulla exteriorum partium integritas vita ita consistit, sicut in capite; videtur quibusdam, quod propter dubium, quæcumque alia parte corporis abluta, puer post perfectam natiuitatem sit baptizandus sub hac forma: si non est baptizatus, ego te baptizo. Consentiant Rituale Rom. *sic. de Baptizand. parvul.: & Instruct. S. Caroli Borromæi Aflor. Eccles. Mediolan. par. 3 p. 422 §. Si vero factus, t. 1 ed. Patavii 1754.* Consule Bened. XIV, qui ea de re copiose disputat de *Synod. Dioces. l. 7 c. 5 n. 7 & seq.*

(4) Quod de parentibus dico, idem etiam dictum volo de tutoribus, qui cum parentum locum obtineant, eorum quoque consensus requiritur, ut Hebræorum infantes baptizentur. Quæsitum est, num avus paternus puerum hebræum, invitis parentibus, baptismo offerre possit. Constat id recte fieri, si puer patrem amiserit, ac matrem habeat dissentientem; quin etiam multi sunt, qui idem fieri posse defendunt, cum ambo parentes sospites sunt, & ambo dissentiant. Gravior de avia paterna controversia fuit, quam definiuit Bened. XIV literis datis ad Petrum Hieronymum Guilelmum, quæ extant in *ejus Bullario constit. 54 t. 5 p. 259 ed. Romæ seu Ven.*, & quibus statutum est, aviam paternam puerum hebræum baptismo offerre posse, quamquam mater, tutoresque dissentiant. Vide laudatam *Constitut. 54.* & alteram ejusdem Benedicti *Constitut. 28 p. 113 ejus Bullarii t. 2 indic. edit.*, ubi de baptismo Hebræorum tum infantum, tum adultorum late agitur, & omnia, quæ ad hanc materiam pertinent, accurate evolvuntur.

§. 29. Adulti baptismo non donantur, nisi illum sua sponte petant, quoniam nemini ad credendum vis inferenda est (1); neque cum petunt, statim baptismum obtinent, sed primum fidei rudimenta edocentur; unde factum catechumenorum nomen a græco verbo *κατηχουμαι* *docere, erudire*. Vetus hæc est Ecclesiæ consuetudo, ut adulti ad baptismum accedant, posteaquam in re Christiana eruditi sunt, eorumque animus diligenter cognitus atque exploratus est. Ea de causa instituta est catechesis, divisaque, ut rectius procederet, in gradus tres aut quatuor, nimirum in *audientes, genuflectentes & competentes* sive *electos* (2).

(1) Concil. Toletanum IV *can. 57 t. 3 collect.* Harduini, S. Gregorius M. l. 1 ep. 47 col. 542 t. 2 *opp. ed. Paris. 1705.*

(2) Initio Ecclesiæ, nulla interposita mora, baptismus dari consuevisse videtur, cum eum suscepturus suum jam satis patefecisset animum pietatis, & religionis plenum, fideique mysteria percepisset. Ita a Petro & Philippo factum constat ex Añ. Apostol. VIII 58, X 47. Verumtamen cum experimento plane compertum esset, non satis tutam esse fidem eorum, qui sine periculo baptismo donati fuerant, institutus est catechumenatus, ut ita singulorum fides & vita diligenter probaretur. Habebat autem catechumenatus certos gradus, quos singillatim excurrere oportebat, ut ita catechumenos ad rem christianam diligentius institueretur. Græci canonum interpretes Theodorus Balsamon, Alexius Aristinus, Ioannes Zonaras in *Not. ad Concil. Nicæsar. can. 3* apud Berveregium *Pandect. canon. t. 1 p. 405 & 406 edit. Oxonii 1672*, duos fecere gradus catechumenorum, alterum eorum, quos *ατελίστους imperfectiores*, alterum eorum, quos *τελειωμένους perfectiores* vocant. Duos etiam fecere gradus Beveregius *loc. cit.*, Caveus *Frimit. Christ. l. 1 c. 8*, Svicerus *Theaur. t. 2 verb. κατηχew*, Basnagius *de Reb. Sacr. & Ecclesiast. cont. Baron. p. 485 ed. Ultraject. 1692*. Sed eos plerique rejiciunt, quod ex ecclesiasticis monumentis compertum est, tres aut quatuor fuisse catechumenorum gradus. Confer Ducangium *Glossar. verb. Catechumeni*, Cardin. Bonam *Rer. liturgic. l. 1 c. 15 §. 4*, ibique *Salamin Not. p. 343 & seq. t. 1 c. 1 art. 6 t. 1 p. 12 edit. Antuerpiæ seu Venet. 1765* aliosque complures. Thiersius tamen *Exposit. Sacram. c. 8*, & Martenius *loc. cit. a competentibus electis* discriminant; sed Morinus *de Fami. l. 6 c. 1*, quem plerique sequuntur, unum & eundem facit *competentium*, atque *electorum* gradum. Forte non ubique, nec semper una & eadem obtinuit disciplina. Certo duo tantum gradus, alius videlicet eorum, qui proprie *catechumeni*, & alius eorum qui *competentes* vocabantur, hoc est *imperfectiores, & perfectiores*, memorantur ab Origene *Contr. Celsum l. 2 p. 487 n. 69 & seq. t. 1 ed. Paris. indic.*, S. Zenone *l. 2 tract. 1. opp. ed. Aug. Vindelic. 1758*, S. Isidoro *de Offic. Eccl. l. 2 t. 20 & 21 p. 609 & 610 ed. Paris. 1601*, Rabano *de Instit. clericor. l. 1 c. 26 opp.*

1. 6 p. 9 ed. Colonia 1662, Laidrado Lugdunen. de Sacram. Baptism. c. 1 apud Mabillonium *Veter. analect.* p. 78 ed. Paris. 1723. Contra plerique ecclesiastici scriptores passim recensent tres aut quatuor catechumenorum gradus; quæ diversitas ad temporum & locorum usus referenda videtur. Probari tamen nequit opinio Josephi Binghami, qui l. 10 *Orig. Eccles.* c. 2 §. 2 p. 17 t. 4 ed. Hala Magdeburg. 1755 alium invenit gradum catechumenorum, qui cum in imo catechumenorum gradu peccassent, ab ecclesia expellebantur, quos ipse *ἐκδοκίμους* vocat, sumpto vocabulo Concilii Neocæsariensis *can. col. 5324 t. 1 collect.* Harduini edit. Paris. ubi sancitum est quod si audiens peccaverit *ἐκδοκίμους*. Non erat hic catechumenorum gradus, sed erat expulsio & ejectione ab omni gradu catechumenorum, quæ eadem de poenitentibus, qui peccassent, disciplina obtinebat. Hoc tamen erat discrimen inter catechumenos, & poenitentes, quod ii suum etiam habebant gradum extra ecclesiam, quo loco erant *στέτες*, sed catechumeni nullum huiusmodi gradum obtinebant, & ideo cum ab Ecclesia expellebantur, arcebantur a Catechumenatu, mittebanturque ad illos, quos Ecclesia ab se prorsus alienos habebat. Simili ratione Synodus Eliberitana catechumenas, quæ haberent *comatos, aut viros cinerarios*, arceat a communione, videlicet ab Ecclesia, & a Catechumenatu, uti eum canonem recte explicat Albaspinzus pag. 185 ed. Neap. 1770.

§. 30. In imo gradu erant *Audientes*, ii nimirum, qui in ecclesia sermones, sacrasque scripturas audiebant, unde eorum nomen factum est. Qui se Baptismi desiderio teneri significaverant, signabantur signo crucis (1), ac manuum impositione (2), certisque precibus (3) catechumeni fiebant. Hi praesentes non erant, cum sacrificium peragebatur: sed finita Scripturarum explicatione cum ethnicis abibant, clamante Diacono: *ne quis audientium, ne quis infidelium* (4).

(1) Augustinus de *Catech. rud.* c. 25 opp. t. 6 col. 293 ed. Venet. cit., Theodoretus *Histor. Eccles.* l. 4 c. 18 p. 169 ed. Valerii Cantabrig. 1720. In antiquo Codice Monasterii Bobiensis, quem Mabillonius dedit in *Mur. Italic.* t. 1, tum in fronte, tum in corde signum crucis fieri jubetur. Alius est ritus Missalis Gotici editi a Josepho Thomasio. Utrumque cum aliis libris ritualibus descripsit Martenius de *Aniq. Eccles. ritib.* l. 1 c. 1 art. 7 t. 1 p. 15 ed. Antwerp. seu Venet. 1763. Illud in Bobiensi Codice, quem Mabillonius edidit, animadvertendum est, quod non tantum signum crucis fieri, sed etiam *symbolum dici* jubetur: quod est contra arcani disciplinam, quæ symbolum coram catechumenis recitari vetabat. Forte illæ preces ad catechumenos non pertinebant, antequam mos generatim obtineret baptizandi pueros, qui simul catechumeni fiebant, & baptismum accipiebant.

(2) Severus Sulpitius *Dial.* 2 de virt. S. Martini c. 4 p. 107 t. 1 ed. Verona 1741, Eusebius in *Vit. Constantin.* l. 4 c. 61 p. 631

ed. *Valesii Cantabrig.*, Conc. Arelatense I. *can.* 6 apud Labbzum t. 1. col. 1451 ed. *Ven.* Ex hoc ritu explicandi sunt *can.* 59 Concil. Eliberitani tom. 1 col. 997 *can.* 7 Concilii Constantinop. I. t. 2 col. 1129 & *can.* 95 Trullani apud *cit.* Labbzum t. 7 col. 1557, quibus locis *Christianum facere* idem est atque aliquem manuum impositione, certisque precibus in imo catechumenorum gradu collocare. Confer Hugonem Menardum in *Sacram. S. Gregorii M. Not.* 334 opp. t. 5 col. 361 seq. ed. *Maurin. Paris.* 1705, a quo cuncta, quæ ad hanc materiam pertinent, accurate describuntur.

(3) Consule Martenium *loc. cit.*

(4) Auctor *Constit. Apostolic.* l. 8 cap. 5 apud Cotelierum *PP. Apostolic.* tom. 1 pag. 569 ed. *Amstelodami* 724.

§. 31. Proximus erat locus *Genuflectentium*, quibus in genua provolutis imponebantur manus; atque hi proprie cathemeni dicebantur, quæque ad eos perinebat liturgiae pars, catechumenorum oratio vocabatur (1). Ad eos referebatur ea Diaconi proclamatio: *Quicumque catechumeni discedite.* Summus erat gradus eorum, qui citò baptismum erant suscepturi, quique appellabantur *Competentes*, quod jam baptismum peterent (2), & *Electi*, quod ad baptismum proxime accipiendum eligerentur (3). Hi sua dabant baptismi nomina, quæ Diaconus viventium diptycis inserebat (4); & pro ipsis certae fundebantur preces, posteaquam reliqui catechumeni e templo discesserant (5).

(1) Concil. Nicænum *Can.* 14 apud Labbzum t. 2 col. 39. Post Episcopi sermonem catechumenorum oratio peragebatur, uti patet ex Conc. Laodiceno *Can.* 19 apud eundem Labbzum t. 1 col. 1554. Harum autem precationum formulæ *Constitutionibus Apostolicis loc. ind. c.* 6 p. 399, atque a Chrysostomo *Hom.* 2 in 2 ad *Corint.* n. 8 p. 440 t. 10 ed. *indit.* recitantur.

(2) S. August. *de Fide & oper.* c. 6 col. 169 t. 6 opp. ed. *Maurin. Ven. cit.*, & *Sermon.* 218 col. 853 t. 5, S. Hidelfonsus *Adnot. de cognit. baptism.* c. 30 apud Balutium *Miscellan. sacr.* p. 221. 2 ed. *Luca* 1761.

(3) S. Leo M. *Ep.* 16 ad *Episcop. Sicul.* c. 5 opp. t. 2 p. 80 edit. *Rome* 1755. Extat in *Constitut. Apostolicis* l. 8 c. 8 p. 599 *loc. cit.* oratio pro his catechumenis, hui *βαπτίζοντες*, hoc est jamjam baptizandi appellantur.

(4) S. August. *de Cur. gerend. pro mort.* c. 12 col. 525 opp. t. 6 *laud. ed. Venet.* Auctor operis, quod Dionysii nomine circumfertur, *de Hierarch. eccles.* c. 2 §. 5, ibique Pachimeres p. 753 & 275 t. 1 edit. *Antwerp. cit.*, Conc. Constantinop. sub Menna habitum *act.* 5 col. 1323. t. *collect.* Harduini.

(5) Græcam Ecclesiam certas pro catechumenis, energumenis & pœnitentibus preces habuisse constat, quæ quidem diverso tempore fundebantur; sed non ita exploratum est, num eadem etiam fuerit Latine Ecclesiæ disciplina. Eandem prorsus fuisse, verisimile est, uti observat Binghamus *Origin. eccles.* l. 14 c. 5 t. 6 p. 228 ed. *indit.*

§. 52. Statim ac catechumeni inter audientes erant relati, incipiebant catecheses, quibus fidei rationes, vitæque christianæ officia edocebantur. Quo munere instituendi catechumenos Episcopi, aut Presbyteri, Diaconive, minoresve etiam clerici, & interdum laici fungebantur (1). Docebant autem catechistæ in exedris Ecclesiæ (2); magnaue erat in catechumenis instituendis eorum cura & diligentia; quasi qui formarent animos teneros puerorum, qui primum imbuuntur iis, quæ cognitu facilia sunt, ut ad graviora & difficiliora paratiores accedant. Quare primum veritates simplices & apertas proponebant, officiaque explicabant vitæ christianæ (3): sed de mysteriis religionis ac ritibus sacramentorum nullum faciebant verbum, antequam proxime adesset Baptismi suscipiendi tenipus; qua in re catechumeni pares erant ceteris profanis, qui mysteria nostra ignorabant. Atque hæc celebris est arcana disciplina, quam ab ipso Christo, et Apostolis, acceptam diu Christiani retinuerunt (4), quæque demum sua veluti sponte desiit, postquam ethnica superstitio fere ubique extincta, et sublata fuit (5).

(1) Episcopum catechistæ officio fungum testatur *S. August. Ep. 20 col. 901 n. 4 t. 3*, ac Theodorus Iector *Collectan. lib. 2 in Biblioth. PP. t. 26 p. 86 ed. Lugdun.* Presbyterum constat ex Chrysostomo *Catechet. ad illuminandos opp. t. 2 p. 225 cit. ed. Paris.*, quam ipse habuit, cum esset Presbyter Antiochiæ. Diaconum ostendit August. *de Catechiz. rudib. cap. V col. 263 opp. t. 6 ed. Maurin. Ven. cit.*, Lectorem, Cyprianus *Ep. 24 p. 35 ed. Rigaltii Paris. 1666*, neque majorem ordinem in ecclesia habuisse videtur Origenes, quem Eusebius *Histor. l. 6 c. 5 p. 260 ed. Cantabrig. 1720*, & S. Hieronymus *de Vir. illustr. in Origene c. 54 opp. t. 2 col. 877 edit. Verona cit.*, Catechistam Alexandriæ fuisse narrant, cum decem atque octo annos natus esset. De laico vide Auctorem *Constit. Apostol. l. 8 c. 52* apud Cotelerium p. 418 *ed. indic.*

(2) S. Ambrosius *Epist. 20 ad Marcellianam n. 4 col. 901 edit. Venet. cit. t. 3* se competentibus in Baptisterio symbolam tradidisse scribit. Erant autem, ut plurimum distincta, sed ecclesiæ conjuncta ædificia, in quibus catechumeni instituebantur, quæque *catechumenia*, sive *catechumenorum mansiones* dicuntur a Leone Novell. 72, atque a Conc. Trullano *Can. 97* apud Labbæum t. 7 col. 1390 *ed. Venet.* Balsamone ac Zonara *in eum Can.* apud Beveregium *Pandect. Canon. t. 1 p. 275 etc. Oxonii 1672.* Cum Episcopus aut Presbyter catecheses habebant, eas habebant etiam in Ecclesia, ceteri extra eam; atque hinc Demetrius Alexandrinus graviter reprehendit Alexandrum Episc. Hierosolym., & Theodotum Episc. Casareensem, quod Origenem, cum nondum esset Presbyter, publice in Ecclesia concionandi facultatem dedissent. Confer Valesium *in Euseb. l. 6*



c. 19 p. 285 n. 5 edit. Cantabrigiæ 1720. Multa de catechisibus habet *Diss. 2 S. Cyrilli Hierosolymitan. cap. 4 & 5.*

(3) S. August. singulari libro, quem edidit, de *Catechizandis rudibus*, & cujus veluti summam edidit Alcuinus Ep. 7 ad *Carolus M. p. 1487 ed. Par. 1617*, ritus tradit in catechumenorum institutione servandos. Consule Chardonius *Histor. sacrament. l. 1 c. 3.*

(4) Arcani disciplinam ab ipsa Christi & Apostolorum memoria repetunt Antonius Pagius in *Baron. ad an. 118 n. 4 seqq. p. 95 t. 2 edit. Luca*; Chardonius *Histor. sacrament. l. 1 cap. 2*; Emanuel Schelestratus, qui peculiari dissertatione de *Disciplina arcani* egregie, præter ceteros, materiam hæc illustravit. Huc sane spectat illud Christi, qui cum a discipulis interrogatus fuisset, quomobrem Judæos parabolis alloqueretur, respondit apud *Matthæum XIII 11, quia vobis datum est nosse mysteria regni cælorum; illis autem non est datum; & huc similiter ea verba ipsius Christi ad Apostolos, Matth. VII 6, nolite sanctum dare canibus, neque mitti margaritas vestras ante porcos, quemadmodum verba ipsa interpretantur Clemens Alexand. Stromat. l. 1 p. 348 t. 12 t. 1 ed. Oxonii 1715, Tertullianus de præscript. advers. heretic. c. 41 pag. 217 ed. Rigaltii Paris. 1675, Chrysostomus de Compunct. l. 1 c. 6 opp. t. 1 p. 131, et Homil. 22 in Matth. n. 3 p. 287 t. 7 ed. Paris. cit. Quod a Christo acceperant, Apostolos, atque Ecclesiæ Patres fecisse, manifestum est. Nam Apostoli in orationibus ad Judæos, atque Ethnicos nullum de abditis fidei mysteriis verbum habent Act. II, IV, X, XVII, nominatim autem Paulum Christi legem observasse tradit *Clement Alexandrinus Stromat. l. 5 c. 10 p. 685 t. 2 ed. cit. ex eo Pauli verbo: ut aliquid impartiar vobis gratia spiritualis, itemque ex eo sapientiam loquimur inter perfectos. Apostolorum exemplo Ecclesiæ Patres reticentiæ legem, arcanique disciplinam servasse diligenter, constat ex Tertull. loc. cit. Cyrillo Hierosolym. Catech. 6 n. 29. 106 ed. Paris. cit. Nazianzeno Orat. 40 de Baptismo. p. 647 t. 1 opp. edit. Paris. cit. Chrysostomo Hom. 46 in Act. c. 3 opp. t. 9 p. 349 ed. ind., Cyrillo Alexandr. Adv. Julian l. 7 p. 245 opp. Julian. ed. Lipsiæ 1696, Ambrosio Offic. l. 1 c. 50 n. 260 opp. t. 3 col. 79 ed. indic., Augustino in Psalm. 109 n. 17 opp. t. 4 col. 1241 edit. ind., Innoc. I. Epist. 25 ad Decent. apud Constantium Ep. Roman. Pontif. col. 859. Quod etiam confirmat reprehensio illa Ethnicorum adversus Christianos, quod clancularia esset eorum doctrina, & confirmat id, quod Athanasio ætate ab Arianis factum est. Hi enim, ut sibi Ethnicorum patrocinium adsciscerent, fracta arcani lege, rem totam patefacere non dubitarunt tum editis tractatibus, quibus Trinitatis mysterium explicabatur, tum etiam Ethnicis in ecclesiam admissis, ubi magis abdita & secreta perspiccerent. Hinc Athanasius Apol. cont. Arian. p. 118 n. 31 t. 1 opp. ed. Maur. Fatav. 1777, queritur de *Præfetto Ægypti Philagrio* apostata, ethnicisque militibus admitti ad ea disquirenda, quæ ne catholicos quidem conspiciere licuit. Sacra mysteria ab Ethnicis direpta, & in terram præferta in ordinatione Gregorii Alexandrini contra Athanasium memorat Epist. I. Julii Pap. ad Eusebianos apud Constantium Epist. Roman. Pontific. col. 378: *Profanos sanctorum, idest fidelium, judices, & novam ac inusitatam mixtionem, mysticas nempe questiones spectante vulgo tractatas* dolet Gregor. Nazianz.**

*In Orat. 21 de Laud. Albanasii n. 50 p. 339 opp. t. 1 Colonia 1690,* ex quo magnam tum catechumenorum, tum ethnicorum fuisse offensionem, constat ex Athanasio *de Synodis n. 2 opp. t. 1 par. 2 p. 573 ed. Patavii 1777.* Ex quibus intelligimus, cur in publicis Patrum concionibus, præsertim cum de sacramentis agitur, frequenter occurrat ea formula: *norunt initiati, norunt fideles, quod dicitur*; atque etiam intelligimus, quanta sit ad Religionem tuendam necessitas traditionis, per quam multa accepimus, quæ, ne profanis paterent, Ecclesie Patres literis consignare noluerunt. Hæretici scriptores Dallæus *de Scriptis Ignat. l. 1 c. 22,* & Binghamus *Origin. lib. 10 c. 56, 3 t. 4 p. 123 seq. ed. Hale Magdeburg. 1755,* hanc disciplinam Apostolis ignotam, multoque serius in Ecclesiam inductam putant. Sed eos refellunt, quæ de Christo & Apostolis memoriz sunt prodita; refellit Basilius *de Spiritu S. c. 27 p. 55 t. 3 opp. ed. cit.,* qui eam disciplinam ab Apostolis, atque antiquis Patribus servatam tradit; refellit Tertull. *loc. cit.,* qui eam repetit a Christi præcepto: *nolite sanctum dare canibus, neque mittatis margaritas vestras ante porcos.*

(5) Confer Pagium in *Baronium ad ann. 120 n. 4 & seq. p. 95 & seq. ed. Luca 1753 t. 2.*

§. 33, Cum satis erant probatis, & satis in re christiana eruditi (1), appropinquante solemni die (2), catechumeni baptismum petebant; & ideo sua dabant nomina (3), per quæ sese quasi candidatos baptismi declarabant, Ergo accipiebant symbolum, & orationem dominicam (4); sua confitebantur crimina (5), agebant pœnitentiam (6), manuum impositioni, exorcismis, exsufflationibus (7), precibus subiciebantur; atque etiam sal benedictus in eorum os inserebatur (8). Baptismus etiam antecedeant lotiones duæ, altera capitis, altera pedum (9), præterea caput catechumeni sacro oleo ungebatur (10). Sed Ecclesia in primis curabat, ut qui baptismum petebant, tanto munere essent digni; & ideo post data a competentibus nomina, plura adhibebat scrutinia, per quæ eorum corda scrutabatur, videbatque, quanta vigilantia convenirent, quo studio ferverent, qua cura penderent (11).

(1) De tempore catechumenatus non una, atque eadem semper fuit ecclesie disciplina. Synodus Eliberitana *Can. 42 apud Labbæum t. 1 col. 997 ed. Ven., & Justinus Novel. 144 cap. 5 apud Dionysium Gothofredum biennium*; Auctor *Constit. Apostolic. l. 8 c. 32 p. 418 t. 2 apud Cotelierum loc. ind., & Nicæni Patres Can. 14 t. 2 col. 39 apud citatum Labbæum triennium constituunt*; Synodus Agathensis *Can. 34 t. 5 col. 527, menses octo Judæis*; Synodus Eliberitana *Can. 4 col. 992 loco mox citato, annos tres Flaminibus præscribit.* Si quis in catechumenatu peccaret, tempus producebatur, ac de superiore ad inferiorem gradum catechumenus deficie-

batur, & cum in imo erat gradu, extrudebatur. Concilium Neocaesareense *Can. 51. i. col. 1514* apud eundem Labbeum. Interdum tempus ipsum contrahabatur, cum id iusta aliqua causa postulabat; atque ita S. Greg. M. *l. 8 ep. 25 col. 912 t. 2 ed. Paris. cit.* cuidam Episcopo permisit, ut Judæos in Agro Agrigentino baptizari cupientes, post indictum quadraginta dierum jejunium, baptismi donaret.

(2) Solemnis Baptismi tempus erat olim Pascha, & Pentecostes. Tertullianus *de Baptism. c. 19 p. 252 ed. Paris. 1675*, Siricius *Epist. 1 ad Himer. Tarraton. c. 2* apud Coustantium *loc. cit. col. 626*, Leo M. *Ep. 16 ad Episc. Sicil. c. 5 p. 89 opp. t. 2 ed. Romæ 1755*, Gelasius *Decret. c. 10* apud Pithæum *Cod. Can. p. 266 Paris. 1687*. Postea dies Natalis Christi, alique festi dies accesserunt. Græci etiam die Epiphaniæ, Galli quinque quotannis diebus, Hispani etiam diebus festis Apostolorum, ac Martyrum solemnem baptismum conferre consueverunt. Quæ omnia pluribus collectis antiquis monumentis accurato explicat Martenius *de Antiq. eccl. rit. l. 1 c. 1 art. 1 t. 1 p. 1 ed. Antuerpiæ Venet. 1763*. Verum non hoc ita intelligendum est, quasi non omni die baptismum conferre liceret, præsertim cum id iusta aliqua causa postularetur. Augustinus *Sermon. 210 n. 2 col. 927 t. 5 opp. ed. Martini. Venet. 1751*; & Siricius *P. cit. Epist. 1 ad Himer. Tarraton. c. 2 col. 627 Epist. 10 ad Gal. Episc. c. 4 col. 692* apud eundem Coustantium.

(3) Semper ante baptismum, sed non uno ubique tempore catechumeni sua dabant nomina. Novum sumebant ethnicum nomen; Christianorum liberi ante baptismum nullum, ut plurimum, habebant, ac si haberent, plerumque mutabant. Socrates *Histor. l. 7 c. 28 p. 368 ed. Cantabrig. cit.*, Gregorius Turonensis *Histor. Franc. l. 8 c. 22 col. 395 & Vit. Patr. c. 8 n. 1 col. 1184 ed. cit.*, Baronius *ad an. 259 n. 11 p. 69 col. 1184 t. 3 ed. Luca. Consule Conc. Carthagin. IV Can. 85* apud Labbeum *tom. 2 col. 1444 edit. Venet.*, S. Greg. Nyss. *in Orat. advers. eos qui differunt baptismum p. 956 t. 1 opp. ed. Paris. cit.*, S. Cyrillum Hierosolym. *Catech. 1 p. 18 n. 4 ed. cit.*, S. Augustinus *Confess. l. 9. c. 6 col. 162 t. 1 ed. Venet. cit.*

(4) Generatim definiri non potest, qua die competentibus symbolum traderetur, cum in ecclesiis quibusdam id fieret Dominica Palmarum, in aliis feria quarta post quartam Dominicam Quadragesimæ; in aliis denique aliis ante Pascha diebus; quin alii semel, alii bis, ter alii symbolum tradebant, sicuti observat Martenius *loc. cit. art. 11 §. 10 & seq. p. 23*. Antequam symbolum traderet Episcopus, aliquem ab eo tractatum habitum fuisse, indicat non obscure S. Ambrosius *ep. 20 n. 4 coll. 907 opp. t. 3 ed. Martini. Venet. 1751*. Dominica quoque oratio tradebatur, ut patet ex S. August. *Serm. 58 coll. 337 opp. t. 5 ed. Venet. ind.*, & in Romana quidem Ecclesia eadem die Symbolum, ac Dominica Oratio tradebantur.

(5) Tertullianus *de Baptism. c. 20 p. 132 ed. Paris. 1776*; Gregor. Nazianz. *Orat. 40 de Baptism. n. 26 opp. t. 1 p. 657 ed. Colonia 1690*, S. Cyrillus Hierosol. *Catech. 1 p. 18 n. 5 edit. Paris. cit.*, Eusebius *de Vit. Constantin. l. 4 c. 61 p. 661 ed. Valerii Cantabrig. 1720*. Non erat tamen hæc confessio ad baptismum necessaria, sed eam catechumeni emittebant, ut antiquam vitam in ætutinis exponentes, quærerent, quid desecere, quid sequi, & quod

vitæ institutum amplecti deberent, ut se vere christianos ostenderent. Hujus confessionis rationem non obscure indicat antiquus Auctor. *Serm. in psalm. 41 ad Neophytos in app. t. 6 opp. Augustini col. 287 edit. indic.*, cum de catechumenis dicit hæc: *per omnem quadragesimam vacaverunt orationi, atque jejunii, in sacco & cinere dormierunt, futuram vitam peccatorum suorum confessione querentib.*

(6) Consule Martenium *loc. cit.* art. 10 p. 28, ubi multa ea de re testimonia colliguntur. Ab hac poenitentia solos parvulos immunes fuisse docet August. *Serm. 351 c. 2 col. 1351; ac Serm. 352 c. 1 col. 1363 opp. t. 5 p. 2 ed. Ven. cit.* negat ad baptismum Christi, in quo omnia peccata delentur, quemquam bene accedere, nisi agendo poenitentiam de vita pristina. Ejus autem institutionem quidam repetunt a Petri præcepto, qui constat ex epistola Herivei Rhemensis ad Wittonem Rothomagensis c. 6 *Bib. io. b. PP. t. 17 p. 248 ed. Lugdun.*, ubi Clodoveum aliquot ante baptismum diebus commoratum tradit, ut poenitentia, secundum Apostolicum præceptum, prius ablueretur lacrymis, dicente B. Petro Principe Apostolorum: poenitentiam agite, & baptizetur unusquisque vestrum. Auctor *Recognitium l. 3 c. 67 & l. 7. c. 58 p. 537 & 564 apud Cotelierium PP. Apostolic. ed. ind.* jejunium memorat, cui baptismum suscepturi vacare debebant; & hujus quidem jejunii mentio etiam est apud Justinum M. *Apol. 1 n. 61 p. 79 ed. Maurin. Paris. 1742*, in Conc. Carthaginensi IV *Can. 85 col. 1444 t. 2 coll. Labbæi*, apud Tertull. *de Baptism. c. 20 p. 232 ed. Venet.*, S. August. *de Fid. & oper. c. 6 col. 169 opp. t. 6 ed. Maurin. Venet. 1731*, ubi & cetera, quæ Catechumenos præstare oportebat; describuntur.

(7) S. August. *loc. mox cit.* Apud Latinos exsufflationes in faciem catechumeni fiebant, uti constat ex Libris Ritualibus; apud Græcos etiam in aures. Concil. Constantinop. I. *Can. 6 apud Labbæum t. 2 collect. 1129.*

(8) S. August. *Confess. l. 1 c. 11 collect. 75 opp. t. 1 ed. Maurin. Ven. cit.*, quem salem August. *de Baptism. contr. Donat. l. 4 cap. 21 c. 139 t. 9, & de Peccat. merit. l. 2 c. 16 collect. 62 t. 10* sacramentum catechumenorum appellat. In *Can. 65 Consecr. dist. 4* dicitur S. celestis sapientia. Vide etiam Conc. Carthagin. III *Can. 8*, ibique: Albaspinum in Nos. p. 226 opp. par. ed. Neap. 1770.

(9) Capitis lotio die Dominica Palm. absolvebatur; idcirco hic dies in antiquo Ordine Romano *Capitolavium* dicitur, Isidorus *etymol. l. 6 c. 18 de Eccl. Offic. l. 1 c. 27 p. 80 et 589 edit. Paris. 1605*, Rabanus *de Instit. Cleric. l. 1 c. 35 opp. t. 6 p. 23 ed. Colon. 1626*. Pedum lotionis, præter ceteros, mentio est apud Augustinum *Epist. 34 ad Januar. n. 10 opp. t. 2 col. 127 ed. Venet. cit.*, & Ambrosium *de Sacram. l. 3 c. 1 n. 4 t. 3 col. 455 edit. ind. eaque feria v. in cona Domini peragebatur*. In quibusdam tamen locis post baptismum hanc lotionem fieri consuevisse monet Chardonius *Histor. sacram. l. 1 c. 18.*

(10) Unctionem hanc capitis, quæ baptismum antebat, quæque aliâ erat ab unctione verticali, quæ illum sequebatur, memorant Auctor *Recognit. l. 3 c. 67 apud Cotelierium PP. Apostolic. t. 1 p. 537 ed. indic.*, Ambrosius *de Sacram. l. 1 c. 2 opp. t. 3 col. 440 ed. Paris. citat.*, Chrysostomus *Homil. 6 in Ep. ad Coloss. opp.*

1. 11 col. 369 ed. cit., Siricius P. Ep. 10 n. 11 apud Constantium Epist. Rom. Pont. col. 693. Ungebatur autem initio in Ecclesia Latina tantum caput, deinde etiam inter humeros, ac supra pedus unctio fieri coepit. Graeci totum corpus ungebant, ut ostendit Auctor Eccles. Hierarch. c. 2 §. 7 p. 253 ed. Antwerp. 1554. Oleum, quo baptizatus ungebatur, *unguentum* vocant, ac distinguunt ab oleo, quod ante baptismum adhibebatur. Auctor Constit. Apostol. lib. 7 c. 22 apud Cotelerium loc. cit. p. 371, & Auctor, qui Iustini nomine scripsit Kerp. ad Orodux. qu. 137 p. 501 in append. opp. Justin. edit. Paris. 1742.

(11) S. August. de Fid. et oper. c. 6 col. 169 s. 6, atque hinc ipse Augustinus de Symb. l. 1. 2 c. 1 col. 155 d. t. 6 scrutinium *examen* appellat. Theodulphus de Ordin. baptis. c. 8 in Biblioth. PP. t. 14 p. 10 ed. Lugdun.: Hunc enim morem, inquit, Ecclesia servare consuevit, ut per aliquot dierum spatium hi, qui in sollemnitate paschali baptizandi sunt, scrutentur, ut instruantur, et docti, et simplici corde ad fidem veram venientibus vita sacramenta impertiantur. Plura ante baptismum scrutinia adhibebantur, de quibus late agit Martenius loc. cit. art. 11 p. 29, S. Zeno l. 2 tract. 27 p. 233 opp. t. 1 edit. August. Vin'el. 1753, memorat legitimum *examinis*, aut *scrutini* numerum, quibus verbis intelliguntur septem scrutinia, quae fiebant, antequam competentes baptismum donarentur. De his Amalarius Archiepisc. Trevirensis, seu potius Alcuinus in Epist. ad Carolum M. c. 12 apud Canisium Thesaur. monument. Eccles. t. 2 par. 1 p. 545 ed. Antwerp. habet haec: *scrutinium finitur sabbato ante Pascha. Ipso die facimus scrutinium septimum, sicut in Romano Ordine invenimus scriptum.*

§. 54. Solemnis adveniente die, catechumeni ad Baptisterium adducebantur (1), qui locus, ut plurimum, erat ab ecclesia distinctus ac separatus (2); atque ibi tria maxime praestabant, antequam baptismum acciperent. Scilicet renunciabant Satanæ, pompisque & operibus ejus (3), quam renunciationem ter emittebant conversi ad occidentem (4), atque in Satanam tanquam praesentem exsufflabant, & expuebant, aliasque edebant aversantis animi significationes (5). Deinde versa ad Orientem facie (6) sese adscribebant Christo, cui deinceps sese perpetuo servire promittebant (7). Denique manibus, oculisque ad caelum sublati fidem profitebantur, secundum verba symboli, quod baptismum accepturi ter sollemniter repeteabant (8).

(1) Initio baptismum nullo certo loco datum ostendit exemplum Eunuchi, quem Philippus Diaconus in via, & custodis carceris, quem Paulus domi suæ baptizavit. Tertull. de Baptism. c. 4 p. 225 ed. Rigaltii Paris. 1675, & Auctor Recognitionum sub nomine S. Clementis Romani l. 4 c. 32, & l. 6 c. 15 apud Cotelerium PP. Apostol. p. 546 & 558 t. 1 ed. ind. multus in fluminibus, stagnis, fontibus baptizatos memorant. Constantinus in memoriam Chri-

vi Servatoris baptismum in Jordane accipere vehementer cupiebat, uti narrat *Eusebius de Vit. Constantin.* l. 4. c. 62 p. 652, ac Theodoretus *Histor. lib. 1 c. 52 p. 64 ed. Cantabrig. 1720.* Plures in loco Berthabæ, ubi Joannes baptizabat, trans Jordanem baptizari voluisse, tradit S. Hieron. *de loc. hebr. col. 182 t. 3 ed. Vallarsii cit.* Sed deinceps pace Ecclesiæ reddita, constituta sunt baptisteria, quæ erant sacræ ædes juxta ecclesiam, in quibus unicuique tribueretur baptismus, nisi qua necessitas facere secus cogeret. Justinianus *Novel. 58* priscis legibus sancitum inquit, ut nemini liceat, quæ sacratissima sunt, domi agere; & Concil. Constantinopol. sub Menna *Aët. 1 col. 1194 & 1205 t. 2 collect.* Harduini *ed. Paris.* Zonaram Monachum reprehendit, quod domi baptismum administrasset. Hujusmodi baptismi domi collati antiquis conciliis nomine *παράβαπτισµατος* improbantur. Novo jure cautum est, ut in cathedralibus & parochialibus Ecclesiis tantum extet fons baptismalis, ut a suo quisque Parocho in Ecclesia baptizetur, nisi aliud postulet vel necessitas, vel magna dignitas eius, qui baptismum suscipere debet, *Clem. unic. de Baptismo, Rituale Romano de Baptism.*

(2) Consule Martenium *loc. cit. art. 2 p. 5.*

(3) Auctor *Constit. Apostol. l. 7 c. 41* apud Cotelerium *loc. ind. p. 583* describit formulam, qua catechumenus renunciabat *Satanæ, & operibus ejus, & angelis ejus, & inventis ejusdem, ac omnibus, quæ sub eo sunt.* Ejusdem formulæ sententiam habent Hieronymus in *Matth. l. 1 c. 5 opp. t. 7 c. 28 ed. Vallarsii Veron. 1737,* Tertullianus de *Spektac. c. 4 p. 74 edit. Paris. cit.,* Cyprianus *Epist. 6 p. 16 ind. ed. Paris.,* Ambrosius de *Myser. c. 2 n. 7 opp. t. 5 col. 409 ed. indic.* Interdum etiam spectacula in hac renunciandi formula diserte momorantur, ut in illa Salviani de *Gubernat. Dei lib. 6 n. 6 p. 121 ed. Peleponi 1743. Abrenuntio diabolo, pompis, spectaculis et operibus ejus.* Atque hujus quidem renunciationis usum tam vetustum facit *Basilius de Sp. S. c. 27 n. 66 p. 55 ed. Paris. 1750,* ut ejus originem ab Apostolica traditione repetat.

(4) Occidentem spectare idem erat atque ipsum spectare Satanam, qui princeps dicitur *tenebrarum,* ut inquit Cyrillus Hierosolym. *Catech. 1 mystag. p. 307 n. 4 ed. cit.* Trina est renuntiatio, uti testatur Auctor de *Eccles. hierarch. c. 2 §. 3 & seq. t. 1 edit. Antuerpæ 1654.* Hujus autem trinx renunciationis mysteria explicat *Viccomes de Rit. Baptism. l. 2 c. 20.*

(5) Vide Auctorem de *Hierarch. Eccles. loc. cit.* Hæc autem renuntiatio in porticu, seu vestibulo emittebatur. Nam baptisteria duo, ut plurimum, habebant distincta conclavia, porticum aut vestibulum, in quo catechumeni Satanæ renunciabant, fidemque profitebantur; atque interiorem domum, in qua baptismi cærimonie peragebantur.

(6) In *mysteiis,* inquit Hieron. in *Amos l. 3 c. 6 col. 322 opp. t. 6 edit. Vallarsii Verona 1736,* primum, renuntiamus ei, qui in occidente est, nobisque moritur cum peccatis; & sic versi ad orientem pactum inimus cum sole justitiæ, & ei servituros nos esse promittimus. Eadem habet S. Ambrosius *lib. mox indic.*

(7) Sponsionem, qua catechumenus sese Christo perpetuo servire promittebat, *promissum, pactum & votum* a Latinis appellatur. Formulam tradit Auctor *Constit. Apostolic. cit. c. 41. Post*

renuntiatiōem vero, dum adtribit se, dicat: & adscribor Christo, & credo, & baptizor. Similem habet Chrysost. *Homil. 6 in Epist. ad Coloss. n. 4 opp. t. 11 p. 569 ed. Paris.* Augustini ætate quidam fuerunt, qui fidei in Christum, non vero universalis obedientiæ professionem emittere parati erant; & tamen baptismum petere non dubitabant. Contra hos ipse Augustinus scripsit egregium librum *de Fide & operibus*, quo Christiano homini tum fidem, tum bona opera necessaria esse demonstravit.

(8) Plures quidem catechumeni traditum symbolum reddere debebant; sed cum instaret baptismus, ter, ac solemniter, & coram multis testibus, manibusque, & oculis ad cælum sublatis fidei professionem emittebant, & rogati respondebant. Cyrillus Alexand. *l. 12 in Joan. c. 21 p. 1119 ed. Paris. 1639, Auctor Eccl. hierarch. c. 2 p. 253 t. 1 edit. Antwerp. cit., Leo M. Serm. 23 in Natio. Domini & c. 6 p. 54 t. 1 ed. Romæ 1753, August. de Fid. & oper. c. 9 col. 172 opp. t. 6 indic. edit., Ambrosius de Spiritu Sancto l. 2 c. 10 col. 70 opp. t. 4 ed. ind. Narrat autem August. *Confess. l. 8 c. 2 col. 246 t. 1.* Romæ ex edito loco in conspectu populi, nisi nimia catechumeni verecundia obstaret, hanc fidei professionem emitti consuevisse.*

§. 55. Baptizati in vertice ungebantur (1), tum albis induebantur vestibus (2), eorum capiti mysticum velamen, & corona imponebatur (3), iisque tradebantur cereæ faces (4), ac porro dabatur Confirmatio, & Eucharistia (5), postremo lac & mel benedictum ad infantiae significationem (6). Nunc non omnes, qui olim in usu erant, ritus & ceremoniæ ab Ecclesia retinentur. Desiit sollemnis illa catechesis, & antiqui desierunt gradus catechumenatus; sed nunc etiam adulti, antequam baptismum suscipiant, in fide & bonis operibus instituendi sunt, ne rudes & ignari, ac minus recte probati sanctissimam religionem amplectantur.

(1) Innocent. I. *Epist. 25 ad Decent. Eugubinum Episc. cap. 3 col. 853 apud Constantium Epist. Roman. Pontif., Ambros. de Sacram. l. 2 c. 7 n. 14 col. 455 opp. t. 3 ind. ed., Isidorus de Offic. eccles. l. 2 c. 25 & 26 p. 615 & 614 ed. Paris. 1601.* Huius unctionis originem a Silvestro Pontif. repetunt Amalarius de *Eccl. offi. l. 1 c. 27 in Biblioth. PP. t. 14 p. 957 ed. Lugdun., Walfridus de Reb. eccl. c. 26 p. 690 t. 10 in Bibl. PP. Paris. 1642, Rabanus de Instit. cleric. l. 1 c. 28 s. 6 p. 9 ed. Colonia 1626, ex quo colligit Hugo Menardus in *Not. ad l. Sacrament. S. Gregorii M. not. 554 col. 585 opp. t. 3 ed. cit.,* scriptores omnes Silvestro antiquiores, qui unctionem memorant, de sacramento confirmationis intelligendos esse. Multi tamen vetustissimam quidem hanc unctionem faciunt, sed negant, ullo certo monumento confici posse, eam a Silvestro fuisse institutam. Illud inter omnes constat, quod hæc verticalis unctio sacro chrismate peragebatur, eaque diversa erat ab unctione, frontis, hoc est a sacramento confirmationis. Illam Sacerdoti permittit, hanc vero uni Episcopo servat Innocentius I. in *Epist. ad**

*Decem. Eugub. c. 5 col. 858 apud Constantium. Atque ad hanc frontis unctionem pertinet. Auctor Conist. Apostol. l. 3 c. 16 apud Cotelerium laud. l. c. p. 291. Verisimile autem est, verticalis unctionis ministrum alium fuisse a ministro baptismi, cum unus sacerdos tantam illam hominum multitudinem baptizare, ac simul ungere non posset. Ante unctionem Sacerdos baptismatis osculum dabat, quem ritum memorant S. Cyprianus *Epist. 59 ad Favianum* p. 95 *ed. Rigaltii Paris. 1666*, & S. Joan. Chrysost. *de Util. legend. scriptur. opp. t. 3 c. 6 p. 81 c. ed. Paris.**

(2) S. August. *Serm. 223 qui 5 est in vigil. Pasch. col. 96 i tom. 1, & Epist. 54 n. 2 opp. t. 2 col. 64 edit. Maurin. cit., S. Ambros. de Myster. c. 7 n. 34 col. 417 opp. t. 3 ed. indic., Eusebius in Vit. Constantin. l. 4 c. 62 p. 632 ed. cit., S. Gregorius M. in Sacram. opp. t. 3 col. 73 ibiq. Menardus in Not. col. 336 ed. ind. Gerebantur et vestes per dies octo; quo factum, ut dominica post pascha dominica in albis diceretur, quoniam usque ad eam diem baptizati vestes albas gerebant. Usurpatur hodie etiam ritus albae vestis, sed ea neophyti eodem tempore induuntur, atque exuuntur. Infantibus, qui vestitu non utuntur, album sudarium datur. Catechismus Rom. par. 2 c. 2 §. 37.*

(3) S. Jo. Chrysost. *Catech. 1 ad illuminan. opp. t. 2 n. 1 p. 226 edit. Paris., Theodulphus Aurelianensis de Ordin. Baptism. c. 16 p. 15 t. 14 Bibl. PP. ed. Lugdun., Rabanus de Instit. cleric. l. 1 c. 29 t. 6 p. 10 ed. Coloniae 1620. In Ecclesiis quibusdam etiam lotio pedum adhibebatur, de qua vide Martenium *loc. cit. art. 15 n. 8 p. 54.**

(4) S. Greg. Nazianz. *Orat. de Baptism. 40 p. 672 ed. Colon. 1690, S. Ambros. de Lapsu virgin. conserv. c. 5 col. 386 n. 1 t. 5 edit. cit., S. Gregorius Turonensis Hist. Franc. l. 5 c. 11 p. 213 edit. Paris. 1699. Dabantur autem catechumenis extincti cerei, quos ipsi deinceps in fine Litaniarum accendebant. Nunc baptismatis datur cereus ardens, de quo vide Catechismum Romanum *loc. cit. n. 74.**

(5) Confer Martenium *loc. cit. 11 & seq. p. 55.*

(6) S. Hieronymus in *Itaiam c. 55 col. 644 opp. t. 4 edit. Vallartii Venet. 1735*, nec tantum, non item mel nominat, quamquam in *Dialog. contr. Luciferian. n. 81. 2 col. 180* utrumque memoret: *multa alia*, inquit, *qua per traditionem in ecclesiis observantur, auctoritatem sibi scripta legi usurpaverunt, velut in lavacro. ter caput mergitare, deinde egressos lactis et mellis prae gustare concordiam ad infantiam significationem.* Quae verba lactis et mellis concordiam evidenter ostendunt, non lac & mel distincte, sed mel cum lacte commixtum catechumenis dari consuevisse. Similiter & Tertullianus de *Coron. Milit. 2. 3 p. 102 et Advers. Marcion. l. 1 c. 14 p. 372 ed. Paris. 1675*, *lactis et mellis concordiam, ac societatem vocat*, atque hinc in libris ritualibus una extat mellis & lactis benedictio, & una item utriusque tradendi formula: Nec etiam una cum vino baptismatis in Occidente tributum ostendit Hieronymus in *Itaiam cap. 55 col. 644 cit. t. 4.* Ceterum quamquam Eximii etiam vix natos pueros lacte & melle enutrierent, quod ex pluribus antiquis Scriptoribus manifestum est, ut videri potest apud Cotelerium in *Epist. Barnaba c. 5 adnot. 52 p. 29 t. 1 ed. Amstelod. 1724*, non tamen ex iis consuetudinem illam suam Christiani arripuisse videntur, sed ex veteri Testamento; ubi reprobationis terra lacte & melle saepe recipitur, cuius



ser (baptizati) incubantur tamquam parvuli lacte nutrituntur & melle, ut inquit Joannes Diaconus in *Epist. ad Senastriam rom.* 1. *Musei Ital.* p. 75.

§. 56. Plures hodie etiam, antequam suscipiatur, cum item suscipitur, cum denique susceptus est baptismus, adhibentur cæremoniæ, quæ in libris Ritualibus atque in Catechismo Romano (1) describuntur. In primis autem baptizandus ter Satanæ abrenunciat, fideique professionem emittit; tum in baptismò nomen accipit, quod Parochus una cum ceteris baptizatorum nominibus peculiari libro describit (2). Dùm datur baptismus, adsunt *Patrini*, hoc est *Sponsores* aut *Fidejussores*, qui pro baptizato spondent ac fidejudent, unde eorum nomen ductum est (3). In antiquis monumentis sæpe etiam vocantur *susceptores*, quod ex aqua prodeuntes susciperent. Eorum est baptizandos ministris offerre, eosque ex sacro fonte suscipere, pro infantibus ministro interroganti respondere, adultos edocere, quid ministro respondere ipsi debeant, curam gerere eorum, quos susceperunt, atque ipsos in re christiana erudire (4).

(1) *Part. 2 cap. 2 §. 60 & seq.*

(2) Nomen sumendum est, ab aliquo, qui propter excellentem animi pietatem & religionem in sanctorum numerum relatus est, inquit Catech. Rom. loc. cit. §. 75, rejiciendaque falsarum religionum idolorumque nomina. Confer Benedicturn XIV *Constit. Omnium sollicitudinum* 107 §. 3 & 14 ejus Bullar. t. 1 p. 243 & 248 ed. Rom. seu Ven. 1754. Describitur hoc nomen una cum natali die ac nominibus parentum, & patrinorum in libro, quem unusquisque parochus habere debet, Rit. Rom. tit. de Baptism.

(3) Patrinorum seu Sponsorum origo ab ipsis fere Ecclesiæ incunabulis repetenda est, uti monet Martenius de *Antiq. Eccles. rit.* l. 1 c. 1 arp. 16 n. 11 p. 1 p. 53 ed. Antwerp. seu Venet. Eorum meminere Tertull. de *baptism.* c. 18 p. 231 ed. Venet. 1744, Auctor *Respons. ad Ortod. qu.* 56 inter opp. S. Jursini M. p. 460 ed. Paris. 1742, Auctor *Eccles. hierarch.* c. 2 §. 2 t. 1 p. 168 ed. Venet. 1755, Auctor *Apostol. Const.* l. 3 c. 16 apud Cotelierium PP. *Apostol.* p. 291 t. 1 edit. Amstelod. 1724, S. Augustinus multis in locis, aliique complures.

(4) Officia sponsorum describit Augustinus, seu potius Auctor *Sermonis* 168 n. 3 in *append.* t. 5 opp. *Augustini col.* 295 ed. cit. Venet. & Hildefonsus *Annotat. de ordin. Baptism.* c. 114 apud Balthus *Miscell. sacr.* t. 2 p. 34 edit. Luca 1761. Quod infantes per se ipsos non possent, pro iis sponsores respondere voluit Ecclesia, Cyrillus Alexand. in *Joan.* c. 11 v. 26 opp. t. 4 p. 835 ed. Paris. 1639, Auctor *Serm.* 267 n. 5 col. 441 in *append.* t. 5 opp. *Augustini indic. edit. Maurin. Venet.* Adultis etiam morbo impeditis

*vocem suam commodare* inquit Cyrillus Alexand. *loc. cit.* Verum pro ipsis etiam adultis, qui per se respondere poterant, sponsores adhiberi voluit Ecclesiā; sed ipsi tamen respondere debent. Augustinus de *Baptism.* l. 4 c. 24 col. 141 t. 9 ed. ind. Primum exemplum sponsorum, qui his adultis dati sint, præbere videtur Rufius Præfetus Prætorio, qui anno 395 cum a sacro fonte educus fuisset, traditus est Ammonio, qui magna pietatis fama florebat. Confer Tillemontium *Histor. Ecclesiast. vie de S. Greg. de Nyssæ* art. 22 t. 9 p. 593 ed. Ven. 1752, & Orsium *Hist. Eccl.* l. 22 n. 88 t. 9 p. 241 ed. Rom. 1752.

§. 57. Unus tantum in baptismo patrīnus adhibendus est, aut ad summum vir unus unaque mulier (1); neque id munus unicuique committi indiscriminatim debet, sed ei, qui sit catholicus, & sana doctrina, bonisque moribus imbutus; maximeque convenit, eundem saltem puberem, & confirmatum esse (2). Repelluntur ab hoc officio infideles aut hæretici, publice excommunicati aut interdicti, publice criminosi aut infames, & qui sana mente non sunt, & qui fidei rudimenta ignorant, ita ut ea docere non possint, quem e sacro fonte susceperunt (3). Vetantur etiam parentes offerre filios suos propter spiritualem cognationem (4), quæ inter patrīnum ac baptizatum contrahitur, et vetantur etiam hoc munus gerere monachi, quos solitudini addictos esse oportet (5).

(1) Concil. Trident. *Sess. 24 cap. 2 de Reforms. matrim.* Atque hæc quidem disciplina Tridentino Concilio antiquior est. Nam plures numero patrīnos excludere videtur Auctor *Apostol. Const.* l. 3 cap. 16 *cit.* cum statuit, ut vir a Diacono, mulier a Diaconissa suscipiatur, sed explicatius, atque desertius unum patrīnum constituunt Leo P. in *Can. 101 de consecr. dist. 4*, Concil. Metense an. 888 *Canon. 6 t. 11 Concil. col. 594 collect. Labbei ed. Venet.*

(2) *Can. 102 dist. 4 de Consecr.* Rituale Rom. *tit. de Patrīnis.* Confer Giralduum *Exposit. Jur. Pontific. par. 1 sect. 719 t. 2 p. 524.*

(3) Confer *Rituale Roman. loc. cit.*, & Martenium de *Antiq. Eccles. rit.* l. 1 c. 1 art. 16 n. 14 p. 60 ed. ind.

(4) Olim parentes infantes filios offerebant. S. August. *Ep. 98 ad Bonifac. n. 6 col. 266 opp. t. 2 laud. ed.* Sed deinceps parentes id præstare vetiti sunt. Conc. Maguntinum an. 813 *Can. 55 col. 1016 t. 4 collect. Harduini.* Quod factum videtur ob cognationem spiritualem, quæ inter suscipientem, & suscepti parentes induci cœpit. (5) *Can. 103 dist. 4 de Consecr.*

## S E C T I O II.

*De Confirmatione.*

38. Effectus sacramenti confirmationis.  
 39. Materia hujus sacramenti.  
 40. Forma, et Minister.

41. Qui confirmationem suscipiant?  
 42. Mjus sacramenti conferendi tem-  
 pus, ejusque ritus.

§. 38. Qui baptizatus est, novæ virtutis robore firmior, ac perfectus Christi miles efficitur per confirmationem. Itaque confirmatio sacramentum est (1), quo homines robur et virtutem accipiunt tum ad firmiter credendum, tum ad fortiter propugnandum pro fide, quam in baptismo susceperunt. Nimirum qui per baptismum Christiani evaserunt, quasi infantes pueri sunt, quos corroborare oportet aliis adjumentis, ut compriment impetus hostium, cum quibus nobis pugna est, quamdiu hæc vivitur vita, et firmitus ad fidem adhærescant. Itaque Christus confirmationis instituit sacramentum, quo id in nobis confirmat quod baptismus efficitur, imo vero non confirmat solum, sed etiam auget ratione quadam admirabili et singulari (2). Vocatur etiam hoc sacramentum *chrisma*, *unctio*, & *signaculum Domini*, & *manuum impositio*.

(1) Concil. Trident. Sess. 7 de Sacram. in gen. Can. 1 & Sess. 7 de Confirmat. Can. 1: Si quis dixerit, inquit, confirmationem baptizatorum otiosam ceremoniam esse, & non potius verum & proprium sacramentum, aut olim nihil aliud fuisse, quam catechesim quamdam, qua adolescentie proximi fidei sua rationem coram Ecclesia exponebant, anathema sit. Quibus verbis a Synodo damnantur hæreses Lutheri & Calvini, quorum alter meram ceremoniam, non sacramentum confirmationem habebat, alter catechesim, qua baptizari, ineunte adolescentia, fidei suæ rationem coram Episcopo exponebant. Cum Lutheri & Calvino sentiunt Dallæus de Confirm. l. 1 c. 8 & l. 5 c. 13, ac Binghamus Orig. eccl. l. 12 c. 1 §. 4 & 5 p. 350 & seq. t. 4 edit. Hale Magdeburg. 1755, qui confirmationem Sacramentum a Baptismo distinctum esse negant, sed ajunt meram esse ceremoniam, quæ baptismum aqua inchoatum perficit. Sed horum, aliorumque hæreticorum commenta late refutantur a Theologis, ac præter ceteros a Natali Alexandro Histor. Eccles. sæc. 2 dist. 10 p. 578 t. 5 edit. cit. Card. Orsio Dissert. de Chrimat. confirmat. cap. 2 & seq. Drouvenio de re sacrament. l. 5 qu. 1 per tot.

(2) Consule Catechismum Romanum par. 2 cap. 3 §. 21 & 22.

§. 39. De materia hujus sacramenti non eadem omnium catholicorum sententia est. Sunt enim qui eam in ma-

num impositione constituunt; sunt qui materiam remotam statuunt unguentum, quod ex oleo et balsamo solemniter Episcopi consecratione conficitur (1), proximam ipsam frontis unctionem; sunt denique, qui manuum impositionem, et frontis unctionem confirmationis materiam esse arbitrantur (2). Chrisma ab Episcopo consecrari, vetus est Latinae et Graecae Ecclesiae consuetudo (3): et vero id ab eo quotannis efficitur feria V in cena Domini (4); sed Latinorum chrisma ex oleo tantum, et balsamo, Graecorum ex aliis praeterea triginta quinque aromatibus conficitur (5). Est et hoc inter Graecos Latinosque discrimen, quod hi solam frontem, illi etiam aures, nares, pectus, oculos et pedes ungunt (6).

(1) Catechis. Rom. par. 2 c. 3. §. 8 et seq., S. Th. in Summa par. 3 qu. 72 art. 2. Licet chrismatis quidem usum in confirmandis neophytis ab ipsis Christianae Religionis primordiis esse repetendum, contra Basnagium, ac ceteros ostendit Cardinalis Orsius peculiari dissertatione de Chrism. confirm.

(2) Confer Jueninium de Sacram. diss. 3 de confirm. qu. 5, Drouvenium de re Sacram. l. 3 qu. 5, & Tournelyum Praelect. Theolog. de Sacram. confirm. qu. 1 art. 3.

(3) S. Basilius de Spiritu. S. c. 27 p. 55 t. 3 opp. edit. Paris. 1750, S. Cyrillus Hierosol. Catech. 3 p. 19 n. 4 ed. cit., S. Gregorius M. in Sacram. col. 67 opp. t. 3 ed. Paris. 1705. Nullum autem in sacris literis hujus disciplinae vestigium extat, sed eam per manus traditam inquit Basilius, cumque ejus initium ignoretur, ab Apostolis repetenda est secundum Augustini regulam epist. 54 col. 124 t. 2. cit. edit. Venet.

(4) Conc. Toletanum I. can. 20 col. 992 t. 1 collect. Harduini ed. Paris. statuit Episcopo omni tempore licere chrisma conficere: ex quo patet, ea aetate nondum obtinuisse disciplinam, quae nunc obtinet, conficiendi quotannis Chrisma feria V in cena Domini. Verum haec antiquissima est, atque ejus origo a saec. V repetenda videtur. Nam ea aetate Episcopus feria V in cena Domini tres Missas celebrabat, quarum una erat pro reconciliatione poenitentium, altera pro conficiendo chrismate, tertia serotina de ipsa diei solemnitate. Id ex vetustis sacramentariis sese deprehendisse testatur Menardus in Not. ad lib. sacrament., S. Gregor. not. 265 t. 3 opp. S. Gregor. col. 327 ed. Paris., Bona Rev. liturg. l. 1 c. 18 §. 6 p. 15 t. 2 ed. Taurin. 1749, & Martenius de Antiq. eccles. rit. l. 1 c. 3 art. 3 §. 8 104 t. 1 laud. ed. Fabiani P. ea de re epistola in can. 18 de Consecr. dist. 5 ab Isidoro Mercatore confecta est.

(5) Graecorum ritum in preparando unguento chrismatis ex 53 aromatibus in vino decoctis describit Goarius in Eucholog. Graecorum p. 637 et seq. ed. Paris. 1647.

(6) Confer Goarium loc. cit. p. 365. Sed S. Cyrillus Hierosolym. Catech. 3 mystag. c. 4 p. 317 ed. Paris. cit. tantum memorat frontem, nares, pectus, ex quo patet, has tantum partes ea aetate Graecis inungi consuevisse.

§. 40. Quae de materia, eadem de forma hujus sacramenti disputatio est. Nam alii eam ponunt in oratione, qua Episcopus neophyto manus imponens invocat Spiritum S., alii in verbis: *signo te signo crucis, & confirmo te chrismate salutis in nomine Patris, & Filii, & Spiritus Sancti* (1); alii denique tum in his verbis, tum in illa oratione formam ipsam positam esse arbitrantur (2). Ordinarius minister non nisi Episcopus est (3); extra ordinem, atque ex supremæ ecclesiasticæ Potestatis delegatione etiam Presbyteri hoc sacramentum recte administrant (4). Graecorum Sacerdotes omnes generatim habent hanc delegatam potestatem, per quam sacramentum confirmationis rite et recte conferunt (5).

(1) Catechismus Romanus par. 2 cap. 5 §. 12 et 15.

(2) Confer Drouvenium loc. cit. qu. 4 per tot. Quamquam autem ea res nondum ab Ecclesia sit definita, tamen certissimum est, eam semper certis quibusdam verbis hoc sacramentum administrare consuevisse, ut proinde in hoc etiam locum habeat illud Augustini: *accedit verbum ad elementum, et fit sacramentum*. Sano Apostolos verbis usos esse testantur sacrae Litterae Aët. VIII 15, atque idem annis consequentibus ab Ecclesia factum fuisse, constat ex plurimorum Patrum testimoniis, ac inter alios id disertissime tradit Innocentius I. in Epi. v. 25 ad Decent. Eugubinum c. 5 col. 859, apud Constantium Ep. Roman. Pontific., quamquam ob arcani disciplinam non ipsa describat verba, quibus confirmationis forma constabat. Varias hujus sacramenti formas habet Martinius de Antiq. eccles. rit. l. 1 c. 2 art. 3 §. 11 p. 91 indic. edit.

(3) Petrum & Joannem Apostolos missos legimus in Aët. VIII 14 & seq., ut a Philippo baptizatos confirmarent. Conc. Trid. Sess. 7 de Confirm. can. 5: *Si quis dixerit, inquit, sancta confirmationis ordinarium ministrum non esse solum Episcopum, sed quemvis simplicem sacerdotem, anathema sit*. Confer etiam S. Cornelium ep. 9 ad Fabium Antiochenum c. 4 col. 153 apud Constantium Ep. Rom. Pontific., S. Cyprianum ep. 73 ad Iubajan. p. 124 ed. Paris. 1666, Innocentium I. ep. ad Decent. Eugubin. cap. 5 n. 3 col. 858 apud eundem Constantium, S. Hieronymum Contr. Luciferian. n. 9 col. 181 opp. t. 2 edit. Venet. 1755, S. Gregorium M. l. 4 epist. 9 col. 689 opp. t. 2 ed. Paris. indic., Innocent. III in c. 4 de Consuet. Quae haeretici objiciunt, refelluntur a Theologis, præsertim Jueninio de Sacram. diss. 3 de Confirm. qu. 5 art. 2, & Drouvenio de re sacram. l. 3 qu. 7 per tot.

(4) Ita Gregorius M. l. 4 ep. 26 col. 705 laud. ed. t. 2. Presbyteris in Sardinia degentibus extra ordinem confirmandi tribuit facultatem. Consule S. Th. in Summa par. 3 qu. 72 art. 11 ad 1, & Bened. XIV de Synod. dioces. l. 7 c. 7, qui de hac Summi Pontificis delegatione copiose disserit, & diligenter. Verum chrismatis benedictio adnumerata semper fuit inter propria Episcopalis ordinis munera; & ideo confirmandi privilegium a Sede Apostolica

Presbyteris concessum adiunctam legem habere solet, modo ipsi chrismate utantur ab Episcopo consecrato. Disputat Bened. XIV l. c. n. 1 & 2, num Summus Pontifex etiam chrismatis consecrandi facultatem Sacerdoti tribuere possit. Quasitum est etiam, num Episcopus Sacerdoti concedere possit confirmandi facultatem; sed cum Sedes Apostolica, quæ arctare potest Episcoporum jurisdictionem, sibi uni hanc facultatem reservaverit, irrita est confirmatio, quæ per solam Episcopi delegationem a Presbytero collata est. Confer Bened. XIV loc. cit. n. 3 & seq.

(5) Græcorum Sacerdotes ante Photianum schisma confirmationis sacramentum conferre solitos fuisse, ostendunt Morinus *Dist. 2 de Sacram. confirm.*, & Lucas Holstenius *Dist. 1 de Ministr. confirm. apud Græcos*. Dubitari autem non potest, quin ii non solum valide, sed etiam licite confirment ex tacita saltem delegatione Sedis Apostolicæ, quæ hanc eorum consuetudinem ratam habet, uti observant Arcudius de *Concord. Eccles. Occid. et Orient. l. 2 de Confirm. c. 15 p. 96*, & Bened. XIV loc. cit. t. 8 *Orte in Concilio Florentino l. 9 Coll. Harduini col. 450*. Eugenius IV, inter alias questiones, hanc ordine sextam Græcis proposuit: *quare Pontifices non inungerent sacro chrismate, sed Sacerdotes, cum hoc Pontificibus sit datum?* Verum ut habetur in actis ejusdem Concilii loc. cit. hæc a Latinis objecta *Mitylenensis Episcopus canonice legitimeque dissolvit*. Confer Holstenium de *Ministr. confirmat. apud Græcos*. Ex quo patet, a Græcis canonicas suæ disciplinæ rationes allatas fuisse, per quas Latinis satisfactum est, atque hæc rationes Concilio fuisse probatas. Sacerdotibus tamen Italorum Græcis confirmare vetitum est a Clem. VIII. *Constit. Sanctissimum* 107 *Bullar. ed. ult. t. 5 par. 2 p. 72*, & a Bened. XIV *Constit. 579. 3 p. 104 et Constit. 129 §. 4 p. 522 t. 1 ejus Bullar. edis. Romæ seu Ven. 1754*. Unus hic amovendus est hex. Innocent. III in *cap. 4 de Consect.* Presbyteros, qui *apud Constantinopolim* per abusum confirmabant, confirmare in posterum vetat; ex quo colligi videtur posse, Græcis Presbyteris vetitum esse Confirmationis sacramentum administrare. Verum Innocentius loquitur de Latinis Presbyteris qui Constantinopoli morabantur; & vero in integra decretali, quæ extat apud Balutium t. 1 *Ep. Innocentii III p. 480*, nominatim agitur de *Latinis Presbyteris*, sed verbum illud *Latinis* in decretalium collectione Raymundus omisit.

§. 41. Nonnisi baptizati confirmandi sunt, cum fieri non possit, ut adolescat, qui nondum natus est (1). Suscipere confirmationem possunt omnes tum infantes, tum adulti; & dñu quidem viguit consuetudo, ut statim post baptismum confirmatio tribueretur (2). Græci nunc etiam retinent hanc consuetudinem (3); sed ab ea jampridem recesserunt Latini (4), apud quos pueri ante septimum ætatis annum non confirmantur (5). Et quamquam hoc sacramentum non ejusmodi habeat necessitatem, ut sine eo salvus quis esse non possit, tamen qui illud negligunt, aut contemnunt, salutem suam in discrimen adducunt, gravisque

criminis rei sunt, quoniam omnes eniti debent, ut christianæ vitæ perfectionem acquirant (6). Adulti, qui hujus sacramenti gratiam & dona consequi cupiunt, non solum fidem & pietatem afferre; sed etiam graviora, quæ admitterunt, crimina delere ex animo debent. Quare elaborandum est, ut primum peccata confiteantur, ac jejunia, aliaque pietatis opera suscipiant, curentque, ut jejuni ad hoc sacramentum accedant (7).

(1) Confer D. Thom. in *Summa par. 3 qu. 72 art. 6*. Presbyterum quemdam Scotum, Samsonem nomine, qui non baptizatos confirmari posse putabat, damnavit Zacharias P. *episc. 10 ad Bonifacium* apud Labbeum *Collect. Concil. t. 8 col. 255 ed. Venet.* Iis, qui post baptismum flagitiosam vitam duxerant, ac morientes confirmationem petebant, denegatum hoc sacramentum *ex can. 39 Concilii Eliberitani* colligit Albaspinus in *Not. p. 175 edit. Neap. 1770*, quem Jueninius sequitur *de Sacram. diss. 3 qu. 6 c. 2*.

(2) Tertull. *de Baptism. c. 7 p. 226 ed. Rigaltii Paris. 1675*, S. Cyprian. *ep. 70 ad Januar. et ep. 73 ad Jubanum p. 117 et 124 edit. Paris. 1666*, S. Cyrillus Hierosolym. *Catech. 3 mystagog. p. 316 n. 1 ed. cit.*, S. Dionysius seu potius Auctor libri *de Eccles. hierarch. c. 2 p. 254 opp. t. 1 ed. Antwerp. 1634*, Conc. Laodiceum *can. 48 col. 789 t. 1 collect. Harduin.*

(3) Consule Leonem Allatum *de perpet. consens. eccles. occident. & orientis l. 3 c. 18*, Goarum in *Not. ad Ritual. Græcor. p. 367*. Naironum *Exopl. catholic. fid. p. 2 c. 3*, Vanslebium *Histor. eccles. Alexand. p. 2 c. 21*.

(4) Incertum est, quo primum tempore confirmatio multo post baptismum conferri cœperit; & forte id factum est, cum rarior evasis baptismum adultorum. Confer Martenium *de antiq. eccles. rit. l. 1 c. 2 art. 1 § 3 p. 86 t. 1 laud. ed.* Ceterum nunc etiam cum adulti baptizantur, Latinæ Ecclesiæ sententia est, confirmationem a baptismo, si fieri commode potest, non esse separandam. *Rituale Rom. rit. de Baptism. adultor.*

(5) *Catech. Rom. p. 2 c. 3 §. 19*. Sed quamquam ipse catechismus non expedire dicat, quod pueris confirmatio ante septennium conferatur, non tamen id ita est intelligendum, quasi nunquam his pueris hoc sacramentum conferri possit. Nam pueri, qui in vitæ discrimine versantur, etiam ante septennium sunt confirmandi. S. Th. *loc. cit. art. 8 ad 4*, & alia similiter justa causa esse potest, propter quam pueris ante illam ætatem hoc sacramentum detur. Consule Catalanum in *Pontific. Roman. rit. 21 §. 7 n. 19 & 22 t. 3 p. 227 ed. Rom.*

(6) Consule Catechismum Romanum *loc. cit. n. 17 & 18*, & D. Thomam in *summa par. 3 qu. 72 art. 1*.

(7) Olim nonnisi jejuniis dabatur hoc sacramentum, quod multis collectis monumentis ostendunt Martenius *loc. rit. art. 2 p. 88*, Jueninius *de Sacram. diss. 3 de Confirm. qu. 9 c. 2*. Verum hæc consuetudo ætate D. Thomæ cœperat oblanguere, uti ipse testatur *lib. ind. art. 12 ad 2*. De hac laudabili antiquæ Ecclesiæ consuetudine Christianos moneri jubet *Catech. Rom. loc. cit. §. 20*, & *re-Devoti. Tom. II.*

*Et ubi congrue observari potest, inquit D. Thom. loc. cit. convenientius est, ut a jejuniis (confirmatio) desistat et accipiatur.*

§. 42. Conferitur hoc sacramentum potissimum in Pentecoste, quoniam hoc maxime die Apostolos Sp. S. virtute roboratos & confirmatos fuisse constat (1). Offeruntur autem confirmandi a sponsoribus, sive patrinis, quos probos christianos & confirmatos esse oportet (2): debentque pro sacri chrismatis reverentia frontem eluere, decedentesque in eam capillos attondere. Episcopus confirmato alapam impingit (3), ut discat, se paratum esse oportere ad omnia adversa pro Christi nomine invicto animo toleranda, eique pacem impertitur (4); denique ejus frons bombycè diligenter abstergitur (5).

(1) Catechismus Romanus *loc. indic.* §. 26, S. Carolus Borromeus in *V Concil. Mediolan.*

(2) Proprios confirmationis patrilinos adhibuit Ecclesia cum seorsum a baptismo dari cepit hoc sacramentum; atque hinc ab antiquioribus Patribus soli baptizatorum patrini memorantur. Eadem fere de utrisque sunt constituta, & qui in baptismo patrini esse nequeunt, iidem etiam in confirmatione hoc munus gerere prohibentur.

(3) Hujus alapæ nulla mentio est in sacramentario S. Gregorii M., ut in iis, qui IX & X sæculo de ritibus scripserunt. Primus forte eam memoravit Durandus Mimatensis Episcopus; ejus vero mysteria explicat S. Carolus Borromeus *Instruct. de Sacram. confirm.* p. 4 *adl. Eccles. Mediolan.* t. 1 p. 432 *ed. Patavii 1554.*

(4) Catechismus Romanus *loc. cit.* §. 26.

(5) Olim confirmandorum frontes bandellis, seu vittis lineis cingebantur, quas usque ad sæculum XII gestabant per dies plures. Amalaricus de *Divin. Offic.* l. 1 c. 4 in *Biblioth. PP.* t. 14 p. 968 *ed. Lugdun.* Deinde in nonnullis Ecclesiis obtinuit, ut lineæ vittæ tantum per triduum gererentur.



43. Eucharistia quid?  
 44. Ejus materia.  
 45. Qualis adhibeatur panis,  
 46 et 47. Forma, et minister.  
 48. Quibus Eucharistia tribuitur.  
 49. A jejuniis sumenda est.  
 50. Quo tempore omnes fideles eam  
 sumere debeant?  
 51. Eucharistiae conferendae ritus.  
 52. Dies festus corporis Christi, pro-  
 cessio, expositio.  
 53. Eucharistia novae legis sacrifi-  
 cium.  
 54 et 55. Liturgiae.  
 56. Quo sermone liturgia absolvenda  
 sit.
57. Quibus diebus olim Missa cele-  
 braretur?  
 58. Plures olim Missae ab uno Sacer-  
 dote celebratae.  
 59. Qua hora celebrarentur?  
 60. et 61. Missa publica et privata.  
 62. Quo loco Missa celebranda sit.  
 63. Dominicis, festisque diebus fide-  
 les Missae sacrificio interesse de-  
 bent.  
 64. Mos antiquus offerendi panem  
 et vinum.  
 65. Missae honorarium.  
 66. Pro eo, qui honorarium dedit,  
 sacrificium speciatim offerendum  
 est.

§. 43. Sacramentum omnium nobilissimum est Eucha-  
 ristia, per quod ipsum Christi corpus & sanguinem sub  
 specie panis ac vini sumimus, Deique gratia miris modis  
 augemur, modo illud rite recteque suscipiamus. Eucha-  
 ristiae vocabulum Græcum est, quod Latine reddi potest  
 bona græcia sive gratiarum actio, quod nomen huic sa-  
 cramento tributum est, tum quod ipsum gratiarum omnium  
 fontem continet, tum quod in ejus institutione Christus,  
 Patri gratias egit. Communionis nomine, quo sæpe appel-  
 latur, significatur conjunctio fidelium cum Christo, cui nos  
 hoc sacramentum copulat, & vinculum charitatis, quo nos  
 inter nos in eodem Christo conciliamur, & jungimur (1).  
 Dicitur etiam cœna, quod in illo novissimæ cœnæ salutari  
 mysterio Christus Dominus hoc sacramentum instituit (2).

(1) Apostolus I. ad Corinth. X 16, S. Joan. Damascenus *de Fid.  
 orthodox.* l. 4 c. 13 opp. t. 1 p. 2 275 ed. Le Quienii Paris. 1712, & Dio-  
 nysius, sive potius Auctor operis *de Eccles. hierarch.* c. 5 n. 1 r. 1  
 p. 282 ed. Antwerp. 1854. Consule Albaspinxum *Obiero.* l. 1 & seq.  
 ed. Neap. 1770, & *de Eucharist.* l. 2 c. 4 p. 360.

(2) Alia, quibus Eucharistia appellatur, nomina vide apud Bo-  
 nam *Rel. Liturgic.* l. 1 c. 3 r. 1 p. 17 & seq. ed. Taurin. 1747, Drou-  
 venium *de Re Sacram.* lib. 4 qu. 1 §. 1 aliosque complures. Con-  
 fer etiam Ballerinius *Not. 6 in tract. 38 S. Zenonis* t. 1 p. 251 ed.  
 Augusta Vindelic. 1758.

§. 44. Duplicem habet materiam, panem & vinum quo-  
 rum alter Christi corpus, alterum sanguis efficitur, con-

versione mirabili, quam *transubstantiationem* vocamus (1). Vinum ex uvis esse debet, panis ex tritico; azymo utitur Ecclesia Latina, Græca fermentato (2). Utrumque recte consecrari non ambigitur (3); sed propriæ ecclesiæ consuetudo ab unoquoque servanda est (4).

(1) Catholica Fides docet, verum Christi corpus & sanguinem in Eucharistia sacramento contineri, inque eo neque panem, neque vinum remanere, sed hoc totum in Christi sanguinem, & illud similiter in corpus converti. Sunt hæc catholica dogmata a Syn. Triden. *Sess. 2 de Sacram. Euchar. Canon. 1 & 2* definita adversus Calvinum & Lutherum, quorum alter veram ac realem Christi præsentiam in Eucharistia negabat, alter una cum Christi corpore & sanguine panis, vinique substantiam in eo sacramento remanere contendebat. Similiter catholica veritate constat, Christum in Eucharistia esse per veram transubstantiationem, per quam totus panis Christi sanguis efficitur, non per impanationem, quæ esset unio hypostatica Verbi Divini cum substantia panis, aut per consubstantiationem, quæ esset conjunctio substantiæ panis & vini cum substantiæ carnis & sanguinis Christi, adeo ut Eucharistia non solum Christi corpus ac sanguinem, sed simul etiam panem vinumque contineret. Late catholicam veritatem demonstrant Theologi, quos inter consule Drouvenium de *Re Sacrament. l. 6 qu. 6 c. 4* *1571. 2.*

(2) De usu azymi, atque fermenti magna est inter eruditos disputatio, cum certo statui non posse videatur, num Latini semper azymo, Græci autem fermentato pane semper uti sint. Antiquiores Theologi Scholastici putarunt, Latinam Ecclesiam ab initio azymum panem adhibuisse usque ad hæresim Ebionitarum, quæ anno Christi 74 erupit; sed cum ipsi Ebionites antiqua legalia simul cum Evangelio servanda esse contenderent, Ecclesiam, ne hæreticos imitari videretur, rejectis azymis fermentum instituisse, ac vero extincta hæresi ad azymum rediisse. Ita nimirum sentiunt Joannes Scotus in *4 dist. 11 qu. 5*, Alexander Alensis *qu. 3a membr. 5 ad ult. & par. 4 de Sacram. Euchar. qu. 10 membr. 4 art. 1 §. 3*, S. Bonaventura in *4 dist. 11 art. 2 qu. 1*, S. Th. *ibid. qu. 2 art. 2*. Verum hæc opinio nullum habet idoneum fundamentum, quo niti posse videatur, neque ejus rei verbum unum est apud antiquos scriptores, qui per decem priora sæcula res Ecclesiæ scriptis illustrarunt. Nechites Archiepisc. Nicomedie apud Anselmum Havelbergensem *Dial. l. 3 c. 13 Spicillegii Dacherii. t. 1 p. 200 ed. Parli. 1723*. Melchiadem ac Siricium Pontif. fermentum apud Latinos instituisse; verum hæc sententia ducta est ex libro Pontificali Damasi Pont., cujus, ut omnes norunt, suspecta fides est. E recentioribus tres potissimum ea de re doctorum hominum sententiæ circumferuntur, nimirum Jacobi Sirmondi, Joan. Mabillonii, Joan. Bonæ Card. Contendit Sirmondus in *Dirquir. de Azymo*, Latinos ab initio fermentum consecrasse usque ad sæc. IX, deinceps vero medio illo tempore, quod excurrit inter Photianum schisma, & Michaellem Cerularium, hoc est inter annum circiter 867, & 1054, azymum adhibere coepisse. Contra vero Mabillonius *Præfat. 1 ad sac. III Benedi-*

*Ain. n. 64 p. XXVIII edit. Venet. 1734, & Dissert. de Azy-  
mo & fermentat. perpetuum in Ecclesia Latina azymorum usum  
ab ipsa Apostolorum aetate fuisse arbitrantur. Quæ eadem senten-  
tia est Joan. Cabassutii in Notis Eccles. sac. 2 diss. 12, Chri-  
stiani Lupi Schol. in Canon. Concil. diss. de actis Leonis IX cap.  
5 & seq. opp. t. 4 p. 312 seq. ed. Ven., Edmundi Martenii de An-  
tiq. eccles. rit. l. 1 c. 3 art. 7 §. 5 & seq. p. 114 t. 1 edit. An-  
tuerp. seu Venet. 1763, Antonii Sandinii Diss. II de perpetuo a-  
zymor. usu in Eccl. Latin. & Joan. Ciampini de Azym. & ferment-  
tato conjectur., qui tamen in hoc a Mabillonio dissentit, quod A-  
postolis indiscriminatim utriusque panis usum tribuere videtur. Sed  
Joannes Bona Rev. liturgic. l. 1 c. 23 per tot. p. 150 & seq. t. 2 ed.  
Taurin. 1749, quasi mediam sequitur viam inter has duas Sirmondi  
& Mabillonii opiniones. Nimirum late demonstrat, Latinos per  
novem, aut octo saltem Ecclesiæ sæcula nullum posuisse discrimen  
inter azymum, atque fermentum, sed modo unum, modo alterum  
panem sine delectu consecrare solitos fuisse. Sententia hæc ceteris  
probabilior esse videtur, eaque firmissimis nititur argumentis, quæ  
late ab ipso Bona loc. cit. exponuntur. Eam vero, præter ceteros,  
sequuntur Gravesonius Hist. Eccles. t. 3 sac. 9 colloq. 5 p. 99. ed. Au-  
gust. Vindelic. an. 1756, Tournelyus Præf. Theolog. t. 9 in 4 de Sa-  
cram. Euchar. qu. 4 art. 5 concl. 3, Jueninius de Sacram. diss. 4 qu. 2  
c. 2 art. 4 §. 2, Drouvenius de Re Sacram. l. 4 qu. 2 c. 1 §. 3. Ar-  
meni & Maronitæ Latinorum more azymum consecrant; sed a  
ceteris Orientalibus fermentum adhibetur. Michael Cerularius Pa-  
triarcha Constantinop. duabus literis quarum alteram dedit ad  
Joann. Tranensem in Apulia Episcopum, alteram ad Petrum Pa-  
triarch. Antioch., Latinos increpare consecrationem demonstra-  
re conatus est. Sed insanum, atque impium hominem refuta-  
runt Leo IX præclara epistola, & Cardinalis Humbertus Silva  
Candidæ Episcopus egregio Dialogo, quæ quique extant tom. 17  
Annalium Baronii pag. 92 & seq. ed. Luca.*

(3) Conc. Florent. in decr. Eugenii IV col. 96 r. 9 coll. Harduini.

(4) Catechismus Romanus par. 2 cap. 4 §. 14.

§. 45. Prioribus Ecclesiæ sæculis panis a Fidelibus obla-  
tus cujuscumque molis, ac figuræ consecrari, sectusque in  
partes populo tribui solebat. Sed pace Ecclesiæ data, dili-  
genti cura paratus est (1), atque in modum coronæ com-  
pactus (2), eique impressæ cruces & characteres, qui Chri-  
stum exhiberent, licet non iidem semper & ubique fuerint  
(3). Erat autem panis non ita tenuis, ut deinceps esse cœ-  
pit, eratque tantæ magnitudinis, ut ex uno, qui consecra-  
batur, pane cuncti fideles sacramentum acciperent (4). At  
deinceps oblata in tenuem abierunt formam ad instar de-  
narii; & tunc apud Latinos plures oblata consecratae sunt,  
grandior una pro sacerdote, minores alia pro populo, quæ  
minores oblata adhuc *particulæ* appellantur. Vino aliquan-  
tulum aquæ admiscetur (5), idque ex Apostolica traditione

& exemplo Christi, qui vinum cum aqua commixtum præbuit (6).

(1) Concil. Toletanum XVI c. 6 t. 8 col. 62 collect. Labbzi edit. Venet. Explicat autem Martenius de *Antiq. eccl. rit.* l. 1 c. 3 art. 7 §. 23 & seq. p. 116 laud. edit., quo ritu, qua diligentia, & a quibus conficeretur panis, quam Sacerdos consecrabat.

(2) Epiphanius in *Ancorato* n. 57 opp. t. 2 p. 60 ed. Paris. 1622, Cæsarius & S. Greg. Nazianzeni frater dial. 3 de *Fid. cathol.* p. 797 Bibl. PP. t. 5 edit. Lugduni 1677, Greg. M. Dial. l. 4 c. 55 col. 404 opp. t. 2 ed. Maurin. Paris. 1705. Hinc a quibusdam oblata circulus, & rotula panis appellatur. De forma panis, quo utuntur Græci, videndus Leo Allatius de *Consensu Occident. & Orient. Eccl.* l. 3 cap. 15 n. 18.

(3) Consule Goarium in *Not. ad Eucholog. Græcor.* p. 117, Arcadius de *Sacram.* l. 3 c. 33, Card. Bonam *Rev. liturgic.* l. 1 c. 25 §. 1 p. 209 & 210 ed. Taur. 1749.

(4) Confer Iuvenium de *Sacram. diss.* 4 qu. 2 art. 3.

(5) Aliquantulum, inquam, aquæ vino admiscendum est; quoniam multo plus vini, quam aquæ calici infundere oportet, c. 13 de *Celebr. missæ*. Concil. Triburiense *can.* 19 t. 6 collect. Harduini col. 445, duas ex vino partes, unam ex aqua esse jubet. Sed cetera Concilia modicum aquæ infundi volunt, ne vini natura immutetur, neque definiunt, quæ pars calicis ex aqua esse debeat. Causas autem commiscendæ aquæ cum vino explicat Conc. Trident. *Sess.* 22 c. 7 de *Sacrific. missæ*, & Catech. Rom. *loc. cit.* §. 16.

(6) Nullum quidem est in sacris literis expressum testimonium, quod Christus aquam vino admiscuerit; sed ita tamen ab eo factum esse Conciliorum auctoritate, inquit Catech. Rom. *par.* 2 cap. 4 §. 14, & S. Cypriani testimonio comprobatur. Revera in antiquis Liturgiis Ss. Basilii & Cyrilli huius a Christo factæ commixtionis, diserta mentio est; eamque etiam memorant S. Irenæus *Contr. heret.* l. 4 c. 55 n. 2 p. 270 ed. Paris. 1610, S. Cyprianus *ep.* 33 ad Concil. p. 100 ed. Rigaltii Paris. 1669, S. Hieron. *Comm.* in c. 14 Marci col. 823 opp. t. 11 ed. Vallartii Veronæ, S. Cæsarius Arelatensis *Hom.* 7 in *Biblioth. PP.* t. 8 p. 826 ed. Lugdun., Concil. Carthagin. III *can.* 24 t. 2 col. 1403, Aurelianense IV *can.* 4 t. 5 col. 1365, Trullanum *can.* 32 t. 7 col. 1562, apud Labbæum ed. Venet. Ex quo intelligitur, quam graviter desipiant Calviniani & Lutherani, qui hunc ritum aquæ vino admiscendæ in Eucharistia inter humana commenta, ac recentes traditiones referunt. Quamquam tamen aquæ cum vino commixtio sine mortali peccato prætermitti non possit, ea tamen si desit, constare sacramentum decet. Catech. Rom. *loc. cit.* §. 17. Ceterum questio est, quæ sac. XII excitari cæpit, num aqua in Christi sanguinem convertatur. Vide Drouvenium de *Re Sacrament.* l. 4 qu. 2 c. 3 §. 4.

§. 46. Verba, quibus consecratur panis, hæc sunt: hoc est corpus meum; vinum autem consecratur his verbis: hic est calix sanguinis mei, novi, & æterni testamenti, mysterium fidei, qui pro vobis, & pro multis effundetur in

*remissionem peccatorum* (1). Munus Ministri, qui Eucharistiam administrat, in ea consecranda ac distribuenda positum est. Eucharistiam consecrant soli Sacerdotes, non item inferiores clerici, multoque minus laici, quoniam Christus hanc potestatem tantum Apostolis, eorumque in sacerdotio successoribus concessit (2). Num plures simul Sacerdotes conficere Eucharistiam possint, ab antiquis Scholasticis disputatum est; sed id diu a Latinis factum, & nunc etiam a Græcis fieri constat (3). Quin apud nos manent adhuc vestigia antiquæ consuetudinis in Presbyterorum, atque Episcoporum ordinationibus.

(1) Num in forma, qua consecratur calix, ad vim sacramenti tantum necessaria sint verba *hic est calix sanguinis mei*, an etiam cetera requirantur, vetus questio est, de qua vide Iueninium *de Sacram. Diss.* 4 qu. 3 c. 5, Drouenium *de Re sacramen.* l. 4 qu. 3 c. 3. Quamquam autem Christus voluntatis imperio Eucharistiam consecrare potuisset, revera tamen evangelicis verbis ex pane & vino suum corpus & sanguinem confecisse docet D. Th. in *summa part.* 3 qu. 78 art. 1 ad 5, quem Theologi fere omnes sequuntur.

(2) Concil. Lauteranense IV c. 1 t. 7 col. 16 collect. Harduin, & Trident. *Sess.* 22 c. 1, ex *can.* 2 de *Sacrif. miss.* Lutheri somnium est, omnes præsertim cum id necessitas postulat. Eucharistia conficiendæ habere potestatem. Absurdam hanc doctrinam & ceteros, qui ab ea dissimiles non sunt, errores Gnosticorum, Montanistarum, Collyridianorum, Waldensium, Calvinianorum late refutant Theologi, atque inter ceteros Drouenius *loc. cit.* qu. 4 c. 1. Celebrant Tertulliani locum, in quo omnes Christiani sacerdotes esse, & omnes offerre dicuntur, accurate inter ceteros expendunt Albaspinæus *de Administrat. Eucharist.* l. 1 c. 8, Herminierus *de Sacrament.* t. 2 c. 19, Bened. XIV *de Sacrific. miss.* *sect.* 1 c. 15.

(3) Vetus sane hæc erat Latinæ & Græcæ Ecclesiæ consuetudo, quam pluribus monumentis confirmant Morinus *de Sacr. Ordinas.* par. 3 exerc. 8 c. 1, Card. Bona *Rever. liturgic.* l. 1 c. 18 §. 9 p. 21 t. 1 edit. Taurin. 1749, Martenius *de Antiq. eccl. rit.* l. 1 c. 3 art. 8 §. 1, & seq. p. 119 t. 1 ed. Antwerp. seu Venet. 1763. Eam apud Latinos desuisse suspicatur Bona *loc. cit.* p. 22, cum late diffusis Ordinibus mendicantium, multiplicata sunt onera missarum, atque ideo necesse fuit singulos Sacerdotes, ut iis satisfacerent, singulis diebus privatim celebrare. Nimirum ea res tota pertinet ad disciplinam, quam, salva fide, ab Ecclesia mutari posse, nemo catholicus inficiabitur. Vide etiam Dominicum Georgium *de Liturg. Roman.* par. 1 tit. 12 §. 17 p. 140 & seq.

§. 47. Eucharistiam a Sacerdote consecratam etiam Diaconi distribuere possunt. Quamquam enim jus ordinarium eam distribuendi sit penes ipsum, qui consecrat, non id ta-

men ita necessario pendet ab ordine sacerdotali, ut non etiam aliis committi possit. Et olim quidem Diaconi Eucharistiam populo tribuebant; verum id in Occidente præstabant, si necessitas urgeret, atque abesset Presbyter, aut juberet (2). Nunc soli Sacerdotes Eucharistiam administrant; & ejus aliquem rei jus proprium, atque ordinarium Episcopi ac Parochi ~~est~~, ceteri Sacerdotes ex alterutrius delegatione id præstant (3). Sed jampridem eo jure utimur, ut omnes Presbyteri Eucharistiam præbeant, atque ita jus Parochorum ad viaticum & paschalem communionem redactum est.

(1) S. Justinus *Apol.* 1 n. 65 p. 83 *ed. Paris.* 1742, Concil. Nicænum *can.* 18 s. 1 c. 133 *coll. Harduin.*

(2) Auctor *Constit. Apostol.* l. 8 c. 28 apud Cotelerium *PP. Apostolic.* t. 1 p. 16 *ed. Amstel.* 1724, Conc. Carthagin. IV *can.* 38 *ed.* 1440 t. 2, & Arelatense II *can.* 15 col. 42. 5 *coll. Labbei, Gelasius* l. ep. 9 *ad Epist. Lucan.* c. 8 col. 316 *ed.* t. 5. Quin propter gravem aliquam necessitatem minores quoque clericos, atque etiam laicos Eucharistiam tribuisse constat ex martyrologiis Bedæ, Adonis, Usuardi, atque ex Eusebii *Histor.* l. 6 c. 4 p. 318 *edit. Valentii Cantabrigiæ* 1720. Ac formidolosis illis temporibus, quibus Ethnici imperio potiebantur, laicos consecratum panem in domos suas detulisse, ut eo clam sumpto sese contra tyrannos instruerent, testantur Tertullianus l. 2 c. 5 p. 169 *ed. Rigaltii Paris.* 1675. Quem morem etiam post pacem Ecclesia redditam obtinuisse demonstrant S. Hieronymus *ep.* 48 *ad Pammachium* n. 15 col. 225 s. 1 *ed. Vallarii Verona* 1734, S. Basilii *ep.* 93 *ad Casarium* p. 186 *opp.* t. 3 *ed. Maurin. Paris.* 1730, S. Zeno l. 1 *Tract.* 5 p. 60 s. 1 *ed. August. Vindelic.* 1753. In suas autem domos Christiani deferabant Eucharistiam aut linea syndone, vel saculo involutam, aut arca lignea inclusam, quod observant Fratres Ballerini *de S. Zenon.* l. 1 *tract.* 14 p. 115 s. 1 *cin. edit.* Nunc apud Latinos non modo Dominicum corpus, sed sacra etiam vasa laici contrectare prohibentur. Nemo tamen dubitat, quin nunc etiam laici hæc facultas dari ab Ecclesia possit, & certe S. Pius V Maris Stuartiæ Scotorum Regina, cum ab Elisabetha Anglorum Regina catholica infensissima carceribus detineretur, concessit ut mapâ propria Eucharistiam sumeret.

(3) Hinc in *Clement.* 1 *de Privileg.* excommunicantur Regulares, qui sine speciali Parochorum venia Eucharistiam præbent.

§. 48. Suscipere Eucharistiam possunt Cristiani omnes, qui justî, ac digni habentur; & olim quidem tum apud Latinos, tum apud Græcos obtinuit consuetudo, ut etiam infantibus post Baptismum Eucharistia tribueretur (1). Sed quamquam id probabili ex causa factum fuerit, numquam tamen Ecclesia infantibus rationis usu carentibus Eucharistiam necessariam indicavit (2); & Latini jampridem ab

ea consuetudine recesserunt (3), quam tamen Greci adhuc retinent (4). Nunc igitur Latini Eucharistiæ participes non faciunt pueros, nisi ea mente, atque ætate sint, ut vim intelligant sacramenti; quod Episcopi & Parochi iudicij æstimandum est (5). Perpetuo amentes Eucharistiam non sumunt; at si ante amentiam piam & religiosam voluntatem ostenderint, in exitu vitæ eo sacramenta donantur, nisi periculum vomitus, vel alterius indignitatis & incommodi timeatur (6).

(1) S. Ciprianus de *Lapsis* p. 94 ed. *Amstelod.* 1700, Auctor *Constit. Apostolic.* l. 8 c. 15, apud Cotelerium *FP. Apostolic.* t. 1 p. 409 edit. *Amstelod.* 1724, S. Dionysius, seu potius Auctor *Eccl. Hierarc.* c. 7 §. 11 p. 417 ed. *Antwerp. citat.*, S. August. *Ep.* 93 ad Bonifac. t. 2 col. 265 de *Peccator. meritis* l. 1 c. 20 col. 15 et 16 t. 10, et *Serm.* 174 cap. 6 col. 834 t. 5, ed. *Maurin. Venet.* 1751, S. Innocentius l. *epist.* 50 ad PP. *Conc. Milevitan.* n. 5 p. 893 apud Constantium *Epist. Rom. Pontif.*

(2) *Conc. Trident.* *Sess.* 21 cap. 4 de *Communione, et can. 4 ejusd. Sess.* Quod decretum impudenter hæretici carpunt, atque abutuntur potissimum Augustini & Innocentii locis, ut suadeant, eos infantibus necessariam Eucharistiam agnovisse. Ex horum hæreticorum numero sunt Joannes Dallaus, quique ejus errorem sequuti sunt Josephus Binghamus *Origin. eccles.* l. 15 c. 4 §. 7 p. 391 et seq. t. 6 ed. *Hale Magdeburg.* 1759, & Petrus Zornius *Histor. Eucharist. Infant.* *Berolini edita an.* 1756: Sed horum commenta graviter & accurate sunt a catholicis, doctisque viris refutata. Consule D. Thom. *lect.* 7 in c. 6 S. Joan., Card. Toletum *ad dist. c. Annor.* 28, Natalem Alex. *Histor. Eccles. sac.* 5 c. 4 art. 3 §. 10 t. 5 p. 109 ed. *Venit.* 1776, Card. Norisium *Vindic. Augustin.* §. 4.

(3) Vigeat hæc consuetudo apud Latinos etiam XI sæculo, uti patet ex Hugone a S. Victore de *Sacram.* l. 1 c. 20 p. 1576 *Bibl. PP.* t. 10 edit. *Paris.* 1754, qui duo scriptores ea ætate floruerunt. Sed jam ævo suo antiquum morem desinere cœpisse, ipse Hugo tradit. Neque solum infantes statim post baptismum, sed & omnes innocentes pueri, tum in Oriente, ac præsertim Constantinopoli, tum in Occidente, potissimum vero in Galliis, Eucharistiæ participes fiebant, si quando multæ Dominici corporis particule superessent Evagrius l. 4 *hisor. Eccles.* c. 36 p. 416 ed. *Valerii Cantabrig.* 1720, Nicephorus Callistus *Hist. eccles. lib.* 17 c. 25 t. 2 p. 772 ed. *Paris.* 1630, Gregorius Turonensis de *Glor. Martyr.* l. 1 c. 10 collect. 732 ed. *Paris.* 1699, Concilium Matisconense II *can.* 6 apud Labbeum t. 6 collect. 675 ed. *Venit.*

(4) Consule Arcudium de *Sacramento Euchar.* l. 3 c. 11, & Janum Nicium Erythraeum *ep.* 24 l. 7.

(5) *Catech. Rom. par.* 2 c. 4 n. 62 & 63. Consule Benedictum XIV *Const. Etri minime* 42 §. 9 p. 68 t. 1 ejus *Bullar. ed. Roma, seu Venet.* 1754, & *Synod. Diacer.* l. 7 c. 11, qui ea de re copiose disputat.

(6) *Catech. Rom. l. c. n.* 64, S. Th. in *Summa* part. 3 qu. 80 art. 9.

§. 49. Eucharistia nonnisi a jejunis sumenda est (1), exceptis ægrotis, quibus non jejunis datur viaticum (2), cum in vitæ discrimine versantur. Nullum quidem ea de re divinum præceptum est: quin Christus Apostolis cœnatis suum corpus & sanguinem dedit. Verum id ipse fecit peculiaribus, gravibusque de causis, neque Ecclesiæ ademit facultatem stabiliendi jejunii, quod stabilivit (3), & quo aliquem solvere unus Romanus Pontifex justis ex causis potest (4).

(1) De hoc jejuniq, quod a dimidia nocte usque ad tempus, quo Eucharistia sumitur, servandum esse constat, late agit Benedictus XVI de Synodo diocæs. lib. 6 cap: 8.

(2) Viaticum ab antiquis Scriptoribus Ecclesiasticis appellatur quicquid Christianos manire posset, cum ex hac vita migrabant; idcirco eo nomine non Eucharistia solum, sed etiam Baptismus, Confirmatio, Absolutio, Extrema unctio continebantur, uti ostendit Albaspinus *Observ. lib. 1 c. 11 p. 27 & seq. edit. Neapol. 1770.* Ita in Conc. Nicæno *can. 13 t. 1 col. 320 collect.* Harduini *ultimum, & maxime necessarium viaticum*, quod pœnitentibus ex vita exeuntibus tribuitur, est absolutio, non Eucharistia; & Conc. Vasense *I. can. 2 t. 1 col. 1737 collect.* Harduini *ed. Paris.* memorat generatim *sacramentorum viaticum.* Sed nunc ejus vocabuli significatio angustior est, ac designat Eucharistiam, quæ morientibus datur.

(3) Late hoc argumentum prosequitur Augustinus *epist. 54 ad Januar. c. 6 col. 126 t. 2 ed. cit.* ubi postquam inquit *liquido apparet, quando primum acceperunt Discipuli corpus & sanguinem Domini, non eos accepisse jejunos*: postremo addit, numquid tamen propterea calumniandum est universa Ecclesiæ, quod a jejuniis semper accipitur? Ex hoc enim placuit Spiritui S. ut in honorem tanti sacramenti in os Christiani prius Dominicum corpus intraret, quam ceteri cibi. Vide etiam S. Th. in *summa part. 3 qu. 80 art. 8*, Nicolaum I. in *Respons. ad consult. Bulgæ. cap. 65 t. 5 Concil. col. 375 collect.* Harduini, Card. Bonani *Rer. liturgic. I. t. 1 c. 21 §. 1*; ibique Salasn *in Not. t. 2 p. 108 ed. Taurin. 1749.*

(4) Confer Bened. XIV *Constit. 55 t. 4 ejus Bullarii p. 248 ed. Roma seu Venet. 1753*, ubi Jacobo III M. Britannicæ Regi post tenuem cibum valetudinis causa sumptum facultas Eucharistiæ suscipiendæ conceditur. Ceterum in Sacramentario S. Gregorii *col. 73 opp. p. 3 ed. Paris. 1705* pueris, qui hac ob necessitatem suxerant, Eucharistia permittitur; quod etiam habet Ordo XV Ecclesiæ Apamiensis apud Martenium de *Antiq. Eccler. rit. I. t. 1 c. 1 art. 18 t. 1 p. 75 ed. indic.* Ordo autem Romanus a Mabillonio descriptus *t. 2 Musæ Italici n. 46 p. 28*, lactentes pueros tantum ante unam horam, quam Eucharistiam capiant, jejunos esse jubet. Quin etiam feria V in cœna Domini Eucharistiam in Ecclesiis quibusdam a non jejunis sumi consuevisse, constat *ex can. 29. Conc. Carthagin. III apud Labbeum t. 2 col. 1403 ed. Venet.* qua de re rogatus S. August. *ep. 54 ad Januar. c. 5 col. 126 t. 2 cit. edit.*



respondit, servandam esse locorum consuetudinem. Verum mos ille danda pueris Eucharistia jam pridem antiquatus est, & illa, quam memoravi, consuetudo quarundam Ecclesiarum, danda non jejunis Eucharistia ferita V in cœna Domini, Ecclesie lege sublata est. Vide Jueninium *de Sacrament. diss.* 4 qu. 8 art. 2 §. 1.

§. 50. Olim fideles, qui sacrificio intererant, quotidie (1), atque, ut plurimum, sub utraque specie panis & vini, Eucharistiam accipiebant (2). Sed nullum umquam ea de re præceptum fuit; & certe sub una tantum specie integrum sacramentum suscipi, catholica fides docet (3). Imminuta etiam christianorum charitate, quotidiana illa communio sensim desiit; ac denique necessitas suscipiendæ Eucharistia præcipuis quibusdam anni diebus ab Ecclesia imposita est. Primum ter in anno, hoc est in Natale Domini, in Paschate, in Pentecoste (4), postremo semel, hoc est saltem in Paschate, Christiani omnes Pœnitentia & Eucharistia sacramenta accipere jussi sunt (5).

(1) Quod ostendit illud Lucæ *Act. II* 41 de primis Christianis: *erant autem perseverantes in doctrina Apostolorum, & communicatione fractionis panis: & orationibus*; quod de Eucharistica Communionem Patres intelligunt. Omnes qui sacris mysteriis intererant, Eucharistiam suscipiebant. Justinus *Apol. II* n. 65 p. 83 *indic. ed. Paris.* Cyprianus *de Orat.* p. 192 *ed. Paris.* 1666, *Autor l. de Eccles. hierarch.* c. 5 §. 12 p. 290 t. I *ed. indic.*; & can. 10 Apostolorum apud Cotelerium *PP. Apostolic.* 445 t. I *cit. ed.* damnantur fideles, qui ingreditur Ecclesiam, & scripturas audis, non autem perseverant in oratione, nec sanctam communionem percipiunt, quem canonem explicans de frequenti communione late disputat Beveregius in *Cod. can. Eccles. primit.* l. 2 c. 3 p. 80 t. 2 apud eundem Cotelerium *loc. cit.* Quin sua etiam ætate quotidianam communionem Romæ viguisse testatur Hieronymus *Ep. 43 ad Pammachium* n. 15 col. 225 opp. t. I *ed. Vallarsii Verona* 1754 quod, ipse inquit, non reprehendo, nec probō. Hieronymo antiquior Didymus Alexandrinus *de Trinit.* l. 5 c. 21 p. 598 *ed. Bononiæ* 1769. morem eundem memorat Ecclesie Alexandria, vocatque Eucharistiam desideratissimum Pascha, quoniam fideles hoc sacramentum summo desiderio appetebant. Augustinus autem *ep. 521* col. 125 t. 2 *ed. Ven. cit.* variam ea de re ecclesiarum consuetudinem demonstrat.

(2) Antiquitus Christianos, ut plurimum, sub utraque specie Eucharistiam accepisse patet ex Apostolo I. *ad Corintb. XI* 26 seq., Justino Mart. *loc. cit.* Cypriano *ep. 57* p. 253 *ed. Amstelod.*, Cyrillo *Catech.* 525 n. 21 & 22 p. 352 *ed. Paris.* 1720. Chrysost. *Hom. 82 in Matth.* p. 788 t. 7 *ed. Montisæne. Paris.* Leone M. *Serm. 41c.* 5 p. 111 opp. t. I *ed. Romæ* 1753, Zenone l. 2 *Tract.* 58 p. 251, & *tract.* 53 p. 280 t. I *edit. Augut. Vindelic.* 1758, aliisque compluribus. (It plurimum, inquam, nam sæpe sub una tantum specie Eucharistiam datam constat, unde intelligitur, id semper Ecclesiam ratum ha-

huisse, quod nullam sit præceptum, quo laici & clerici sacrificium non conficientem Eucharistiam sub utraque specie accipere compellantur. Revera ad ægrotos in lecto decubentes sub tantum specie Eucharistia plerumque deferabatur; atque ita eam Serspionem & Ambrosium accepisse tradunt Dionysius Alexandrinus apud Eusebium *Histor. eccl. lib. 6 c. 44 p. 318 ed. Valerii Cantabrig. 1720*, & Paulinus in *Vit. S. Ambros. n. 47 opp. Ambros. t. 4 col. XIII ed. Venet. indic.* Similiter pueris infantibus, ut plurimum, sub una specie dabatur sacramentum, & fideles, qui, ethnicis dominantibus, Eucharistiam domi servabant, solum accipiebant panem, quem unum memorant Patres, ac nominatim Tertullianus *l. 2 c. 5 ad Uxor*, non autem vinum, quod facile corrumpitur. Quin etiam in publicis conventibus diu fideles sub una panis specie Eucharistiam suscepisse die Parasceves, ex Ordipe Romano manifestum est. Fuse ac diligenter ex de re contra Protestantes disserit Bossuetus duobus libellis, quorum alteri titulus est *de Communione sub utraque specie*, alteri *Defensa traditis de Communione sub una specie*. Vide etiam Selvagium *Antiquit. Chris. l. 3 c. 9*, Drouvenium *de Re Sacramen. l. 4 qu. 8 c. 2*, Juvenium *de Sacramen. diss. 4 qu. 9 art. 2*. In primis autem consulendus est doctissimus Cardinalis Garsmpius, qui in egregio opere, cui titulus *Memorie della B. Chiara di Rimini diss. 5 p. 177 & seq.* cum de quotidiana communionis, tum de Eucharistia sub utraque specie accipiendæ usu copiose & præclare disputat. Ac gravissimas quidem habuit Ecclesia causas, propter quas communicandi consuetudinem sub altera tantum specie non solum approbaret, sed etiam decreti auctoritate firmaret, easque numerat Catech. Rom. *p. 2 c. 4 §. 66*. Etate S. Thomæ adhuc in quibusdam Occidentis Eccl. consuetudo accipiendi sub utraque specie Eucharistiam perseverabat; uti patet ex ejus *Summa par. 3 qu. 80 art. 12*. Græci tamen hanc consuetudinem nunc etiam retinent, atque tam permittendam censuerunt Conc. Florentinum, Leo X in *Const. Accepimus*, & Clemens VII in *Const. Provisionis nostræ* apud Guërram *Pontif. Const. epis. t. 2 pag. 509*. Confer Leonem Allatum *Adnot. 1 de Eccl. Occid. atque Orient. consent.*, & Arcudium *Concord. Occid. & Orient. lib. 3 c. 4* Italo-Græcis hæc consuetudo integra relinquitur e Bened. XIV in *Const. Essi pastorali* 57 §. 6 p. 106 n. 15 t. 1, & *Const. Allata sunt* 47 §. 25 t. 1, & ejus *Bullar. p. 183 ed. Roma seu Venet. 1758*.

(3) Conc. Trident. *Sess. 21 c. 1 & 2 de Commun.* Quod etiam antea docuerat Synodus Constantien. *Sess. 13* apud Labbeum *tom. 16 Conc. col. 318*, quæ jam ante istud tempus diutissime illam consuetudinem communicandi sub una specie, ab Ecclesia observatam fuisse testatur.

(4) Conc. Agath. habitum VI sæc. *can. 18 col. 1000 t. 2 coll. Hard. ed. Paris. Sæculares*, inquit, *qui Natale Domini, Pascha & Pentecoste non communicaverint, catholici non trahantur, nec inter catholicos habeantur*. Eadem habet Synod. Turonensis III habita IX sæc. *can. 50 col. 1030 t. 4 coll. Harduini*. Falso Gratianus Agathensem canonem Conc. Eliberitano, ac Turonensem Fabiano Pont. adscribit *can. 19 & 21 dist. 2 de Consecr.* nam hæc disciplina multo ante per Eliberitanum Conc., ac Fabium Pontif. inducta est.

(4) Concil. Trident. *Sess. 13 can. 9 de Eucharist.*, quo decreto confirmatus est canon Concil. Lateranensis in c. 12 *de Panis*. & remitt. Hic autem canon omnes utriusque sexus fideles saltem semel in anno proprio Sacerdoti sua peccata confiteri, & Eucharistiam suscipere jubet. Quasitum est, quis proprius Sacerdos haberi debeat, & omnes fere consentiunt, proprium Sacerdotem, cui sua quisque crimina semel in anno aperire debet, & a quo sacramentaliter absolvendus est, esse Parochum; salva tamen Sum. Pontif. in toto orbe Christiano, & Episcoporum in suis diocesis auctoritate, qui & eam exercere ipsi possunt, & alijs sacerdotibus exercendam committere. Quare non tantum qui proprio paroco, sed etiam qui alijs Sacerdotibus a Sum. Pontif., aut Episcopo delegatis sua confitentur crimina, Ecclesie praecepto satisfaciunt. Confer Nat. Alex. *Dis. de Senus Canonis Utriusque sexus in Theol. 2. 21 opp. 9 p. 548 seq.* Quod autem dicitur ab omnibus Christianis Eucharistiae sacramentum in Paschate esse accipiendum, id de hebdomada sancta, & octava Paschatis accipiendum est, Eugenius IV in B. *Fide digna 24 p. 33 t. 3 par. 5 Bull. ed. Rom. ult.*

§. 51. Certis autem verbis ab ipsis Ecclesiae primordiis Eucharistia dari consuevit, uti nunc etiam datur (1). Primum Episcopi, tum Pre-byteri, deinceps Diaconi, ceterique inferiores Clerici, Monachi, Diaconissae, Virgines, ac tandem laici, primum viri, postea mulieres (2); & clerici quidem intra, laici extra sanctuarium (3): atque omnes non flexis genibus, uti nunc, sed stantes, prono tamen capite, ac demissis oculis (4), Eucharistiam accipiebant. Cuncti lotis manibus, & facie accedebant (5); manuque excipiebant Christi corpus (6), sanguinem aut calamo sugabant, aut ex calice ori admoto ebibebant, quin etiam interdum corpus sanguine intinctum porrigebatur (7).

(1) Auctor *Const. Apost. lib. 8 cap. 13* apud Cotelium PP. *Apost. p. 409 t. 1 ed. Amst.*, & S. Ambros. *de Sacrament. l. 4 c. 5 n. 25* describunt formulam, quae ea tempestate adhibebatur, eaque erat: *Corpus Christi: sanguis Christi.* Aetate S. Gregorii, uti testatur Joannes Diac. in *ejus Vit. l. 2 c. 41 opp. S. Greg. t. 4 p. 58 ed. Paris. 1705*, formula his erat concepta verbis: *C. D. N. J. C. conserve animam tuam.* Denique a vo Alcuini, ut ipse tradit *de Sabb. S. Pascha coll. 259 Bibl. PP. t. 10 ed. Paris. 1724*, facta est formula ad hunc modum: *C. D. N. J. C. custodiat te in vitam aeternam.* At non eadem omnino ubique fuit. Recitata a ministro formula, Eucharistiam accipientes respondebant, *amen.* Auctor *Const. Apostol. lib. cap.* Cornelius Pont. apud Euseb. *l. 6 c. 43 p. 315 ind. ed.*, Augustin. *Contr. Faust. l. 12 c. 10 c. 23 t. 8 ed. Ven.*, Leo M. *Serm. 93 c. 3*, Cyrillus Hierosol. *Cat. 23 n. 21.* Sed jampridem apud nos receptum est, ut fideles Eucharistiam taciti accipiant.

(2) Auctor *Const. Apostolic. loc. cit.*

(3) Conc. Tolet. IV Can. 18 t. 5 c. 584 coll. Hard. sanctum est ut *Sacerdotes & Levites ante altare communicent, et in choro cernunt, extra chorum populus*. In Africa etiam laici ad cancellos, qui chorum a populo separabant, Eucharistiam accipiebant, quod colligitur ex August. *Serm.* 392 c. 5. Neophytis tamen, uti constat ex eodem *Serm.* 224 c. 6 c. 969 t. 5 beneficii loco permittebatur, ut ad altare accederent. In Mediolanensi Ecclesia laicos extra sanctuarium communicasse, demonstrat factum Ambrosii, qui Theodosium Imperat. sibi intra illud locum arroganter sanctuario prohibuit. Neque dissimilis fuit Græc. consuetudo, uti colligitur ex Conc. Laodic. Can. 19 apud Labb. t. 1 col. 1534, verum Imperatori datus est intra sanctuarium locus. Conc. Trullan. Can. 69 c. 1379 t. 7 apud eund. Lab. Galli tamen etiam laicis ad altare communionem permiserunt, uti ostendunt. Conc. Turron. II Can. 4 c. 536 t. 6 ap. eum., Gregorius Turron. *Hist. Franc.* l. 10 c. 8, Cæsarius Arelat. *Serm.* 289 in App. S. August. n. 3 opp. August. t. 5 par. 2 col. 4<sup>ta</sup> ed. Venet. indic.

(4) Hanc quidem fuisse, & nunc etiam esse Græcorum consuetudinem, manifestum est ex Cyrillo *Catech.* 123 n. 22 p. 532 ind. ed. Paris. atque ex libris ritualibus. Idem de Latinis non audeat affirmare Card. Bona *Rev. liturg.* l. 217 §. 8; tantum monet, in missa solemnī Summi Pont. Diaconum stantem communicare, omnino ex veteri ritu. Sed verisimile est, eandem Latinor. fuisse disciplinam. Confer Habert. in *Not. ad Pont. Græcor.* p. 270, Valesium in *Not. ad Euseb. hist.* l. 7 c. 9, Thiersium in *Gallie. dist. de Altaribus*, Salam ad Bonam l. c. not. 3.

(5) S. Jo. Chrysost. *Hom.* 3 in Ep. ad Ephes. p. 22 t. 11 ind. edit. S. August. *Serm.* 17 c. 5. Eadem ratione mundissimas quisque vestes sumebat, cum ad Eucharistiam suscipiendam accederet; qua in re singulare est illud, quod legitur in vita S. Ionæ Monachi apud Bollandum 11 Feb. t. 2 p. 250, quod scilicet per annos octuaginta quinque mundam servavit vestem, qua tantum Eucharistiam suscepturus induebatur.

(6) Dionysius Alexandr. in Ep. ad Xistum Pont. apud Eusebium *Histor. eccles.* l. 7 c. 9 Cyprianus de *Lapsis* p. 176 ed. Paris. 1666, Basilus Ep. 95 ad Cæsarium Patric., Chrysot. *Hom. in diem natal. Domini.* n. 7, Damascenus de *Fid. orthodox.* l. 4 c. 13, Augustinus *Contr. Ilier. Pelilian.* l. 2 c. 25, Ambrosius apud Theodores. *Histor. eccles.* l. 5 cap. 18 1720, Cyrillus *Catech.* 23 n. 21 concava manu, & sinistra dexterae subjecta Christi corpus suscipi jubet. Hoc autem viros inter, atque mulieres discrimen intercedebat, quod viri nudis manibus, mulieres linteo Eucharistiam excipiebant, uti patet ex Cæsario Arelatensi *Serm.* 229 in App. August. n. 5 opp. Augustin. t. 5 par. 2 col. 376 cit. edit. & ex Concilio Antisiodorensi Can. 36 apud Labbeum t. 6 col. 645 edit. Venet. Atque huc etiam can. 42 eiusdem Concilii Antisiodorensis referendum putant Cardinalis Bona *Rev. liturg.* l. 2 17 §. 3 p. 369 t. 3 edit. cit., Martenius de *Amiq. Eccles. rit.* l. 1 c. 4 art. 10 p. 156 t. 1 ed. Antwerp. seu Venet. cit. aliique complures. Nam eo canone sancitum est, ut unaquæque mulier, quando communicat, dominicalem supm accipiat. Illi autem dominicalem interpretantur linteum mundum, quo subjecto mulieres Eucharistiam accipiebant. Sed cum ea de re Antisiodorenses Patres satis egissent can. 36, neque verisimile

sit, eos actum agere voluisse *can. 42*, recte Balutius in Gratian. *can. 19 caus. 25 qu. 3* ostendit, *dominicatem*, cuius in eo concilio mentio est, fuisse tegmen, quo mulieres ad Eucharistiam accedentes caput operiebant. Porro non uno, & eodem tempore ubique desiit mos Eucharistiae manu excipiendae. In Ecclesia Romana jam inde a saec. VI in os injectam Eucharistiam colligitur ex eo, quod narrat S. Gregorius M. *Dial. l. 3 c. 3 col. 284 opp. t. 2 ed. Paris. 1705*. Ibi enim refertur communio cuidam muto & claudio distributa a S. Agapito, qui anno 535. Summus Pontif. creatus est, ac dicitur corpus Dominicum in os misisse. Similiter Rothomagensi concilio sancitum est, ut nulli laico, aut famina, Eucharistiam in manibus ponunt (Sacerdotes), *sed tantum in os ejus*. Integrum hujus concilii canonem describit Mabillonius *Pref. 12 i p. sac. 3 Benedict. abster. 11. n. 76 p. XXXVI t. 3 ed. Venet. 1734*, quem editum putat circa annum 830, quo ex tempore, inquit, abrogari cepit mos ille Eucharistiae manu excipiendae, reservata tamen Diacono & Subdiacono. Dominici corporis tractandi facultate. Verum in Romana Ecclesia ante hanc aetatem Christi corpus in os mitti consuevisse, demonstrat Gregorii locus, quem paulo ante descripsi; nisi quis forte hoc singulare exemplum ducat, unde generalis consuetudo educi non potest. Consule Franciscum de Berleendis *de Oblation. ad altar. commun. §. 5 p. 137*.

(7) Postremum hunc modum rejecit Synodus Bracarenensis IV *can. 2* apud Liabzum *t. 7 col. 579 ed. Venet. probavit autem Conc. Turon. apud Burchardum Decret. t. 5 c. 9*. Et vero mos hic saeculo XII omnibus fere ecclesiis communis erat, uti patet ex *epist. 2. Ernulfi Ruffensis Episc. ad Lambertum apud Dacherium Spisileg. t. 3 p. 471 edit. Paris. 1723*. Confer Martenium *de antiq. eccles. rit. l. 1 c. 4 art. 10 §. 15 p. 157 t. 1 2d. cit.*

§. 52. Eucharistia omnibus necessaria, qui eam suscipere possunt; atque in primis eos, qui ex hac vita migrant, tam salutari viatico instructos et munitos esse oportet (1). Ergo hac praesertim de causa, ne quis subita vi morbi correptus sine hoc sacramento decedat, ejus in Ecclesia servandae usus ab antiquissimo tempore inductus est (2). Labentibus annis Ecclesia nova voluit accedere nostrae venerationis argumenta adversus admirabile sacramentum, quod cum vere contineat gratiarum fontem uberrimum Christum Jesum, eo modo, quo Deum, colere, ac revereri debemus. Nam institutus est peculiaris dies festus Corporis Christi, & supplicationis genus, quod *processionem* dicimus, & mos inductus, ut Eucharistia publice fidelibus adoranda proponatur (3).

(1) Duplex est modus, inquit D. Th. in *Summa par. 3 qu. 80 art. 11*, percipiendi hoc sacramentum, spiritualiter & sacramentaliter. Manifestum est autem, quod omnes tenentur, taliter spiritualiter,

manducato; quia hoc est Christo incorporari. Spiritualis autem manducatio includit votum seu desiderium percipiendi hoc sacramentum; & idea sine voto percipiendi hoc sacramentum non potest homini esse salus. Confer etiam Drouvenium de re sacram. l. 4 qu. 8 c. 1.

(2) Samuel Basnagius Calvinianus homo *Annal.* t. 2 ad an. 209 p. 255 n. 5, consuetudinem Eucharistiae in Ecclesia servandae recentiore esse arbitrat. Sed Basnagium solide, graviterque refutat Robertus Sala ad Bonam Rev. liturg. lib. 2 c. 17 §. 6 not. 2 p. 579 & seq. t. 3 ed. Taurin. 1753; atque hujus quidem religiosae consuetudinis antiquitatem ipse etiam agnovit haereticus homo Josephus Binghamus *Origin. eccles.* l. 15 c. 4 §. 11 p. 409 t. 6 ad. *Hala Magd.* 1754. Mitto antiqua testimonia, quae pene innumera sunt, quaeque viri docti collegerunt; tantum indicabo praeclarum locum Cyrilli Alexandrini Ep. ad Caloyrium Aduers. Anibropophor- mitas p. 365 ed. Lutet. Paris. 1636: Porro, inquit, alios etiam esse audio, qui mysticam benedictionem (hoc est consecrationem) nihil ad sanctificationem juvare dicant, si quid ex ea fiat reliqui in alium diem. Insaniani vero qui hac asserunt. Neque enim alteratur Christus, neque sanctum ejus. Corpus immutatur (dum species manent), sed benedictionis eis, ac facultas, & vivificant gratia perpetuo in ipsa existit. Erat autem receptaculum spiritualis alimentis, hoc est Eucharistiae, uti loquitur Ambrosius Ep. 4 ad Felix. opposit. r. 3 col. 792 ad. cit., vas ad instar columbae, vel turris ut plurimum, elaboratum, quod aut in principio, aut peculiari altari servabatur. Greg. Turonensis de Glor. martyr. c. 85 col. 815 ed. Paris. 1639. Concil. Constantin. sub Men- na Act. 5 col. 1319 t. 2 collect. Harduini edit. Paris. Interdum etiam Eucharistia penes majus altare ad summum Ecclesiae parietem, ara non supposita, in vasculum patente retinebatur. Paulinum ap. 22 ad Sever. col. 197 ed. Murat. Verona in Baptisteriis supra fontes in pixide, quae columbam representabat, servatam docet Eucharistiam, quam recenter baptizati accipiebant. Consule Mabillonius *Comment. ad ordin. Rom. c.* 20 p. 139 t. 2 edit. Paris. 1639, Martenium de *Antiq. Eccles. rit.* l. 1 c. 3 art. 3 p. 251 ed. laud., Chardonium *Histor. sacram.* l. 3 c. 13. Supra altare autem Eucharistiam non imaginario ordine, sed sub crucis titulo, ut inquit, Synodus Turonensis II can. 3, apud Labbeum t. 6 col. 536 ed. Venet. nimirum non quovis loco & cujusvis arbitrio, sed in medio altaris & sub crucis titulo posita esse debebat. Sic enim interpretor hunc canonem, qui eruditorum torquet ingenia, doctissimis viris Sirmundo & Mabillonio, qui alias hujus canonis interpretationes ediderunt. Illud hoc loco animadvertendum est, Eucharistiam in Ecclesiis non parochialibus sine venia Sedis Apostolicae retineri non posse, *Ened. XIV Constit. Quamvis. jussu* 7 §. 24 p. 38 t. 3 ed. Romae seu Venet. 1754. Confer Cardinalem Petram in *Cont. Apostol. ad Constit. Urbani IV* scilicet. ubi 2.9 t. 3. Et quoniam facta mentio est antiquissimae consuetudinis Eucharistiae in Ecclesia servandae, pauca dicenda videntur de celebri, quae non multis ab hinc annis exarsit, controversia, num scilicet recte administraretur Eucharistia ex praconsecratis, an omnino ex sacramento cum praesentibus communicandum sit. Nam anno 1737, cum Cremo. Episcopatum teneret Cardinalis Calinus, Josephus

Guerrerus cathedralis Ecclesie Canonicus contendere cepit, Fideles in ipsa Missa post Sacerdotem Eucharistiam accipere oportere, improbandam autem esse consuetudinem accipiendi extra sacrificium communionem ex præconsecratis. Ut omnis hæc controversia dirimeretur, a Bened. XIV die 13 Novemb. an. 1742 edita est *constitutio Certiores* 64 tom. 1 ejus Bullarii pag. 129 edit. Roma seu Venet. 1754. In ea declarat Pontifex, quod pridem expresserat Synod. Trident., optandum quidem esse, ut in singulis Missis Fideles adstantes non solum spirituali affectu, sed sacramentali etiam Eucharistia perceptione communicarent, quod ad nos sanctissimi hujus sacrificii fructus uberius perveniret; statuit tamen, nullam esse necessitatem, qua Sacerdotes Missam celebrantes Sacram Eucharistiam omnibus petentibus infra ipsam actionem ministrare cogantur, neque improbari posse consuetudinem communicandi ex præconsecratis, cum id pro tempore, loco, & personis opportunum judicaretur. Nihilotamen minus Michael Maria Nannaronius Dominicanus an. 1770 Neapoli catechismum edidit, quo Guerrerii sententiam defendere conatus est; sed eum refutavit Dominicanus alter Josephus Maria Elephantes, edita Neapoli an. 1744 de hoc argumenti genere peculiari dissertatione. Nannaronius tandem rediit in bonam mentem; sed adhuc adversus consuetudinem distribuendi fidelibus Eucharistiam præconsecratam an. 1779 Patavii dissertationem edidit *de incruenti nova legis sacrificii communionem* Carolus Maria Traversarius Ordin. Servor. B. M. V. Hanc Traversarii dissertationem, & Nannaronii catechismum damnavit sacra Indicis Congregatio. Totum hoc argumento accurate pertraxit Benedictus Vulpus libro Venetiis edito an. 1790, cui titulus: *Storia della celebre controversia di Crema sopra il pubblico divin diritto alla Comunione Eucaristica nella Messa, con una dissertazione sullo stesso argomento*. Consule Franciscum de Berlendis de Oblation. commun. §. 5 n. 8 p. 153 ed Venet., R. Salam in notis ad Bonam Rer. Liturgic. l. 2 c. 20 §. 2 not. 2 p. 150, & seq. 3 ind. ed., Jo. Laurent. Bertium Theologic. discipl. l. 33 in App. c. 21, Jo. Bapt. Gatticum de Orator. domest.

(2) Diem festum corporis Christi instituit Urbanus IV in Bulla Transiurus 19 t. 3 par. 1 Bullarii p. 414 ed. Roma ult. Morem autem solemniter circumgestandi Dominicum corpus memorant Gregorius Turonensis de Glor. martyr. l. 1 c. 86 cis. col. 818, & Concilium Bracarense IV can. 6 apud Labbeum t. 7 col. 532 ed. Ven. Cuncta hæc accurate persequuntur Jueninius de Sacrament. diss. 4 art. 4, Thiersius de Exposit. Venerabilis; Chardonius Hist. Sacram. l. 3 c. 14, 15, 16; Confer etiam Martenium de Antiq. Eccles. rit. l. 4 c. 29 t. 3 p. 196 ed. Antwerp. seu Venet. 1764; Bened. XIV Instit. Eccles. 5, Muratorium Liturgia Romana diss. de Reb. liturg. c. 24.

§. 53. Non sacramenti solum rationem habet Eucharistia, sed etiam sacrificii; imo unum novæ Legis sacrificium est. Nam quoties illud Sacerdos conficit, toties Christus Dominus sine cruore immolatur, reditque memoria immensæ charitatis ejus, qui pro nostram salute Deo Patri semetipsum in ara crucis obtulit. Differt sacramentum a

Devoti. Tom. II. 5

sacrificio, quod illud consecratione perficitur, omnis vero sacrificii vis in eo est, ut offeratur (1). Deinde sacramentum, præter ceteras utilitates; meriti causam affert iis, qui illud recte suscipiunt; sacrificium vim habet non merendi solum, sed satisfaciendi (2). Nam quemadmodum Christus Dominus in passione sua pro nobis meruit, ac satisfecit; ita qui hoc sacrificium offerunt, quò nobiscum communicant, Dominicæ passionis fructus merentur, ac satisfaciunt (3).

(1) Catechismus Romanus par. 2 c. 4 §. 71.

(2) Concil. Trident. Sess. 22 c. 2, & can. 3 de Sacrific. Missæ. Hinc catholica veritas de sacrificii, quod vere propitiatorium est, oblationem non solum pro vivis, sed & pro defunctis in Christo nondum ad plenum purgatis. Quarto sæculo Aërius preces pro defunctis fundendas esse negavit, quam nefariam hæresim ut everteret S. Ephrem Syrus, S. Basilii discipulus, multas de defunctis odas, cantus, & carmina, officia scilicet defunctorum omnia, ut inquit Abraham Ecchellensis ad Casal. Ebedjeru p. 45, composuit, de quibus vide Assemanum in Bibl. orient. t. 1 p. 132 & seq. Errorem illum Aërii renovarunt Protèstantes: verum ea de re Ecclesiæ doctrina ita certa est, atque omnium Patrum consentiente auctoritate firmata, ut plane desipiant, qui eam in discrimen revocare conantur. Nam ipsam testatissimam faciunt S. Cyprian. Ep. 66 p. 109 ed. Paris. 1666, Tertullianus de Coron. c. 3 de Exhort. castit. c. 11 de Monagom. c. 10 p. 102, 523, 531 ed. Ven. 1744, S. Zeno l. 1 Tract. 16 p. 133 t. 1 ed. August. Vindel. 1758, S. Cyrillus Hierosolym. Catech. mystag. 5 n. 9 & 10 ed. Paris. 1720, S. Epiphani. de Exposit. fid. n. 23 t. 1 opp. p. 1106 ed. Petav. Paris. 1622, S. Ambros. Ep. 39 ad Faustin. n. 4 oper. t. 3 col. 1014, & in Orat. de Obis. Theodos. col. 293 t. 4 edit. Venet. cit., S. August. Confess. l. 9 c. 12 col. 163 t. 1 de Civit. Dei l. 21 c. 24 col. 641 t. 7 de Cur. gerem. pro mort. c. 1 col. 515 t. 6 ed. Venet., Cassianus Collat. 19 c. 1 p. 747 ed. Atebat. 1628, alique complures, quos longum est referre. Auctor Constit. Apostol. l. 8 c. 41 & 42 PP. Apostol. t. 1 p. 423 & 424 ed. Amstelod. ind. orationem describit pro defunctis cum sacrificio fieri solitam. Confer Card. Bonam Rer. liturgic. l. 1 c. 15 §. 4 p. 307 & seq. ibique Salam in Not. 1 ed. Taurin. 1747, Drouvenium de Re Sacram. t. 5 qu. 7 c. 1, Jueninium de Sacram. diss. 5 qu. 5 c. 1 & seq., Benedict. XIV de Sacrific. Missæ. sess. 1 c. 17 §. 1. Atque ex hac quidem catholicæ Ecclesiæ doctrina de divino sacrificio, quod prodest non tantum vivis, sed etiam mortuis, qui nondum plane sint expiati, piz Missarum foundationes repetendæ sunt. Quarum foundationum præclarum monumentum occurrit in testamento S. Remigii Episc. Remensis apud Flodoardum Histor. Eccles. Remen. l. 1 c. 18. p. 92 ed. Duaci 1617, qui in Agricola Presbyt. nepotem suum alloquitur: vineam, quam Bebrimodus fecis, tibi eatenus derelinquo, ut diebus festis & omnibus diebus dominicis sacris altaribus mea inde offeratur oblatio. Ad hunc locum advertens Christianus Lupus Schol. in Canon. 69 Concilii Trullani opp. t. 3 p. 126 ed. Venet. 1724 adeo antiquum est, inquit, pro anima sua missas fundere. Ve-



rum & alia sunt ejusdem rei antiqua monumenta; qui etiam octavo præsertim sæculo mutæ societates pro vivis, ac præsertim mortuis commendandis institutæ sunt, & perpetua anniversaria frequentiora fieri cæperunt. De his societatibus insignis est locus apud Ven. Bedam, qui in mercedem vitæ S. Cuthberti à se conscripta, hæc rogat in l. Prologo ad Eadfridum Episcopum & Monachum Lindisfarnensem s. 3. *pref. p. 152 edit. Colon. Agripp. 1612. Me defuncto pro redemptione animæ meæ, quati. pro familiariis, ac vernaculi vestri, orare, et Missas facere, et nomen meum inter vestra scribere dignemini. Nam et tu, sanctissime Antistes, hoc te mihi promississe jam retiner: in cujus etiam testimonium futura conscriptionis religioso Fratri nostro. Godfrido mansionario præcepisti, ut in albo vestra sacra congregationis meum nunc quoque nomen appareret.* Plures ea de re extant epistolæ S. Bonifacii Episc. Moguntini, quas inter digna præsertim est, quæ legatur Ep. 106 ad Optatum Abb. p. 150 ed. Mogunt. 1605 opp. edit. Maurin. Accesserunt etiam anniversaria perpetua, non quod ea tunc primum instituta fuerint, sed quod ea frequentissima facta sunt, & horum quidem multa collegit exempla Mabillonius *Acta SS. Ordin. S. Benedicti præfat. in sæc. III par. 1 oberv. 27 n. 101 p. XLIX ed. Venet. 1754.* Frequentissima, inquam, octavo præsertim sæculo perpetua anniversaria facta sunt; verum anniversariorum origo multo antiquior est, atque a primis Ecclesiæ temporibus repetenda, ut ostendunt Patres, quos paulo supra commemoravi. Doctis tamen viris hæud plane compertum exploratumque est, perpetuo ne fierent, an semel anniversaria officia, quorum antiqui illi Patres meminerunt. Ego assentior illis, qui hæc anniversaria magna ex parte perpetua fuisse arbitrantur, & hujusmodi esse puto anniversariam, cujus meminit Tertullianus *de Monagam. c. 10 p. 531 ed. Ven. 1744,* cum inquit: *Enimvero, & pro anima ejus erat, & refrigerium intetum adposulas ei, & in prima resurrectione consortium, & offert annuis diebus dormitionis ejus.* Si semel tantum annuum officium persolutum fuisset, unum tantum annum diem, non plures Tertullianus indicasset.

(3) Catechismus Romanus *loc. cit.*

§. 54. Sacrificium Eucharistiæ *Missa* nuncupatur, quod vocabulum non Græcum aut Hebræicum, sed Latinum est; verum, num a mittendis, seu transmittendis ad Deum populi precibus atque oblationibus, an potius a mittendo, seu dimittendo populo, ea formula, quam Diaconus recitabat, *ite missa est,* non satis constat (1). Certe in *Missa* preces, ac cæremoniæ adhibentur; atque ille earum ordo vocatur *Liturgia*, quod Græcum est verbum, ac Latine redditur publicum ministerium. Semper hi ritus, atque hæc preces, in quibus verba Christi Eucharistiam instituentis principem locum obtinent, adhiberi consueverunt: sed non eadem fuit ea de re Ecclesiarum omnium disciplina (2). Hinc plures pro varia temporum,

ac locorum ratione exortæ sunt Liturgiæ (3): & in Oriente quidem celebriores fuerunt Liturgiæ S. Basilii, ac S. Joannis Chrysostomi, in Occidente Romana, Ambrosiana, Gallicana, Hispanica, quæ etiam Mozarabica appellatur (4).

(1) Confer. Card. Bonam, qui de Missæ nomine, ejusque origine late disputat *Rer. liturg. l. 1 c. 1 p. 1 & seq. t. 1 ed. Taurin. 1747*, præterea Benedictum XIV *de Sacros. Missæ sacrific. l. 2 c. 1*, Nataleni Alex. *Histor. Eccles. sac. 13. & 14 diss. 13 n. 40 t. 9 p. 499 ed. Venet. 1776*, Gerbertum *Princip. Theolog. Liturg. sect. 1 c. 2 p. 37 seq.*

(2) Apostolos recitata oratione Dominica, & formula consecrationis rem divinam confecisse scribunt Gregor. M. l. 9 Ep. 12 ad Ioan. *Syracus. col. 490 t. 2 ed. Maurin. Paris. 1705*. Honorius Augustodunensis in *Gemma anim. c. 86 in Biblioth. PP. t. 10 col. 1205 ed. Paris.*, Walfridus Strabo *de Reb. eccles. c. 22 col. 680 cit. Biblioth.*, Berno Augiensis Abbas *de Quibud. ad miss. spectan. c. 1 cit. Biblioth. t. 10 col. 697*. Contra Proculus Constantinopol. *de Tradis. divin. liturgic. p. 159 ed. Lugd. Basavor. 1617* fusissime, longoque verborum ambitu missam decantasse tradit, atque eos præces & hymnos adhibuisse testatur Chrysostomus *Hom. 27 in 1 ad Cor. n. 5 opp. t. 10 col. 248 ed. cit.* Has quæ inter se pugnare videntur, sententias conciliat Card. Bona *loc. cit. c. 5 §. 3 p. 75*, inquires brevem illa formulam Apostolos adhibuisse, cum gravis metus, aut justa alia urgeret causa, longiorem autem, cum per tempus & occupationes licebat.

(3) Nullus quidem ambigendi locus esse potest, quin vivis ipsis Apostolis aliquis fuerit Liturgiæ usus & pluribus constaret precibus quæ in conficiendo sacrificio fundebantur. Scriptum est in *Act. Apostol. c. 2 v. 42*, fuisse Apostolos perseverantes in *communicatione fractionis panis & orationibus*; & Paulus I. ad Timoth. c. II v. 1 vult fieri *obsecrationes, orationes, interpellationes, & gratiarum actiones pro omnibus hominibus, pro Regibus, & omnibus, qui in sublimitate sunt*. Hæc autem omnia in sacrificio peragebantur, uti testatur Justinus Martyr *Apol. 1 n. 65 p. 82 ed. Paris. 1742*, & huc etiam spectant Tertullianus *ad Scapulam n. 2 p. 69 ed. Ven. 1744*. Morem hunc ab Ecclesia observatum circa annum 347 describebat S. Cyrillus Hierosolymit. *Cateches. 23 n. 8 p. 327 edit. Venet. 1763*, inquires: *superfluum propitiationis hostiam* (en sacrificium propitiatorium, quod negare ausi sunt impii homines, qui Missam abrogant.) *obsecramus Deum pro communi Ecclesiarum pace, pro recta mundi compositione, pro Impetatoribus, pro militibus & sociis, pro iis, qui infirmitatibus laborant, pro his, qui afflictionibus premuntur, & universim pro omnibus, qui ope indigent, precamur nos omnes, & hanc victimam offerimus*. Propterea S. August. *ep. 149 ad Paulin. n. 16 opp. t. 2 p. 663 ed. Maurin. Venet. 1759* considerans, quid a vetustis temporibus in Ecclesia ageretur, *obsecrationes aut precationes, quas Paulus memorat, interpretatur quas facimus in celebratione Sacramentorum, antequam illud, quod est in Domini menta, incipias benedici*. Orationes etiam significari ait, *cum benedicatur, & sanctificatur, & ad distribuendum comminatur*,

quam totam petitionem fere omnis Ecclesia Dominica oratione concludit. Habes hic paucis expressum Missæ canonem, qualis nunc etiam a nobis adhibetur. Præfationis nunc quoque usitata diserta mentio est apud S. Cyprianum de *Orat. Dominic. col. 501 ed. Vener. 1758*, cum nimirum dicimus *Sursum corda*, & Populus respondet *habemus ad Dominum*. Evidens igitur, apertumque est, primis etiam Ecclesiæ temporibus certum fuisse ordinem, ritumque precum, qui in re divina conficienda adhibebatur. Verum Liturgias, quæ Apostolorum Petri, Jacobi, Matthæi, Marci nomina præferunt, eorum revera non esse demonstrat Natalis Alex. Hist. Eccles. sac. 1 c. 12 art. 2 t. 5 p. 32 edit. Venet. 1776. Eadem de liturgiis Petri; Matthæi & Marci sententia est Cardin. Bonæ Rev. liturg. lib. 1 c. 8 p. 122 & seq. 3 ibique Sala in Not. laud. edit. Taurin. Sed tamen ipse Jacobi liturgiam multis tuetur loc. cit. §. 3 p. 128. Petrus Le-Brun Explicat. Missæ t. 2 diss. 1 contendit, ante quintum sæculum nullam aut Græcam, aut Latinam Liturgiam scripto fuisse mandatam, sed preces omnes ac ritus memoriæ tradi consuevisse. Sed Le-Brunio adversatur Muratorius Liturg. Roman. de Reb. liturgic. c. 1, cujus ego sententiæ assentior. Illud præclare ab ipso Card. Bonæ lib. 1 c. 9 §. 8 p. 162 animadversum est, quod discors concordia in omnibus liturgiis manifestum facit, ordinem sacrificii ab Apostolis traditum esse, atque in omnem terram diffusum. Quamvis enim non eadem sint verba omnium liturgiarum, neque in omnibus singulæ earum partes eodem modo locatæ sint, tamen omnes iisdem membris coalescunt, quæ sunt peccatorum ante omnia confessio, sum introitus, sive quoddam quasi proœmium, deinde Præconi ac lectiones Sac. Scripturæ, & positimum Evangelii, Symboli recitatio, oratio manuum, commemoratio & invocatio Sanctorum, preces pro omnibus vivis & defunctis, gratiarum actio & benedictio, præter ea, quæ essentialia sunt, oblationem scilicet; consecrationem & communionem. Qui sanè Ecclesiarum omnium consensus nonnisi a Sp. S. esse potest; & certe singularis est insania Protestantium, qui Missæ sacrificium Romanorum Pontificum inventum dicunt. Late hoc argumentum, præter scriptores omnes rerum theologicarum, persequitur Robertus Sala in Not. ad Bonam loc. cit. c. 4 p. 165 & seq., quin etiam saniores Protestantes catholicam veritatem confiteri, ac literis mandare, non dubitarunt. Ex eorum numero, præter ceteros, sunt Ernestus Grabbius in *Irenæum* l. 4 advers. hæres. c. 32. Thomas Brettius in *pecul. Diss.*, quæ extat in *collect. præcipuar. liturg. Eccles. Christ.* p. 104 Londini 1710, & Samuel Jebbii in *Justin. Dial.* p. 215 Londini 1719. Hi omnes cum catholicis fatentur, Apostolos, cunctosque Ecclesiæ Patres Eucharistiam pro novi testamenti sacrificio habuisse, & sub speciebus panis & vini illud Deo Patri in altari oblatum docuisse demonstrat.

(4) Occupata ab Arabibus Hispania, Christiani quod essent cum Arabibus commixti, *Mixtarabes*, & corrupta voce *Mozarabes* dicti sunt. Confer Rodericum *Rer. Hispanic. l. 5 c. 22*, & Pagium in *Baron. ad an. 714 n. 7 p. 200 t. 12 ed. Læ.* Indo Hispanica liturgia Mozarabica appellata est, quam antiquissimam esse constat. Ritus Mozarabicus servatus in Hispaniis fuit usque ad sæc. XI, sed eo sæculo ad exitum vergente abrogatus, ejusque loco

Romanus suffectus est. Denique Cardin. Franciscus Ximenius, ne tantæ antiquitatis ritus omnino interiret, eum novis characteribus in lucem emitti voluit, & collegium instituit Sacerdotum, a quibus quotidie divina officia, & Missarum solennia eo ritu celebrarentur in sacello, quod in majori Ecclesia Toletana ædificavit. Sunt etiam Toleti aliquot Parociæ, in quibus hic Mozarabicus ritus adhuc viget, idemque fit Salmanticæ in sacello Doctoris Talabricensis. Confer Alvarum Gomezium *de Her. gest. Car. Ximenii l. 2*, Eugenium Roblesium in *Vit. Card. Ximenii c. 23*, Card. Aguirrium *t. 3 Concil. Hispan. post conc. Burgense p. 253 & seq.*, Cennium *Antiquit. Eccles. Hispan. t. 2 diss. 7*.

§. 53. Plures autem hi ritus, & hæc cæremoniæ sunt, de quibus late agunt Scriptores rerum liturgicarum (1), quæque ex Apostolica aut Ecclesiastica traditione, & disciplina procedunt. Omnia sunt instituta, ut majestas tanti sacrificii commendetur, & mentes fidelium per hæc visibilia religionis & pietatis signa, ad rerum altissimarum, quæ in hoc sacrificio latent, contemplationem excitentur (2). Ita mysticæ benedictiones, lumina (3), thymiamata, sacræ vestes (4), in sacrificio adhibentur; similiter receptum est, ut quædam pronuncientur (5).

(1) Confer in primis Cardin. Bonam *Rer. liturg. libros duos*, & Petrum Le-Brun *Explicatio Missæ*.

(2) Concil. Trident. *de Sacrific. Missæ sess. 22 cap. 5*.

(3) Joannes Henricus Ottius Calvinianus homo, qui contra annales Cardinalis Baronii examen instituit, irridet hunc ritum accendendi in Ecclesia lumina, eumque ætate Hieronymi minime obtinuisse arbitratur. Sed eum solide refellit Muratorius *Liturg. Roman. diss. de Reb. Liturgic. c. 20, & Dissert. 16 in S. Paulinum p. 835 ed. Verona. 1736*. Dicam ea de re paulo post, cum sermo de Ecclesiis habebitur.

(4) De sacris vestibus suo loco opportunius agam.

(5) Si quis dixerit (inquit Concil. Trident. *Sess. 22 de Sacrific. Missæ can. 9*) Ecclesia Romana ritum, quo submissa voce pars canonis, & verba consecrationis proferuntur, damnandum esse, aut lingua tantum vulgari Missam celebrari debere ... anathema sit. Nihil tamen minus post hunc Tridentinum canonem tam disertum, tamque perspicuum, fuere aliqui qui elata voce, ita ut a populo intelligi possent, partem illam canonis, & verba consecrationis proferenda esse censuerunt. Novum hunc errorem superiori sæculo compressit Maturinus Savary Sagiensis Episcopus edito die 16 Martii an. 1638 decreto, quo indicta in eos, qui secus facerent, suspensionis pœna sancivit, ut canonis verba, prout in Romano Missali notatum præscriptumque est, secreto, submissaque voce pronuncientur. Quod simili decreto die 22 Januar. an. 1710 a Cardinali de Bissy Meldensi Episcopo constitutum est. Arnaldus & ceteri, qui Arnaldi partes sequuntur, non exiguam dederant operam, ut Christiani homi-

nes minus æquo animo ferrent, quo Missæ canon secreto recitaretur. Sed Claudius de Vert Monachus Cluniacensis audacter, & omnium apertissime caput extulit adversus hanc secretam canonis recitationem opere, quod primum evulgavit an. 1706. Adversus hunc hominem Vallemontius theologicam, atque historicam dissertationem opposuit Parisiis editam an. 1710 *du secrets des mystères, ou Apologie de la Rubrique des Missales*; sed eum vehementius, graviusque refutavit Languetius tunc Episc. Suesionensis *Fraf. Instr. Pastor.* 8 Septemb., quæ iterum edita deinceps est an. 1720. Vallemontii dissertationem impugnavit Anonymus Auctor in tractatu Bruxellis edito an. 1717 cum titulo: *Apologie de Mr. du Vert, ou Remarques critiques sur le Livre de Mr. Vallemont du secret des Mystères*; sed eum accurate copioseque defendit Petrus Le-Brun *Diis.* 15 s. 4 operis cui titulus *Explicatio Missæ*, qua quidem dissertatione solide graviterque ostenditur, semper in Ecclesiis Occidentalibus canonem secreto recitari consuevisse. Dignæ in primis sunt, quæ legantur ea de re dissertationes duæ, in quibus cuncta habes, quæ ad hoc argumentum pertinent, explicata diligenter. Altera nimirum est dissertatio Le-Brunii, cujus paulo ante facta mentio est, altera vero cum titulo: *della Legittima disciplina da osservarsi nella pronuncia del Canone della Messa &c.* an. 1787. Romæ edita est a Francisco Antonio Mondellio viro erudito, & Auditore olim meo in Romana Academia.

§. 56. Apostoli eorumque successores in singulis provinciis divina officia persolverunt eo sermone, qui tunc ipsis communis erat (1); atque ita Hierosolymis Hebraice (2); Antiochiæ vero, Alexandriæ, atque in aliis Græcorum civitatibus Græce; Romæ, atque in toto Occidente Latine rem divinam confecerunt (3). Labentibus annis licet hæ linguæ vulgares esse desiissent, ac tantum doctis viris innorescerent, tamen Ecclesia eas in divinis celebrandis officiis retineri voluit, tum ne frequens verborum mutatio sensim etiam mutationem sententiarum induceret (4). Interdum tamen populis, qui novissime Christi Religionem susceperunt, Sedes Apostolica liturgias permittit, quæ vernaculo eorum sermone conscriptæ sint (5).

(1) Apostolos eorumque successores usque ad ætatem Hadriani Imper. Hebraicum sermonem adhibuisse, tum deinceps Eccles. Græcum usurpare cœpisse putat Joannes Echius *de Sacrif. Missæ* l. 2 c. 2 Verum hæc opinio nullo nititur idoneo fundamento.

(2) Hebraicum idioma, quo usi sunt Apostoli rem divinam conficientes, non illud erat antiquum idioma, quo veteris testamenti Patriarchæ usi sunt, & quod Apostolorum ætate ne notum quidem vulgo Hebræorum erat. Nam eo temporis cursu, quo ipsi Babylone captivi fuerunt, Hebræici sermonis, quem a parentibus acceperant oblivisci, & Chaldaicam linguam addiscere

scere cœperunt, qua deinceps usi sunt, aliquid tamen retinentes ex patrio sermone, quem pridem adhibebant. Hinc orta est tertia lingua ex Hebraica antiqua & Chaldaica mixta, quæ a regione Syriaca dicta est, quæque deinceps Hebræis vulgaris esse cœpit, & Hebraica vulgo appellata, tum quod commixtas habebat ex Hebraico sermone voces, tum quod eam Judæi usurpabant. Hæc lingua Christus Dominus usus creditur, & eandem S. Matthæi evangelium ac S. Pauli Apost. epist. ad Hebræos scripta traduntur. Atque hic est sermo Hebraicus, vel potius Syriacus aut Syro-Chaldaicus, qui Christi & Apostolorum ætate vernaculus erat sermo Hebræorum, & quo Apostoli rem divinam confecerunt. Confer Petittierum in *diss. critic. in S. Scriptur. dissert.* 7 p. 85, & Renaudotium *Diss. de Liturg. Orient. origin. & antiq.* c. 6, in primis autem videndus est V. Clar. Joan. Bernardus de Rubens opere Parma edito 1772, cui titulus *Della Lingua propria di Cristo, e degli Ebrei nazionali della Palestina da' tempi de' Maccabei*.

(3) Consule Card. Bonam *Rev. Liturgic. l. 1 c. 56. 4 p. 79 t. 1*; Negat Papebrochius in *Conat. chronic. Hist. diss.* 15, & Martenius de *Aniq. Ecclesia rit. l. 1 c. 3 art. 1 s. 1 p. 101*, his tantum linguis divina mysteria ab Apostolis celebrata fuisse, ac multa proferunt monumenta, ut efficiant, initio omnes gentes vernaculo sermone suo rem divinam confecisse. Sed eos graviter, lateque refellit Robertus Sala in *not. ad Bonam, loc. cit. not. 6 p. 85*. Vide etiam eundem Bonam in *Appendic. t. 1 p. 419*, ubi extat dissertatio Honorati a S. Maria, qua ostenditur, Apostolos tantum his tribus linguis, nimirum Hebraica, aut Syro-Chaldaica, Græca & Latina, rem divinam confecisse.

(4) Concil. Trident. *Sess. 22 de Sacrific. Miss. c. 8*: *Essi Missa, inquit, magnam continent populi fidelis eruditionem, non tamen expedire visum est Patribus, ut vulgari passim lingua celebraretur*. Tum retineri jubet *ubique cujusque Ecclesia antiquum, & a S. Romana Ecclesia, omnium Ecclesiarum matre & magistra, probatum ritum; & can. 9 ead. Sess.*: *Si quis, inquit, dixerit ... lingua tantum vulgari Missam celebrari debere ... anathema sit*. Porro de Missa vulgari sermone non celebranda plures extant doctorum hominum locutiones, quas omnes simul collectas superiori sæculo jussu Cleri Gallic. Parisiis edidit an. 1661. Antonius Vitraus, quibus apertissime ostenditur, quam recte quamque sapienter id ab Ecclesia constitutum fuerit. Late etiam ea de re agit, pluresque laudat qui hoc ipsam argumentum egregie illustrarunt, Bened. XIV de *Sacrific. Miss. cap. 6*.

(5) Ita Sclavis sæc. IX a Joanne VIII permissa est liturgia vernaculo sermone, uti constat ex ipsius Joannis *Epist. 247 ad Sfantopulcrum* apud Labbeum *conc. t. 11 col. 170 ed. Ven.* Sed eandem facultatem postulanti Uratislao Bohemorum Regi concedere noluit S. Greg. VII ep. 11 apud Labbeum t. 12 *Concil. col. 464 ed. Venet.* Confer Bened. XIV de *Sacrific. Missa l. 2 c. 3 n. 14*.

§. 57. Primis Ecclesiæ sæculis non omni die sacra mysteria peragebantur. Solum diem Dominicum Paulus (1) memorat; sed tamen ab Apostolis ternos dies in singulas

hebdomadas, hoc est Dominicam, & quartam sextamque feriam, constitutos fuisse, Epiphanius (2) tradit. Accessit etiam deinceps Sabbatum (3), qua die ab omnibus, exceptis Alexandrinis atque Romanis, sacra mysteria celebrari consueverunt (4). Ætate Augustini variæ erant Ecclesiarum consuetudines, cum alibi quotidie, alibi Sabbato ac die Dominico, alibi tantum Dominico, die res divina perageretur (5). Sed jamdiu Latini cunctis diebus, exceptis feria sexta ac Sabbato majoris hebdomadæ, sacrificium faciunt. Græci illud omittunt per quadragesimam, exceptis Sabbatis, Dominicis & die festo Annunciationis, & cum non celebrant adhibent Missam *presanctificatorum*, hoc est corporis Christi ante consecrati, quæ missa etiam a Latinis feria sexta majoris hebdomadæ adhibetur (6).

(1) Paulus I. *ad Corinths. XVI* 2 quod etiam habet Justinus Martyr, *Apolog. 2* n. 67 p. 83 *ed. Paris. 1742.*

(2) Epiphani. *Expos. fid. n. 22* p. 1105 t. 1 *opp. ed. Patav. Paris. 1622.*

(3) Basilii *ep. 95 ad Cesar. Patric. p. 186 opp. t. 3 ed. Maur. Paris. 1730.*

(4) Socrates *Histor. l. 5 c. 22* p. 295 *ed. Valerii Cantabrig. 1720.* Verum non multo post etiam Romana Ecclesia aliarum consuetudinem recepit, S. Hieronymus *ep. 71 n. 6 col. 442 t. 1 ed. Vallarii Verone.* In Oriente *Pascha* (quo nomine Eucharistia designatur) *ter in hebdomada, nonnumquam etiam quater, vel potius quotiescumque volumus, celebratum testatur* S. Joann. Chrysostomus *Orat. 5 contr. Judeos opp. t. 1 p. 611 ed. Montfauconii Paris. 1718.*

(5) Consule August. *ep. 54 ad Januar. col. 124 & seq. c. 2, & term. 58 de Orat. dominic. ad completen. col. 339 t. 5 c. 5 ed. Ven., Hieronymum cit. ep. 71.* Hæc autem ad solemnem tantum missam, quam majorem dicunt, pertinere monet Martenius *loc. cit. art. 3 §. 5 p. 105.* Ipse S. August. *Confess. l. 5 c. 9 opp. t. 1 col. 133 ed. Maurin. Ven. 1756.* Monicam matrem suam quovis die sacrificio interesse consuevisse testatur, & *de Civit. Dei lib. 10 c. 20 t. 9 col. 335,* altaris sacramentum appellat *quotidianum Ecclesie sacrificium.* Ambrosius etiam quotidie sacrum faciebat *ep. 20 ad Soror. n. 15 opp. t. 3 col. 905 ed. Maurin. Venet. 1751:* Vos quoque ipsæ, inquit, *mibi bonos filios gestibus eripere, pro quibus ego quotidie instauro sacrificium.*

(6) De Missa *presanctificatorum* vide Card. Bonam *Rev. liturg. l. 1 c. 15 §. 5 t. 6,* & Salam *in Not. p. 317 edit. Taurin. 1747,* Leonem Allatum *in Prolegomen. ad Gabrielem Naudeum de missa Presanctificat. n. 1 p. 1531,* & Bened. XIV *in Const. Allata 47 §. 31 p. 183, & const. Ex quo primum 54 §. 32 p. 234 t. 4 ejus Bullar. ed. Romæ seu Venet. 1753,* quibus duabus constitutionibus de Græcorum ritibus late disseritur.

§. 58. Quin etiam uno eodemque die idem Sacerdos plures missas, & eas non in eodem, sed in diversis altaribus celebrabat (1). Ita in Natale Domini, Kal. Januarii, in cœna Domini, in Paschate, in Rogationibus, in jejuniis post Pentecosten, in festo Apostol. Petri & Pauli, S. Joannis Baptistæ, S. Laurentii, & aliorum quorundam unus Sacerdos pluries rem divinam conficiebat, quot nimirum erant officia, & festa, quæ iis diebus occurrebant. Aliis quoque diebus plures Sacerdoti missas celebrare licebat (2); sed sæc. XI positus est usque ad tertiam vicem huic arbitrio modus (3). Denique ut avaritiæ quaetus, & obloquentium suspensiones removeret Ecclesia, sancivit, ut semel tantum, nisi aliud necessitas postulet, a Sacerdotibus quotidie sacrificium fiat excepto die Natali Christi Domini (4).

(1) S. Gregorius Turonensis *de Glor. Confess. c. 50 col. 933 edit. Paris. 1699.* Concil. Antissiodorense *can. 10 t. 3 col. 445 collect.* Harduini. Consule Vicecomitem *de Antiq. Miss. rit. l. 3 cap. 28.* Card. Bonam *Rer. liturg. l. 1 c. 18 §. 5 & seq. p. 13 et seq. t. 2 ed. Taurin. 1749.* & Martenium *de antiq. eccles. rit. l. 1 c. 3 §. 4 et seq. p. 105 et seq. t. 1 ed. cit.*

(2) S. Leo M. *ep. 6 ad Dioscor. Alexan. c. 21. t. 1 col. 631 edit. Baller. Ven. 1753.* Regino *de Eccles. discipl. l. 1 c. 33 p. 10 edit. Vienna 1763.* Walfridius Strabo *de Reb. Eccl. c. 21 in Bibl. PP. t. 10 ed. Paris. col. 679.*

(3) Concil. Salegustadiense an. 1012 *can. 5 t. 7 par. 1 cap. 829 col. Harduini.*

(4) *Can. 53 de Consecr. diss. 1 C. Consultuisti 3, et Cap. Te referente 12 de Celebr. Missarum.* Subditis tamen Hispaniarum & Lusitaniz Regum a Bened. XIV in *Constit. Quod expensis* 61 p. 259 t. 2 *ejus Bullar. ed. Romæ seu Venet. 1654,* concessa est facultas duas, tresve missas celebrandi in die commemorationis omnium defunctorum, modo nihil exinde accipiant, easque speciatim non applicent. Ceterum non etiam necessitas, secundum Innoc. III decretalem in *can. 3 de Celebr. Missar.,* efficere potest, ut ab uno Sacerdote Missa repetatur, verum Sac. Congregatio apud Fagnanum in *cap. In ordinando 1 de Simon. n. 37* declaravit, id tantum posse fieri, cum gravis urget necessitas, quæ primum Episcopo probata sit. Tum Bened. XIV in *Constit. Declarasti* 3 p. 13 t. 2 certissimum esse monet, *Missionariis tantum a Sede Apostolica potestatem aliquando fieri, ut uno die sacrificium bis operentur; reliquis vero sacerdotibus opus esse ut hac de re facultatem ab episcopo consequantur, etiam causa necessitatis intercedere videatur.* Ipse Bened. XIV in *Constit. Apostol. 16 §. 11 p. 62 t. 4 Bullar. ed. cit. Missionariis in Anglia degentibus bis interdum uno die sacrificium permisit, cum consensu Vicarii Apostolici, ob fidelis populi necessitatem. Quæ eadem necessitas facit, ut Parochus,*



qui duas habet distantes Ecclesias, cum in unam universus populus convenire non potest, neque alius est sacerdos, qui rem divinam conficiat, diebus festis, impetrata primum legitima facultate duas Missas celebrare possit. Bened. XIV in Const. Declarasti 3 p. 9 t. 2 ejus Bullarii ed. cit.

§. 59. Initio sacra mysteria noctu, & vero etiam post cœnam peragebantur, tum ut fideles Christum imitarentur, qui post legalem cœnam primum obtulit sacrificium, tum ut ethnicos laterent conventus, quos in latebris habebant (1). Cum pax Ecclesiæ data est, confici res divina per diem cœpit: sed tamen etiam post ea tempora Ecclesia retinuit antiquam consuetudinem certis quibusdam temporibus, nimirum in nocte Natalis Domini, in pervigiliis Paschatis, & Pentecostis, atque in diebus ordinationum (2). Nunc sola Missa Natalis Domini noctu celebratur. Privatæ missæ quavis hora fiebant, uti nunc omni hora recte fiunt ab aurora usque ad meridiem (3); sed pro publicis, ac solemnibus Missis certæ erant constitutæ horæ, nimirum tertia, sexta & nona (4).

(1) Hinc Christiani ab Ethnicis appellati apud Minutium Felicem in. l. Octav. p. 532 ed. Paris. 1705 natio latebrosa & lucifuga; atque hinc nocturna convocationes, & cœtus antelucani apud Tertullianum Apolog. c. 2 p. 3 de Coron. c. 3 p. 102 & ad uxor. cap. 4 p. 163 ed. Paris. 1675.

(2) Late ea de re disputat Card. Bona Rer. liturg. l. 1 c. 21 §. 4 p. 114 et seq. ibique Sala in Notis t. 2.

(3) Consule Martenium loc. cit. art. 4 §. 3 et seq. p. 107.

(4) Amalarius de Rit. Eccl. l. 3 c. 24 in Biblioth. PP. t. 14 p. 1000 ed. Lugdun. Honorius autem de Gemma anima l. 1 c. 123 col. 1213 Biblioth. PP. t. 10 edit. Paris. citat. ita rem explicat, ut in festis tertia, in privatis diebus sexta, in quadragesima, vel in diebus jejunii nona hora Missa peragatur, idemque tradit Durandus Rational. l. 4 c. 1. Certe diebus festis hora tertia sacrificium offerri consuevisse, manifestum est ex Concilio Aurelianensi III can. 14 t. 2 col. 1426 coll. Harduini, Gregorio M. Hom. 37 in Evang. n. 9 col. 1632 t. 1 ed. Maurin. Paris. 1705. Gregorio Turronensi de Vis. Patr. c. 8. n. 11 col. 1196 ed. Paris. 1699. Reginone de Eccl. discipl. l. 1 c. 33 p. 10 ed. Vien. 1765. Atque ita intelligendi sunt Epiphanius Exposit. fid. c. 23 p. 1106 t. 1 ed. Paris. 1622, & Walfridius Strabo de Reb. Eccl. c. 23 in Biblioth. PP. t. 10 ed. Paris. col. 685, quorum alter matutinis horis, alter ante meridiem rem divinam conficiendam statuunt.

§. 60. Nam Missa alia publica, alia privata est. Missa publica apud veteres ea praesertim erat, ad quam populus una cum suo Pastore conveniebat, atque in precibus &

oblatione communicabat: aderant autem clerici qui suorum ordinum muneribus fungebantur (1). Quae missa dicebatur *collecta & synaxis*, quod ad offerendum atque ad communicandum multitudo fidelium colligeretur (2). Verum lapsu temporum cum illa desiit frequens communio Christianorum, missa *publica*, sive *conventualis*, & *canonica* appellata est, quae cum cantu rituque solemniori peragitur, quaeque in omnibus, cathedralibus, collegiatis & conventualibus ecclesiis pro benefactoribus quotidie celebranda est (3). Parochialis quoque missa, quam omnes Parochi saltem diebus festis pro populo, cui praesunt, offerre debent, publica dicitur (4); ut distinguatur a privatis sacrificiis, quae pro quovis homine privato ac bene de ea Ecclesia merito offeruntur.

(1) Non tantum clerici Missae praesentes erant suorum ordinum munera exercentes, verum etiam Presbyteri adhaerebant Sacerdoti sacra facienti, cum eoque communicabant, & ejusdem sacrificii participes erant, quem ritum late explicata Morinus de *Sacr. ordin.* p. 3 exerc. 8 c. 11 et seq. Certe Auctor *Apostolic. const.* l. 8 c. 11 et seq. p. 401 lib. ind. Episcopum describit, qui rem divinam agit cum Presbyteris abstantibus, offerentibus & communicantibus. Verba etiam consecrationis ab adstantibus Presbyteris prolata fuisse tradit Amalaricus de *Eccles. offic.* l. 1 c. 12 in *Biblioth. PP.* t. 14 p. 945 ed. Lugdun., idemque patet ex vetusto Pontificali Ecclesiae Rothomagensis apud Menardum in *Not. ad Sacram. S. Gregor. not.* 282 col. 337 opp. *S. Gregor.* t. 3 ed. Maurin. Paris. 1705. Antiquae hujus consuetudinis apud Latinos vestigia supersunt in Episcoporum, & Presbyterorum ordinationibus; sed apud Graecos concelebratio adhuc viget.

(2) S. August. in *Breviar. coll. disertia* c. 17 col. 373 opp. t. 9 cit. ed. Venet. distinguit *collectam a Dominico*, veluti speciem a genere, uti nos publicam solemnemque Missam a sacrificio distinguimus.

(3) Confer ea de re Bened. XIV in *Constit. Cum semper* 103 §. 11 et seq. p. 225 t. 1 *Bullarii*.

(4) De Missa Parochiali vide laudatam *Constit.* 103 Bened. XIV §. 2 & seq. p. 223.

§. 61. Privata Missa est quae sine cantu, ac solemnibus caeremoniis a solo Sacerdote celebratur, uno tantum ministrante: sive pauci alii, sive nulli intersint, sive solus Sacerdos, sive alii etiam Eucharistiam accipiant (1). Privatae Missae usus perpetuus in Ecclesia fuit, ut proinde esse deridendos praebeant recentiores haeretici, cum rem novam, & contra Missae oeconomiam praedicant id, quod

constanti Ecclesiae sententia, longaque vetustate firmata est (2).

(1) Missa privata differt a solitaria, quam nimirum solus Sacerdos, ministrante ac presente nemine, celebrat. Id Missae genus primum instituerunt Monachi sac. IX., deinde etiam saeculares Presbyteri arripuerunt. Verum hanc Missam vetuerunt sacri canones, quod praesertim absurdum esset in ea Sacerdotem dicere dominum vobiscum, iursum corda, gratias agamus, oremus. Concil. Moguntinum an. 813 can. 43 col. 1015, Parisiense VI lib. i c. 41 col. 1524 t. 4 collect. Harduini, Nannatense apud Ivonem par. 3 c. 7 can. 61 de consecr. diss. 1, qui canon saeculo IX antiquior non est, & ideo male Soteri, aut Anacleto attribuitur.

(2) Vide Concil. Trident. Sess. 22 can. 8 & t. 6 de Sacrific. Missae; Bemed. XIV in Const. Censuror. 64 p. 129 r. i ejus Bullar. edit. Roma seu Venet. 1754. Et sane gravis est insania, atque error Lutheri, aliorumque haeticorum, qui privatas missas, atque eas, in quibus solus Sacerdos sacramentaliter communicat, abrogandas censuerunt. Nam etiam privata Missa quamquam careat externo illo solemniori ritu, qui intimam ejus naturam non attingit, verum est sacrificium, atque in ea similiter sicut in Missa solemniori, verum Christi corpus & sanguis consecratur. Atque haec quoque Missae, ut recte inquit Synod. Trident. loc. cit. vere communes censeri debent, partim quod in his populus spiritualiter communicet; partim vero quod publice Ecclesia ministro non pro se tantum, sed pro omnibus fidelibus, qui ad corpus Christi pertinent, celebrantur. Perpetuum ea de re Ecclesiae usum, pluribus collectis ecclesiasticis monumentis, fuse demonstrant Card. Bona Rev. liturgie. l. i c. 14 §. 1 & seq., ibique Sala in Not. p. 276 & seq. i. i, Natalis Alexander Hist. eccles. sac. 4 c. 6 art. 19 §. 1 n. 5 t. 4 pag. 300, sac. 13 & 14 tota diss. 13 p. 476 seq. i. 8, & sac. 15 ac 16 diss. 12 n. 5 p. 556 t. 9 ed. Venet. an. 1776, Tournelyus Praelect. theol. de Sacrific. Missae art. 8, Drouvenius de Re Sacram. t. 5 qu. 9 per tot.; eandem rem agunt, petitis ex liturgiis argumentis, Muratorius diss. de Liturg. Rom. c. 16 seq., & Assemanus in Diss. Cod. liturgic. 16 par. 7 praemiss. 182. 2 arg. 1, 2, 3. Videndus est etiam Emanuel Schelestratus in Añ. Eccles. orient. contr. Lutheran. c. i de Missis privatis in Eccles. Graec. circ. fin., ubi narrantur conatus Lutheranorum, qui ut Orientales ad suam sententiam perducerent, ad Hieremiam Constantinop. Patriarcham miserunt Augustanam confessionem, in qua privatae Missae tolluntur. Sed responsum est ab Orientalibus, sicut ab Occidentalibus, damnari pravam morem illorum, qui improba obtinendae elemosinae cupiditate ab altare accedunt, non autem illos, qui ea, qua decet, pietate & religione privatas Missas celebrant, ut Deo sacrificium offerant.

§. 62. Omai etiam loco, ethnicis dominantibus, sive is esset privata domus, sive carcer, sive coemeterium, sacrificium offerebatur (1). Cum ad Christianos Imperatorum summa delata est, eam ob rem publica templa aedificata sunt; & vero nunc tantum in Ecclesiis conse-

cratis, aut jussu Episcopi benedictis res divina conficiuntur, nisi secus postulet necessitas, quia tunc ea recte fieri quovis commodo & decenti loco (2). Cum venia Sedis Apostolicae etiam in privatis sacellis sacra mysteria celebrantur (3).

(1) Aët. Apostol. XX 7, Auctor *Const. Apost.* l. 6 c. 30 p. 361 apud Coetelerium *loc. cit.*, S. Cyprianus *ep. 4 ad Præbyr. & Diacon.* p. 12 *ed. Paris.* 1666, Philostorgius *Hist. eccles.* l. 2 c. 13 p. 434 *ed. Valerii Cantabrig.* 1720.

(2) Confer Bened. XIV *Constit. Inter omnigenas* 89 §. 22 t. 1 p. 180 *Bullar. edit. Romæ seu Venet.* 1754.

(3) Vide Bened. XIV *Const. Magno* 48 p. 216 t. 5 *Bullar.*

§. 63. Jam Ecclesiae lege Christiani dominicis festisque diebus Missae sacrificio interesse debent. Ac vetus quidem Ecclesiae disciplina fuit, ut iis diebus singuli accederent ad Ecclesiam parochialem, ibique interessent sacrificio, quod a Parocho conficiebatur (1). Verum haec disciplina jampridem antiquata est; & licet deceat Christianos diebus festis ire ad Ecclesiam parochialem, nulla tamen ea de re necessitas est, & qui extra eam sacrificio intersunt, Ecclesiasticae legi satisfaciunt, neque alicujus criminis rei sunt (2).

(1) Concil. Sardicense *can. 14 col. 643 t. 1*, Quini-Sextum *can. 80 col. 1690 t. 3 collect.* Harduini *ed. Paris.*, *can. 2 de Paroch.*

(2) Leo X *Const. Intelleximus* 28 p. 462 t. 3 *part. 3 Bullarii Romani*, S. Pius V *Const. Esti* 53 n. 8 p. 376 t. 4 *part. 2*, Confer Benedictum XIV *de Synod. dioces. l. 11 c. 14 §. 7 & seq.*

§. 64. Mos in Ecclesia fuit, qui quidem diu servatus est, ut fideles omnes, qui ad Missam convenirent, suam sacrificii partem, hoc est panem & vinum, offerrent (1). Pro pane ac vino Christi corpus, & sanguis conficiebatur, & quod supererat (supererat autem plurimum, quoniam satis laetae & copiosae oblationes erant) id totum alendis clericis, & pauperibus inserviebat (2). Labentibus annis loco panis & vini pecunia offerri coepit, quæ initio dabatur Ecclesiae, atque omnibus generatim clericis; deinceps autem data est certo Sacerdoti, ut privatim pro certis designatisque sacrificium offerret (3).

(1) Late ea de re distexam paulo post, cum de oblationibus agendi locus occurrat.

(2) Confer Christianum Lupum *Schol. in can. 15 Conc. Rom. V. opp. t. 6 p. 101 & seq. ed. Venet. 1726.*

(3) Ab ipsis Ecclesie primordiis in omnibus Christianorum templis fuisse arcam, in qua fidelium pecunia inferebatur, constat ex Tertulliano *Apolog. t. 39 p. 51 edit. Paris. 1675*; & Justino *Apolog. 1 ad Anton. Pium n. 67 p. 84 edit. Paris. 1742.* Eandem consuetudinem adhuc IV & V sæculo perseverasse ostendunt Augustinus *Serm. 356 t. 5 part. 2 opp. n. 15 col. 1589 ed. Maurin. Ven. 1751.* Hieronymus *ep. 71 n. 3 col. 451 opp. t. 1 ed. Valarsii Verona 1754.* & Paulinus *ep. 34 sive Serm. de Gazophylacio col. 213 edit. Verona 1736.* Sed quo primum tempore pecunia in arcam inferri desierit, atque ad ipsum altare offerri cœperit, certo definiri nōn potest. Testatur quidem Augustinus *ep. 12 ad Aurelium primat. n. 6 col. 29 t. 2 opp.* tempore oblationis, seu Missæ pro defunctis fuisse simul denarios oblatos, sed eos oblatos fuisse constat ex lege, ut pauperibus tribuerentur. Honorius Augustodunensis, qui sæculo XII floruit, in *Gemma animæ lib. 1 c. 60 in Biblioth. PP. t. 10 col. 1199 ed. Paris.* tunc pecuniam ad altare loco panis offerre cœpisse asseverat, cum fideles, qui sacrificio intererant, sacrorum mysteriorum participes esse desierunt: verum nōn ipsum designat tempus, quo id factum fuerit. Illud vero compertissimum est, quod recte animadvertit Thomassinus *Vet. & nov. Eccles. discipl. par. 3 l. 1 c. 7 n. 8,* semper olim sive panem, sive denarium Ecclesie, atque omnibus generatim clericis offerri consuevisse; non dari certo Sacerdoti, ut privatim rem divinam ageret, pro eo, qui oblationem fecerat. Morem offerendi eleemosynam certo Sacerdoti, ut ejus largitor exuberantem sacrificii fructum in se aliove derivet, tantum sæc. VIII inductum, ac sæc. XII passim ubique receptum putat Mabillonius *Præfat. 1 in sæc. 3 Benediction. n. 62 p. XXVII ed. Venet. 1754,* sed tamen eum longe antiquiorem esse contendit Franciscus Berleandus in *dist. Historico-Theolog. de Oblation. part. 2 §. 2.* Certe sæc. VIII ad exitum vergente jam eam consuetudinem fuisse receptam, ostendit Chrodegangus Metensis Episcopus in regula, quam ea ætate pro suis canonicis scripsit, & in qua c. 52 de *Elemosynis* apud Holstenium *Codex Regular. t. 2 p. 107 ed. Augusta Vindelic. an. 1759.* Canonicorum cuique permittit accipere, & in quemvis usum convertere eleemosynam, quæ pro sua sibi Missa offerebatur. Sæculo vero XI mos hic tam late patebat, ut etiam pueris notus esset, sicuti patet ex eo, quod de S. Petro Damiani memorie prodidit Joannes Monachus, in *ejus Vit. c. 2 p. 3 opp. Petri Damiani. t. 1 edit. Paris. 1664,* quem narrat repertum nummum tradidisse Presbytero, qui Deo pro ejus patre sacrificium offerret. Confer Mamachium *del Diritto libera della Chiesa etc. t. 2 par. 1 not. 1 p. 147 segg. et t. 3 p. 1 not. 1 p. 66 segg.*

§. 65. Quæ pecunia offertur Sacerdoti rem divinam con-  
ficienti non quasi pretium sit consecrationis Eucharistiæ,  
quod certe simoniæ crimen esset; sed quasi stipendium  
debitum Sacerdoti, qui cum altari serviat, habere ex eo  
debet, quæ suppedient ad cultum & ad victum (1). Et

quoniam Episcopi est judicare, quid singulis Presbyteris in unoquoque loco sit necessarium, ut vitam honeste traducant, hinc ejus est definire, quid ipsis rem divinam facientibus tribuendum sit (2). Sacrificium pro eo speciatim oblatum, qui stipem dedit, non ei solum, sed etiam toti prodest Ecclesiæ; verum ille fructum ex eo capit uberiorem, modo ad capiendum sacrificii fructum aptus & idoneus sit (3).

(1) Lutherani & Calviniani improbant. morem dandi pecuniam Sacerdoti rem divinam acturo, quasi eā pretium sacrificii sit. Sed hanc calumniam jampridem anteverterat S. Th. 22 qu. 100 art. 2 ad 2, inquit; *Sacerdos non accipit pecuniam, quasi pretium consecrationis Eucharistiae aut Missae decantandae; hoc enim esset simoniacum, sed quasi stipendium suae sustentationis. Et in 4 dist. 25 qu. 3 art. 2 quaestione. 1 ad 4: Facere passionem, inquit, de Missa celebranda est simoniacum semper. Si tamen non habes alios sumptus, et non tenetur ex officio Missam cantare, potest accipere danarios, sicuti conducti Sacerdotes faciunt; non quasi pretium Missae, sed quasi sustentamentum vitae.* Huc etiam spectat Gersonius in opusculis, de Sollicit. Ecclesiast. t. 2 part. 19 p. 603 ed. Antwerp. 1706, cum ait; *sufficere in primis debet ad consentium hujus veritatis usus totius communis Ecclesiae, qui sic habet, et recipit, cui si quis detrahit, imprudenter se decipit.* Et part. 6 p. 599: *Nihil aequius, inquit, secundum omnem legem esse deducit Apostolus 1 ad Corinth. 9 quam qui altari deservit, de altari et vivat.* Hæc eadem, quæ a D. Thoma aliisque pietate, ac doctrina præstantibus viris de honorario Missarum adversus hæreticos animadversa sunt, quadrant etiam in libellum Neapoli editum, cui titulus: *Dissertatione sull'onorario delle Messe*, de quo libello judicium ediderunt veritatis ac sapientiæ Scriptores Annallum Trivultiensium ad Mensis Januarii et Februarii an. 1740. In hoc libello eadem pene dicuntur, quæ contra Missarum honorarium dicta & a pluribus refutata sunt, tum potissimum recensentur mala & incommoda, quæ ex eo propter sacerdotum avaritiam oriri dicuntur. Sed huic rei satis provisum est a Synodo Trident. Sess. 22 in decr. de observand. et evitand. in celebr. missæ, cum sancivit, ut Episcopi cujus generis mercedum conditiones, pacta, et quidquid pro missis novis celebrandis datur: nec non importunæ, atque illiberales elemosynarum exactiones potius, quam postulaciones, aliaque hujusmodi, quæ a simoniaca labe, vel certe a turpi quaestu non abunt, omnino prohibeant: atque a Summis Pontificibus, præsertim Bened. XIV, cujus præclara ea de re est Constitutio 22 p. 54 t. 1 ejus Bullar. ed. Rom. seu Venet. 1754. Si qui sunt Sacerdotes, qui saluberrimis hisce legibus non obtemperant, non ideo tollendum est Missarum honorarium, uti nemo tollenda dicat beneficia, quoniam interdum simoniæ causam præbent; itemque cetera bona, quoniam illa sæpe hominum vicia abutuntur.

(2) Consule Bened. XIV de Synod. dioces. l. 5 c. 9 & Instit. Eccles. 58. Atque in omnibus quidem, quæ ad Missarum celebra-

tionem pertinent, Episcopus tamquam delegatus Sedis Apostolicæ etiam in exemptos jurisdictionem exerceat, Bened. XIV in *Const. Accipimus* 17 t. 2 Bullarii p. 78 inf. edit.

(3) Walfridius Strabo de *Reb. ecclæ. c. 22 col. 633 Bibl. PP. t. 10 ad. Paris. cit.* visus est improbare consuetudinem, per quam sacrificium speciatim offertur pro illo, qui eleemosynam dedit, non plus illud ei prodesse ratus, quam cœtui fidelium universo. Sed specialem pro certa persona sacrificii oblationem expresse docet S. Cyprianus Ep. 66 ad Cler. & Pleb. *Furn. continen. col. 272 ed. Maurin. Ven. 1751, S. August. Confess. l. 9 c. 12 n. 32 opp. t. 1. 1 edit. Maur. Venet. 1756, & in Respon. ad 2 Dulcitii qu. n. 41. 11 col. 475, Concil. Charchagin. III Can. 29, & IV Can. 79 apud Labbzum t. 2 Concil. col. 1403 & 1443 edit. Venet.*, aliique complures; quos collegit Mamachius del *Diritto libero della Chiesa &c. t. 3 part. 1 p. 111 & seq. not. 2*, ubi ea de re graviter copioseque agitur; quamquam sacrificium, si rem ipsam, ac præcipuum offerentem, nimirum Christum spectemus, vim infinitam habeat, tamen, ita Christo ipso volente, ejus effectus finitus est, & ideo plus ei, pro quo speciatim offertur, quam ceteris prodesse manifestum est. Aut enim sacrificium tamquam propitiatorium, seu satisfactorium habetur, & certe pro illo speciatim satisfacit, cujus debiti dissolvendi gratia Deo exhibetur; aut tamquam impetratorium habetur, & profecto Deum movet ad uberiora beneficia ei concedenda, pro quo Sacerdos offerens sacrificium Deum ipsum nominatim rogat. Rem omnem explicat diligenter D. Thom. in 4 *dist. 45 art. 4 qu. 1 et 2*. Hinc triplex Missæ fructus distinguitur, *Generalis, Specialis, Specialissimus*. *Generalis* ad totam Ecclesiam pertinet; *specialis* ad eum, pro quo nominatim sacrificium offertur; *specialissimo* solus Sacerdos fruitur, præterea nemo. Qui specialem sacrificii oblationem respuunt, il ne probandas quidem putant speciales preces, quæ pro aliquo funduntur. Sed alia est doctrina S. Cypriani, qui se pluries his precibus commendavit, alia ceterorum Patrum, alia Conc. Constantiensis, quod damnavit 19 articulum Wiclefi agentis, quod *speciales orationes applicata uni Personæ per Fratres vel Religiosos non plus prosunt eadem, quam generales, ceteris paribus, v. 16 Concil. col. 756 collect. Labbzi ed. Venet.*

§. 66. Et quamquam Missæ, quæ pro uno nominatim celebrantur, iniversam quoque Ecclesiam attingant, tamen Sacerdos pro eo speciatim offerre sacrificium debet, a quo eleemosynam accepit, nec licet Missam unam celebrare, ac pro pluribus stipendium accipere. Nam suam adstringunt fidem Sacerdotes, ut pro uno rem divinam agant; ac præterea cavendum est, ne quis divinum illud opus in quaestum vertat, si pro pluribus stipendiis Missam unam celebrare liceret (1). Hinc qui propter beneficium aut capellaniam, qua fruitur, renetur opere celebrandæ Missæ, non potest pro eadem Missa eleemosynam accipere (2).

(1) Confer. proposit. dānatas ab Alex. VII n. 9, 9, 10 in *Bullar.* 1. 4 part. 6 *Consp.* 520 p. 85, & Bened. XIV *Const. Demandatam* 87. 6. 10 p. 178 t. 1 *Bullar.* *et* *Bullar.*

(2) Vide Decr. Urbani VIII in *Bullar. Const.* 132 p. 335 t. 5 part. 5 *praeterea* ad 4 *dubium* d. 340, & Innoc. XII in *Const. Nuper* 155 p. 464 t. 9 *Bullar. ult. ed.* Consule etiam Bened. XIV in *Instit. Eccles.* 36, 56, 92, & de *Synod. dioces.* l. 5 c. 9, & Gagliardum in *Instit. Canon.* l. 2 tit. 7 n. 36 & seq. ubi de *frā* omnibus, quae pertinent ad missarum electioſynas, late disputatur.

## SECTION IV.

### De Pœnitentia.

- |  |  |
|--|--|
| 67. Effectus et necessitas sacramenti pœnitentiae. | 79. Vetusti solennia Pœnitentiae gradus antiquitati.           |
| 68. Eius quasi materia.                            | 80. Absolutio quando danda?                                    |
| 69. Confessio peccatorum.                          | 81. Forma sacramenti Pœnitentiae.                              |
| 70. Qualis confessio esse debeat?                  | 82. Minister huius sacramenti.                                 |
| 71. Satisfactio, seu pœnitentia.                   | 83. In ministro requiritur potestas ordinis et jurisdictionis. |
| 72. Ea vel publica, vel privata.                   | 84. Unde sumitur potestas jurisdictionis.                      |
| 73. Antiqui Pœnitentium gradus seu stationes.      | 85. Casus Episcopo reservati.                                  |
| 74. Flentes et Audientes.                          | 86. Casus reservati Summo Pontifici.                           |
| 75. Substrati et Consistentes.                     | 87. Omnia crimina Ecclesiae potestati subiecta.                |
| 76. Stationum Pœnitentiae tempora.                 |  |
| 77. Pœnitentium vita.                              |  |
| 78. Pœnitent restitutorum tempus.                  |  |

§. 67. Dei gratiam baptismo quaesitam, ac postea nostris criminibus amissam per sacramentum Pœnitentiae recuperamus (1). Itaque quantum ad aeternam salutem necessarius est baptismus nondum regeneratis, tantum est necessaria pœnitentia iis qui post baptismum criminis rei facti sunt, et recte hoc sacramentum, *secunda post naufragium tabula* appellatur (2), quoniam in eo spes est posita, ac salus eorum, qui se contagione scelerum contaminarunt. Dicitur etiam hoc sacramentum *conciliatio & absolutio, & manuum impositio reconciliatoria* (3), a Graecis autem *Μετανοια* et *Εξομολογησις* (4) nuncupatur. Definitur a Theologis sacramentum, quo lapsis post baptismum contritis, confessis, ac satisfacere proponentibus absolutio a peccatis tribuitur.

(1) Concilium Tridentinum *Sess.* 14 *cap.* 2 de *Sacram. pœnit.*

(2) S. Hieronym. *ep.* 84 ad *Pammach.* n. 6 col. 524 t. 1 *opp. ed. Veron.*

(3) Conc. Arausicanum l. *Can.* 3 apud Labbeum t. 4 col. 702 *ed. Venet.* Sed in Concil. Carthaginensi IV *Can.* 76 col. 1443 t. 1 apud eundem Labbeum dicitur simpliciter *manum impositio*.



(4) Exomologesis vocabulum & confessionem, & criminum pœnitentiam significat, quod late ostendunt Fratres Ballerini *Nor. 40 in S. Zenonem l. 2 tract. 14 p. 197 r. 1 ed. August. Vindel. 1754.*

§. 68. Hujus sacramenti quasi materia sunt actus: Pœnitentis Contritio, Confessio, Satisfactio (1). Qui actus omnes in Pœnitente sunt necessarij, ut integrum sit sacramentum, atque ut ipse plenam perfectamque suorum criminum veniam consequatur, et ideo pœnitentiæ partes dicuntur. Contritio est *animi dolor, ac detestatio de peccato commisso cum proposito non peccandi de cetero* (2): eaque duplex est, altera *charitate perfecta*, quæ cum sacramenti voto conjuncta hominem Deo reconciliat, priusquam hoc sacramentum actu suscipiatur: altera imperfecta, quæ attritio dicitur, quoniam vel ex turpitudinis peccati consideratione, vel ex gehennæ & pœnarum metu communiter concipitur, eaque si voluntatem peccandi excludat cum spe veniæ, peccatorem ad Dei gratiam in sacramentis Pœnitentiæ impetrandam disponit (3).

(1) Eugenius IV in *Decreto Concilii Florent. col. 440 t. 9 collect. concilior. Harduini, Concil. Trident. Sess. 14 c. 3 de Sacram. Pœnit.*, Catechismus Romanus *part. 2 c. 5 §. 13.*

(2) Concil. Trident. *sess. cit. cap. 4.* (3) Concil. Trident. *ibid.*

§. 69. Confessio est peccatorum accusatio, eo suscepta, ut virtute clavium veniam impetremus. Accusatio, inquam, quoniam nostra scelera non ita commemoranda sunt, quasi ociosis auditoribus rem gestam narraremus, sed accusatorio animo ita sunt enumeranda, ut ea etiam in nobis vindicare cupiamus (1). Omnibus post baptismum lapsis integra peccatorum confessio jure divino necessaria est: quoniam Christus Dominus ad cœlos migraturus Sacerdotes sui ipsius Vicarios reliquit, tamquam praesides et judices, ad quos omnia Christianorum mortalia crimina deferantur, ut pro clavium potestate remissionis aut retentionis peccatorum sententiam proferant. Quod judicium ferri, et justa quæ facinori debetur, pœna imponi non potest, nisi omnia singillatim ac perspicue crimina aperiantur (2).

(1) Consule Catechismum Romanum *part. 2 cap. 5 §. 58.*

(2) Concilium Tridentinum *Sess. 14 de Sacram. pœnit. cap. 3.*

§. 73. Itaque omnia mortalia peccata, quae post omnes excussas animi latebras diligenter cogitanti occurrunt, Sacerdoti aperire oportet, ac praeterea patefaciendae sunt *circumstantiae quae speciem peccati mutant* (1). Cuncta haec apud solius Sacerdotis aures secreto deponuntur (2). Publicae confessionis multa extant in antiquis monumentis exempla, eaque iustas habuere causas, quas laudant Tridentini patres; sed nulla unquam Ecclesiae lege publicae confessionis necessitas imposita est (3). Olim sedentes peccata confitebatur (4), qui nunc etiam mos Graecorum est (5); hodie Latini genua flectunt, quam consuetudinem a Monachis, ut videtur, arreptam saeculo XIII usurpare coeperunt (6).

(1) Confer Concilium Tridentinum *loc. cit.*

(2) De sacramentali Confessione, quae apud Sacerdotis aures absolvitur, quamque semper agnovit & approbavit Ecclesia, late inter ceteros agit Jueninius de *Sacram. Diss. 6 qu. 5 art. 2*, collectis unoquoque saeculo plurimum testimoniis aliisque ecclesiasticis monumentis, unde intelligitur, illam semper fuisse, quae nunc est, ea de re Ecclesiae sententiam. Quare, ut recte monet Julius Laurentius Selvagius *Antiquit. Christ. lib. 3 c. 12 §. 42*: *ritu positum, quam solida confutatione excipiendum est commentum eorum, qui contendunt, Innocentium III auricularem confessionem excogitasse velutati prorsus inauditam*. Ac multi quidem adversus catholicam de auriculari confessione doctrinam sunt; semperque fuerunt impetus, & conatus haeticorum, qui nullo prorsus modo peccandi licentiam coerceri vellent. Ut mittam Valdenses, Albigenses, Wiclefianos redivivos, Joannes Dallæus Calvinianus Minister libros quatuor contra auricularem confessionem in lucem edidit. Sed eius, ac ceterorum haeticorum deliramenta late refutavit Natalis Alexander *Hist. Eccles. sac. 13 & 14 tom. diss. 14 p. 501 & seq. 5 ed. Venet. citat.*; ejusdemque etiam Dallæi ratiunculis, atque commentis satisfacit peculiari tractatu, & responsione Dionysius Sanmarthanus Monachus e Congregatione S. Mauri. Videndi etiam sunt Emmanuel Schelestratus de *Concil. Aniochen. tom. cap. 9 a p. 231 usque ad 307*, Mabillonius *Præf. ad sac. 3 Benedic. n. 80 seq. p. XXXVIII s. 3 ed. Venet. an. 1754*, Jueninius de *Sacram. qu. 5 diss. 6 art. 2 c. 1*; Drouvenius de *re sacram. lib. 6 qu. 5 c. 1*, Tournelyus *Præf. theol. de Sacram. Panit. qu. 6 art. 2*, Selvagius *cit. cap. 12 per tot.*, alique complures, qui catholicum dogma de auriculari confessione latissime ostendunt. Dallæi, ac ceterorum haeticorum errore novissime renovavit Eybelius libello edito Vindobona an. 1784, cuius titulus latine redditus est: *Quid continent monumenta antiquitatis Christianae de auriculari confessione?* quo quidem Libello totus Eybelii labor, & totum ingenium est in recoquenda crambe toties recocta, atque in alienis erroribus describendis. Deterrimum, & dignum homine haetico librum merito damnavit sapientissimus,

Idemque optimus Pontif. PIUS VI Apostolicis literis *Mediator Dei* datis die 11 Novemb. 1784. Illud non omittam, etiam hostes sacramentalis confessionis experiundo discere, ac lateri debuissent, quam utilis, quamque necessaria ea sit non tantum ad salutem animarum, sed etiam pro communi Reipublicæ bono ad vicia comprimenda, virtutesque inducendas. Hinc, uti narrat Sotus oculatus testis in 4 diss. 18 qu. 1 art. 1, cum propter abrogatam a Luthero sacramentalem confessionem virgines Deo dicatæ ex monasteriis ereptæ, furta, raptus, adulteria aliaque multa, æque gravissima mala erupissent, Norimbergensis Civitas Carolum V Imperat. publica supplicatione exoravit, ut ibi sacramentalis confessio restitueretur, quoniam tot, ac tantorum scelorum copia non nisi ex ejus abrogatione processerat.

(3) Confer S. Leonem M. *epist. 140 opp. t. 2 p. 492 edit. Rom. 1755.* & Concil. Trident. *loc. cit.* (4) Consule Martenium *de Antiq. Eccles. rit. l. 1 c. 6 art. 3 §. 5 p. 265 t. 1 cit. ed. Venet.*

(5) Vide Leonem Allatum *de Consensu Eccl. Occid. & Orient. l. 3 c. 9 n. 6.* (6) Vide Martenium *loc. cit.*

§. 71. Satisfactio est pœna, quæ pœnitenti arbitrio Sacerdotis imponitur. Per sacramentalem absolutionem remittitur quidem culpa, remouenturque pœnæ in inferis constitutæ; sed tamen sæpe remanent peccatorum reliquiae, et quæ criminibus debetur, pœna certo tempore definita (1). Nam omnis æqui ratio postulat, ut pro illatis Deo injuriis aliquid persolvamus; et consentanea est Divinæ clementiæ compensatio, quam ipse postulat, ut ea sit quasi frenum, quo diligentius contineamur in officio atque a criminibus, pravaque consuetudine abstrahamur (2). Itaque necessaria est satisfactio, per quam eluatur quidquid sordium propter peccati maculam in anima resedit, ac solvamus pœnis temporariis, quibus tenebamur (3).

(1) Concilium Tridentinum *Sess. 14 de Sacram. pœnit. Can. 12, 13, 14, 15, Catechismus Romanus par. 2 cap. 5 §. 65.*

(2) Concilium Tridentinum *Sess. 14 cap. 8 de Sacram. pœnit., Catechismus Romanus loc. cit. §. 62 & 66.*

(3) Catechismus Romanus *loc. cit. §. 64.*

§. 72. Hæc satisfactio passim dicitur pœnitentia, eaque vel publica est, quæ publice, & coram Ecclesia, vel privata, quæ clam & privatim absolvitur. Mortalia peccata palam admissa publica pœnitentia expianda esse, constans semper Ecclesiæ doctrina fuit, ut ita publicæ offensioni satisfiat (1). Sed & publica pro gravioribus criminibus, licet occultis, pœnitentia frequens olim erat (2); quin etiam felicissimis illis Ecclesiæ temporibus multi erant, qui sceleris puri publicam pœnitentiam sponte suscipiebant.

(1) Apost. 1 *ad Timoth.* V 10, Conc. Trid. *Sess. 24 de Reform. c. 8.*  
 (2) Frequentissimam fuisse olim publicam oculorum, eorumque graviorum criminum poenitentiam, inter omnes constat; verum magna inter eruditos disputatio est, num hujus, pro occultis criminibus, publicæ poenitentiae necessitas aliqua unquam Ecclesiae imposita fuerit. Joannes Morinus *de Panit. l. 5 c. 8*, Natalis Alexander *Hist. Eccles. sæc. 3 diss. 6 p. 54 t. 4 ed. Ven. 1774*, aliique complures, Ecclesiae lege sancitum putant, ut rei graviorum criminum, qualia erant idololatria, homicidium, adulterium, aliaque his afinia, licet ea essent occulta, publicam poenitentiam agere cogerentur. Contra vero Bellarminus *in Controv. de Panit. tit. 5 c. 14 opp. t. 3 p. 551 ed. Venet. 1721*, Sirmondus *Hist. panit. pub. c. 2 & 3 opp. t. 4 p. 481 et seq. ed. Paris. 1636*, Jacobus Petitus *ad Theodor. Cantuarien. poenit. t. 2 ad calcem p. 61 et seq.*, Constantinus Roncaglia *in Not. ad Natal. Alexandr. loc. cit. p. 69*, atque alii bene multi, nullam fuisse poenitentiae legem, qua propter occulta crimina, licet gravissima, publica poenitentia imponeretur. Longum esset in hac questione immorari; confer tamen Tournelyum *Præleç. theol. de Sacram. Poenit. qu. 8 art. 3* & Robertum Salam *in Not. ad Card. Bonam rer. liturg. l. 1 c. 17 §. 6 not. 4 p. 586 et seq. t. 1 ed. Taurin. 1747*, qui de ea multis disputant.

§. 73. Publica poenitentia nullis certis definitis spatiis atque solemnibus initio peracta est, eaque tota erat posita in ejedione ab ecclesia, laboriosisque operibus, quæ rei criminum suscipere cgebantur (1). Sed post schisma Novatianum, quod medio fere tertio sæculo erupit, certa atque solennia agendæ poenitentiae spatia sunt constituta; ut ita vel externis ritibus Ecclesia occurreret Novatianis, qui dimittendi graviora peccata post baptismum admissa in Ecclesia potestatem esse negabant (2). Omnis hæc sollemnitas, atque omnes hi ritus consistebant in certis gradibus sive stationibus, quæ quatuor numero erant, *Fletus, Auditio, Substratio, Consistentia* (3).

(1) Consule Martenium *loc. ind. ars. §. 1 p. 266*. Sane ab Ecclesiae primordiis usque ad ætatem Montani, & vero etiam Tertulliani nullum fuisset solemne tempus agendæ poenitentiae constitutum, patet ex silentio Tertulliani, qui nusquam ejus rei meminit, quamquam de poenitentia egerit, itemque ex silentio eorum, qui ante Tertullianum floruerunt. Idem jus fuisse a Montano ad Novatianum, eorum, qui per ea tempora scripserunt, ac præsertim Cypriani silentium ostendit. Quin etiam constat ex eorum temporum monumentis, rem hanc totam Episcopi arbitrio gestam fuisse, licet post Montanum diuturniores quam antea, poenæ dari consueverint, quæ omnia late persequitur Jueninius *de Sacram. diss. 6 c. 4 art. 4 §. 1 & 2*.

(2) Confer Card. Bonam *Rer. liturg. l. 1 c. 17 §. 3* ibique Salam *in Not. p. 363 t. 1 ed. Taurin. 1747*, Morinum *de Panit. l. 4 c. 1 p. 5*, Albaspinzum *Obsev. l. 2 c. 22 p. 111 ed. Neap. 1770*.

• (3) Quatuor hos pœnitentiæ gradus, ut observat Natalis Alexander *Histor. Eccles. sac. 3 dist. 8 t. 4 p. 77 ed. Venet. 1776*, primus singillatim, ac distincte S. Gregorius Neocæsariensis cognomento Thaumaturgus *Can. ult. epistola canonica* memoravit. Negat Morinus hunc canonem revera Gregorii esse: sed eum refellit Natalis Alexander *loc. cit.* Eorumdem graduum mentio est apud S. Basilium *Epist. 199 can. ad Amphiloeb. 2 can. 22 & Epist. 217 canonic. 5 can. 53 & seq. 64, 75, 77, 80, 81, 83 opp. t. 3 p. 293 & 325 & seq. ed. Maurin. Paris. 1730*, Concilium Ancyranum *Can. 6, 18, 17 t. 1 collect. Harduini col. 273 & 277, & Prullanum Cari. 87 col. 1691 t. 3*. Apud Latinos jam inde a IV sæculo Pœnitentium divisiones fuisse, ostendunt Ecclesiæ per ea tempora ædificatæ, ac præsertim antiquissima Basilica S. Clementis, de qua videndi Joannes Ciampinius *Vet. Monum. Mus. p. 1*, & Philippus Rondininus, qui de ea peculiarem librum edidit. Hos etiam pœnitentium gradus, & ordines in vetustis Urbis Basilicis extitisse Ciampinius ostendit *loc. cit.* Consule Morinum, Albaspineum, Martenium *loc. ind.*, itemque Christianum Lupum in *Schol. ad Can. 11 concil. Nicæni opp. t. 1 p. 254 ed. Venet. 1724*, & ceteros recentiores sacrarum rituum scriptores, qui singulos Pœnitentium gradus accurate describunt.

§. 74. Primo gradu erant *Fientes*; qui scilicet extra Ecclesiam in porticu commorabantur, ac lugubri induci veste, sparsisque crinibus, & cinere ac cilicio sorditati, peccata sua publice confitebantur, & fientes, sæpeque etiam ad pedes provoluti fideles, qui Ecclesiam ingrediebantur, rogabant, ut sibi a Deo, atque ab Episcopo pœnitentiæ locum impetrarent (1). Hi potius candidati pœnitentiæ, quam veri pœnitentes erant. Proximum tenebant locum *Audientes*, qui scilicet Ecclesiæ narthecem ingressi Divinam Scripturam, sacrasque conciones audiebant, quibus finitis, cum reliquis audientibus, sive ethnicis, sive catechumenis ab Ecclesia exire jubebantur (2). Erat hic gradus & beneficij, & opprobrij loco; beneficij inquam, quod iterum mittebantur, opprobrij autem, quod iterum mittantur ad audienda fidei rudimenta, quæ, quod graviter peccassent, vix didicisse videbantur.

(1) Vide Cyprianum *de lapsis p. 77 cit. edit. Paris. & epistolam Cleri Romani ad Cyprianum ep. 51 p. 45*, ubi fientium status graphice describitur, Ambros. *de Pœnit. l. 1 c. 16 opp. col. 523, & de Laps. Virg. cap. 8 col. 392 t. 3*. Concil. Agathense *can. 5 t. 2 col. 999* Barchinonense *l. can. 6 col. 1434 t. 2*. Toletanum III *can. 12 col. 431 t. 3 collect. Harduini*. Apud Basilium *ep. 217 ad Amphiloebium can. 53 opp. t. 3 p. 325 edit. Paris.* de voluntario homicida, quem inter fientes per triennium esse jubet, habentur hæc: *quatuor annis desistere stans extra fores domus orationis; hæc autem*

can. 75 p. 392 de incesto, qui sororem vitiauit *trihennio defleat stans ad fores domus orationis*. Antiqua monumenta Ecclesiastica memorant etiam Hyemantes, qui *Fletibus* inferiores erant, quoniam extra tectum Ecclesie pulsi sub dño poenitentiam agere cogebantur. Præsertim Ancyra Synodus can. 17 apud Labbium t. 1 col. 149. Gentiano Herveto interprete *ed. Ven.*, eos qui *rationis expertia animantia inierunt, & qui leprosi sunt vel fuerunt*, iussit inter hyemantes orare. Verum hic gradus aut a *Fletu* non differebat, ut quidam putant aut erat veluti extra ordinem gradus, in quo rei gravissimorum quorundam criminum versabantur, quoniam ordinarius poenitentiae cursus conficiebatur ex quatuor illis gradibus, quos recensuimus. Erant inter Hyemantes majori excommunicatione percussi, ac plane ab Ecclesia præcisi, quo etiam in loco, procul scilicet a porticu, iussi sunt stare leprosi, ne ceteros inficerent, & qui cum brucis, aut contra naturam luxuriabantur, quos monstra, & furias appellabant. Confer Card. Bonam *loc. cit.* §. 5, ibique Salam *Not.* 2 p. 374 & 377 t. 1, Albaspinzum in *Not. ad cit. can.* 17 *Ancyran.* p. 203 *edit. Neap.* 1770, & Selvagium *Antiq. christ.* l. 3 c. 11 §. 21 *not.* 27, a quibus de hyemantibus, deque leprosis, qui in loco erant, late disseritur.

(2) Memorant *Audientes* S. Greg. Thaumaturgus *loc. cit.*, S. Basilii *cit. epist. can.* 57 p. 346, Conc. Nicænum *can.* 19 col. 446 t. 1 *collect.* Harduini. Similiter S. Greg. Nyssenus in *ep. can.* ad *Letanium Episc. Militen.* can. 4 et 5 p. 951 et seq. t. 1 *ed. Paris.* 1615, hæc adversus homicidam voluntarium post novem annos in fletu exactos statuit: *tot annos in auditione permanent, sola Doctorum, et Scripturarum auditione digni habitus.*

§. 73. In tertio gradu erant *Substrati* seu *Genuflectentes*, qui stabant intra Ecclesie ambitum usque ad ambonem; ubi post ejectos *Audientes* in genua provoluti (1) manuum impositionem sub certis precibus accipiebant, inde etiam ab Ecclesia exhibant; interim vero jejuniis, precibus, durisque & laboriosis operibus exercebantur (2). Quartus denique gradus erat *Consistentium*, qui ita dicebantur, quod post ejectos Catechumenos, ceterosque poenitentes cum fidelibus in Ecclesia consisterent precesque funderent (3). Hi participes quidem erant precum, quæ fidelium dicebantur, sed non item corporis & sanguinis Christi, neque eorum oblationes recipiebantur: quo factum est ut quarta hæc poenitentium statio interdum *Segregatio, & Separatio* diceretur.

(1) Illud quasi prætereuntes animadvertemus, non solum Poenitentes Presbyteris atque Episcopis præsertim advolvi solitos fuisse, sed & ceteros fideles in obsequii genus adversus illos a primis Ecclesie sæculis præstare consuevisse. Hinc illa orta est

ethnlicorum calumnia apud Minucium Felicem *Oclavius* p. 333 *ep. laud.* Christiano *Antistitis ac Sacerdotis, quasi parentis sui, adorare naturam*. Unde intelligitur, quam graviter desipiant, qui nostras adgeniculationes seu genuflexiones ad Rom. Pontif. Christi Vicarii pedes irrident: cum exploratissimum sit, hanc reverentiam ab antiquis Ecclesiæ sæculis etiam in Episcopos & Sacerdotes semper adhibitam fuisse. Et Summo quidem Pontifici hoc semper obsequii genus Christianos adhibuisse, ejusque pedes osculari solitos fuisse, compertum est. In actis antiquissimis S. Susannæ Virg. & Mart., quæ recitat Cardinalis Baronius *ad an.* 294 n. 10 p. 271 t. 3 *ed. Luca de Præpedita* Claudii uxore narratur, quod *audita viri tanta a Deo facta mutatione repente ad Cajum Papam se contulit, ad pedesque concident, eos ex more exosculata, æque si fidem recipi postulabat*. Cum autem id ex more factum dicatur, perspicuum est ab ipsis Ecclesiæ primordiis fieri consuevisse; quod & paulo post confirmatur in iisdem actis ubi de eodem Cajo Pont. dicuntur hæc: *ad cujus adventum qui erant congregati in domo Gabinii, in terram prostraverunt se omnes ex more*. Eadem etiam de Maximo occurrunt. Vetustus Ordo Romanus, qui Gelasio tribuitur apud *Millonius* Ord. I. n. 11 Ord. II. n. 8 Ord. III. n. 10 p. 9, 45 et 55 *ed. Paris.* 1789, Diaconum inducit osculantem pedes Pontificis, antequam Evangelium legat. In vitis Romanor. Pontif., quæ Anastasio tribuuntur, pluries mentio est obsequii, quo Imperatores Sum. Pontif. exceperunt. Cum Joannes I. ann. 525 Constantinop. adijt, eum summ. honore prosequuti sunt, sed præsertim *Justinianus Augustus dant bonorem Deo humiliavit se pronus, & adoravit Beati. Papam Joannem*. Vide Baron. *ad an.* 525 d. VI t. 9 p. 541 *ed. Luca* 1741. Non multo post Agapitus simili honore exceptus fuit, quoniam *piissimus Augustus Justinianus gaudio repletus humiliavit se S. Sedi Apostolica, & adoravit Sanctiss. Papam Agapitum*. Etiam Justinianus II ineunte VIII sæc. hoc ipsum obsequium præstitit adversus Constantinum Sum. Pontificem: *in die autem qua se invicem viderunt Augustus Christianissimus cum regno in capite sese prostravit, pedes osculans Pontificis, deinde in amplexum mutuum corruerunt*. Anastasius *Biblioth. in Vitis Sum. Pontific.* t. 1 *secl.* 88 p. 95 *secl.* 96 p. 102 & *secl.* 175 p. 160 *ed. Roma* 1755. Mitto cetera, quæ fusius & uberius explicat Cajetan. Cennius *Diss.* 7 inter ejus dissertationes Pistorii editas *an.* 1778 t. 1 p. 171 & *seq.* Vide Thomassinum *Vet. & nov. Eccles. discipl. par.* 2 l. 3 c. 65, & Dominicum a SS. Trinitate *Biblioth. Theolog.* t. 5 part. 2 l. 4 *secl.* 11 t. 42.

(2) Vide Concilium Ancyranum *can.* 16 apud cit. Labbæum t. 1 col. 1491 *ejusd. edit.*, ubi potissimum de substratis agitur. Erat Substratorum statio intra Ecclesiæ ambitum a portis usque ad ambonem, videlicet parvum illud, atque altius adificium, ex quo legebantur Epistolæ & Evangelium, Dyptica recitabantur, atque ad populum conciones habebantur. Ahuc Romæ extant vetusti quidam Ambones in Ecclesia S. Clementis. SS. Nerei & Achillei, aliisque Ecclesiis, ac de iis late scripserunt Du-Cangius in *Not. ad Pauli Silentarii descript. Templi S. Sophiæ* n. 75 & *seq.* ac in *Glossar. med. & inf. latinit. verb. Ambo*; Thiersius in *Diss. eccles.* n. 2 Rondininus de *Eccles. S. Clemen.* p. 95.

(3) Concil. Nicænum *can. 11 col. 388 t. 1 Collect.* Harduini hunc gradum vocat *communicare cum populo orationibus* *αὐτῶν προσφωγῶς* *sine oblatione*, & *can. 48 seq. col. 27 s. 1 Collect.* Harduini utitur his formulis: *communicans sine oblatione: sola oratione communicans: communionem ad preces atsequantur.* Quæ formulæ etiam apud plures Latinos Patres occurrunt. Consistentium in Ecclesia loco fuisse ab Ambone usque ad Altare, inter omnes constat: sed non ita exploratum est, num permixti cum fidelibus, nullo discrimine, an potius ab his loco disjuncti fuerint. Verisimilius tamen est, eos fuisse seiunctos: nam secus ad cancellos sanctuarii accedere potuissent, a quibus non offerentes & non communicantes arcebantur.

§. 76. Certa erant stationum spatia pro singulis criminibus constituta; sed ea tamen pro gravitate delicti longiora, aut breviora erant (1): & vero rei gravissimorum quorundam criminum toto vitæ curriculo poenitentiam agere cogebantur (2). Episcopus stata tempora pro vario poenitentium studio contrahebat, aut producebat arbitrato suo; & hoc quidem Episcopi arbitrium interdum tam late patebat, ut posset poenitentes ex Auditione ad Consistentiam, omitta Substratione traducere (3). Longius, ut plurimum, erat tempus substructionis, quoniam hæc statio ad eluendas animorum sordes proprie erat instituta, & interdum anno decimoquinto absolvebatur (4).

(1) Conc. Ancyranum *can. 5 col. 273 t. 1 collect.* Harduini. S. Basilii *ep. 2 17 ad Amphil. fere per tot. opp. t. 5 p. 324 et seq. ed. Parit. etc.*

(2) Huiusmodi poenitentiam Conc. Eliberitanum *can. 5 col. 249 t. 1 collect.* Harduini constituit adversus eos, qui Flaminis, sive ethnici Sacerdotis officium suscepissent, & *can. 13 col. 250* adversus mulierem duobus fratribus nuptam: Arelatense I. *can. 14 col. 265 t. 1* adversus eos, qui falso fratres accusaverant; Ancyranum *can. 16 col. 277*. Valentinum in Gallia *can. 3 col. 790; cod. i, 1*, Ilerdense *can. 5 col. 1065 t. 2* adversus aliorum criminum reos. Confer Muratorium *Antiq. Italic. mediæ ævi 5 diss. 63.*

(3) Concil. Nicænum *can. 11 col. 323 t. 1 col.* Harduini:

(4) Concil. Ancyranum *can. 16 loco mox laud.*

§. 77. Toto illo temporis cursu, quo Poenitentes in iis stationibus versabantur, multas edere debebant dolentes animi significationes, seque etiam a multis, quæ ceteris licebant, abstinere. Et vero cinere aspersi, & operiti cilicio (1), ac mares vel raso capite, vel tonsis capillis, mulieres autem aut sumpto poenitentiae velo, aut passis tonsisve crinibus poenitentiam accipiebant (2). Præterea cor-



pus jejuniis cruciabant, eleemosynas dabant pauperibus, iis etiam diebus, quibus ceteri fideles stantes orabant, flexis genibus preces fundebant, seque a balneis, conviviliis, ipsoque matrimonii usu abstinebant (5).

(1) Cilicium erat vestis aspera ex pilis animalium contexta, quæ totum corpus operiebat. Ambros. *de Lapr. Virgin.* c. 8 n. 35 opp. t. 3 col. 342 ed. Maurin. Venet. 1751.

(2) Concil. Agathense *can.* 15 col. 999 t. 2 *Collect.* Harduini, Tolletanum III *can.* 12 col. 431 t. 3 *Collect.* ejusd. Ambrosius *loc. cit.*, Hieronymus *ep.* 77 n. 4 col. 456 opp. t. 1 ed. Vallarsii Veron. Velum poenitentiz, quod mulieres sumebant, memorat. Optatus Milevitanus l. 2 *contra Parmenian.* p. 51 ed. Paris. 1676.

(3) Consule Martenium *de Antiq. Eccl. rit.* l. 1 c. 6 art. 4. t. 1 p. 266 & *seq. edit. cit.*, a quo hæc omnia accurate describuntur.

§. 78. Certus erat poenitentium restituendorum dies (1), nisi justa adescet causa, propter quam id celerius faciendum videretur. Nam citius restituebantur ii, quos martyrum libelli commendarent, qui ad martyrium erant comparandi, qui illustrem Christo pii & obsequentis animi significationem edidissent, qui in vitæ discrimine versarentur; idem denique fiebat, si quid inde mali ab Ecclesia amoveretur, aut si quid boni in eam redundaret (3). Quin etiam multi erant, qui sua crimina privata poenitentia expiabant, neque publicam subire cgebantur, quamquam graviora flagitia admisissent. Hujusmodi erant juvenes propter ætatis fragilitatem (4), & mulieres adulteræ quorum publica poenitentia, quæ certum erat earum criminis monumentum, iis mortis causa esse poterat (5); & conjugati, nisi conjugis consensus accederet (6); & clerici majores, qui clam in monasterio sua crimina deflebant, nisi publicam poenitentiam sponte susciperent (7).

(1) Feria V in cœna Domini olim poenitentes reconciliari consuevisse, demonstrat Innocentius I. in *Ep. ad Decentium Fugubin.* c. 7 col. 862, apud Constantium *Ep. Roman. Pontif.* Hæc quidem consuetudo erat Ecclesiæ Romanæ, aliorumque Occidentaliū Ecclesiarum, quæ ejus ritus susceperant. Verum in Mediolanensi Ecclesia Poenitentes reconciliari solebant feria sexta majoris hebdomadæ, uti patet ex S. Ambrosio *ep.* 20 *ad Marcellinam soror.* n. 26 col. 903 t. 3, & in *Hexamer.* l. 5 c. ult. col. 130 t. 1 edit. Venet. indic. Eandem quoque consuetudinem viguisse, in Hispaniis, atque in quibusdam Gallicanis Ecclesiis, ostendit Martenius *de Antiq. eccles. rit.* l. 1 c. 5 art. 5 §. 10 t. 1 p. 21.

(2) Confer Alaspinzum in *can.* 25 Concil. Eliberit. p. 167 ed. Neapol. 1740, & Natalem Alexandrum *Histor. Eccles. sac.* 3 t. 4 p. 37 ed. Venet. 1676.

(3) Late hæc omnia persequitur, & multis confirmat monumentis Natalis Alexander *loc. cit. diss. 9 p. 80.*

(4) Concilium Aurelianense III *can. 24 col. 1428 t. 2, & Agathense can. 15 col. 1000 t. 2 Collect. Harduini.*

(5) S. Basilii *can. 51, ibique Balsamon & Alexius Aristinus in Scholiis apud Beveregium in Pandectis t. 2 par. 1 p. 47. Consule Card. Bonam Rer. liturg. l. 1 c. 17 §. 5, ibique Salam Nor. 1 p. 575 & seq. t. 1 laud. ed. Taurin.*

(6) Concil. Arelatense III *can. 22 col. 775 t. 2 Col. Harduini.*

(7) Siricius P. Ep. ad Himerium Tarraconen. Episc. c. 14 col. 636 apud Constantium *loc. cit.*, Hieronymus ep. 147 ad Sabinian. Diacon. col. 1078 t. 1 *cit. ed. Veron. Confer Morinum Exerc. eccles. l. 2 exerc. 14, Natal. Alex. Dissert. 11 p. 89, l. cit.*, & P. Constantium de Poenit. major. Cleric. in Thesaur. Theolog. t. 22 opuscul. 12 p. 19.

§. 79. Solemnes illi, quos numeravi, publicæ poenitentiae gradus jampridem antiquati sunt (1); & nunc poenitentia arbitrio Sacerdotis imponitur. Quod eo spectat, ut non certæ, sicuti olim fiebat (2), pro singulis criminibus constitutæ a canonibus poenæ infligantur; verum Sacerdotes debent *salutares, & convenientes satisfactiones injungere* (3), quæ scilicet apte convenient ad novæ vitæ custodiam atque ad peccatorum castigationem. Hinc poenitentiae ministri, ut suo recte munere fungi possint, scire debent canones poenitentiales, ut inde criminum gravitatem, et dignam crimine poenitentiam noscant (4).

(1) Solemnes publicæ poenitentiae gradus Constantinopoli sustulit. Nestarius Patriarcha Constantinop, cujus exemplum etiam reliquæ Græcorum Ecclesiæ brevi sequutæ sunt. Consule Cl. Franc. A. Zachariam, qui rem totam diligenter explicat *Diatrib. de Pœnit. Constantinop. sublata a Nestario in Thesaur. Theolog. t. 11 p. 290.* In Occidente vetus illa disciplina diutius obtinuit. Nam Latini octavo exeunte, nonoque ineunte sæculo gradus illos integros retinebant, uti pater ex capitularibus Caroli M. & Ludovici Pii l. 5 c. 136 apud Balutium *Capitul. Reg. Francor. t. 1 col. 569 ed. Venet. 1772.* Medio sæc. IX solemnes poenitentiae ritus memorat Nicolaus I. ep. ad Rivoladrum Episcopum, apud Labbæum t. 7 concil. col. 505 *ed. Venet.*, & ep. 24 ad Hinomar. Rement. col. 515, & Conc. Wormariense an. 868 *can. 30 col. 742 t. 5 collect. Harduini.* Sed iis in locis tantum tres Poenitentiae gradus describuntur, scilicet Fletus Auditio, Consistentia, omittitur autem Substratio; quod etiam fit in epistolis. Summ. Pontifi., & decretis Concilior., quæ ad eam ætatem pertinent. Denique sæc. XII gradus illi poenitentiae apud Latinos fere ubique desierunt, atque ejus mutatae disciplinae causæ præsertim fuerunt canonicæ poenitentiae commutatio cum certis, precibus, & corporis flagellis, cum pecunia collata in pauperes, atque in alios pios usus conversa, aut cum laborioso aliquo opere, quod in bonum Ecclesiæ redundaret; &

ideo peccatores saepe sunt jussi arma capere contra hæreticos aut infideles; & communis prope Theologorum ejus ætatis sententia fuit, pœnitentiam in foro conscientie Sacerdotis arbitrio esse constituendam, quæ omnia late enarrat Morinus *de Pœnit. lib. 10 cap. 16 et 25.*

(2) Magna erat veterum Patrum cura & diligentia ut propria rimedia, & justa pro unoquoque crimine pœnitentie tempora constituerentur. Ea de re agebatur in conciliis, ubi plures conditi sunt canones. cunsulebantur etiam primarum sedium Episcopi, & qui ceteris pietate ac doctrina præstarent; & hi suas dabant litteras, quibus aptam & idoneam ad singula crimina pœnitentiam, & ejus quoque tempus stabiliebant. Hinc collecti sunt *canones pœnitent.*, ex quorum auctoritate pœnitentie imponebantur. & ideo cum Episcopi synodum habebant inter cetera monebant Presbyteros, ut *non ex corde, sed sicut in pœnitentiali scriptum est*, pœnitentias darent, apud Regionem *l. 1 c. 98.* Similiter Episcopi cum diocesim lustrabant, illud in primis quærebant, num presbyter haberet librum pœnitentialem, & num secundum ejus leges pœnitentiam imponerat, uti patet ex Burcardo *l. 1 c. 94*, & Reginone *l. 1 c. 95.* Multi adhuc extant hujusmodi libri Pœnitentiales evulgati a viris eruditis, quos memorat Bened. XIV *de Synod. diocess. lib. 1 cap. 11 n. 3.*

(3) Concilium Tridentinum *Sess. 14 cap. 8 de Pœnitent.*

(4) Consule S. Carol. Borrom. in *Prefat. ad can. pœnit. & Card. de Aguirre ad can. 11 & 12, Conc. Tolentani. III tom. 2 collect. maxim. Concil. Hisp.*

§. 80. Absolutio primis Ecclesie sæculis, ut plurimum, post actam poenitentiam concedebatur (1). Verum cum ea res ad disciplinam pertineat, nullaque sit necessitas præmittendæ poenitentiae, ut integrum sit sacramentum labentibus annis invaluit usus tribuendae absolutionis, antequam poenitentia peragatur. Quin & vetusta ætate quamquam ea, qua memoravi, disciplina obtineret, tamen saepe ante emensa poenitentiae spatia absolutio dabatur, si quem libelli martyrum commendarent, si quis praeclaram pietatis significationem edidisset, si qua gravis urgeret causa, quae mitiorem disciplinam postulare videretur (2); diuque obtinuit, ut statim post confessionem dimitterentur crimina, quae publica poenitentia expiare non oportebat (3). Merito hinc damnatae & proscriptae sunt duriores, asperioresque sententiae illorum, qui Christi lege institutum ferunt, ut poenitentia absolutioni praeceat, ac minus probant eam, quae nunc viget, disciplinam, per quam absolutio poenitentiam antevertit (4).

(1) Cyprianus *ep. 10, 52, 69 p. 23, 66, 94 edit. Paris. 1866*  
Pacianus *ep. 1 ad Sympronian. p. 307, Bibliothec. PP. 3. 4 ed.*

*Lugd.*; Ambrosius *de Pœnit.* l. 2 c. 9 col. 549 t. 5 cit. *ed. Venet.*; Innoc. I. ep. 25 *ad Decent.* col. 862 apud Coustantium ep. *Pontif. Roman.*; Leo M. ep. 84 *ad Theodor. Forojulien.* Episc. opp. t. 2 p. 328 *ed. Romæ. cit.*; Concil. Toletanum III cap. 11 col. 431 tom. 3 collect. Harduini.

(2) Cyprianus ep. 18 & 19 *ad Caldon.* 52, 54 col. 71, 73, 165, 187 *ed. Ven.* 1758; Cornelius ep. *ad Cyprian.*, quæ inter Cyprianicas est: ep. 46 col. 147; Innoc. I. ep. 25 *ad Decent.* n. 10 col. 862 apud Coustantium; Leo M. ep. 108 *ad Theodor. c.* 4 col. 1175 opp. t. 1 *ed. Ballerini.* Ven. 1753; Conc. Nicænum can. 23 apud Labbæum, 2 Concil. col. 56 *ed. Ven.*; Carthaginense IV can. 76 col. 1443 *ibid.*; Ancyranum can. 5 col. 1487 *ib.*; Arausicanum I, can. 3 col. 702 t. 4; Epaonense can. 36 col. 716 tom. 5 *ibid.*

(3) Consule Morinum *de pœnit. lib.* 9 cap. 14.

(4) Sæc. XV Petrus Oxomensis Theologiæ in Salmaticensi Academia professor docuit, satisfactionem absolutioni omnino esse præmittendam, isque a Sixto IV damnatus est. Superiori sæculo hunc errorem aliqui renovarunt, contententes, differendam esse absolutionem sacramentalem, ut prius aliqua saltem laboriosa opera a Sacerdote imposita Pœnitentes absolverent; sed eum damnarunt Alex. VIII n. 16, 17, 18 *in Bullar.* p. 97 t. 9 ult. *ed.* & Clem. XI *in Constit. Unigen.* 187 p. 340 t. 10 *ejusd. Bullar.* Eundem hunc errorem, quem scripto mandarât Theophilus Bracher, S. Facultas Paris. die 23 Jun. an. 1644 condemnavit.

§. 81. Formam hujus sacramenti conficiunt verba illa absolutionis, quæ Sacerdôs profert, non nudum præstans ministerium pronuntiandi, remissa esse peccata sed actum judiciale exercens: Ego te absolvo &c. quibus de Ecclesiæ more preces quædam laudabiliter adjunguntur ad ipsius tamen formæ essentiam nequaquam spectant, neque ad ipsius sacramenti administrationem sunt necessariæ (1) Indicativa hæc forma antiquissima certe est apud Latinos (2); de Græcorum forma non eadem omnibus sententia est (3).

(1) Conc. Tridentinum Sess. 14 *de Sacram. pœnit.* cap. 3 & 6.

(2) Joannes Morinus *lib.* 8 *de Administrat. pœnitent.* multis capitibus defendit deprecativam fuisse formam sacramenti Pœnitentiæ, qua usque ad sæc. XII Latini usi sunt. Morinum complures sequuntur, licet fateantur, nunc tantum indicativam esse formam, quam Synodus Florentina ac Tridentina proposuit. Contra Latinorum formam & nunc esse, & semper fuisse indicativam contendit Edmundus Simonetus *de forma Sacram. Pœnit. Ibsaur. Theolog.* t. 11 *Opusc.* 9 p. 485 & seq. Etate S. Thomæ, quæ pertinet ad sæculum XIII indicativa forma jamdudum indurata erat, de eaque loquitur ipse Thomas *Opusc.* 23 *alias* 22 c. 1 ramquam antiquissimam, & ubique receptam, imo potius existimare videtur, nullam aliam unquam obtinuisse. Martenius autem de

*Antiq. Eccl. rit. t. 6 a. 5 §. 12* in quatuor antiquissimis libris ritualibus sese indicativam formam deprehendisse testatur.

(3) Simonetus loco mox laudato art. 5 p. 535 & seq. Græcorum formam non deprecativam, sed indicativam esse arbitratur. Sed alia sententia est Morino loco cit. c. 12, Jueninio de Sacram. dist. 4 quæst. 7 cap. 2 art. 1 aliisque compluribus.

§. 82. Minister sacramenti pœnitentiæ est Episcopus, aut Sacerdos (1). Si quando a Diacono datam absolutionem constat (2), non id deferendum est ad sacramentalem absolutionem, quæ rei crimen tollit, quæque ordinis propria est; sed ad cæremonialem absolutionem, quæ pœnitentem, solvit legibus publicæ pœnitentiæ, quæque etiam Diacono committi poterat, cum tota jurisdictionis sit (3). Similiter si quem laico sua interdum patefecisse crimini scriptum est (4), factum id fuit patientiæ, et demissionis causa, non quod laicus per sacramentum pœnitentiæ solvere quemquam posset (5).

(1) Conc. Trident. Sess. 14 de Pœnit. c. 6, Eugenius IV in Decret. union. Armen. t. 9 collect. Harduini col. 440, Leo X Const. 44 t. 5 par. 3 Bullar. p. 489, ubi inter ceteros damnatur Lutheri error, quod videlicet in sacramento pœnitentiæ, ac remissionis culpa non plus facit Papa aut Episcopus, quam infimus Sacerdos; imo ubi non est Sacerdos, æque tantum qualibet Christianus, etiam si mulier aut puer esset. Quo in luto ante Lutherum hæsitaverant Wicleffus, Flagellantes & Hussitæ, qui spreto Sacramentis Tribunali sua apud laicos crimina confitebantur, atque ab iis absolutionem obtinebant, ut videre est in l. 3 de Gestis Baldevini de Luczenburch. c. 9, apud Balutium Miscellan. Historie. t. 1 p. 324 edit. Luc. 1761. Quamquam, uti in ceteris, ita etiam in hoc errore Lutherus inconstans & varius de Captivitat. Babylon. unum Baptismum Sacramentum habeat: quo factum est, ut quasi duæ familiæ proseminatae sint Lutheranorum, quorum alii Pœnitentiam Sacramentum esse affirmant, alii negant. Adeo verum est, nonnisi in Ecclesia catholica unam semper & eandem esse fidem.

(2) S. Cyprianus ep. 12 p. 25 ed. Paris. cit., Constitutiones Odoni Parisiensis Episcopi c. 56 t. 6, par. 2 col. 1946 collect. Harduini, Cap. Fures de Furtis, si vera est lectio quæ vulgo traditur, Presbytero vel Diacono confessi fuerint. Nam Antonius Augustinus in Not. ad prim. Collect. Decretal. l. 5 tit. 26 c. 4 p. 326 ed. Luc. 1769, legendum esse monet Presbytero vel Deo, uti est in can. 51, Conc. Triburensis col. 459 t. 6 collect. Harduini, unde illud caput desumptum est.

(3) Confer Cardinalem de Aguirre Concil. Hispan. t. 1 p. 729, Natal. Alex. Histor. Eccles. sac. 3 dist. 4 t. 4 p. 49 ed. Ven. 1776, & Benedictum XIV de Synod. Dioces. l. 7 c. 16 n. 5 ad 8 Late etiam, ac solide hoc argumentum persequitur Carolus Blaschus Dissert. 1 & contra Basnagium, Launojum, atque alios ostendit, nun-

quam Diaconos etiam urgente necessitate, pœnitentiæ sacramentum administrasse.

(4) *Can. Qui vult, de pœnitent. dist. 6* Multa hujusmodi exempla colligunt Morinus *de Pœnit.* l. 8 c. 24, Jueninius *de Sacram. dist. 6 qu. 5 c. 4 art. 2*, Martenius *de Antiq. Eccles. rit.* l. 1 c. 6 art. 6 §. 8 pag. 274 tom. 1 cit. ed. Venet.

(5) Vide D. Th. in 4 dist. 17 qu. 3 art. qu. 2, & vide etiam Bened. XIV loc. cit. n. 9 & seq.

§. 85. Ut autem valeat absolutio, in ministro requiritur non tantum potestas Ordinis, per quam ei ex divîna institutione committitur judicium animarum in foro pœnitentiæ, sed etiam jurisdictionis. Potestas ordinis efficit, ut Presbyter judicium hoc sacramentaliter exercere possit; sed frustra id exerceret, nisi haberet subditos, in quos suam explicet potestatem. Atque hæc est potestas jurisdictionis, quæ tota pendet ex imperio in subditos, adeo ut sine subditis nullâ sit. Cetera sacramenta sine hac potestate conferre non licet, sed tamen valet collata cum sola ordinis potestate: verum sacramentum pœnitentiæ utramque desiderat; quoniam opus est ministro, per quem et conferatur gratia, et feratur sententia, quæ tantum valet prolata in eos, qui judicis jurisdictioni subjeçti sunt (2).

(1) Concilium Tridentinum *Sess. 14 de Sacram. pœnitent. cap. 6 & can. 9* & Catechismus Romanus *par. 2 cap. 5 §. 54.*

(2) Consule Cl. Christianopolium in libro *della Nullità delle assoluzioni ne' casi riservati* cap. 2 §. 109 p. 153 et seq.

§. 84. Jurisdictio penes Episcopum in omni diœcesi est, et ideo nisi quis eam ab Episcopo obtineat, in ejus subditos exercere judicium, ac sententiam ferre non potest. Parochi, cum animarum curæ præficiuntur, sui officii jure obtinent hanc potestatem, quia cum Parochi fiunt, accipiunt ab Episcopo subditos, quos regant, et in quos jurisdictionem exerçant. Ceteri Sacerdotes, quibus nulli cum beneficio subditi dati sunt, opus habent venia Episcopi, a quo ad hoc munus apti et idonei judicentur; ac muneris gerendi potestatem accipiant (1). Itaque Parochi posteaquam rite constituti sunt, jure proprio, reliqui Sacerdotes sive ex sæcularibus, sive ex regularibus, jure delegato pœnitentiæ sacramentum administrant (2).

(1) Concil. Trident. *Sess. 23 c. 15 de Reformat.* Consule Be-

mediæ XIV. *Instit. Eccles. Instit. 86*; ubi multa sunt, quæ ad hunc locum pertinent.

(2) Nullus ita sit temerarius, inquiunt Patres Gallicani in comitiis generalibus ann. 1625, 1635, 1645, ut ingrat se audiendis confessionibus, quin ad id facultatem, scripto traditam ab Episcopo, aut ejus Vicario generali obtinuerit; et Religiosi, quamvis exempli ab illius jurisdictione, excipere non possunt confessiones, quin prius examen subierint, ab eoque aut ejus Vicario generali approbati, aut ex quorum nutu pendeat, ut indefinitam aut ad tempus solum facultatem concedant. Hinc Pius IV. *Constit. in Principis Apostolorum 109 Bullar. Roman. ult. edit. t. 4 par. 2 p. 214*, & Urbanus VIII. *Constit. Cum sicut accepimus 279 t. 6 par. 1 ejusd. Bullar. p. 142*, sustulerunt privilegia omnia concessa Regularibus, aliisque omnibus audiendi sæcularium confessiones, non impetrata primum ab Episcopo facultate. Alias eadem de re propositiones a Regularibus quibusdam Andegavensibus Episcoporum potestatem confixere Clerus Gallicanus in comitiis generalibus ann. 1656; & Alex. VII. die 24 Septembris 1685 *Constit. 120 ejusd. Bullar. tom. 6 par. 6 pag. 84*.

§. 85. Hæc autem ab Episcopo data potestas modo angustioribus coercetur finibus, et modo latioribus explicatur. Nam ea res pendet ab Episcopi arbitrio, qui ut jurisdictionem attribuit, ita eam arctat, constringit, explicat suo arbitratu. Ex quo patet, posse Episcopum suo lubitu, tantum in certos homines, atque in certa crimina potestatem concedere; unde intelligitur, quamobrem Sacerdotes nequeant ferre sententiam in certos homines, ac judicare de quibusdam criminibus, quorum sibi iudicium Episcopus reservavit. Inde jus oritur *casuum*, quos *reservatos* vocamus, quod efficit, ut Sacerdos, excepto mortis articulo (1), nihil possit in iis rebus, quarum potestatem Episcopus non mandaverit (2).

(1) Mortis articulus a periculo differt. Est namque mortis periculum, inquit Melchior Canus *de Fœnitent. part. 9, in his dumtaxat unde mors frequenter solet accidere .... At articulus mortis intelligitur, cum regulariter certa mors est. Non solum in articulo, sed etiam in gravi mortis periculo, cum abest Parochus, aut alius ab Episcopo approbatus confessarius, quemlibet Sacerdotem absolutionem impartiri posse, ostendit Carolus Blaschus in *Append. ad Diss. 2 de Pœnit.**

(2) Concil. Trident. *Sess. 14 de Sacram. pœnitent. c. 7 & can. 11*. Inquit autem ipsa Synodus *cir. c. 7* quod nulla sit reservatio in articulo mortis, atque ideo omnes Sacerdotes quoslibet pœnitentes a quibusvis peccatis & censuris absolvere possunt. Quæ verba cum pateant amplissime, ac nullum Sacerdotem excipiant, omnibus fere scriptoribus Juris Canonici argumento sunt, quod urgente necessitate, absolvere possit quivis Sacerdos etiam excom-

Devoti. Tom. II. 7

municatus, suspensus, degradatus, hæreticus, modo absit publica offensio, ac periculum subversionis. Gravius & copiose in hoc argumenti genere versatur Carolus Blaschius *Diss. 2 de Penitent.* Verum autem adeo est, quod supra dixi, neminem sine Episcopi venia absolvere quemquam posse a casibus ipsi Episcopo reservatis, ut id etiam ad eos pertineat qui absolventi a casibus reservatis Sedi Apostolicæ facultatem obtinuerunt. *Es habemiet*, inquit Clemens X. *Constit. Superna* 10 §. 7 p. 32 t. 7 *Bullar. Roman. ult. edit., facultatem absolventi ab omnibus casibus Sedi Apostolica reservatis, non ideo a casibus Episcopo reservatis posse absolvere.* Consule S. Carolum Borromæum *Concil. Provinc. III tit. de iis qua ad penitent. Sacram. pert., et Concil. Provinc. V eod. tit. Act. Eccles. Mediolan. par. 1 p. 79 et 199 ed. Patav. 1754.*

§. 86. Quod autem Episcopus in sua diocesi, id potest Sum. Pontif. supremo jure, cui subsunt omnes in Ecclesia universa. Nam per totam Ecclesiam ejus propagata, ac diffusa jurisdictio est; & ideo nulla est aliorum potestas in iis, quæ huic uni Summæ Potestati servata sunt (1). Ac quidem et merito graviora quædam crimina Sum. Pont. aut Episcopo reservata sunt, ut ea difficultate absolutionis cohiberentur, et gravioribus peritiores medici remedium adhiberent (2).

(1) Concil. Trident. *Sess. 14 de Penit. c. 7*, & merito sapientissimus atque optimus Pont. PIUS VI literis doctrinæ, veritatis, dignitatis auctoritatisque plenis, quas edidit die 28 Novemb. ann. 1796, Hybellium damnavit ausum in libro *Quid est Papa?* calumniari reservationes absolutionum, quæ ad Sedem Apostolicam pertinent. De casibus a Sum. Pontif. aut ab Episcopo reservatis, deque nullitate absolutionis, quæ contra reservationis legem data est, copiose disputat Cl. Christianopolus libro *Romæ edito an. 1785*, cui titulus: *Della nullità delle assoluzioni ne' casi riservati.* Vide etiam Cl. Bolgenium in egregio libello *Maceratæ edito an. 1785*, cui titulus: *Esame della vera idea della Santa Sede* §. 133 & 134 p. 208 et seq. Falsi autem sunt Van-Espenius *Jur. eccl. univers. t. 1 par. 2 tit. 6 c. 7 n. 9*, & Dominicus Cavallarius *Instit. Jur. Can. par. 2 cap. 16 §. 7 in not.*, qui graviora crimina Sedi Apostolicæ tantum reservari cøpiisse putant post sæc. X & initio quidem potius Episcoporum, quam Summor. Pontif. auctoritate. Nam Romanos Pontifices jam VI sæc. quosdam sibi casus, ut dicimus, suo sibi jure reservare solitos fuisse, demonstrat S. Gregorius M., quem nemo ignorat abfuisse quam maxime a violandis juribus Episcoporum. In autem *ep. 7 l. 3 col. 531 t. 2 opp. ed. Paris. cit.* Joannem Larissensem Metropolitam, si quid ageret contra quam a Sede Apostolica præscriptum fuisset, privandum statuit communione sacrorum, quam non recuperaret, *excepto ultimo vite sua tempore, nisi concessa Romani Pontif. jussione.* Vide etiam S. Leonem M. *ep. 12*



*ad Anastas. Thessalonicen. c. 1 & ult. p. 49 seq. & 55 seq.* Hæc homicidas autem ante annos circiter nongentos, quod vere observat Martenius *de. antiq. eccles. rit. t. 1 l. 1 c. 6 art. 6 n. 6 p. 723*, veniæ impetrandæ causa ad Sum. Pontif. missos fuisse constat *et l. 3 de Gest. Sanctor. Romanor. c. 1 sac. IV Benedictin.* Cum autem homicidium esset ex genere eorum criminum, quæ in quibusdam Ecclesiis veniæ locum non relinquebant, fortasse cum hæc disciplinæ austeritas emolliti ac mitigari cõpiti; id retentum est, ut eorum graviorum criminum rei nonnisi a Sede Apostolica veniam consequerentur. Nam ea semper ipsius lenitas benignitatesque fuit, ut etiam cum antiqua vigeret disciplinæ severitas, ipsa tamen iustis de causis veniam interdum daret in criminibus, quæ alicubi ordinariæ legē uni Dei iudicio relinqui, non autem ab Ecclesia dimitti solebant: Ita Tertullianus, posteaquam in Montani errores inciderat, Zephyrinum Pontif. reprehendit, quod veniam daret mortuis, quibus illam aliæ Ecclesiæ antea denegare consueverant.

(\*) Concil. Elberitanum *can. 52 c. 1 Concil. collect. Labbæi t. 1. 996* Apud Presbyterum, inquit, si quis gravi lapsu in ruinam mortis intideris, placuit agere penitentiam non debere, sed potius apud Episcopum. Ergo gravius crimen jam tunc Episcopo reservatum erat. Sed & nota cunctis est antiqua Ecclesiæ disciplina de publicæ penitentia, quæ donec viguit, publicæ penitentium reconciliatio ab Episcopo pertinerebat, eademque obsolescente Sum. Pontif. & Episcopi potestatem absolventi & gravioribus quibusdam criminibus, extra mortis periculum, sibi reservarunt. Quinto non tantum Episcopis, sed etiam Majoribus Sedibus ab atrocioribus quibusdam criminibus absolutionem reservari constevisse jam inde ab ineunte sæculo V ostendit Synesius *Ep. 67*, unde constat, Theophilo Alexandrino Patriarchæ, cui Synesius suberat, Lamprouiani cujusdam absolutionem fuisse servatam. Inquit autem ipse Synesius *cit. ep. 67 p. 215 ed. Paris. 1633*: Sed ego in iis perseveravi, quæ semel decreveram; solvendi porro jure & auctoritatem ad Pontificiam Sedem rejeci.

§. 87. Nullum esse scelus, quod Ecclesiæ potestati non subijciatur; contra Montanistas et Novatianos definitum est; et vero hanc potestatem initio Ecclesiæ, nullo discrimine, exercuisse demonstrant Paulus (1), et Joannes Evangelista (2) quorum alter incestus in novercam reo, alter homicidæ veniam dedit (3). Quoniam vero Christus dimittendorum aequè ac retinendorum criminum jus Ecclesiæ fecit, non desperatimæ indulgentiæ, sed rigore disciplinæ (4); factum est, ut alicubi venia, et cum Ecclesia reconciliatio non daretur reis graviorum quorundam criminum, quibus spes omnis veniæ in una Dei misericordia relinquebatur (5). Verum disciplina hæc non diu obtinuit (6); propria fuit peculiarium quarundam Ecclesiarum (7); non totius Ecclesiæ catholicæ, quæ reis criminum penitentia fundis; præsertim

in vitæ exitu, numquam pacem aut sacramentalem absolutionem denegavit (8).

(1) *Epist. II ad Corinth. cap. 2.*

(2) Eusebius *Hist. Eccl. 1.3 c.25 p.112 ed. Vallarsii Cantabrig. 1720.*

(3) Consule Hermam Pastorem l. 2. *Mandat. 4 et Auctorem Constit. Apostolic. 1. 1 p. 68 et 256 cit. ed. Amstelodami.*

(4) Augustinus *ep. 185 ad Bonifac. n. 65 col. 651 opp. t. 2 ed. cit.*

(5) Graviora hæc crimina, quæ in iis locis cum Ecclesia reconciliationis spem adimebant, erant idololatria, homicidium, adulterium.

(6) Zephyrinus Pontif. morbis veniam dedit; quæ de re eum acerbè carpit Tertullianus *de Pudicit. c. 1 p. 555 edit. Venet. 1744*, posteaquam in Montani hæresim lapsus fuerat. Verum Zephyrinus non novam aliquam disciplinam induxit, sed potius jam indusitam confirmavit. Conser etiam Cyprianum *ep. 52 col. 177 edit. Venet. 1758*, qui mirari se ait, quosdam ita obstinatores esse, ut dandam non putant lapsis penitentiam, penitentibus existiment veniam denegandam, postremoque addit, neminem putamus a fructu satisfactionis, et spe pacis arcendum. Concil. Nicænum *can. 19 col. 466 t. 1 collect.* Harduini, nemini morienti sacramentalem absolutionem, quam viatici nomine appellat, denegandam statuit; qui canon ostendit, adhuc ea ætate quosdam fuisse, qui reis quorundam criminum veniam denegabant. Secus enim ejus condendi canonis causa defuisset. Concilium Sardicense, quod non multo post Nicænum habitum est, *can. 1 col. 657 t. 1 Collect.* Harduini, Prælati Ecclesiarum, qui per ambitionem sedem mutaverant, ne in exitu quidem laicam communionem habere permitteret; quod decretum ita mitigavit Damasus Pontifex in *Ep. ad Paulin. Antiochen. apud Holstenium in Coll. Rom. par. 1 p. 163*, ut illi a communione alieni haberentur, quamdiu ad eas redierint civitates, in quibus primum sunt conspirati. Quam Pontificiam sanctionem memorat etiam Theodoretus *Hist. Eccl. 1.5 c.11 p. 210 edit. Cantabrig. 1720.* Sed & ante Damasum Julius I, quo Pontifice Sardicense Concil. habitum est, *reum animarum* dixit Præbyterum, qui morientibus veniam denegaret *can. 12 cont. 26 qu. 6* Cælestinus I, qui Summus Pontif. creatus est an. 423 *ep. 4 ad Episcopos provinc. Viennen, et Narbonen. c. 2 col. 1067*, apud Constantium *Ep. Roman. Pontif. graviter* reprehendit Gallicanos Præsules, qui morientibus veniam denegabant, ac denique sic concludit: *quovis tempore non est deneganda penitentia postulanti.* Eadem sententiam est Innoc. I. *ep. 25 ad Decent. Eugubin. c. 7 col. 962*, apud eundem Constantium, & eadem Leonis M. *Ep. 84 c. 3 opp. t. p. 329 ed. Rome 1755*, cum inquit in dispensandis Dei donis non debemus esse difficiles.

(7) Fuit hæc disciplina, quarundam in Africa Ecclesiarum, uti testatur Cyprianus *ep. 55 ad Antonian. p. 247 ed. Amstelod. 1700*, et quidem apud Antecessores nostros quidam de Episcopis istis in provincia nostra dandam pacem morbis non putaverunt, et intantum penitentia locum contra adulteria clausurunt. In Hispaniis graviorum quorundam criminum reis etiam in exitu vitæ communionem denegaram ostendunt plures Eliberitani Concilii canones, nemini tamen unquam penitentia copiam denegata est. Imo

eodem Eliberitano Concilio *can. 22 t. 1 Concil. collect. Labbæ?* col. 995 *ed. Ven.* cautum expresse est, ut hæretici ad Ecclesiam redeuntes a pœnitentia non repellantur: Si quis, inquit, de Catholica Ecclesia ad hæresim transitum fecerit, rursusque recurrerit, placuit, huic pœnitentiam non esse denegandam, eo quod cognoverit peccatum suum. Confer Natalem Alexand. *Hist. Eccles. sæc. 5 diss. 7 propos. 2 t. 4 p. 72 ed. Venet. 1776.*

(8) Dyonisius Petavius *Animadvrs. ad Epipb. hæret. 59 t. 2 p. 227 ed. Paris. 1622*, Gabriel Albaspinæus *l. 2 Obier. 7 p. 90 ed. Neap. 1770*, Jacobus Symondus *Hist. pœnit. public. t. 4 c. 1 col. 481 ed. Paris. 1696*, Edmundus Martenius *de Antiq. eccles. rit. l. 1 c. 6 art. 2 t. 1 p. 261 ed. indie.*, aliique putant, tribus prioribus, aut saltem II & III sæculo, Ecclesiam idololatris, homicidis, adulteris veniam denegare consuevisse. Contra Morinus *de Pœnitent. l. 9 c. 20 et seq.*, Natalis Alexander *loco mox laudato*, Cardinalis Capizucchi *in select. qu. theolog. p. 52*, Tournelyus *Frælect. theol. de Sacram. pœnit. qu. 9 art. 2*, Balthasar Francolinus *in Cleric. Roman. par. 1 disp. 2*, aliique complures ostendunt, numquam Ecclesiam eo severitatis venisse, ut reis atrociorum quorumvis criminum in vite exitu veniam non concederet. Præceteris vero Cardinalis Orsius peculiari ea de re edita dissertatione demonstravit, Catholicam Ecclesiam tribus prioribus sæculis capitalium criminum reis pacem et absolutionem nequaquam denegasse. Certe in Ecclesiis quibusdam aliquandiu viguit severior illa disciplina, quam ea ætate retinere licuit, cum adversus eam nulla adhuc Ecclesiæ lex esset. Verum Catholicæ Ecclesiæ sententiæ semper fuit, nulla esse crimina, quorum rei vere pœnitentes veniam & absolutionem aliquando non obtinerent. Hinc quemadmodum Tertullianum ab Ecclesiæ communione rejecit, ejusque nimiam severitate repressit Zephyrinus, Novatianum, qui criminum reis implacabilem se inexpiabilemque præbebat, Cornelius deincepsque Innocentius; ita duritiem & asperitatem Episcoporum aliquot Galliz Cœlestinus, & postea similem aliorum duritiem Leo M. damnarunt; quos & alii Romani Pontifices usque ad hanc nostram ætatem sequuti sunt, ex recentioribus S. Pius V., Gregorius XIII., Urban. VIII., Innoc. X., Alex. VIII. & Clem. XI., qui antiquos Montanistas, Novatianos, Encratitas, Eustachianos & Luciferianos in Michaelæ Bajo, Cornelio Jansenio, ceterisque similibus redivivos, nimiam, atque a Christi & Ecclesiæ benignitate alienam severitatem præferentes damnarunt, & rejecerunt. Consule Cardin. de Aguirre *Concil. Hispan. t. 2 diss. 7, 8 et 9 in can. 11 et 12 Conc. Toletani II, vulgo III, an. 589 p. 558 et seq.*, ubi late agitur de antiqua Hispaniarum in re disciplina, et in *Not. ad can. 1, 2, 3 et 7, Concil. Eliberitani, t. 1 p. 533 et seq.*, qui Eliberitani canones valde torquent eruditorum ingenia, cum duriores asperioresque videantur. De his ipsis canonibus agit etiam Cardinalis Orsius *laud. Diss. 4 c. 1 digress. 5 et c. 3 n. 4.*

*De Extrema Unctione.*

88. Effectus sacramenti Extremæ Un-

ctionis.

89. Eius materia remota.

90. Materia proxima.

91. Forma.

92. Minister,

93. Parochus Minister ordinarius.

94. Quibus datur hoc sacramentum?

95. Græcorum unctio.

96. Quando datur sacramentum Ex-

tremæ Unctionis.

§. 88. **E**xtrema unctio, quæ & *Oleum Sanctum*, & *Oleum infirmorum* appellatur, sacramentum est, quod ex hac vita migrantibus tribuitur (1). Propterea dicitur Extrema Unctio, quoniam hæc omnium sacrarum unctionum, quas Christus Dominus Ecclesiæ commendavit, ultimo administrandum est. Hujus sacramenti vim expressit Jacobus Apostolus his verbis (2): *Infirmatur quis in vobis? inducat presbyteros Ecclesiæ, & orent super eum, ungentes eum oleo in nomine Domini, & oratio fidei salvabit infirmum, & alleviabit eum Dominus: & si in peccatis sit, remittentur ei.* Quibus ex verbis facile est intelligere materiam, ministrum hujus sacramenti; atque iis utitur, ut hæc cuncta explicet, Synodus Tridentina (3).

(1) Conc. Trid. *Sess. 14 de Extrema unct. can. 1.* (2) *Epist. Catholic. V. 14.* (3) *1581, 14 de Sacram. extrema unct. c. 2.*

§. 89. Materia, unde conficitur Extrema Unctio, est oleum olivarum (1), & oleum quidem merum; quoniam nulla permixtionis mentio in libris ritualibus, atque in antiquis monumentis occurrit (2). Oleum ab Episcopo benedictum esse debet (3), atque hæc quidem vetus Ecclesiæ consuetudo est (4). Apud Latinos solus Episcopus oleum infirmorum consecrat feria V cœnæ Domini (5), ab eoque illud quotannis accipiunt singuli, quibus opus est (6): apud Græcos etiam Presbyteri; & vero non semel in anno, sed singulis vicibus, quibus illud adhibere oportet (7).

(1) Concil. Trident. *Sess. 14 de Extrema unct. c. 1, Catech. Rom. de Sacram. extrema unct. par. 2 n. 5.*

(2) Innocent. I. in *Ep. 25 ad Decent. Episc. Eugubin. cap. 8 col. 893* apud Constantium *Ep. Rom. Pontif.* hujus sacramenti materiam esse inquit *oleum Chrismaticum*, qui locus Suaresium *tom. 4 in 5 par. Disp. 40 1587. 1 n. 10*, aliosque Scholasticos in eam opinio-

nem adduxit, ut crederent, olim balsamum cum oleo misceri consuevisse. Verum sæpe apud Ecclesiasticos Scriptores christina merum oleum infirmorum est. Confer Iuenium *de Sacram. diss.* 7 qu. 3 c. 1, & Tournelyum *de Sacram. extrema unct.* qu. 1 art. 3.

(3) Eugen. IV in *Decreto pro instruct.* Armen. Conc. Florent. col. 440 s. 9 Concil. collect. Harduini, Concil. Trident. Sess. 4 *de Sacram. Extrema unct.* can. 2. Episcopus autem oleum benedicit presentibus Presbyteris, aliisque clericis, de quibus agit Pontificale Romanum *tit. de Offic. in fer. V cana Domini* §. 3, ibique Catalanus in *Not.* 4 s. 3 p. 57, unde, ut putat Martenius *de Antiq. Eccl. rit.* l. 4 c. 22 n. 5 §. 3 p. 87 edit. cit., factum est, ut quidam Presbyteri sibi olei consecrandi potestatem adscriberent; sed iis fessit Conc. Carth. II *can. 3 col. 1245 t. 2*, & Toletanum l. *can. 20*, apud Labbeum *cit.* t. 2 col. 1474 ed. Vetus. Quæstio tamen est inter Theologos, num ex Christi Domini institutione, an tantum ex Ecclesie præcepto Episcopi benedictio sit necessaria. Verum ut ex Christi institutione consecratio aliqua requiritur, ut oleum fiat apta materia sacramenti extremæ unctionis, cum tamen illud ex delegatione Summi Pontificis sive tacita, sive expressa etiam a Presbytero benedici possit, tantum Ecclesie lege inductum est, ut oleum infirmorum ab Episcopo benedicatur. Consule Bened. XVI *de Synod. Dioces.* l. 8 c. 1 n. 4.

(4) Innoc. I. *loc. cit.*, Greg. M. *Sacram. col.* 67 opp. s. 3 ed. Maurin. Paris. 1705.

(5) Disciplinam conficiendi quotannis chrismatis feria V in cæna Domini memorat Fabianus P. in *can. 18 de Consecr. diss.* 3, verum hic canon pertinet ad falsas fidei decretales. Hoc certum est, uti observat Van-Espenhus *Jur. eccles. par.* 2 tit. 3 cap. 3 n. 15, disciplinam illam sæc. VII obtinuisse, quoniam eam memorant Sacramentarium S. Gregorii, vetustus Ordo Romanus, atque omnes, qui per tempora *de divinis officiis* scripserunt. Constitutus deinceps fuit etiam olei conficiendi locus, scilicet Ecclesia cathedralis in *cap. 12 de Celebr. Missæ*.

(6) Nonnisi a proprio Episcopo sacra olea, hoc est chrisma, & oleum catechumenorum, ac infirmorum accipiendum est *can. 122 et 123 de Consecr. diss.* 4, neque exemptionis privilegium aliquem ea lege solvit, quod late ostendit Passerinus *de Stat. homin.* t. 3 qu. 189 art. 10 inspect. 10 n. 910 et seq. Quotannis autem sacra hæc olea sumenda sunt; nam vetus, quod superest, ponitur, ut inquit Rituale Rom. s. 1 *Comm. tit. 2 c. 1* §. 34 n. 3 p. 71 ed. Rom. 1667, in lampadibus Ecclesia ante sacramentum, ut comburatur; reliquum autem, quod est in pyxidibus, sive capsulis cum bombice igni comburitur; & novum deinde cum novo bombice in pyxidibus, sive capsulis imponitur. Vide etiam Concil. Provinc. IV Mediolanense a S. Carolo habitum *Act. Eccles. Mediolan.* p. 112. 1 p. 113 ed. Patap. 1754.

(7) Confer Goarium in *Eucholog. Græc.* p. 436, Arcudium l. 5 c. 2, Allacionem *de Consent.* utriusque *eccles.* c. 16. Quam Græcorum consuetudinem ratam habuit Clem. VIII *Instruct. seu Const.* 107 Bullar. t. 3 par. 2 p. 72, et Bened. XIV *Const.* 57 §. 4 t. 2 ejus Bullar. p. 104 edit. cit.

§. 90. Consecrato oleo ægrotus inungitur; quæ unctio ma-

teria proxima appellatur. Quoniam vero Jacobus Apostolus nulla certam indicavit corporis partem, quam unungere oporteret, hinc varia ea de re fuit Ecclesiae disciplina. Olim una pars corporis, puta pectus, ungi consuevisse videtur (1). Placuit deinde plures partes unungere, ac praeter ceteras alicubi partem morbo affectam (2), quo referebant verba Jacobi: *& alleviabit eum Dominus*. Nunc Latini ungunt quinque organa sensuum, videlicet oculos, aures, nares, os, manus, itemque pedes, & renes: verum renum unctio in foeminis propter honestatem omittitur, & omittitur etiam in viris, cum ea morbi vis est, ut infirmus commode moveri non possit (3). Graeci Sacerdotes ungunt aegri frontem, mentum, ambas genas, deinde pectus, tum utramque manum, postremo pedes (4).

(1) Consule Mabillonium *Frasat. ad sec. I. Benediclin. num. 97 p. XXXVI ed. Venet. 1753.* (2) Vide Menardum in *Sacrament. S. Gregorii M. col. 540 et 541 t. 2 opp. 5 Gregor. ed. cit.*

(3) Confer Rituale Rom. t. 1 in *Comm. tit. 5 c. 2 §. 5 p. 556 edit. cit., et Decret. Eugenii IV pro instruct. Armen. col. 440 t. 9 collect. Harduini*. Constat inter omnes, pedum ac renum unctiones necessarias non esse ad vim sacramenti. Verum inter Theologos quaeritur, num reliquae quinque unctiones omnes necessario requirantur, ut integrum sacramentum sit. Plerique sic statuunt, valere hoc Sacramentum collatum per unicam unctionem, pro lata tamen formula universali, quae sensus omnes complectatur; quod tamen facere non licet, nisi id summa necessitas postulet. Late ea de re agit Benedictus XIV de *Synodo dioec. l. 8 c. 3.*

(4) Vide Arcadium *lib. 5 cap. 7.*

§. 91. Formam comprehendunt preces, quas Sacerdos fundit, cum aegrotum ungit: *per istam sanctam unctionem, & suam piissimam misericordiam indulgeat tibi Dominus &c.* (1). Et quoniam Jacobus Apostolus non designavit verba, quibus Sacerdotem ungentem uti oportet, hinc Ecclesiae variis orationibus & formulis, iisque conceptis verbis tum precantibus, tum directe usae sunt (2). Synodus Tridentina precativam formulam proposuit; sed cum non expresse rejecerit indicativam, hinc factum videtur, ut etiam post Synodum aliquae Ecclesiae eam formulam retinuerint (3). Nunc omnes Latini deprecativa formula utuntur; forma Graecorum non iisdem est concepta verbis, sed tamen eodem redit, ac similiter deprecativa est (4).

(1) Concilium Tridentinum *Sess. 14 cap. 1 de Extrema unct.*

(2) Albertus M. in IV dist. 25 art. 4, plures vetustos Germaniarum rituales libros se legisse testatur, qui indicativam formam describunt, eamque disciplinam ab ipsis Gregorianam appellari dicit. Sacramentale Venetum a Leone X, ut fertur, approbatum, indicativam habet formam, quod Arcudius refert l. 5 c. 5. Plures etiam describit Morinus, de Sacram. panis. l. 8 c. 16, aliarum Ecclesiarum formas, quæ conceptæ sunt verbis aut indicativis, aut precibus intermixtis. Vide Menardum in Not. ad sacrament. S. Gregor. not. 923 col. 537 & seq. t. 3 opp. S. Greg. ed. Paris. 1705, & Martenium de Antiq. eccl. rit. l. 1 c. 7 art. 3 §. 4 t. 1 p. 501 edit. cit.

(3) Confer Benedict. XIV de Synod. dioces. l. 8 c. 2, ubi quaeritur, num propter formam directis verbis prolatam sacramentum valeat. (4) Vide Arcudium loc. cit.

§. 92. Minister hujus sacramenti jure divino est Episcopus aut Sacerdos, quoniam uterque *Presbyter* est, quem Jacobus memorat (1). Et quoniam Jacobus plurali numero *Presbyteros* nominant, plures olim Sacerdotes apud Latinos vocari solebant (2), uti nunc etiam plures a Græcis vocantur (3), ad hoc sacramentum administrandum. Sed jamdiu in Occidentali Ecclesia universa tantum Sacerdos unus adhibetur, atque eum solum recte ægrotum inungere certo jure cautum est (4). Non enim pluralis numerus, quem Jacobus expressit, divinum aliquod præceptum continet; cum præsertim in sacris libris sæpe pluralis numerus singularis vicem obtineat (5).

(1) Concil. Trident. cit. Sess. 14 c. 3, Innoc. I. cit. Ep. ad Decent. Eugub. c. 8, quem in locum vide Petrum Constantium in not. col. 863, ubi omnem evellit scrupulum, quem forte alia ipsius Innocentii verba de ministro extremæ unctionis injicere videntur posse.

(2) Id multis collectis monumentis ostendunt Menardus in Sacrament. S. Greg. not. 909 col. 534 loc. cit., & Martenius loc. cit. §. 5. Quæ disciplina adhuc in Galliis vigeat sæc. XII, uti patet ex constitutionibus Odonis Episc. Parisiensis apud Harduinum Collect. Concil. t. 6 par. 2 col. 1941, imo vero eam deinceps etiam consequenti ætate obtinuisse, demonstrant synodalia Statuta Ecclesiarum Aduensis, Cadurcensis, Rutenensis, & Tutelensis apud Martenium c. 17 t. 4 Anecdor. Recte tamen animadvertit ipse Martenius, illam Latinæ Ecclesiæ consuetudinem non ita firmam atque constantem fuisse, ut non interdum ab uno tantum Sacerdote ægrotus ungeretur. Nam Artemium febre correptum ab unico S. Nepotiano virinatum, atque oleo sancto perunctum narrat S. Gregorius Turonensis lib. 1 Histor. c. 41 p. 31 edit. Ruinartii Paris 1699, atque etiam S. Eugendum ab uno de fratribus inunctum legitur in ejus vita apud Bollandum 1 Januar.

(3) Adhibent autem Græci Sacerdotes septem, uti patet ex so-

rum Eucharistia; atque testantur Simeon Thessalonicensis apud Saintebeuvium de *Sacram. extrem. unct.* Disp. 6 art. 2, & Arcudius l. 5 c. 3. (4) *Cap. Quatuor de Verb. signif.*

(5) Confer S. August. de *Consensu Evangelist.* l. 3 c. 16 opp. t. 3 p. 2 col. 128 ed. Venet. 1730, & S. Thomam l. 4 contr. Gent. c. 73.

§. 93. A quovis Presbytero collatum hoc sacramentum valet; sed tamen soli Parocho illud conferre licet, qui ordinarius ejus minister est, aut ei, cui suam Parochus jurisdictionem commisit (1). Quod si mors instet, ac Parochus præsens esse non possit, cuivis Sacerdoti licet jam jam moriturum inungere (2).

(1) Catech. Rom. par. 2 cap. 6 §. 13. Hinc in *Clem. 1 de Privileg.* vetatur Presbyter sine Parochi venia hoc sacramentum administrare, ac si Religiosus sit, excommunicationis poena plectitur.

(2) Consule S. Carolum Borromæum in *concil. Mediolan.* V par. 1 auctor. Mediolan. p. 190 ed. Patav. 1754.

§. 94. Datur hoc sacramentum infirmis de quorum morte timetur (1); sive mortis periculum proxime immineat, sive absit longius; modo ea sit vis morbi, ut in gravi vitæ discrimine versari videantur (2). Decet autem ægrotum ungere, cum integris adhuc sensibus utitur, non cum omnino fractis viribus, ac omni spe salutis amissa vita carere incipit. Nam ita salus corporis facilius restituitur, atque ita infirmus integra adhuc mente, & ratione valens fidem, ac religiosam animi voluntatem afferre, ac sacramenti gratiam percipere uberiores potest (3); pueri, qui nulla admiserunt peccata, quorum reliquas hoc sacramentum deleat, sacro oleo non ununtur; similiter & amentes, nisi interdum rationis usum habuerint, atque eo potissimum tempore suscipiendi sacramenti voluntatem significaverint (4).

(1) Eugen. IV in *Decret.* apud Harduinum coll. Conc. t. 9 col. 440.

(2) Concil. Trident. Sess. 14 de *Extrema unctione*, Catechismus Romanus etc. cap. 6 §. 9.

(3) Catechis. Rom. par. 2 de *Sacrament. extr. unct.* 9. S. Carolus Borromæus *Concil. provinc. I. & III. Auctor. Eccles. Mediolan.* par. 1 p. 11 & 79 edn. Patav. 1754. Circa sæc. XIII loca quædam Occidentalis Ecclesiæ mos perversus invasit diffundendi hoc sacramentum ad extremum vitæ tempus: quem morem induxit falsa opinio, quod eo sumpto non amplius liceret uxorem cognoscere, & carnes comedere, ac condere testamentum. Hæc hanc opinionem evellere curarunt synodi ea acate habitæ, præsertim Wigorniensis c. 19 col. 337 s. 7, & Exoniensis r. 6 col. 103 r. 7. Collect. Harquini. Consule Thiersium de *Superstit.* c. 7 s. 2, Ma-



billonium *Prefat. in sac. & Benedict. n. 100 p. XXXVII ed Ven. 1733.*

(4) Vide Catechismum Romanum *loc. mox indic.*

§. 95. Græci non eos tantum ungunt, qui corpore, sed etiam qui mente ægrotant, quales sunt peccatores, qui edita peccatorum confessione poenitentiam agunt (1). Nam apud eos feria V in cœna Domini, postquam Episcopus infirmorum oleum solemniter ritu consecravit, non illud servari jubet, ut suo tempore ad ægrotos deferatur, sed totum insumit inungendo illos, qui præsentes sunt. Verum hæc Græcorum unctio sacra tantum cæremonia, non verum sacramentum est (2).

(1) Confer Allatium *de Consensu Eccles. Occident. & Orient. l. 9 c. 16*, Goarium *in Not. ad Eusebiog. Græcor. p. 432 & seq. ed. Paris. 1647*, Arcudium *Concord. l. 5 c. 4 et ult.* Quam Græcorum consuetudinem tolerandam statuit Innoc. IV *Epist. 10 ad Ottonem Card. Turculan. apud Labbæum t. 14 Concil. col. 17 ed. Venet.*

(2) Confer Benedictum XIV *de Synod. dioces. lib. 3 c. 5 n. 4 et seq.* qui graviter, & copiose ea de re disputat adversus Arcudium, Juepinium, Saintebeuvium,

§. 96. Sacramentum extremæ unctionis in veteri disciplina cum poenitentia, ut plurimum, conjungebatur, ut per utrumque sacramentum omnes eluerentur animæ sordes, ac plane expiatus homo Eucharistiam acciperet (1). Desiit jamdudum hæc disciplina, & nunc post acceptum viaticum ægrotus inungitur (2). Toties autem sacra unctio repetitur, quoties aliquis incidit in morbum, a quo in vitæ discrimen adducitur (3); verum in uno eodemque morbo, cum æger in eodem vitæ periculo versatur, semel tantum ungendus est (4).

(1) Hæc quidem disciplina antiquitus generatim obtinebat, ut ægrotis primum Extrema Unctio, deinceps Eucharistia tribueretur, quod late ostendunt Hugo Menardus *in Sac. S. Greg. not. 915 col. 556 opp. S. Gregorius. 3 ed. Paris. cit.*, Mabillonius *Pref. ad sac. 1 Benedictin. n. 98 p. XXXVII ed. Venet. cit.*, Pougetus *Instit. catbol. t. 2 par. 3 sect. 1. c. 6 §. 4.* Verum contraria consuetudo alicubi obtinuit, neque unquam aliquis hanc consuetudinem improbare ausus est, quasi Extrema Unctio ante Eucharistiam omnino danda videretur. Sane Casarius Arelatehsis *Serm. 265 in appendic. opp. S. August. t. 5 par. 2 col. 437 ed. Venet. cit.* Eucharistiam ante Extremam Unctionem ægrotis concedi jubet: *quoties, inquit, aliqua infirmitas supervenerint, corpus & sanguinem Christi ille, qui ægrotat, accipiat, & inde corpusculum suum unget, idemque ha-*

bet *Serm.* 279 col. 463. Concinit id quod scriptum est in *Vita S. Eligii Episc. Noviciocomensis* l. 2 c. 2 *Spicileg. Dacherii* p. 97 edit. *Paris.* 1723, quodque ipse tradit *Eligius de Retinud. carbolie. convertat.* n. 6 in *Append. opp. S. Aug. l. 1. c. 6* col. 263 *indie. ed.*, ac præterea consentiunt Isaac Lingonensi Episcopus in *Capital. tit. 1. c. 23* apud Hatduipum *Collect. Concilior. t. 5 col. 425 ed. Paris.*, Herardus Turonensis Archiepiscopus in *Capitulis* n. 21, apud Labbæum t. 10 *Concil. col. 62 ed. Venet.*, Prudentius Trecentis Episcopus in *Sermon. de vit. & morte S. Mauri* apud Camusatium in *Prompt. antiquit. Tricassin. dioces. p. 47 ed. Augusta* 1610. Idem videri potest in *vita B. Roberti de Arbrisseo* n. 2 & 28 apud Bollandum 23 *Febr. c. 5 p. 615 id. Antwerp.* 1658, in vetusto Pontificali Florentino apud Mabillonium *Itiner. Italie.* p. 164, & in antiquo libro Rituali Eugubino, quem vidit Cl. Card. Garampius, quemque ipse memorat in libro *Memorie della B. Chiara di Rimini dist. 5 p. 187 in not. 1. 6.* Ex quibus intelligimus, neque novam esse, neque minus probandam videri posse disciplinam, quæ viget, quæque iustissimas habet causas, dandi ægrotis Extremam Unctionem, posteaquam Eucharistiam acceperunt.

(2) *Rituale Romanum tit. de Extrem. Unct.*

(3) *Concil. Trident. cit. Sess. 14 c. 3 de Extrema Unct., Catech. Rom. par. 2 c. 6 §. 11, S. Thomas in Supplem. 3 qu. 53 art. 1.*

(4) *Consule Benedic. XIV de Synodo Dioces. l. 8 c. 8,* qui latea de re agit, atque etiam refert falsam opinionem illorum, qui hoc Sacramentum aut nunquam, aut tantum post certum tempus iterari posse putabant, & illorum etiam, qui illud in eadem ægritudine, eodemque vitæ periculo repetebant.

## SECTIO VI.

### De Ordine.

97. Quid Ordo, & quot Ordines sunt? 100. Minister ac subiectum Ordinis.  
98 & 99. Materia & Forma Ordinis.

§. 97. Ordo sacramentum est, quo solemni inauguratione spiritualis potestas ad sacra obeunda munera confertur. Proprie ipsa potestas data ordo est; sacra autem cœremonia, per quam illa datur, ordinatio dicitur. Ordines sunt numero septem, Ostiariatus, Lectoratus, Exorcistatus, Acolytatus, Subdiaconatus, Diaconatus, Presbyteratus; atque horum priores quatuor *minores*, posteriores tres *maiores* appellantur (1). Presbyteratum, seu Sacerdotium & ordinem, & sacramentum esse certum est: verum non constat inter Theologos, num Episcopatus ac Diaconatus sacramenta sint a Sacerdotio re ipsa distincta; & num Ostiariatus, Lectoratus, Exorcistatus, Acolytatus, itemque Subdiaconatus Ordines tantum sint, an etiam sacramenta (2).

(1) Concil. Trident. *Seis. 25 de Sacram. ordin. cap. 2*, Catechismus Romanus *par. 2 cap. 7 §. 12*.

(2) Late ea de re disputant Theologi & Canonistæ, quos omnes referre longum esset. Satis erit indicare Benediſt. XIV *de Synodo dioces. lib. 8 c. 9*, & Robertum Salam *in Not. ad Card. Bonnam, rer. liturgic. l. 1 c. 25 §. 17 not. 1 t. 2 p. 365 ed. Taurin. 1749*. De simplici tonsura quæstio est inter Theologos & Canonistas, num ea ordo sit, uti animadvertimus *l. 1 sis. 2 sect. 2 §. XXXIII p. 153*.

§. 98. De materia & forma ordinis Eugenius IV (1) habet, hæc: *materia est illud, per cujus traditionem conferatur ordo, sicut Presbyteratus traditur, per calicis cum vino, & patenæ cum pane porrectionem; Diaconatus vero per libri Evangeliorum dationem; Subdiaconatus vero per calicis vacui patena vacua superposita traditionem; et similiter de aliis per rerum ad ministeria sua pertinentium assignationem*. Tum pergit Eugenius, *ac forma*, inquit, *Sacerdotii talis est: accipe potestatem offerendi sacrificium pro vivis & mortuis in nomine Patris, & Filii, & Spiritus Sancti, & sic de aliorum ordinum formis; prout in Pontificali Romano late continetur*. Locus hic Eugenii caput & radix est controversiarum, quæ inter homines doctos de ordinis forma & materia sunt.

(1) *In Decreto Concil. Florent. col. 440 t. 9 Concil. Collect. Harduini*.

§. 99. Nam plurimi sunt præstantes ingenio & doctrina viri, qui trium majorum ordinum, quos hierarchicos dicimus, Episcopatus videlicet, Presbyteratus, Diaconatus, materiam faciunt manuum impositionem (1), formam, orationem, quam Episcopus manus imponens recitat. Et certe hanc Graeci materiam, et hanc formam agnoscunt; neque unquam de vi harum ordinationum Latina Ecclesia dubitavit. Accedit, quod illa instrumentorum traditio recentioris disciplinae est; quoniam Apostolos atque antiquos Ecclesiae Patres per manuum impositionem majores illos ordines contulisse, memoriae proditum est. Eugenius autem, cum illam memoravit instrumentorum traditionem, verbaque illa descripsit, non ordinis materiam & formam definivit, unde vis sacramenti penderet; sed tantum proposuit Romanæ Ecclesiae ritum, quem manuum impositioni Armenos adungere optabat, ut ita cum Ecclesia Romana communes haberent ritus, atque ad eam firmitus adhaerescerent. Omnis hæc disputatio propria Theologorum est (2).

(1) Ceteros tamen ordines diaconatu inferiores per solam instrumentorum traditionem conferri, inter omnes constat.

(2) Sunt & alii, qui tertiam sequuntur sententiam, ponentes ordinis materiam in utroque ritu, scilicet in illa instrumentorum traditione, atque in manuum impositione. Totam hanc questionem, præter ceteros, graviter & copiose pertractat Benedictus XIV de Synodo diaceni lib. 8 cap. 10.

§. 100. Episcopus ordinarius est Minister hujus sacramenti; extra ordinem, et cum venia Sum. Pontif., etiam Presbyteri subdiaconatum, ceterosque inferiores ordines conferre possunt (1). Ordinationes factae ab Episcopo excommunicato, schismatico, haeretico valent, modo cum legitima potestate, debitoque ritu, materia, forma, intentione perficiantur (2). Soli mares ordines suscipere possunt, non item foeminae, quas *turpe est in Ecclesia loqui, ac docere* (3). Cetera, quae ad hoc sacramentum pertinent, superiori libro explicavimus.

(1) Confer ea, quae diximus lib. 1 tit. 5 sect. 6 §. LIII not. 3 pag. 251.

(2) Anglicanas ordinationes, ceteris etiam missis, nullas omnino, atque irritas esse facile deprehendet quisquis ad solam advertat formam, quae secundum Eduardi VI Rituale jam usurpatur. Nam ea Christi Domini institutioni, & Apostolicæ Traditioni adversatur, apertasque haereses complectitur. Hinc merito Romana Ecclesia ceterarum mater & magistra sancivit, ut quoties Minister aliquis ad Catholicam Ecclesiam redeat, si dignus sit, qui in Clerum cooptetur, tamquam merus laicus omnes ordines suscipere debeat secundum Ritualis Romani leges.

(3) Apostolus I. ad Corinth. XIV 34, & I. ad Timoth. II 12.

## SECTIO VII.

### De Matrimonio.

101. Matrimonium novæ legis sacramentum.

102. Eius definitio.

103. Materiae Contractus Christianis unus, et idem ac Sacramentum.

104. Forma, & minister Matrimonii.

105. Consensus in matrimonio necessarius, & quomodo declaratur.

106. Matrimonium legitimum, ratum, consummatum.

107. Verum, præsumptum, putativum.

108. Matrimonium conscientiae.

§. 101. Matrimonium etiam novae legis sacramentum est (1). Cum enim Christianus homo Christianae mulieris rite et recte nubit, utrumque divina virtute donari voluit Christus Dominus ad perpetuam unius vitae societatem

retinendam, atque ad filios instituendos sapienter educatione, doctrinaque Christiana. Recte ab Apostolo (2) matrimonium dicitur *honorabile connubium*; quoniam in baptizatis signum est conjunctionis Christi cum Ecclesia, *propter quam Dominus Patrem suum Deum reliquit, & venit ad terras, sicut de homine dictum est: relinquit homo patrem suum & matrem, & adhærebit uxori suæ*. (3). Matrimonii nomine intelligitur tum ipse contractus inter virum ac mulierem initum, tum vinculum, quod ex contractu oritur, et quod solvi non potest (4).

(1) Concilium Tridentinum *Sess. 24. can. 1 de Sacram. matrim.*

(2) *Epist. ad Hebr. XIII 4.* (3) S. Hieronymus *in c. 5. ad Ephes. col. 660 vers. 32 tom. 7 ed. Veron. 1757.*

(4) Eugenius IV in *Decr. pro Armen. apud Harduimum Collect. Concil. t. 9 col. 440.* Ita sola vocis explicatione dirimenda est quaestio, quæ a Scholasticis de matrimonii essentia proponitur. Hanc autem perpetuam matrimonii firmitatem ex jure divino procedere certum est, idque docent Bonifacius VIII in *c. unic. de Vol. & vos. redempt. in 6, & Concil. Trid. in Decr. de Sacram. Matr. Sess. 24.*

§ 102. Est autem matrimonium viri et mulieris maritalis conjunctio inter legitimas personas, quae individuum continet vitae consuetudinem. Ex quo intelligitur, quam procul absit a matrimonii ratione conjunctio non maritalis, neque individuum continens vitae consuetudinem, uti est concubinatus (1), adulterium, stuprum, itemque conjunctio duarum personarum, quas dirimens impedimentum nuptias inire vetat (2). Maritalis autem conjunctio non in corporum praecise, verum in animorum praecipue copulatione consistit (3); et translatio dominii in corpus utriusque conjugis ab usu separari potest (4).

(1) Concubina proprie est mulier, quam quis non mariti animo, sed concubitus tantum causa domi retinet, atque hæc consuetudo, sive concubinatus, individuum non continet vitæ consuetudinem, & procul abest a matrimonio, quod dissolvi non potest. Decet tamen animadvertere, quod concubina interdum dicitur vera uxor, ducta tamen sine dote, & nuptiali solemnitate, uti colligitur ex *L. 144 ff. Verb. signific. l. 52 ff. de Donat. & Novell. 18*, eaque a vera uxore tantum dignitate differebat, quia scilicet concubina, etsi vera esset uxor, non transibat in familiam mariti, neque, uti uxor legitima, ejus jurium, privilegiorum, honorum particeps fiebat, quod ostendunt Merillus *Obserp. l. 3 c. 16*, Antonius Augustinus *de Emendat. Gratiani l. 1 Dial. 15 opp. t. 3 p. 80 edit. Luca. Du-Cangius in Glossar. verb. Dos.* De his con-

cubitis, quas a pellicibus sedulo distinguere oportet, loquuntur antiqui canones, qui concubinas ad Baptismum, & concubinos ad communionem admittunt: & has porro spectant Auctor *Const. Apostolic. l. 8 c. 53*, apud Cotelierum *PP. Apostolic. p. 418 t. 1 ed. Amstelod. 1724*, Patres Concilii Toletani l. & Isidorus apud Gratianum *Can. 4 & 5 dist. 34*. Ad hoc sane concubinatus genus non adverterunt Van-Espenius & ceteri, qui Gratianum reprehendunt, quod Toletanum illum canonem in decreto descripserit. Occurrit & mentio concubinarum, quas viri accipiebant non solum sine tabulis nuptialibus, sed etiam cum vinculo, quod solveretur: & cum his quidem viri individuum servabant vitæ consuetudinem, sed eas tamen suo lubitu dimittebant. Genus hoc concubinatus non infrequens olim fuit, neque deerant, qui licere putarent unam sibi feminam jungere, quam a se abjicerent suo arbitratu: sed Ecclesia semper hujusmodi conjunctiones extra matrimonium improbavit. De concubinatus discrimine late agunt Pened. *XIV de Synodo dioces. lib. 9 c. 12*, & Carolus Blascus in *Epistola de interpretatione can. Fraternitatis dist. 34 inter ejus opuscula Neapoli edita an. 1758 pag. 1 & seq.*

(2) Consule Catechismum Romanum *par. 2 cap. 8 §. 3*.

(5) Vide S. August. *Serm. 51 c. 15 col. 259 t. 5 cit. ed. Ven.*, & S. Ambrosium *de Instit. Virgin. c. 5 & 6 opp. t. 3 col. 318 & seq. ed. Maurin. Ven. 1751*. Unde illud apud Patres, & in canonibus frequenter occurrere: non concubinatu, sed consensu matrimonium existere.

(4) Hinc verum matrimonium fuit inter Beatissimam Virginem & S. Josephum, quamquam immaculata semper Virgo ad perpetuo servandam virginitatem sese voto obstrinxisset. B. Virgo, ut inquit S. Thomas in *4 Sent. dist. 5 qu. 2 art. 1 ad 2* antequam cum S. Josepho matrimonium contraheret, divinitus intellexit, quod Joseph in simili proposito erat, & ideo non se commisit periculo nubere, nec tamen propter hoc aliquid veritatis deperit, quia illud propositum non fuit conditionaliter in consensu appositum, talis enim conditio cum sit contra matrimonii bonum, scilicet prolem procreandam, matrimonium tolleret. Ceterum quod dixi translationem dominii in corpus utriusque conjugis ab usu secerni posse, id ita est intelligendum, ut uterque in alterius corpus dominium habeat, quamquam nihil referat, quod eo iure non utatur. Si enim cum initur matrimonium, expresso pacto caveatur, ut neque vir in corpus mulieris, neque vicissim mulier in viri corpus dominium habeat, hoc pactum irritum matrimonium facit, quoniam ejus bono adversatur. Consule Benedictum *XIV de Synod. dioces. l. 13 c. 22 n. 10 & seq.*

§. 103. Materia sacramenti matrimonii est contractus, per quem vir et femina suam obstringunt fidem, ac perpetuam coeunt vitæ societatem. Hunc contractum Christus Dominus in Lege Gratiae ad sacramenti extulit dignitatem, ita ut quisquis inter Ecclesiae filios cooptatus rite et recte hunc contractum perficit, sacramentum suscipiat. Neque enim fieri potest, ut in hac lege contractus a sacramento di-

distinguatur, ita ut hæc duo diversa & dissimilia sint. Ille idem contractus, in quo Christus in prima institutione mysticum impressit signum copulationis suæ cum Ecclesia, in lege nova sacramentum esse voluit; idemque hinc contractus, cui dignitas accessit, et gratia sacramenti, ab eodem Christo revocatus est ad primam institutionem suam, quæ fuit, ut dissolvi non posset (1). Sic matrimonium, quod in lege naturæ tantum contractus erat naturalis, post societates, atque illud earum legibus approbatum, civilis etiam contractus evasit, et sic factum quoque sacramentum, postquam illi Christus Dominus in Lege nova sacramenti gratiam et dignitatem adjunxit. Unus et idem semper est contractus, qui initio fuit, neque novæ accessiones ejus naturam pervertere potuerunt, ita ut in tres scinderetur, atque alius, et distinctus Christianis esset contractus juris naturalis, alius juris civilis, alius juris evangelici.

(1) Nemo ignorat ex prima sui institutione eam esse matrimonii naturam, ut solvi non possit, quod apertissime docet Christus apud Matthæum c. XIX v. 4 & seq., ubi Hebræis repudii libellum a Moyse permissum obicientibus respondit, id a Moyse factum ad duritiam cordis eorum, ab initio autem non fuisse sic, ideoque hoc libello abrogato pristinam sui naturam solvi nesciam matrimonium revocavit. Vide etiam eundem Matth. V 32, Marcum XV 11, Lucam XVI 18, Paulum I. ad Corin. VII 10. Paucis, uti Institutionum modus patiebatur, attingi hoc argumentum, quod si longiorem vitam dederit Deus, latius persequar I. 4 *Juris Canonici universi publici & privati*. Videndus interim est egregius liber Cardinalis Gerdilii, cui titulus: *Trattato del Matrimonio*.

§. 104. De forma vero, et ministro magna disputatio est. Sunt enim qui Sacerdotem benedicentem nuptiis ministrum, Sacerdotalem benedictionem sacramenti formam esse arbitrantur. Sed plerique sacramenti ministros ipsos contrahentes faciunt, formam in verbis aut signis, quæ consensum declarant, positam esse sentiunt (1).

(1) Theologorum de his rebus sententias, quæ variz sunt, enumerat atque expendit Benedictus XIV de Synodo dioc. l. 8 c. 13. Vide etiam eadem de re Carolum Blascum *Diatrib.* 5 p. 231, ubi de forma sacramenti matrimonii late disputatur.

§. 105. Matrimonium mutuo consensu contrahitur, quoniam societas est, neque sine consensu jungi societates possunt.

Hic vero consensus tum verbis, tum signis ostenditur; ac debet respicere tempus praesens, quoniam in futurum collatus matrimonium non conjungit, sed spondet (1); editurque vel verbis, vel signis certam voluntatem declarantibus; quin etiam vicaria alterius opera uti quis potest; modo ad id speciale mandatum detur. Procurator commissum sibi munus per se gerat, et mandans, cum matrimonium contrahitur, in consensu perseveret (2).

(1) Vide Catechismus Romanum *par. a cap. 8 §. 6.*

(2) *Cap. ult. de Procurator. in 6.*

§. 106. Dividitur matrimonium in legitimum, ratum, et consummatum. Legitimum secundum gentium leges contrahitur cum solo naturali consensu, caret Ecclesiae auctoritate ac sacramenti dignitate; et hujusmodi sunt matrimonia infidelium. Ratu est, quod contrahunt fideles ex regulis Christianae Religionis; et est quidem ratum, donec conjugum corpora commixta non sunt. Cum haec accessit maritalis conjunctio, matrimonium consummatum efficitur, ac significat conjunctionem Christi cum Ecclesia, cujus conjunctionis causa perfectum et consummatum dicitur. Nam propter sacramentum, quod gratiam confert, itemque ob civile negotium, etiam ratum perfectum censetur.

§. 107. Est item matrimonium verum, praesumptum, putativum. Verum dicitur quod rite et recte contractum est inter virum et mulierem, quorum uterque ad nuptialem consociationem aptus et idoneus est. Praesumptum educebatur olim ex juris presumptione; puta si post consensum de futuro ineundo conjugio vir cum muliere concubisset (1). Sed jure novo Concilii Tridentini nullum hoc matrimonium est (2). Putativum vocamus, quod re quidem est irritum ob latens impedimentum, sed specie valet; quia coram Ecclesia contractum est, et impedimentum vel uterque, vel alter conjugum ignoravit. Filii ex hoc matrimonio suscepti legitimi habentur (3), et dos suis gaudet privilegiis.

(1) *Cap. 15 & 30 de Spons. et Matrimon. 3 et 6 de Condition. apporis. in disponis.* At inanis conatus ad copulam praesumptum matrimonium non efficiebat *c. 52 et ult. de Sponsal.* (2) *Conc. Trident. Sess. 24 c. 3 de Reform. matrim.* (3) *Cap. 11 Qui fil. sint legit.*

§. 108. Nec praetereundum matrimonium conscientiae,



quod coram Ecclesia contrahitur, ea lege, ut semper occultum maneat. Matrimonium hoc, ut cetera Christianorum matrimonia palam ac rite inita, verum est sacramentum (1), et coniungitur coram Parocho, ac duobus testibus, qui omnes arcani silentii lege obstringuntur (2); sed a reliquis differt, quia contrahitur omissis tribus denunciationibus (3), neque contractum describitur in libro, quo Parochus omnium matrimonia describit (4). Non omnes inire suo libitu possunt hoc matrimonium quod, cum occultum sit, gravia mala importare potest, sed ab Episcopo ex iusta gravique causa permittitur (5). Hujus simile est matrimonium *ad Morganaticam* (6), quod in Germania praesertim contrahunt viri nobiles, cum post obitum nobilis mulieris, quam pridem uxorem habebant, ac genitos ex ea filios, aliam ducunt humili loco natam. Uxor hæc, atque ex ea suscepti liberi a viri, ac patris dignitate excluduntur; quod in matrimonio conscientiae secus est (7).

(1) Hertius, Willelbergius, alique Protestantes ita explicant hujus matrimonii naturam, ut vix illud a concubinato distinguatur. Sed certum est inter catholicos, verum esse ac legitimum matrimonium, & ideo sacramenti rationem habere. Videntur autem in primis sunt encyclicæ literæ *Satis vobis* Benedicti XIV in ejus Bullario t. 1 n. 55 p. 54 edit. Rom. seu Venet., in quibus omnia, quæ ad hoc matrimonium pertinent, accurate explicantur, quæque regulam præbent Apostolicæ Pœnitentiariæ, cum de his matrimoniis agitur, uti patet ex ipsis Bened. XIV *Constit.* 95 §. 59 p. 193 *loc. cit.*

(2) Late ea de re disputat V. Cl. Franciscus Mazzeus in Romæ Curia Advocatus, qui de *matrimonio conscientia* singularem librum Romæ edidit an. 1765 cap. 9.

(3) Facultatem solvendi aliquem lege proclamationum totam Episcopi arbitrio commisit Synodus Trident. *Sess.* 24 c. 1 de *Reform. matrim.* De harum proclamationum origine paulo post dicam.

(4) Synod. Trident. *loc. cit.* *Habeat*, inquit, *Parochus librum, in quo conjugum, & tertium nomina, diemque & locum contracti matrimonii describat, quem diligenter apud se custodians.* Eadem Synodus Episcopi arbitrio non committit hanc legem, ut committit proclamationes; sed cum hodie Episcopus, secundum encyclicas literas Bened. XIV, permittere possit matrimonium conscientiae, dubitandi locus esse non potest, quin etiam cum ejus venia hujus matrimonii descriptio in ordinario matrimoniorum libro omitti possit.

(5) Bened. XIV in laudatis encyclicis mala commemorat, quæ ex occulto matrimonio oriri solent, ideoque statuit, illud non esse permittendum *sine causa gravi urgenti & urgentissima.* Unam ipse expressit causam, si videlicet vir & mulier in occulto concubinato vivant, necne ulla apud homines hujus criminis suspicio

sit. Tunc enim permittendum est matrimonium conscientia; sed recte addidit ipse Pontifex: *hanc praxim vobis duximus proponendam, non quia dispensatio premissa casui solum congruat, cum alii similes, & fortasse urgentiores esse possint, in quibus dispensare expediat; sed quia vestri pastoralis officii partes versari debent in sedulo investiganda legisima, & urgenti causa dispensationis, ne matrimonia occulte celebrata lufuorios habeant exitus, quos intimo cordis dolore recensuimus.*

(6) De origine matrimonii ad *Morganaticam*, deque vocabuli significatione late disputant Heineccius *Elem. jur. German. lib. 1 tit. 15 per tot.*, & Henricus Coccejus *de Leg. morganat. sect. 26. 7* quorum alter ex lege *Salica*, & alter moribus hoc matrimonium obtinuisse putat. Ita autem describitur in *l. 2 Feuder. tit. 29*: *quidam habens filium ex nobili conjuge post mortem ejus non valens continere, aliam minus nobilem duxit, qui nolens existere in peccato eam desponsavit ea lege, ut nec ipsa, nec filii ejus amplius habeant de bonis patris, quam dixerit tempore sponsaliorum: verbi gratia decem libras, vel quantum voluerit dare, quando eam desponsavit, quod Mediolanenses dicunt accipere uxorem ad morganaticam, alibi lege *Salica*: hic filii ex ea suscepti decessit. Ipsi in proprietatem non succedunt aliis extantibus; sed nec in feudo etiam aliis non existentibus, qui licet legitimi sint, tamen in beneficio minime succedunt. In proprietate vero succedunt patri prioribus non existentibus; succedunt etiam fratribus sine legitima prole decedentibus, secundum usum Mediolanensium. Quo ex loco facile intelligitur, quæ hujus matrimonii natura sit, & quibus legibus regatur. Est autem *Morgengap*, unde ductum vocabulum ad *morganaticam* donum matutinum, quod a viro uxori datur post concubinatum, cum adhuc nuptiarum solemnina peraguntur, ac illud quidem erat voluntarium, magis scilicet lautum, magisque tenue, pro cuiusque amore & charitate in uxorem; & in lege Longobardorum *lib. 2 tit. 1 c. 8* gratuita donatio dicitur: *per gratuitam donationem, idest Morgengap*. Sed cum quorundam, quos mulieris illecebræ deliniebant, ea in re dissolutior esset liberalitas, Rex Longobardorum Liutprandus anno quinto regni sui legem tulit, qua sancivit, ut nemo propter *Morgengap* uxori daret ultra quarta partem bonorum suorum, *l. 2 Leg. Longobard. tit. 4 c. 1*. Hinc Papias in suo Vocabulario inquit *Morgengap idest quarta pars in Lege Longobardorum*. Multa de hoc *Morgengap* antiqua monumenta afferuntur a Balutio in *Not. ad Capitular. Reg. Francor. verb. Morgangeba, t. 2 col. 668* *edin. Venet. 1775*. Vide etiam Du-Cangium *Glossar. verb. Morganigiba*.*

(7) Pactum præsertim, quo cavetur, ut uxor, & liberi certis contenti bonis, quæ data sunt, a viri ac patris hereditate & dignitate arceantur, matrimonium ad *Morganaticam* a conscientia matrimonio distinguit.

## S E C T I O VIII.

*De Sponsalibus.*

109. Sponsalia quid ?  
 110. Qui ea recte contrahant ?  
 111. Consensu sponsalia fiunt.

112. Eorum vis, & obligatio.  
 113 & 114. Quomodo solvantur.

§. 109. Quod veteribus in more fuisse scribit Ulpianus (1), *stipulari, & spondere sibi uxores futuras*, id etiam a Christianis semper fieri consuevit; tum quia comparare se sponsi debent ad gratiam sacramenti, tum quia periculi plena res est sese perpetuo vinculo temere implicare. Itaque ante matrimonium fiunt sponsalia, quae a *spondendo* dicuntur (2), quaeque sunt futurarum nuptiarum facta, et vicissim accepta promissio (3). Sponsalium nomine proprie intelligitur consensus in futuras nuptias, sed interdum etiam comprehenditur consensus in praesens matrimonium, quae sponsalia *de praesenti* appellantur (4).

(1) *L. 2 ff. de Spont.* (2) Confer A. Gellium *Noël. Attic. l. 4. c. 6* p. 181 *ed. Lugd. Batav.* 1666, & Brissonium *de Formul. l. 6 form. 125* p. 518 *edit. Hale* 1731. (3) *Cap. 31 de Sponsal.* (4) Sponsalia *de futuro*, ac *de praesenti* memorat Greg. IX in *c. 31 de Sponsal.* Sponsalia *de praesenti* vident Hotomanus *Disp. de Sponsal. c. 7* & A. Matthæus *Manud. ad jus canon. lib. 2 tit. 6*. Sed ut rectissime animadvertit Pavorinitanus in *d. c. 31*, matrimonium ratum sponsalia *de praesenti* appellare solemus, non propter conjugale vinculum, quod jam colligatum est, sed propter ejus *exequutionem*, quæ corporum conjunctio est. Hanc sane loquutionem in vulgus probari, ac vulgares loquendi modos ipsis Romanis jurisconsultis probatos constat. Adde & illud quod ipsi veteres Romani sponsalia *de praesenti*, qualia canones agnoscunt, haud ignorasse videntur, quod recte tradit Huberus *Observ. jur. l. 2 c. 8*.

§. 110. Sponsalia consensu perficiuntur, eaque recte contrahunt omnes, qui in futurum matrimonium consentire possunt. Furiosi, amentes itemque pueri, qui nondum septennio excesserunt, eadem contrahere vetantur (1); sed majores septem annis, qui suo consensu futuras nuptias probare possunt, recte illa conciliant; modo, si sint filii familias, parentes assentiantur, aut saltem non dissentiant; quæ naturalis est reverentia, qua filios prosequi decet parentes suos (2). Quoniam vero impuberi lubrica ætas, atque incertum & præceps consilium est, ideo potest a sponsali-

bus resilire cum pubertas adveniet (5). Ipsi quoque parentes pro filiis impuberibus dare possunt futuri matrimonii fidem; at ea filii ipsi non obligantur, nisi expresse aut tacite consenserint, postquam puberes evaserunt (4). Sed & pro filiis puberibus parentes sponsalia contrahere possunt; verum ut ea vim habeant, illorum consensu opus est (5).

(1) *Leg. 8 & Leg. 14 ff. de Sponsal. Cap. 13 de Desponsat.*

(2) *Leg. 7 ff. de Sponsalibus Can. 1 & 5 caus. 30 qu. 5.* Ac sponsalia quidem a filiis familias initia parentibus inscita, vel juste invidis etiam jurata sint, nullius momenti esse, demonstrat Franciscus M. Muscettula *Diss. de Sponsal. & Matrim. qua a filiis familias contrahuntur parentibus inscitis, vel juste invidis, dub. 4. n. 145 & seq. p. 107 & seq. edit. Rom. 1766.*

(3) *Cap. 8 de Desponsat. impuber.*

(4) Vetus disciplina erat, ut parentes pro filiis impuberibus sponsalia contraherent, eaque filii ipsi, cum ad pubertatem pervenerant, servare cogebantur, ut patet ex *Cap. 1. de Desponsat. impuber.* Vetum hoc jus abrogavit Bonifacius VIII in *Cap. unic. de Desponsat. impub. in 6.* statuitque, ut his sponsalibus filii non teneantur, nisi ea post pubertatem suo consensu probaverint. *Concile Bened. XIV const. Prebe 54 § 61. 5 ejus Bullar. p. 241 edit. Rom. seu Venet. 1754.* (5) *Cit. cap. unic. §. ult.*

§. 111. Confirmantur sponsalia donationibus sponsalitiis (1), aliisque solemnitatibus; imo & adhibentur testes (2), & matrimoniales tabulae conficiuntur, ut ea jam contracta fuisse constet (3). Sed tota eorum vis posita est in consensu contrahentium, qui modo sit certus, nihil refert nutum quis assentiatur, an verbis sive ore prolatis, sive epistola comprehensis; neque etiam refert, per se quis contrahat, an per procuratorem. Quin etiam sponsalia fiunt sub conditione, quae pendet ab incerto futuro eventu, quaeque, si honesta & possibilis sit, vim contractus suspendit, donec existat, & si non existit, contractum solvit. Turpes autem atque impossibiles conditiones rejiciuntur, ac firma manent sponsalia; quae tamen infirmantur, si conditio matrimonii bono adversetur (4).

(1) Munera haec, quae *arrae & pignora* vocantur, a Christianis etiam usurpata memorat Gregorius Turonensis *de vit. Patr. c. 20 p. 1252 edit. Paris. 1699.* Inter munera, quae in sponsalibus tradebantur, eminebat praesertim annulus, qui a viro feminae dabatur ante nuptias, Tertullianus *de Cultu faminar. l. 1 c. 5 p. 153 & Apolog. c. 3 p. 7 edit. Paris. 1075.* Hujus annuli usum, quem Christiani quoque retinebant, memorant etiam Clemens Alex. *Pa-*

*dagog. l. 3 c. 11 p. 287 t. 1 edit. Oxon. 1715.* Annulus arrhæ nomine in omnibus sponsionibus a Romanis sæpe adhibebatur, cura darent vel pecuniam, vel annulum, ut pignoris loco esset, *Plinius l. 35 c. 6 Hist. Natural. t. 5 p. 16 edit. Paris. 1635: L. 11 §. 6 ff. de Action. empt. L. ult. ff. de Leg. commiss; L. 5 §. 15 ff. de Institutor.* Hinc ad firmandam sponsionem, quæ in sponsalibus fiebat, annulus adhiberi consuevit, quem ferreum ac sine gemma sua, ætate fuisse testatur *Plinius loc. cit.* Sed *Tertulliani* ætate, uti constat ex ejus *Apologetic. c. 3 p. 7 edit. cit.* aureus erat. Antiqui Galli per solidum, ex denarium secundum *Legem Salicam* sponsalia contrahebant, uti pater ex formula 5 *Rigonii*, & ex formula 75 *Lindebrogii* apud *Balutium Capitular. Reg. Francor. t. 2 col. 344 ed. Venet. 1773.* Nimirum arrha erat & denarius, & annulus, ideoque alterutra sponsalia contrahebantur. Sunt qui annuli cærimoniam non ad sponsalia, sed ad ipsas nuptias referendam putant; sed longe aliud ostendunt *Gregorius Turonensis loc. cit.*, & *Nicolaus I. in Respons. ad consult. Bulgar. c. 3*, apud *Harduinum Collect. Concil. t. 5 col. 354*, *Isidorus Offic. Ecclesiast. lib. 2 c. 19 p. 603 ed. Paris. 1601*, annulum a sponso sponsæ dati inquit vel propter mutua fidei signum, vel propter id magis, ut eodem pignere eorum corda jungantur. Unde & quarto digito annulus idem inseritur, quod in eo vena quædam, ut fertur, sanguinis ad cor usque perveniat.

(2) Quot numero testes in sponsalibus adhiberi solerent, non satis exploratum est; adhibitos tamen fuisse testes decem colligi potest ex *Ambrosio de Laps. Virg. c. 5 opp. t. 3 col. 333 edit. indic.* Haud tamen necessaria est præsentia testium, ut sponsalia valeant, nam ut inquit *Bened. XIV de Synod. dioces. l. 12, c. 5, n. 1, Concil. Trident. nihil innovavit circa sponsalia, eaque reliquit sub dispositione juris communis, juxta quod, etiam remotis arbitris, valide contrahuntur.*

(3) Consule *Martenium de antiqu. eccler. rit. l. 1 c. 9 art. 3 t. 9 p. 124 ed. Venet. 1763*, & *Jacobum Gothofredum in Leg. 3 Cod. Theodos. de Nuptiis, t. 1 p. 321 edit. Lips. 1736*, a quibus omnes sponsalium ritus describuntur. Præter ceteros ritus, etiam osculum, & dextrarum conjunctio adhibebatur. Osculi quidem sponsalitii consuetudinem a Christianis, apud quos nihil osculo sanctius & usitatius erat, repetendam putat *Jacobus Gothofredus in L. 5 Cod. Theodos. de Spons. et ante nupt. donation. l. d. 308 ed. ind.*, & *Mazochius in Adnot. ad Muscellula Dissert. de Spons. et matrim. etc. diatrib. 1 n. 8 et seq. p. 227 et seq. edit. Romæ 1766.* Meminit hujus osculi *Tertullianus de veland. Virgin. c. 11 p. 179 edit. Paris. 1675*, & meminit *Constantinus in L. 16 Cod. de Donat. ante nupt. quæ ejus constitutio est Lex 5 mox indicata Codicis Theodosiani*, ac refertur *Basilicis l. 28 tit. 3 c. 16.* Hæc porro sponsalia osculo firmandi consuetudo viguit, & nunc etiam viget in Ecclesia Græca, uti ex *Crusii Turcogræcia* colligit *Mazochius loc. cit. not. 3 p. 233*, sed Latina Ecclesia Græca severior & austerior, cum sponsalia in grandiorem ætatem differri cœperunt, atque hominum malitia desit antiqua simplicitas, rituale illud osculum omitendum putavit. Postrema ejus osculi mentio est in *Palea Can. Lex Divina cap. 27 qu. 2*, quisquis tandem sit auctor hujus scripti, quod vulgo *Benedicto* tribuitur,

§. 112. Contracta sponsalia obligationem contrahendi matrimonii pariunt; adeo ut renuens implere fidem non tantum monendus, sed etiam metu poenarum, atque ecclesiasticis censuris cogendus sit (1). Verum coactioni, atque censuris, in quibus nervus inest ecclesiasticæ potestatis, non ita facile dandus est locus, quoniam tristes habent exitus coacta matrimonia: & ideo vel levis causa procul esse jubet coercionem, atque ab iis plane abstinendum est, cum adhuc sponsus voluntate obstinata pergit matrimonio resistere (2). Quod si qua gravis causa urgeat, puta si mulier a sponso deflorata sit, ipse omnino ad nuptias cogi debet.

(1) Lucius III in *Cap. 17 de Sponsal.* sponsam monendam ponitur, quam cogendam esse statuit, cum coactiones difficiles soleant exitus frequenter habere. Contra Alexander III in *cap. 10 eod.* sponsum non tantum moneri, sed etiam ecclesiastica censura compelli jubet, ut ipsam, nisi rationabilis causa obstitit, in uxorem recipiat. Ita componendus videtur uterque locus Jur. Canonici, ut vel levissima causa faciat soli monitioni locum; contra vero adhibenda sit coercitio, cum eam gravis causa postulat.

(2) Confer Muscettulam *laud. Diss. de Sponsal. & Matrim. &c. dub. 4 n. 134 & seq. p. 100 & seq.*, ibique Mazochium *not. 34 p. 103.*

§. 113. Solvuntur sponsalia mutuo consensu eorum, a quibus contracta sunt, etiamsi jurata sint; quia sacramentum sequitur naturam actus, cui adjectum est (1). Impuberes vero dissentire non possunt, nisi puberes facti sint, & se corporum conjunctione abstinuerint (2). Quod si alter impubes suam obligavit fidem, atque dissentiat, sponsalia dissolvuntur, etiam invito altero, qui ea contraxit, cum jam pubes evaserat (3).

(1) *Cap. 25 de Jurejur.*

(2) *Cap. 8 de sponsal. impuber.*

(3) *Cap. 7 eod.*

§. 114. Sed & solvuntur sponsalia per matrimonium, quod sponsorum alter injuria quidem, sed valide cum alia, aliove contraxit, per sacros susceptos ordines (1), aut emissam in approbata religione professionem (2). Quin etiam interdum unus liberatur, sed alter adhuc manet obstrictus sponsione sua; si nimirum ipse dolo rem egit, si in longinqua proficiscatur sine alterius consensu (3), si magnam atque constantem post sponsalia pertulit mutationem animi,

corporis, fortunarum (4); si fidem fregit, hoc est suum cum alio corpore commiscuit (5). Qua in re Canonici juris interpretes virum liberant, etiamsi mulier ante sponsalia, ac per vim quoque stuprata sit; verum mulier lege solvitur, tantum si vir post inita sponsalia in fide non stetit.

(1) *Cap. unic. de Vet. in 6.* (2) Qui ingreditur religionem obligatus manet, donec professionem emitat, sed alterius obligatio per solum illius ingressum tollitur. (3) *Cap. 6 de Sponsal.*

(4) *Cap. ult. de Conjug. lepro.* Nam in omnibus pactioibus, multo magis sponalibus, inesse censetur conditio, *rebus in eodem statu manentibus.* (5) *Cap. 25 de Iurejur.*

## SECTIO IX.

### *De Matrimonii impedimentis.*

115. Quæ & qualia sint matrimonii impedimenta?

116. Ea constituere, & laxare Ecclesiæ est.

117. Matrimonii sacramentum a contractu civili non pendet.

118 ad 121. Summo Pontifici, non item Episcopis laxandi dirimentia impedimenta potestas est.

122. Impedimentorum dispensatio publica, vel occulta.

123 & 124. Divisio impedimentorum dirimentium.

125. *Ætas.*

126 & 127. *Impotentia.*

128. *Ordo sacer.*

129. *Votum solenne.*

130. *Ligamen.*

131 ad 135. *Cognatio naturalis.*

136. *Cognatio civilis.*

137. *Cognatio spiritualis.*

138. *Affinitas.*

139. *Publica honestas.*

140. *Crimen.*

141. *Cultus disparitas.*

142. *Error.*

143. *Ignoratio servilis conditionis.*

144. *Vis.*

145. *Raptus.*

146. *Turpis conditio.*

147. *Matrimonium clandestinum.*

§. 115. Dum ineuntur nuptiæ, illud in primis considerandum est, num aliquid interveniat, quo illæ vel prorsus irritæ, vel non laudabiles, neque honestæ sint. Quæ irritum matrimonium faciunt, impedimenta dirimentia; quæ minus laudabile & honestum, impediencia appellantur. Impedimenta impediencia vetant, ne nuptiæ contrahantur, sed non tollunt, evertuntque contractas; dirimentia vim prorsus adimunt matrimonio, & ideo non tantum contrahendum impediunt, sed etiam contractum dirimunt.

§. 116. Impedimentorum constituendorum & laxandorum jus penes unam Ecclesiam est (1). Id ostendit & natura matrimonii, quod cum apud Christianos sacramentum sit, civilibus legibus subesse non potest, ac perpetua traditio &

consuetudo, quam semper Christiani omnes ratam firmam habuerunt (2). Civilibus quidem legibus effici potest, ut qui certas nuptias conciliarunt, potiri non debeant iuribus & privilegiis, quibus reliqui cives potiuntur: sed unius Ecclesiae est leges constituere, quae vim matrimonii respiciunt.

(1) Concil. Trident. Sess. 24 Can. 3 de Sacram. matrim.: Si quis, inquit, dixeris, eos tantum consanguinitatis & affinitatis gradus, qui in Levitico exprimuntur, posse impedire matrimonium contrahendum, & dirimere contractum, nec posse Ecclesiam in nonnullis illorum dispensare aut constituere, ut plures impediant et dirimant, anathema sit. Idemque habet Can. 4. Wadenses primum, postea Lutherani & Calviniani, tum Marcus Antonius de Dominis Archiepiscopus Spalatensis, & apostata, Paulus Sarpius & Joannes Launojus nullam esse putarunt in ecclesiastica hierarchia impedimenta illa constituendi potestatem. Errorem hunc jam prope senescentem ab oblivione hominum, atque silentio non multis abhinc annis vindicare conati sunt Aloysius Litta, Thomas Nestius, Petrus Tamburinius, & quidam alii; qui etiam absurde detorquebant Tridentinos canones, quorum supra facta mentio est, ne in illum ipsum incidere viderentur errorem, quem Synodus contra Lutherum, ceterosque haereticos damnavit. Inquiunt videlicet, canones non esse dogmaticos. Tridentinis Patribus, Ecclesiae potestatem non propriam Ecclesiae, sed ei a Principibus concessam, denique Ecclesiae nomen Patres ipsos usurpasse, non ut ecclesiasticum ordinem, sed ut seculares Principes significarent. Verum si Trident. Synodus hanc de matrimonio doctrinam non aliquo de Reformat. titulo, sed comprehendit canonibus, quibus semper catholicum dogma stabilire solet; si initio sessionis 24, in qua extant duo illi canones de matrimonii impedimentis, se declarat *anathematizare* omnes hereses, & errores qui de sacramento matrimonii orti sunt; si inter has haereses, & errores *anathematizat* etiam eos, qui negant jus esse Ecclesiae constituendorum & laxandorum impedimentorum matrimonii, nonnisi obfirmata cavillandi licentia hos canones dogmaticos esse inficiabitur. Quod vero ajunt de prava illa interpretatione vocabuli Ecclesiae, id argumentum est, quo nullum illustrius & praeclarior esse potest, perdita ac desperata causa, quam tumentur. Quis enim putet, Ecclesiam, quae omnibus, atque ipsis Tridentinis Patribus semper est Ordo Ecclesiasticus, duobus illis canonibus esse potestatem secularem; Patres ipsos, qui cuncta suis propriis, germanisque vocabulis explicarunt studio ac diligentia singulari, eo tantum loco a proposito discessisse, pervertisseque vocabuli significationem, ut facerent disputationi locum, & simul integrum relinquerent errorem Lutheri, cujus erant conatus omnes in ecclesiasticam potestatem; Principum Oratores, qui concilio intererant, cutabantque diligenter, ne quid verbis aut factis eorum potestati detraheretur, permittere voluisse, quod haec potestas, quae suo & proprio vocabulo clarissime designari po-



tuisset, comprehenderetur vocabulo, quod tantum violenter detortum, ac minus proprie eam significare poterat? C. 1 *Sess. 14 de Reform. matrim.* Synodus irrita facit clandestina matrimonia, quæ rata firma fuisse dicit, *quamdium ea Ecclesia irrita non fecit.* Ergo Tridentinis Patrib. Ecclesia, quæ dirimentia matrimonium impedimenta constituit, & ipsa Synodus, hoc est cætus Ecclesiasticus, cujus decreto factum est, ut clandestina matrimonia, quæ pridem *Ecclesia lege irrita* non erant, alia deinceps *Ecclesia lege irrita* habeantur, & sint. Eodem sensu aliis in locis Ecclesiæ vocabulum Synodus usurpat ex. gr. *Can. 15 Sess. 14 de Pœnitent. Can. 12 Sess. 24 de Matrim. Sess. 25 in Decret. de Indulg.*, quibus locis omnibus Ecclesiæ nomine intelligantur Superiores & Pastores, in quibus inest regendi ac pascendi auctoritas. Quid? Novalla Synodo constituta impedimenta; illæ Principum oratorum preces, illaque de his impedimentis studia, quæ partim Synodi Patres probarunt, partim reiecerunt arbitrio suo, nonne evidenter ostendunt in eo negotio Ecclesiæ potestatem? Neque his precibus, & officiis rem egissent *Delegantes.* cum *Delegato*; nihil illis ab se postulantis Synodus recusare potuisset; non tulo, ac certo statuere *Can. 5 & 4*, (addita quoque pœna anathematis in eos qui id negarent) non solum antea potuisse sed etiam in posterum Ecclesiam posse matrimonii impedimenta constituere; non pari anathematis pœna plectere *Can. 12*, qui dicerent, *causas matrimoniales non spectare ad Judices Ecclesiasticos*, si eo negotio Ecclesia delegato tantum jure uteretur, non proprio, & suo. Denique cum Trident. Patres impedi- mente stabilire dicant *Ecclesiam, et Sanctam Synodum*, quibus iidem verbis catholicum dogma constituunt; aut in utroque, aut in neutro potestas delegata ponenda est. Quis autem dicat, Synodum œcumenicam in constituendo dogmate potestate delegata indigere? Paucis hæc attingi, quæ multo fusiùs & uberius explicari possunt, sed ita instituti mei ratio postulabat. Præclare in hoc argumenti genere versatus est Cl. Auctor operis editi *Hierapoli anno 1776*: cui titulus *Defensio Tridentinorum Canon. de Ecclesia potestate in dirimentia matrimonium impedimenta adversus Lauenojum, Tamburinium, Nestium, aliosque recentiores, auctore Petro Deodato Nicopolitano.* Confer etiam ejusdem Auctoris opus editum an. 1783, cum titulo: *Nuova difesa dei canonì III & IV della Sess. 24 del Conc. di Trento scritta da Pietro Diodato, item itemque opus quod extat in *Supplem. Diarii Ecclesiast. Romani mens. Septembr. et Octobr. 1791*, atque evulgatum est a V. Cl. Aloysio Cuccagnio cum titulo *Del Matrimonio Cristiano, e della Divina immediata potestà della Chiesa di apportare ad esso l'impedimenti, che si dicono dirimenti*; præterea *Les vrais principes sur le mariage, opposés au rapport de Mr. Durand de Maillane par P. abbé Barruel.**

(2) Id ostendam paulo post, cum de unoquoque impedimento singillatim disseram. Iterim, ut mittam cetera ejus rei monumenta, quorum magnus est numerus, quæque a Gerbasio recensentur, satis est legere duas canonum collectiones, quas VII & VIII sæculo ediderunt Theodorus Contuariensis, & Egbertus Eboracensis, ut pateat, quot jam essent ea ætate matrimonii impedimenta ab Ecclesia constituta. Ille enim apud Dacherium spi-

*cileg. tom. 1 C. 23, 24, 50, 51, 32, 63, 92, 95, 103, 159, 140, 145, p. 487 ad 490 edit. Paris. 1723, multa hujusmodi impedimenta describit, & multa item habet Egbertus in collectione, cui titulus Excerptiones a c. 128 ad 138, apud Speimanum Concil. Britannic. t. 1 p. 271 et seq. edit. Londini 1639. Vide Jueninium de sacram. qu. 6 de Matrimonii impediment. in gener., Gerbaisium Traité du pouvoir de l'Eglise, & des Principes sur les empêchements du mariage, quo quidem opere tota parte I. apertissime ostendit, Ecclesiam jus proprium haberi constituendi impedimenta matrimonii, atque omnium ætatum collectis monumentis, hanc esse demonstrat perpetuam traditionem & consuetudinem, quam etiam seculares Principes sæpissime ratam habuerunt; quamquam par. 2, minus vere jus constituendi impedimenta matrimonium dirimentia etiam laicæ Potestati adscribere conetur. Vide etiam Lauenoi sophismata refellentem Auctorem operis De l'Autorité des deux puissances c. 5 §. 8 t. 2, & Jacobum Clementem Traité du pouvoir irréfutable et intébranable de l'Eglise sur le mariage des Catholiques.*

§. 117. Neque vero quod in matrimonio inest etiam civilis contractus, exinde effici potest, quod forte civiles leges contractum tollant, matrimonium quoque tollatur; quoniam materia eripitur, in qua consistit. Nam sacramenti materia non civilis, sed naturalis est contractus, qui simul est hinc quidem contractus civilis, illinc vero sacramentum; quoniam ab eo perficitur, qui simul civis & Christianus est. Atqui nec contractus civilis a sacramento, nec sacramentum a civili contractu pendet, quæ diversa sunt rerum genera certae Civitatis, Christianae religionis, utrumque per se constans, non alterne necessario nexa inter se; eum sit tamen utrumque singillatim innexum conditioni naturali hominis, atque ab hac pendeat. Itaque, sublato etiam civili contractu, integrum tamen est sacramentum, quod ab illo non pendet, & quod suam habet materiam contractu naturali (1).

(1) Gravis est error illorum, qui cum in matrimonio civilem contractum fieri animadvertant, ita ab hoc contractu sacramentum pendere arbitrantur, ut illo sublato, alterum etiam tolli, evertique debeat. Inquiunt enim, in matrimonio inesse & civilem contractum, & sacramentum, sed primum contractum existere, postea sacramentum, quod ab illo sumitur materiam, in qua consistat. Quemadmodum vero civilibus legibus ceteri contractus subjiunguntur, ita etiam iis subesse contendunt contractum matrimonii; & ideo cum civiles leges contractum perimunt, ipsam tollunt materiam, sine qua sacramentum stare non potest. Verum materia sacramenti matrimonii non civilis, sed ipse est contractus naturalis, qui certe obsolvi cœpit,

multo ante quam ullæ civiles societates constituerentur. Naturalis hic contractus materiam præbet tum contractui civili, tum sacramento. Cum contractus ab eo perficitur, qui tantum est civis, ejus matrimonium tantum civilis contractus esse potest; atque ex eo genere sunt conjugia, quæ ab infidelibus contrahuntur. Sed quando nuptias conciliat, qui simul civis & Christianus est, matrimonium simul efficitur contractus civilis, & sacramentum; quia non primum a cive, deinde a Christiano, sed ab uno simul cive, & simul Christiano contrahitur. Quare ne ut leges impedimenta constituent adversus civilem contractum, nulla certe possunt constituere adversus sacramentum; neque illo sublato, etiam tollitur, perinde ac non amplius habeat materiam, in qua consistat. Hæc enim est posita in contractu naturali, cui tamquam fundamento utriusque communi, & proximo, tum contractus civilis, tum sacramentum incumbit. Certe Christus Dominus, qui suam instituit Ecclesiam ex omnibus gentibus, quibus dissimiles erant mores, legesque civiles, omnibus, qui ad hanc Ecclesiam pertinerent, matrimonium sacramentum esse voluit. Itaque ejus materiam constituere debuit, quæ ante ullas conditas civiles leges fuit, matrimonii institutionem appellavit. Atqui tantum naturalis contractus unus, idemque erat omnibus, non civilis, quem aliis legibus Romani, aliis Hebræi, aliis reliquæ gentes perficiebant. Equidem peto ab iis, qui civilem contractum sacramenti materiam faciunt, quorum populorum civiles leges Christus respexerit, ut in iis sacramenti materiam poneret? An Hebræorum, an Romanorum, an reliquarum Gentium? Si Hebræorum leges spectavit, negabimus sacramentum fuisse matrimonium ceterorum, qui ex reliquis gentibus ad Ecclesiam veniebant; quoniam non iisdem, quibus illi, legibus utebantur. Eadem contra argumentatio redit, si in contractu civili Romanorum, aut reliquarum gentium sacramenti materiam a Christo collocatam dicamus. Adde, quod nullæ tunc erant civiles leges de matrimonio, quæ non Christi legi adversarentur. Hebræorum leges repudium permittebant, leges Romanorum ac gentium reliquarum & repudii facultatem dabant, & plenæ superstitionem ac vitiorum erant. Quis dicat Christum fecisse sacramenti materiam has leges, a quibus Divina, quæ ab eo ferebatur, Lex adhorrebat? Fecisse præterea materiam vagam & incertam, qualis est contractus civilis, qui a populorum moribus, a temporum ratione, ab hominum voluntate, arbitrioque pendet? In reliquis sacramentis una, atque eadem cunctis gentibus materia est. Quis illud sibi in animum inducat, solius sacramenti matrimonii Christum fecisse materiam tuam variam, tamque dissimilem, quam varii sunt, interque se dissimiles mores, ac leges civiles quibus populi reguntur? Confer Jacobum Clementem *l. c. cap. 3*, & Auctorem operis *De l'Autorité des deux puissances c. 3 §. 8. t. 2.*

§. 118. Cumque Ecclesiam repræsentent vel ejus caput Romanus Pontifex, vel œcumenicum Concilium, sequitur, ut ab alterutro tantum dirimentia matrimonium impedimenta constitui (1), & constituta removeri possint (2). Sæpe enim justis de causis aliquis lege solvitur; solvent-

us est autem potestate pari, qua adstrictus est. Episcoporum potestas infra Summi Pontificis, atque œcumenici Concilii potestatem est; & ideo, quæ superiori lege sancita sunt, impedimenta perfringere, & labefactare non possunt. Quare ut Summi Pontifices jus illud exerçant, quod semper exercuerunt, laxandi dirimentia matrimonium impedimenta, nihil sibi præcipue reservare debuerunt, neque aliquid de juribus episcopalibus diminuere ac detrahere oportuit. Res ipsa vetat, inferiorem abrogare legem, quæ superioris imperio sancita est.

(1) Impedimentorum matrimonii, quæ a Sum. Pontif. constituta sunt vel probata, & tunc generalis Ecclesiæ legis vim obtinuerunt, antiquissima exempla suppeditant Innoc. 1. ep. 2 ad *Viâtric. Roibomag. c. 13* apud Constantium Ep. Rom. Pontif. col. 756, Siricius ep. 1 ad *Himer. Tarracoen. c. 4* apud eundem Constantium col. 628, Leo M. ep. 2 ad *Russic. Narbonen. & ep. 133 ad Nicet. p. 11 & 443 opp. 1. 1 ed. Romæ*, Gregorius M. ep. 1 l. 7 ep. 64 l. 11 ep. 17 l. 14 & in *Decret. 6 opp. 1. 2 col. 845, 1154, 1179, 1295 ed. Paris.*, Gelasius *Decret. c. 20* apud Pithæum *cod. Canon. Eccles. Roman. Paris. 1678 p. 268*, Gregorius II. *Decret. 1, 2, 3*, apud eundem Pithæum l. c. p. 300. Falso igitur auctor libri *Sopra il diritto di stabilire impedimenti dirimenti il matrimonio, e di dispensare*, a Rom. Pontif. constituta negat matrimonii impedimenta. Sane eorum quædam primum a Conciliis particularibus stabilita sunt: sed ea tantum post Decret. Sum. Pontif. in Ecclesia universa vim legis habere ceperunt.

(2) Sæc. VI Gregorius M. Anglorum genti, quæ recens Christi fidem amplexa fuerat, matrimonia permisit in tertio consanguinitatis gradu, in quo jam tunc irrita conjugia erant. Unde, inquit ipse Gregorius ad Augustinum ep. 54 l. 11 s. 2 col. 1154 *ed. Paris. sit., necesse est, ut jam tertia aut quarta generatio fidelium licenter sibi jungi debeat; nam secunda, quam diximus, a te omnino debeat abstinere.* Quæ indulgentia Pontificis cum displicuisset Felici Episcopo Messanensi, ipseque ea de re vehementiores ad Gregorium literas dedisset, respondit Pontifex ep. 17 l. 14 col. 1277 se non omnibus universe, sed tantum Anglis hanc veniam iustis de causis concessisse. En *dispensationum matrimonialium*, ut vocant, quæ ab Sede Apostolica datæ sunt, monumentum luculentissimum ac vetustissimum. Scio, quosdam esse qui has literas Gregorii esse negant; sed & stylus, & rerum de quibus agitur, ratio, & cetera argumenta, meo quidem iudicio, evidenter ostendunt, ea omnino Gregorio adscribendas esse. Adeundi sunt eruditi Monachi e Congregat. S. Mauri in *not. ad utramque ep.* Hujus simile exemplum suppeditat initio sæc. VIII Gregor. II, qui Germanis facultatem dedit nubendi post quartum gradum, quo quidem gradu nullum ex tempestate matrimonium erat, uti patet ex ejus Ep. 15 ad Bonifacium Mogunt. apud Labbæum col. *Concilior. 1. 8 col. 177 ed. Venet.* Alia multa eadem de re monumenta collegit Auctor operis,

quod Fulginei prodit an. 1784 cum titulo: *Le storie idee rad-  
drizzate c. 3. p. 89 & seq.* Interdum etiam a Synodis provincia-  
libus laxata sunt matrimonii impedimenta, quando scilicet Ponti-  
ficis Constitutionibus, aut totius Ecclesie lege nondum probata  
fuerant. Multa enim impedimenta primum a Conciliis provincia-  
libus constituta sunt; & tunc ea tolli poterant eadem auctorita-  
te, qua stabilita fuerant. Sed posteaquam jus illud totius Ecclesie  
lex evasit, ei certe non amplius derogare potuit Synodus provin-  
cialis, cujus potestas infra illam potestatem est. Certe matrimo-  
niales causas inter causas majores, quas Romano Pontifici serva-  
tas voluerunt Innocent. I., Leo M. & ceteri, quorum loca indica-  
vi l. 1 tit. 3 *reft.* 1 §. 14 *not.* 6 p. 159 recenset Cælestinus III *ep.*  
3 *ad Archiepisc. Senonen.* apud Labbæum t. 13 *Concil. col.* 698 *ed.*  
*Venet.*, Sigefridus Moguntinus *Ep. ad Alexand. II T. 3 Conc. Ger-*  
*man.* p. 152, Annales Bertiniani *ad an.* 831, apud Eckartum *Ga-*  
*lia oriental. t. 2 l.* 18 §. 193, Synodus Tridentina sartam testam es-  
se voluit potestatem, qua semper Apostolica Sedes usa fuerat re-  
movendi dirimentia impedimenta, ideoque *regulari in materia dis-*  
*pendationis, ac signanter super impedimentis matrimonii præscriptas*  
*ad Rom. Pontificem præcipue direxit;* uti post Du-Cangium *de*  
*Jurisdic. eccler. t. 1 c.* 10 §. 5, observat Van-Espenius *Jur eccler.*  
*par. 2 reft.* 1 tit. 14 c. 1 n. 10. Imo cum disputatum esset Patribus,  
num satius esset Sum. Pontifici facultatem laxandi impedimenta  
reservare, potissimum Pius IV æquo animo assentiebatur consan-  
guinitas in quarto gradu, quia frequentior, a Pontificis reserva-  
tionibus tolleretur, & Episcoporum arbitrio permetteretur. At Sy-  
nodo magis placuit sententia M. Antonii Bobbæ Augustani E-  
piscopi, & Sabaudie Ducis Legati, qui animadvertit, fore, ut da-  
ta Episcopis hac facultate multo facilius & frequentius, quod  
Patrum studio & proposito adversabatur, hujusmodi veniæ conce-  
derentur. Confer Paleotum in *Aët. Conc. Trid. ad diem 17 Aug.*  
1563, & Pallavicinium *Hist. Conc. Trid. l. 23 c.* 9 n. 17. Neque ve-  
rum est, ut aliqui iputant, Tridentinam Synod. *Sess. 25 c.* 18 *de*  
*Reformat.* dispensandi necessitatem imposuisse, cum revera cano-  
nes *exacte ab omnibus & indistincte observari* voluerit. Tantum  
statuit, ut si interdum canones justis de causis laxentur, id non-  
nisi *causa cognita, ac summe maturitate* fiat. Quibus verbis non  
dispensandi necessitas constituitur, sed modus præscribitur, quem  
servare oportet cum venia datur. Haud multo post Tridentinam  
Synodum jus removendi impedimenta matrimonii tantum Romani  
Pontificis proprium agnoverunt Concilia Turonense *tit. 9 de Ma-*  
*trim., & Tolosanum par. 2 c.* 8 *col.* 1405 & 1804 t. 10 *Collect.* Har-  
duini. Merito igitur optimus sapientissimisque Pontif. Pius VI li-  
teris datis die 28 Novemb. 1786, præter ceteros, damnavit erro-  
rem Eybelii agentis dispensationum reservationes indebitas, atque  
Episcopis injurias esse. Consule doctissimum Mamachium; qui  
de jure dispensationum quod in Rom. Pontif. inest, graviter, so-  
lide, accurate disputat in libro, quem nuper edidit *Firsi Aletbini*  
nomine contra auctorem opusculi *Quid sit Papa?* *ep.* 3 §. 9 p.  
232 *et.* 1, & Cl. Auctorem *dissertationis, qua defenditur Ro-*  
*mani Pontificis auctoritas in impedimenta matrimonium dirimen-*  
*tia.*

§. 119. Verum si quid etiam ex juribus Episcoporum detractum, si ipsorum ea in re arctata jurisdictio videatur; quis neget, id suo jure factum a Sum. Pontificibus pro suprema, quam habent, in tota Ecclesia potestate? (1) *Primigenia* quidem, ut vocant, sint jura Episcoporum, quæ ad jurisdictionem pertinent, eaque jurisdictioni a Christo repetatur (2). Sed hæc ab ipso Christo ita instituta est, ut uni summo omnium capiti & moderatori subesset (3); neque Christus, cum eam Episcopis dedit, divisit dioceses, & singulis certos adscripsit subditos, in quos jurisdictionem illam exercerent. Id totum factum ab Ecclesia est, & factum cum opera & auctoritate Sum. Pontificis, sine quo vera Ecclesia esse non potest. Itaque jurisdictio Episcoporum a Christo, usus & exercitium hujus jurisdictionis in certos subditos ab Ecclesia est.

(1) Conc. Trident. *Sess. 14 c. 7 de Sacram. Penitent. Merito*, inquit, *Pontifex Maximus pro suprema potestate sibi in Ecclesia universa tradita causas aliquas criminum graves suo potuerunt peculiari judicio reservare*. Qua in re illud in primis animadvertere oportet, quod si quæ potestas Episcopis jure divino concessa integra relinqui debet, ea certe est potestas absolvendi a quibuscumque peccatis, quam amplam, ac nullo modo cohibitam a Christo Apostolis, & episcopis eorum successoribus datam fuisse constat. Quod si tanta hæc, tamque late patens potestas ita (& id quidem divino jure) Pontifici auctoritati subest, ut pro *suprema* Romanorum Pontif. potestate per reservationes coerceri & arctari merito potuerit; an non ceteræ Episcoporum facultates, simili prorsus jure ac suprema potestate, cum id expedire visum fuerit, arctius astringi poterunt?

(2) Ne quis obtrudat, niti me principiis minus exploratis minusque probatis omnibus, tamquam certum pono id quod incertum controversumque est. Non enim certo constat, num Episcoporum potestas a Christo *ausoris immediate* sit repetenda, an potius in eos per Petrum, ejusque successores transierit: neque Synodus Tridentina questionem hanc definire voluit, ut ostendi *tom. 1 cap. 2 not. 1 pag. 19.*

(3) Episcoporum jurisdictioni *primigenia* quidem sit, & a Christo immediate procedens: sed *primigenius* etiam est, essentialis, & a Christo institutus *Primatus* non dignitatis solum, sed etiam jurisdictionis in Ecclesia universa. Utraque potestas *primigenia* est; sed utriusque ex lege divina propria est, arque intima natura, ut altera subsit, altera præsit. Christus & Petrum ejusque successores toti Ecclesie præfecit non solum dignitate, sed etiam imperio, & simul Episcopis jurisdictionem subiectam superiori potestati, in qua Principatum posuit: *Jesus Christus ipse*, inquit *Clerus Gallicanus in comitiis extraordinariis diei 8*

Maji 1728, sua institutiones limitis præscripsit huic potestati Episcopali, quam subiecit Sedi Petri, in qua posuit plenitudinem Apostolicæ potestatis. Reservationes causarum matrimonialium, & ceteræ hujusmodi non tollunt, evertuntque primigeniam & essentialem Episcoporum jurisdictionem, quæ divinæ institutionis est; tantum exercendæ constituunt modum, qui a Christo definitus non fuit. Ut vetustiori quidam ætate ea res tota fere pendeat a Synodis provincialibus, Metropolitans, Patriarchis, quos humanæ institutionis esse, inter omnes constat: adeo verum est, primigeniæ, essentiali, & a Christo datæ Episcopis potestati non adversari modum, qui in ea exercenda superiori imperio stabilitur. Quod si hunc modum constituit potestas, quæ tantum humana est, nonne id multo magis poterit præstare potestas Summi Pontificis, hoc est potestas divinitus instituta? Si magis intrare volumus, potius hæ ipsæ reservationes ad jus divinum referri possunt; quatenus videlicet jure divino Sum. Pontif. in omnes Episcopos jurisdictio data est, & quatenus Christus ordinem inter potestates omnino servandum constituit. Cujus quidem ordinis ea vis & natura est; ut inferiores subiecti sint superioribus, uti docet Petrus Ep. 2 c. 2 v. 13. *Subditi igitur estote omni humane creatura propter Deum, sive regi quasi præcellenti, sive ducibus &c.* & Paulus ad Roman. c. XIII v. 1. *Omnis anima potestatibus sublimioribus subdita sit; non est enim potestas nisi a Deo, quæ autem sunt a Deo, ordinatæ sunt. Ita ordinem inter Potestates a Deo constitutum, ut inferiores quantumvis potestate aliqua præditi, sublimioribus subesse debeant.* Consule Ballerinium de Potest. Ecclæ. Summæ. Pontif. c. 1 §. 45 & 46 & doctissimum Mannichium egregio opere quod paulo ante indicavi, epist. 1, 2, 3 fere per tot.

§. 120. Cum Episcopo certi adimuntur subditi, non tollitur primigenia illa jurisdictio, quæ divinitus data est; tantum arctatur, & constringitur usus jurisdictionis, quæ amplius exerceri non potest in subditos, qui ab Episcopi imperio subtracti sunt. Ita Synodi particulares sæpe arctarunt usum jurisdictionis Episcopalis; & id quidem jure ac recte factum, omnes facile concedunt; quia cum Synodi Episcopis auctoritate præstarent, potuerunt Episcopaliū facultatum usum, pro Ecclesiæ utilitate, præfinire (1). Quod si hæc facta, & rite fieri potuerunt a Synodis particularibus, quæ tantum jure ecclesiastico provinciæ, aut regioni, ejusque Episcopis divinitus instituti præsent; id certe multo magis concedendum est Petri successoribus (2), qui non humano, sed divino jure omnibus Episcopis, ipsisque Synodis particularibus præfecti sunt (3).

(1) Episcopalis potestatis, quæ a Synodis, Metropolitans, Patriarchis cohibita fuerit, innumera propemodum & omnibus comperta exempla sunt. Præclarum est illud Concil. Chalcedon. act. 4 col. 418 l. 2 Collet. Harduini ubi sancitum est, *ut nihil absque ipso Devoti.* Tom. II.

(Antistite Alexandrino) *ageretur ab aliquo subjacente Episcopo*. Hoc quidem loco ita arctatur Episcoporum potestas, ut nulla in re non pendeat a Patriarcha, ac *nihil* Episcopus agere possit sine venia Patriarchæ, cui subest. Divino quidem jure ad Episcopos pertinere ordinationes eorum, quos suarum Ecclesiarum regi-  
mini utiles & multo magis necessarios agnoscant, quis ignorat? Africanæ autem Ecclesiæ in exitu sæculi quarti, & initio quinti magna sacrorum ministrorum inopia laborabant, adeo ut multæ earum plebes essent desertæ, & alicubi ne unus quidem Diaconus reperiretur. Huic malo remedium adhibere oportebat; & vero adhiberi facile poterat, tum si in suis reciperentur gradibus, qui a Donatistis ad Catholicam unitatem revertebantur, tum si ordinibus donarentur, qui apud Donatistas in infantia baptizati, rationis usu præditi ad Catholicam Ecclesiam redierant. Sed obstabant decreta edita in transmarino Concilio, quorum mentio est in Syn. Africana *can. 35* apud Pithoum *Cod. Canon. p. 152 ed. Paris. 1687*. Itaque ut ea lex necessitatis gratia laxaretur, missa legatio est ad eos, a quibus illa lata fuerat, sicuti patet ex eadem Syn. Afric. *loc. cit. p. 145*. Quod si Synodi particulares Episcoporum potestatem in re tam gravi, tamque Episcopis propria arctare potuerunt, an non idem multo magis præstare poterit Sum. Pontif., cujus non humano jure sancita, sed a Christo ipso instituta potestas est?

(2) Si antiquis temporibus Episcopallum facultatum definiendarum modus a Patriarchis, Metropolitibus, Synodisque provincialibus totus fere pendeat, non idcirco Pontificio juri, quod ex primatu descendit, quidquam detractum videri potest, cum enim omnis illorum, quæ tandem cumque illa esset, in Episcopos, & Episcopatus jurisdictio tantum ex ecclesiastico jure procederet; profecto quidquid ecclesiasticæ institutionis est juri ordinario, ac divino Primatus detrudere nihil potuit. Consule Ballerinium *de Potest. Ecclesiast. cap. 1 §. 4*.

(3) Equidem nescio, qui teneat error, aut miserabilis ignoratio veri eos, cui propria & nativa Episcoporum jura a legitima superiori potestate tolli, ac minui posse inficiantur. Ab ipsis Ecclesiæ incunabulis luculentissima sunt monumenta, quæ longe aliud ostendunt. Episcopi erant Timotheus & Titus, alter Ephesi, alter Cretæ, ad quos Apostolus literas dedit, & hi a Spiritu Sancto positi erant regere Ecclesiam Dei in suis diocesis, & omnem cum Episcopatu conjunctam potestatem obtinebant. Ergo quemlibet Christianum hominem ordinibus initiare poterant, quoniam ampla Episcopis ea de re data a Christo potestas fuerat, & tamen Paulus arctat et constringit hanc potestatem, dicta lege, ut neque bigami, neque neophyti ordinentur *I. ad Timoth. c. 3 v. 2, 6, 12*. Similiter jure divino Presbyteri Episcopis suberant, atque hi suo lubitu poterant adversus illos eam servare methodum judiciorum, quæ magis com-  
moda et opportuna videretur, quoniam hæc methodus ab eodem divino jure constituta non fuerat, & tamen Paulus, Episcopus imperat, *ne adversus Presbyterum accusationem recipiant nisi sub duobus, aut tribus testibus: I. ad Timoth. c. 5 v. 19*. Mitto cetera similia, quæ sunt a Paulo constituta, & quibus nativa Episcoporum potestas arctata est. Priora Ecclesiæ sæcula pene innu-



merâ ejusdem rei monumenta suppeditant. Sane Christus his verbis *quæcumque ligaveritis &c.* Apostolis & Episcopis amplissimam concesserat facultatem ligandi, & solvendi in sacramento penitentia; verum huic Episcopis insita & innata potestati veneranda antiquitas modum imposuit, constitutis legibus, quibus Episcopi jussi sunt quosdam criminum reos tantum solvere post annos plures, diuturnamque penitentiam, quosdam verotantum, cum ad vitæ exitum properarent. Res eo demum venit, ut œcumenici Concilii venia & auctoritate opus fuerit, ut liceret *Episcopo humanius aliquid de eis statuere*, qui luculentiores dederant dolentis animi & pietatis significationes. Concil. Nicænum *can. 12 s. 2 Concil. collect. Labbæi col. 58 edit. Venet.* An non ligandi, & solvendi potestas propria ac nativa Episcoporum est? Attamen hæc potestas cohibetur modis pluribus, neque Episcopus suo jure, licet proprio & nativo, uti potest, nisi œcumenica Synodus nominatim hanc facultatem tribuat. Idem esto judicium de ordinis sacramento. Certe proprium ac nativum est jus Episcoporum ordinandi quoslibet Christianos homines, quos ad ecclesiasticum ministerium aptos & idoneos judicant. Verum hoc jus imminuunt antiqui canones, cum vetant, ordinibus initiari eos, qui titulo carent, qui bigami sunt, qui in hæresi fuerunt, qui certam non attigerunt ætatem, qui baptismum in ægritudine acceperunt, qui sibi virilia amputarunt, qui graviora quædam crimina admiserunt. His de rebus multa sunt constituta a canonibus, qui dicuntur Apostolorum, a Concil. Eliberitano, Nicæno, Carthaginensi III, Antiocheno, Chalcedonensi, ceterisque conciliis, quæ antiquissimis Ecclesiæ temporibus habita sunt. Nec leviora sunt de matrimonii sacramento monumenta. Christus nullam dixerat legem, per quam Episcopi ministerium suum exercere prohiberentur in matrimoniis Christianorum cum infidelibus, cum hæreticis, schismaticis, itemque in matrimoniis, quæ inter affines copulantur. Attamen hæc matrimonia fieri vetat Synodus Eliberitana *can. 15, 16, 17, 61 s. 1 Concil. col. Labbæi col. 994, 999 & seq. ed. cit. Venet.* atque ita in hujus administratione sacramenti Episcoporum potestas cohibetur. Similia occurrunt in Conc. Laodiceno *can. 10 & 30 s. 1 cit. col. 1531 & 1535, Carthaginensi III can. 11. s. 2 ejusd. collect. col. 1401, Chalcedonensi can. 11 s. 4 col. 1687.* Quid dicam de ceteris legibus, per quas arctata potestas Episcoporum est? Trans mare proficisci prohibentur Episcopi, non consulto primæ Sedis Episcopo, hoc est Metropolitæ: Concilium Carthaginense III *can. 28 s. 2 c. 1403.* Œconomum constituere jubentur, sine quo res Ecclesiæ administrare non possunt: Concil. Chalcedonense *can. 26 s. 4 c. 1691. Gentilium libros legere nequeunt, hæreticorum autem pro necessitate & tempore, gubernationem viduarum & pupillarum ac peregrinorum per Archipresbyterum aut Archidiaconum agere coguntur; prohibentur suscipere tuitionem testamentorum &c.* Concil. Carthagin. IV *c. 16, 17, 18 c. 1438 & 1439 s. 2.* Extant & in Decretalibus Pontif. Roman. plures hujusmodi leges, per quas potestas cohibetur Episcoporum. Vetat Innoc. I. *ep. 2 ad Vetric. c. 123* apud Coustantium *c. 748 & 750* Episcopum *extra consuetudinem Metropolitani* aliquem ordinare, pluresque a sacris ordinibus arcendos jubet, quod etiam facit *epist. 3 ad Episc. in Toleran. Synod. constit. c. 6 col. 770,* ceterisque literis, quæ a Petro Coustan-

tio descriptæ sunt, & in quibus similiter plures feruntur leges, per quas Episcoporum potestas arctatur. Id vero etiam factum est a Siricio, qui Innocentio antiquior fuit. Ne omnes persequar ejus literas, quod esset operæ, scriptionisque longioris, tantum indicabo *ep. 1 ad Himer.* qua *c. 4* statuitur, ne quis alterius sponsam uxorem accipiat; *c. 5* ne Eucharistia tribuatur reis graviorum quorundam criminum; *cap. 8* ne bigami ordinentur; *c. 6 & seq.* alia stabiliuntur, quæ ad ætatem & qualitates ordinandorum pertinent, apud Constantium *col. 628 632 seq.* Per has leges omnes Episcopi non amplius exercere poterant ampliorem illam, quam pridem habebant propriam & nativam potestatem in administratione sacramentorum. Confer S. Leonem *ep. 5 c. 3 col. 618, ep. 7 col. 622, ep. 9 c. 1 & 2 col. 629 seq. ep. 10 col. 635 opp. t. 1 ad Buller. Venet.* postremo fere omnes ejus epist., in quibus Episcopis certæ præscribitur leges, quas eos servare oportet in negotiis ecclesiasticis, atque in sacramentorum administratione; S. Gelasium I. *ep. 9 ad Episc. Lucan. c. 3 & 4* apud Labbæum *t. 5 Conc. col. 315*, S. Gregorium M. *ep. 10 et 11 l. 4 ep. 7 l. 5 ep. 43 l. 7 ep. 70 l. 9 ep. 2 l. 10 opp. t. 2 col. 649, 690, 735, 890, 986, 1043*; aliisque locis compluribus, ubi plures dicuntur leges, quibus Episcoporum jura imminuuntur. Infinitus essem, si omnia colligere vellem exempla aut ex conciliis tum provincialibus tum generalibus petita, aut ex decretalibus Pontificum Romanorum, quibus Episcoporum jura propria & nativa cohibita, atque imminuta sunt.

§. 121. Hoc sane primigenium jus est Pontific. Roman., quod abrogari nequit, nisi abrogetur, quod salva fide tolli non potest, Primatus jurisdictionis, cui Christus omnes subjecit, & cui Episcoporum jurisdictionem obnoxiam voluit (1). Eo jure Sum. Pontif. recte potuerunt Episcopalis jurisdictionis modum constituere, ac sibi tantum certorum criminum veniam, ac laxandi dirimentia matrimonium impedimenta facultatem reservare. Atque hæc quidem vetustissima consuetudo est, quin omnium ætatum consensu comprobavit; ut Sum. Pontif. dirimentia matrimonium impedimenta constituat, & tollat constituta, cum id justis de causis faciendum est (2). Episcopis permissa tantum est facultas laxandi impedimenta impediencia exceptis hæresi, & sponsalibus, in quibus non licet fidem fellere, invito eo, cui data est; & voto simplici aut perpetuæ castitatis, aut ingrediendi Religionem, quod cum purum fuerit, nullique conditioni obnoxium, tantum Romano Pontifici reservatur (3).

(1) Consule præstantissimas, gravissimasque literas datas a Pio VI P. Max. die 28 Novembr. 1786 adversus auctorem opusculi *Quid est Papa?* & vide etiam Cl. Mamachium *l. mox indic.*

(2) Auctor libri *Sopra il diritto di stabilire impedimenti diri-*

*mensi il matrimonio, & di dispensare*, novum excogitavit genus *dispensationum*, quas vocant, suoque hoc invento efficere se posse censet, ut etiam Episcopi laxandorum impedimentorum potestatem habere videantur. Inquit enim, impedimenta laxata quidem initio fuisse ex gratia & beneficio, sed frequentem laxandi consuetudinem, quasi legis exceptionem induxisse, ita ut dispensationes quæ initio *gratiæ* tantum erant, lapsu temporum *justitiæ* evaserint. Quare Episcopus suo jure removeret impedimenta, quorum vetu est, & longo usu firmatus removendorum usus; & tunc quidem judicat, num locum habere debeat exceptio legis, quæ jam vetustate consuetudinis inducta est. Sed primum nego, ex repetitis actibus fieri posse, ut quod semper ex gratia & beneficio conceditur, justitiæ actus evadat. Longa consuetudo parere quidem potest exceptionem legis cum ei populorum mores, & consensus legislatoris ita derogant vel omnino, vel ex parte, ut jus ea lege constitutum non amplius vigeat, neque ullam parendi afferat necessitatem. An quisquam superiorem rogat, ut eum lege solvat, quæ contraria consuetudine sublata est? Imo legis loco est ipsa consuetudo, quæ antiquo juri adversatur, eique tantum parere omnes debent. Sed dispensationum, quas vocant, longe dissimilis ratio est. Non enim per eas, ut sæpe concedantur, diuque concessæ fuerint, jus novum inducitur. Imo vero ea, quæ petitur & quæ conceditur dispensatio, vigentis, & confirmatæ legis monumentum est. Nam quiquis superiorem rogat ut lege solvatur, necessario fatetur, integram esse legem, quæ stulte & inutiliter solvi vellet, si ea esset antiquata; & superior quoties aliquem solvit, ejus quidem gratia legi derogat, sed legem ipsam confirmat, quæ obstrictos vult esse ceteros, quos ipse simili beneficio ac privilegio non solvit. Quod si specialis dispensatio non legem generatim abrogat, sed confirmat, *Ædipo* opus est conjectore, ut intelligatur, quomodo *justitiæ* actus evadere possit, ut quis parere non debeat legibus, quæ fixæ, certæque sunt atque omnibus constitutæ. At enim frequens usus beneficii, quod superior confert in unum, aut alterum, quem lege solvit, quasi vim consuetudinis obtinet, ita ut omnes ad simile beneficium obtinendum jus consequi videantur. Falso. Nam omnis dispensatio ex gratia & beneficio est: justitia postulat, ut lex quæ viget observetur; sed superior justis de causis hanc justitiam silere jubet, ut in unum, aut in alterum beneficium conferat. Itaque quotquot numero esse poterunt dispensationes, cum semper ex gratia & beneficio concedantur, semper gratiæ ac beneficii actus erunt, neque unquam justitiæ actus evadent; imo semper justitia erit obtemperatio legibus, nisi beneficium accedat supremæ Potestatis, per quam aliquis lege solvatur. Sed esto; fac sane actus, qui semper gratiæ ac beneficii sunt, ex longa consuetudine in actus justitiæ converti, ita ut omnes ad beneficium ac privilegium obtinendum jus consequantur. A quo beneficium ipsum impetrandum erit? Ab eo, qui semper dedit, quique longa consuetudine hanc sibi legem imposuit, ut quod semper largiri solet, jam amplius nemini denegare possit. Itaque totum hoc inventum dispensationum, quas vocant justitiæ, eo demum redibit, ut Sum. Pontif. jam omnibus concedere debeat benefi-

cium, quod longa consuetudo justitiæ actum facit; sed certe non efficiet, quod jus concedendi beneficium amittat Pontifex, qui illum semper dedit, acquirat autem qui nunquam eo jure potitus est. Si princeps certum aliquod beneficium in omnes conferat, si cunctos lege solvat, si longo usu fiat actus *justitiæ* qui pridem erat *gratia* & beneficii; an ideo magistratus inferior sibi etiam jus arrogabit exercendi actum, quem semper unus Princeps exercere consuevit? Sunt hæc plane nugæ. Revera ætate S. Anselmi jam obtinebat usus dispensationum, quæ a Sede Apostolica concedebantur, uti testatur Paschalis II Pont. *ep. 42 ad Anselm. col. 1003*, apud Labbeum *Collec. Concil. t. 12 edit. Venet.*, & tamen nullus unquam fuit Episcopus, qui sibi earum concedendarum potestatem arrogaret. Imo ipse Anselmus, qui Episcopus erat, eas a Summis Pontificibus Urbano II & Paschale II impetrandas curavit, uti patet *ex loco mox laudato*; & an. 996 Gregorius V in Concil. Rom. Robertum Regem deserere coegit Bertam consanguineam suam, quam in matrimonium acceperat, sacrisque interdixit Erchembaldum Archiep. Turonensem, ceterosque Episcopos, quorum consensu nuptiæ illæ conciliariæ fuerant, apud Labbeum *Collec. Concil. t. 11 col. 1029 can. 1 & 2 edit. indic. Sac. XII* tam crebro dispensationes a Sum. Pontif. concedebantur, ut S. Bernardus *de Consid. lib. 3 c. 4 opp. t. 2 p. 373 edit. Venet. 1781*, Eugenium III discipulum olim suum monendum putarit, ne quem tam facile lege solveret, & tamen nullus Episcopus propter eam dandam veniæ consuetudinem, jus illud sibi debitum contendebat. Imo cum frequentior esset dispensationum usus, omnis earum potestas Sedi Apostolicæ servata est in Concilio Lateranensi IV *Can. 19, 20, 57, 58 col. 42, 62 & 63 t. 7 col. Harduini*, ac tantum abfuit quod Summi Pontifices ex crebro illo dispensationum usu jus aliquod, aut aliquam necessitatem inductam putarint, ut plus semel rejecerint preces eorum, qui veniam postulabant. Ita Alexander IV qui an. 1258 a Galliarum Rege rogatus legem solverat de consanguinitatis gradibus, Waldemaro Svecorum Regi veniam dare noluit, per quam nuberet Sophiæ suæ ex fratre nepti; sed postea graviorebus expensis causis hanc ipsam veniam dedit, & ita nuptiæ illæ conciliariæ sunt, ut narrat Raynaldus *ad an. 1258 n. 20 et 1259 n. 19 p. 27 et 39 t. 2 ed. Luca. Clemens IV apud Martenium Anecd. t. 2 p. 537*, lege solvit ex justis causis filium Regis Siciliæ, non item filiam Alphonsi Regis, quam pater filium Balduini Imperatoris in matrimonio habere cupiebat, licet ipse fateatur, quod *larga esset retroactis facta temporibus diversarum effusio gratiarum*. Ejusdem generis exempla suppeditant Clem. VI & Innoc. IV apud Balutium *Miscellan. diplomat. t. 3 edit. Luca* itemque Joannes XXII, qui veniam, quam propter cognationis impedimentum Arragoniæ Rex ab se postulaverat, concedere noluit apud Raynaldum *ad an. 1329 n. 83 req. t. 5 ed. Luca*.

(3) Consule Benedictum XIV *de Synod. dioces. l. 9 c. 2*.

§. 122. Sunt tamen graviora quædam impedimenta, quæ tamen si divino aut naturali jure inducta non sint, tamen a Sum. Pontif. laxari non solent; & hæc spectat

consanguinitas in primo gradu, quæ videlicet est inter fratrem et sororem (1), affinitas in primo item gradu inter vitricum et privignam, publicum impedimentum criminis ex occisione conjugis cum adulterio (2). In certis impedimentis, quæ Ecclesiastici Juris sunt, Summus Pontifex ex justis gravibusque causis veniam tribuit (3). Quæ venia, sive dispensatio, ut vocant, vel publica, vel occulta est; illa pro utroque foro datur per *Datariam*, vel *Secretariam Brevium*; hæc per *Sacram Penitentiarum* pro interno tantum foro conceditur.

(1) Non convenit inter Theologos, iterque peritos juris Canonici, an matrimonium inter fratrem & sororem jure naturali divino vel humano prohibeatur. S. Thomas, Gonzalesius, Pontius, alii solam juris positivi prohibitionem agnoscunt.

(2) Confer Benedictum XIV in *ep. ad Ignatium Realem de Celebratione Missæ a sedente*, quæ extat in *Append. II t. 4 ejus Bullarii* §. 13, 14, 15 p. 7 et 8 *ed. cit.*

(3) Ita fidei catholicæ utilitas, timor apostasiæ, bonum publicum, studium avertendi mali, angustia loci, inopia mulieris indotatæ justam præbent causam, propter quam dispensatio concedatur. Sunt & aliæ similiter graves causæ, quorum judicium pertinet ad Sum. Pontif., a quo venia tribuitur. *Dataria* solet in diem dispensationes publicas concedere super consanguinitate, & affinitate, & spirituali cognatione, & publica honestate, & crimine adulterii, modo nulla fuerit in necem conjugis machinatio. Ceteræ dispositiones super aliis publicis dirimentibus impedimentis raro, atque ex causis gravissimis per secretariam Brevium conceduntur. Ex Cancellariæ Reg. 49 in litteris dispensationum super aliquo gradu consanguinitatis, vel affinitatis ea adjicitur clausula seu conditio, *si mulier rapta non fuerit*. Si raptor scienter nuptias cum raptâ contraxerit, ac veniam postulet, tunc alia adjicitur, *ex quaterno conditio, ut separentur ratione delicti, quoadusque arbitrio commissarii seu executoris Apostolici congruam egerint penitentia*. Confer Riganium *ad eandem Regulam* 49 *Cancellar.*, & confer etiam Gagliardum *Instit. jur. Canon. lib. 2 tit. 11 §. 5 num. 93 et seq.*

§. 123. Jamvero dirimentia impedimenta nuptiarum ad tria summa capita revocari commode possunt. Nuptiæ enim nullius momenti sunt, vel quod aliquis ad eas contrahendas aptus & idoneus non est; vel quod eas deceptus errore contraxit; vel quod in iis conciliandis non eum servavit modum, quem servare oportebat.

§. 124. Primum caput duplex est; nam quis vel ab omnibus universe, vel a certis tantum nuptiis arcetur. Irritæ sunt generatim nuptiæ impedimento vel corporis, vel

animi. Corporis impedimento tenentur, qui non satis progressus ætate est, et qui venerem exercere non potest: quorum vitiorum alterum *defectum ætatis*, et alterum *impotentiam coeundi* vulgus appellat. Impedimentum animi triplex est: ordo sacer, votum, ligamen. Quædam autem nuptiæ fieri non possunt propter cognationem, affinitatem, honestatem, delictum, cultus disparitatem. Caput alterum impedimentorum est error, siquidem personæ sit vel conditionis. Tertium modus, quo frustra ineuntur nuptiæ; si nimirum vi, si raptu, si clam, si cum iniqua conditione perficiantur. Singula partite, atque ordine expendenda sunt.

§. 125. Omnes, uti diximus, generatim nuptias propter corporis impedimentum inire prohibentur, quibus vel ætas tenera, vel imbecilla natura, vitiumque corporis cum conjugæ liberis operam dare non sinit. Fiunt maturæ viri mulieres anno decimosecundo, mares autem anno decimoquarto idoneam ad procreandos liberos ætatem consequuntur. Ante hoc tempus initum matrimonium irritum est; nisi malitia suppleat ætatem, hoc est impuberes dare operam liberis possint, et rem uxoriæ intelligant (2).

(1) Cap. 6, 10, 11 de *Desponsat. impuber.*

(2) Cap. 9 *eod.* Recte tamen animadverit Bened. XIV *Const. Magna nobis* 51 t. 2 *ejus Bullar. p. 249 edit. cit.*, Apostolicæ Sedis venia opus esse, ut recte matrimonium contrahat impubes, qui propter ætatem nondum corporum conjunctioni maturus est, sed tamen ita rationis usu valet, ut matrimonii contrahendi vim & naturam intelligat. Potest enim Episcopus judicare num malitia suppleat ætatem, sed non potest ei conjugium permittere, qui ad rem uxoriæ exercendam nondum aptus & idoneus est.

§. 126. Vitium corporis procul a matrimonio esse jubet adultos, qui vel natura, vel morbo ita sunt comparati, ut suum cum fœmina corpus nequeant commiscere; præterea mulieres, quæ ita habent obstructam viam, ut viriles conatus excludant. Quisquis tali hoc laborat vitio, modo perpetuum sit, et contractum ante matrimonium, frustra inire conatur nuptias, quæ jure ipso naturæ irritæ sunt (1). Stat enim vis matrimonii, quando impedimentum postea ortum est (2); et quando illum tolli humana opera, ac sine vitæ discrimine potest, et periculo est faciendum (3).

- (1) *Cap. 1 & 3 de Frigid. & malefic.* (2) *Can. 25 & 32 qu. 7.*  
 (3) *Cap. 5 de Frigid. & malefic.*

§. 127. Ut hoc impedimentum dirimat matrimonium, certum atque exploratum esse debet; ubi dubium sit, ad triennale experimentum confugiendum est. Scilicet triennii spatio simul conjuges agere vitam debent, nixque ad venerem periculum facere virium suarum. Lapsa triennio si omnes conatus inutiles fuerint, matrimonium dissolvitur, accedente jurejurando conjugum, ac septem propinquorum (1). Præsertim vero, cum de alterutrius conjugis viribus controversia est, inspicienda sunt corpora, quod in viris fit per chirurgos, in mulieribus per honestas, et fide dignas obstetrices (2). Omnes hi jurati confirmare debent, sese novisse mulieris, aut viri corpus minus aptum ad rem uxoriæ gerendam.

- (1) *Can. 2 cap. 35 qu. 1, Cap. 5 & ult. de Frigid. & malefic.*  
 (2) *Cap. 4 & 14 de Probat.*

§. 128. Animi sive voluntatis impedimento irritae sunt generatim nuptiae, si quis ante illas vel sacro ordine, vel religiosa professione, vel altero matrimonio sese obligavit. Sacros quidem ordines, vel ex voto, vel ex lege ecclesiastica, impedimento esse, quominus valeant matrimonia eorum, qui illis obstricti sunt, inter catholicos omnes constat (1). Nam continentes esse oportere majores clericos, ex ipsa Apostolica traditione intelligimus (2): et certe iis nunquam licuit uxores accipere (3). Verbum initio nullis opus fuit pœnis, quarum formidine clerici servare cogerentur officium, in quos eos prisca vivendi ratio, pura et incorrupta satis sua sponte retinebat. Constitutæ sunt ea de re pœnae annis consequentibus, cum depravati et corrupti mores clericorum hoc officium comminuere, et violare cœperunt (4).

- (1) *Concil. Lateranense II can. 7 & 8 t. 12 Concil. Collect. Labbei col. 1051 ed. Ven. & Trident. Sess. 14 de Sacram. matrim. can. 9.*

(2) De origine ac sanctitate cœlibatus, quem Majores Clerici servare debent, copiose disserint V. Cl. Franciscus Antonius Zaccaria duobus libris, quorum alter *Storia Polemica del Celibato Sacro* editus est an. 1774, alter *Nuova giustificazione del Celibato Sacro* &c. editus Fulginei an. 1785. His duobus libris egregie, ac diligenter expenditur quidquid ad hoc argumentum pertinet, ac pla-

ne evertuntur commenta, & sophismata liberculorum quorundam, qui adversus Sacrum Celibatum paucis ab hinc annis in Germania, atque alibi prodierunt.

(3). Canon Apostolorum 27 apud Cotelierum *PP. Apostol. t. 1 p. 445 edit. Amstelod. 1724*, quem canonem, & simul etiam *c. 17 l. 6 Apostolic. Constit. p. 350 l. c.* Græci corrumpunt, atque absurde detorquent, ut observat Cotelierus in *Nosis ad utrumque locum*, S. Epiphanius *Exposit. fid. catholic. c. 21, & Heres. 59 n. 4 t. 1 l. 2 p. 496 ed. Paris. 1622*, Justinianus *Novel. 22 c. 42 coll. 4 tit. 1, S. Hieronymus Contr. Vigilans. n. 2 opp. t. 2 col. 589 ed. Valarsii Veron.* Quibus ex locis intelligimus, eandem initio fuisse Orientalis atque Occidentalis Ecclesie sententiam, quod scilicet Maiores Clerici post sacros susceptos ordines matrimonium inire prohiberentur, quodque se in posterum matrimonii usu abstinere deberent, qui uxorem habebant, antequam sacros ordines acciperent. Vetustissimam hanc disciplinam Græci relaxare ceperunt sæc. VII, cum scilicet Synodus Trullana seu Quini-sexta habitata est. Nam hæc Synodus *can. 6* ratam quidem firmam haberi voluit antiquam disciplinam, per quam maiores Clerici post sacros ordines nuptias conciliare prohibentur, sed tamen *can. 13*. Subdiaconis, Diaconis, Sacerdotibus, non item Episcopis, permisit usum matrimonii cum uxoribus, quas antea duxerant. Huic autem novitati Trullani Patres præsidium querere studuerunt in antiquiori Canone Carthaginensi, in quo tamen nihil tale statutum est; sicuti post Fleuryum animadvertit doctissimus Zaccaria in opere *Nuova giustificazione del Celibato sacro &c. Diss. 2 cap. 2 p. 85*. Canonem hunc nunquam probaverunt Romani Pontifices, neque ut probarent, Græci Imperatores aut minis, aut blanditiis, & pollicitationibus efficere potuerunt, uti ostendit ipse Zaccaria *Storia Polemica del Celibato Sacro p. 159 & seq.*, sed tamen eum postea tolerandum putarunt; ut præciderent causam schismatis, ad quod Græcorum animi propensiores esse videbantur. Optandum vehementer esset, inquit Benedictus XIV, *Constit. 57 n. 26 t. 1 ejus Bullarii p. 103 edit. Roma seu Venet. 1754*, ut Græci in sacris ordinibus constituti, non secus ac Latini, castitatem servarent: *nihilominus ut eorum Clerici, Subdiaconi, Presbyteri uxores in eorum ministerio retineant, dummodo ante sacros ordines, virgines, non viduas, neque corruptas duxerint, Romana non prohibet Ecclesia*. Irritum tamen est matrimonium apud Græcos a Diacono vel Sacerdote contractum; & Sacerdos, qui uxorem habeat antea ductam, per hebdomadam, vel per triduum abstinere se ab usu matrimonii debet, antequam ad sacrificium conficiendum accedat, *Bened. XIV l. cit. n. 28*, Clemens VIII *Constit. 107 §. 5 t. 5 par. 2 Bullarii p. 75*. Pertinet etiam ad hunc locum *Constitutio 129* ipsius *Bened. XIV in cit. Bullar. t. 1 p. 312*, ubi multa sunt de uxoribus Cophtorum, qui in sacris ordinibus versantur. Ceterum de Subdiaconorum continentia non eadem semper fuit Ecclesie disciplina. Canones Apostolorum, Justinianus, Epiphanius *locis paulo ante indicatis* eadem, qua ceteros maiores clericos, continentie lege obstringunt Subdiaconos; verum Hieronymus *lib. c. tantum Episcopos, Presbyteros, Diaconos, non item Subdiaconos* memorat, qui matrimonii usu prohiberentur. Idem de Subdiaconis est



silentium in Decretalibus Siricii & Innocentii, atque in reliquis antiquis monumentis. Primus omnes Subdiaconos continentiz legi addixit S. Leo M. *ep. 14 c. 4 col. 687 t. 1 ed. Ballerin.*; verum hæc decretalis non ubique obtinuisse videtur. Nam Conc. Turonense I., quod postea habitum est, *can. 2 col. 794 t. 2 Collect.* Harduini clericos Diaconis inferiores continentiz lege non obstringit. Concil. Aurelianense III *can. 2 col. 1423 mox laud. tom. 2* continentibus vult esse Subdiaconos, at Concil. Aurelianense IV *can. 17 c. 1458 ibid.* tantum Presbyteros & Diaconos, non item Subdiaconos, quorum nullam mentionem facit. Romæ, cum Pontificatum teneret Gregorius M., Subdiaconi continentiam servare debebant, atque ipse utitur exemplo Sedis Romanæ *l. 1 ep. 44 t. 2 opp. col. 538 ed. Paris. 1705*, ut Subdiaconos Siculos eodem lege constringat.

(4) Extat ea de re decretum latum a Siricio an. 386 *in ep. 1 ad Himerium Tarracon. c. 6 & 7 apud Coustantium Epist. Pontific. Roman. col. 626 seq.*, atque hoc decretum postea confirmavit Innocentius I. *ep. 6 ad Exuper. Tolosan. c. 1 col. 790 seq. apud eundem Coustantium.*

§. 129. Votum, quod matrimonium dirimit, solenne votum est, conjunctum scilicet cum professione, quæ in probata Religione emissa fuit. Quod votum ab eo distinguitur, quo quis extra Religionem sese obligavit, quod votum simplex castitatis dicitur (1). Hoc enim minus licitum, non item irritum matrimonium facit (2); uti irritæ sunt nuptiæ eorum, qui religiosæ professionis voto, aut sacris ordinibus impediti ac devincti sunt (3). Sed Religiosa professio differt ab Ordinibus sacris, quoniam ea solvit etiam matrimonium antea contractum, modo ratum sit, non consummatum (4); verum sacer ordo tantum irritas facit nuptias, quæ post eum conciliatæ sunt (5).]

(1) Plerique sentiunt, distinctionem voti *simplicis ac solennis* Gratiani ætate primum inventam fuisse, deinceps ubique receptam, posteaquam ab eo descripta in Decreto fuit. Ego dabo non gravate, ea vocabula *simplicis & solennis* ea tempestate primum usurpari cœpisse; sed certe res ipsa, hoc est distinctio eorum, qui solemniter castitatem voverant, multo antiquior est. Mitto testimonia Hieronymi, Augustini, ceterorum, quæ Gratianus habet *can. 1, 22, 41 c. 27 qu. 13 & Canone 2, 4, 5, 9 dist. 27*, & ex quibus intelligimus, jam IV sæculo aliud fuisse votum, quod irritas, & aliud, quod non irritas nuptias efficiebat. Utriusque voti diversitatem luculentissime mihi quidem videtur proposuisse Siricus P., qui IV Ecclesiæ sæculo Pontificatu Maximo functus est. Is enim *ep. 10 c. 1 col. 688*, apud Coustantium *Ep. Roman. Pontific.* primo agit de *Virgine velata jam Christo, quæ integritatem publico testimonio professæ a sacerdote prece fuit benedictionis velamen accepit*. Hic sæpe locus pertinet ad professionem, quam

solemnem dicimus. Pergit continuo Pontifex, deque hac virgine dicit hæc: *sive incestum commiserit furtim, seu volens crimen protegere adultero mariti nomen imposuerit, tollens membra Christi, faciens membra meretricis &c.* Sane si hæc velatz virginis conjunctio incestum & adulterium, si ipsa mulier non uxor, sed meretrix appellatur, manifestum est, ejus nuptias irritas judicari. Hæc de virginibus velatis, quæ publicam aut solemnem professionem emiseraut, Siricius constituit; sed longe aliud habet de virginibus non velatis, quæ scilicet privatim castitatem voverant. Eas quidem pœnitentiæ subjicit, quod fidem fregerint, & *furtivam* vocat earum conjunctionem, sed eam tamen veri matrimonii ac nuptiarum nomine appellat. Inquit enim: *Item puella, quando velata est, proposueras sic manere, licet non sit in Christo velata, tamen quia proposuit, & in conjugio velata non est, furtivæ nuptiæ appellantur, ex eo quod matrimonii celestis præceptum non servaverit.* Hic quidem locus meo judicio satis aperte indicat discrimen voti simplicis & sollemnis, quorum alterum minus licitum, alterum vero irritum matrimonium efficit. Ex eodem hoc loco intelligimus, quam graviter errent, qui negant, per quinque priora sæcula irritas fuisse nuptias illorum, qui solemniter castitatem voverant. Nam eas Siricius avertissime irritas judicat, & consentit Innocentius I. ep. 2 ad *Videtricium* c. 12 col. 754 & seq., quem Innocentii locum Constantius in *Notis* diligenter exenndit.

(2) Cap. 4 & seq. Qui clerici vel vover. Concil. Trident. Sess. 24 can. 9 de Reform. matrim.

(3) Cap. un. de Vot. in 6.

(4) Cap. 2 de Convers. conjug.

(5) Extrav. un. Joannis 22 de Vot.

§. 130. Pertinet etiam ad generalia impedimenta matrimonium antea cum alia muliere, virove contractum, quod impedimentum ligamen dicitur. Nam qui obstringitur vinculo primi matrimonii novis se nuptiis obligare non potest, cum divino jure vetitum sit plures simul habere uxores (1); ideoque apud Christianos novæ nuptiæ conciliari non possunt, nisi primum de conjugis morte certus nuntius allatus sit (2).

(1) Conc. Trid. Sess. 24 can. 2 de Sacram. matrim. & huc spectat Decretal. titul. de Sponsa duorum. (2) Cap. 19 de Sponsali.

§. 131. Nunc a generalibus impedimentis ad particularia veniamus. Sunt igitur qui non omnes, sed aliquas in specie nuptias inire prohibentur, atque id quinque de causis, quarum prima est cognatio, quæ triplex est, naturalis, legalis seu civilis, spiritualis. Cognatio naturalis vinculum est personarum, quæ per generationem ab eodem propinquo sti-

pite descendunt. Stipes est ille, a quo procedunt ii, de quorum cognatione quaeritur.

§. 132. Distribuitur cognatio in lineas, lineae in gradus. Linea series est personarum sanguine junctarum; gradus sunt intervalla harum personarum, quibus tamquam punctis linea conficitur, & quibus noscitur, quae persona stipiti propinquior sit. Linea vel recta est, quae genitores & genitos continet; vel transversa & obliqua, qua comprehenduntur, qui ex latere juncti sunt. Cum hi pari gradu distant a stipite, linea transversa æqualis est: cum distant gradu dispari, nimirum alter altero remotior est, inæqualis dicitur. Ita fratres & sorores, qui æqualiter a patre distant, itemque horum filii, qui similiter paribus intervallis ab avo sejunguntur, in linea æquali sunt; patruus & fratris filius in linea inæquali versantur; quoniam alter sursum, alter deorsum fertur, & ille ad communem stipitem proprius accedit.

§. 133. Jure civili una & perpetua regula in omnibus lineis gradus numerantur, scilicet *generata persona gradum adjicii* (1), sive tot gradus, quot generationes sunt. Retinent hanc eandem regulam S. Canones in linea recta, nisi quod generationum loco personas usurpant, & ita, quot, dempto stipite, personæ sunt, totidem gradus numerant. Quare filius patri est primo gradu junctus, quoniam una hic generatio, sive una, dempto stipite, persona est, nepos ab avo distat secundo gradu, quoniam duæ generationes, sive duæ, sublato stipite, personæ sunt. Sed in numerandis gradibus lineæ transversæ alia est Juris Civilis, & alia Canonici Juris ratio. Nam jus civile subjicit iisdem legibus & rectam, & transversam lineam; & ideo lateris utriusque generationes numerat.

(1) §. 7 *Inst. de Gradib. cognat.*

§. 134. At canones tot gradus constituunt, quot personæ in uno tantum latere reperiuntur; & in linea æquali collaterales inter se sunt eo gradu, quo distant a stipite communi, in inæquali eo gradu, quo a stipite remotior distat (1). Nimirum canones ex uno latere ascendunt ad stipitem, unde collaterales originem ducunt, atque hic subsistunt; civiles leges descendunt etiam ad aliud latus, & in utro-

que colligunt generationes omnes quotquot sunt, atque ex singulis singulos gradus efficiunt. Itaque secundum canones etiam cognatio collateralium incipit a primo gradu, in eoque sunt fratres, & sorores; verum hic gradus jure Civili secundus gradus est. Ecclesiastica illa ratio numerandorum graduum obtinet in matrimoniis, at in hæreditatibus adhuc ex jure civili gradus æstimantur (2).

(1) Initio canones in numerandis gradibus lineæ transversæ Juris Civilis regulam retinuisse, putat Cuiacius *ad tit. de consanguinit. & affinit. opp. t. 6 col. 1034 ed. Musin. an. 1779*. Verum est sane vetus Ecclesiastica illa regula a civili distincta, eamque diserte memorat Gregorius M. qui certe (utut alia quibusdam sententia sit) auctor est *ep. 64 ad August. l. 11 opp. t. 2 col. 1150 edit. Paris. 1750*, quæ descripta est in *Can. 101 c. 55 qu. 2 & 3*. Inquit enim, *terrenam legem in Romana Republica nuptias consobrinorum permittere: sed ipse vetat has nuptias, tamquam in secunda generatione contractas, atque Anglis matrimonium in tertia aut quarta generatione permittit*. Ergo Gregorio Pontifice consobrini erant in secundo gradu, quæ omnino Juris Canonici regula est; neque ipsis licebat nuptias inter se conciliare. Atque hac quidem ætate editum jam erat Jus Justinianum, quod nuptias inter consobrinos permittebat *§. 4 Instit. de Nupt.* Non enim assentior iis qui hoc Institutionum loco adijciendam putant negantem particulam, quoniam ita sensum reddidit Theophilus, qui jura expressit, quod post Justinianum in Oriente indutum est. Et certe vulgata lectio, quam veteres Interpretes, & Glossa sequuntur, legit *affinitate*; sicut & editiones Haloandri, Russardi, Contii, Carondæ, Cujacii. Arque hoc quidem jus de nuptiis consobrinorum comprehensum Institutionibus consentaneum est Arcadii & Honorii constitutioni in *L. 19 C. de Nuptiis*, si integra hæc lex illorum revera est, quod negat Contius *Subiectio. l. 1 c. 9 p. 12 ed. Neap. 1725*, per quam legem abrogata est antiquior Constitutio Theodosii M., qua vetantur inter consobrinos matrimonia. Sed de civilibus legibus, quæ ad nuptias pertinent consobrinorum, deque illa, quam memoravi, Theodosii constitutione disputant Consius *loc. cit. lib. 2 c. 1 p. 19*, Jacobus Gothofredus in *Cod. Theodos. Leg. 1 tit. 10 & Leg. 3 tit. 12 l. 3 t. 1 p. 350 & 341 ed. Lipsiæ 1736*, Harprechtus in *Instit. l. 1 t. 10 §. 4 Fl. Florens*, cujus ea de re peculiaris disputatio est *de Nuptiis consobr. prohibet. opp. t. 1 p. 389 ed. Norimb. 1756*. Nunc eo redeamus, unde discessimus. Post Gregorium Zacharias Pontifex in *can. 4 c. 55 qu. 5* similiter ecclesiastica regula utitur in numerandis gradibus cognationis; denique Alexander II in *can. 3 c. 55 qu. 5 novum & inauditum* vocat errorem illorum, qui germanos fratres ac sorores in secunda generatione esse asseverant, atque ait, in Lateranensi Concilio *diu ventilatum, legibus & sacris canonibus deprehensum fuisse, ob aliam, atque aliam causam, alteram fieri canonum computationem*. Quæ Alexandri constitutio per se ipsam refutat Van-Hespenium *Jus Ecclesiast. par. 2 tit. 13 c. 5 n. 10*, qui Ecclesiasticam illam regulam numerandi gradus sæc. XI

*nondum ubique receptam, nec extra questionem fuisse arbitratur.* Nam eos, qui unam, eandemque esse aiebant juris utriusque regulam, Alexander *legum et canonum imperitor* vocat, & facere inquit *contra sacros canones et ecclesiasticum morem*, eorumque errorem novum esse & inauditum. Ex quibus facile intelligitur, jam ea ætate ecclesiasticam illam regulam exploratissimam ac receptissimam fuisse. Cum Van-Espenio sentit Dominicus Cavallarius *Instit. Jur. Canon. part. 2 c. 21 §. 8.*

(2) *Cit. Can. 2 cap. 34 qu. 5.*

§. 135. Jam vero inter illos, qui in linea recta sunt, sive inter generatos & genitos, matrimonium esse nunquam potest, quocumque vel remotissimo gradu inter se distent. Natura enim ab hujusmodi nuptiis abhorremus, & officia conjugum non bene congruunt cum officiis, quæ liberos parentibus tribuere oportet (1). Sed in linea transversa Jus Canonicum nuptias vetat usque ad quartum gradum, gradu ipso comprehenso (2); Jus Civile ad quartum quoque gradum producit interdictum suum; sed gradum ipsum excludit (3). Itaque Jus Civile nuptias probat consobrinorum, quos collocat in quarto gradu. At Canones improbant has nuptias, non solum quod & quartum gradum interdicto comprehendunt, sed etiam quod revera ipsi consobrini in secundo gradu sunt (4).

(1) Ascendentium, & descendantium nuptias jure ipso naturæ vetitas esse ferme inter omnes constat. At in linea transversa tantum jure ecclesiastico interdictas nuptias multi sentiunt; contra vero alii etiam primum gradum lineæ transversæ ad juris naturæ interdictum pertinere arbitrantur, quoniam naturalis pudor nuptias inter sorores & fratres vetare videtur.

(2) Olim cognationis impedimentum ad septimum usque gradum producebatur *can. 1 et 19 c. 55 qu. 2*, Nicolaus II *Decret. 13*, apud Balutium *Miscellan. sacr. t. 2 p. 119. edit. Luca 1761*. Sed cum tam late patens impedimentum sine gravi incommodo observari non posset, Innoc. III *in c. 8 de Consanguinit.* illud coercuit ad quartum gradum, eoque jure nunc utimur.

(3) §. 4 *Instit. de Nuptiis.*

(4) Vetus est regula canonum de nuptiis inter consobrinos vetitis. Nam eam, præter Gregorium M., cujus paulo ante indicavi locum, memorat etiam Concil. Agathense an. 506, *can. 61 t. 5 Concil. Collect.* Labbæi *col. 531 ed. Venet.*, Turonense II an. 567, *can. 21 t. 6 Concil. col. 544*, Gregor. II *Decret. 8* apud Pithæum *Cod. Can. Eccles. Roman. p. 300 ed. Paris. 1687*. Atque ea quidem ætate, uti demonstrarum supra est, Jus Civile consobrinorum nuptias permittebat. Abrogat tamen hoc jus Ecclesia, & ita declarat, jus constituendi dirimentia impedimenta ad se pertinere. Nolo autem hic omittere præclarum Ennodii Ticinensis locum, ex quo patet, jam inde a V & VI sæculo (nam Ennodius obiit an.

521) omnes de matrimonio, deque cognatione controversias ad Sum. Pontif. deferri consuevisse. Ipse enim *op. 24 l. 5 in Biblioth. PP. t. 9 p. 345 edit. Lugdun.* inquit: *Divinis tamen legibus cognationem indiculo comprehensam in Matrimonio licere sociari, sine dubitatione notariis. Sed continuo ad Urbem Romam homines meos dirigo, exalturus a venerabili Papa super hac parte responsum, ut unum vestrum potioris præcepti firmet auctoritas.*

§. 156. Præter cognationem ex sanguine, etiam civilis & spiritualis cognatio irritas nuptias facit. Civilem cognationem a Jure civili inventam probarunt, atque acceperunt Canones (1); eaque ex adoptione oritur, triplexque est. Prima diffunditur per lineam rectam ascendentem & descendantem adoptantis, & adoptati (2); altera obtinet in linea transversa inter adoptatum, & filias legitimas ac naturales adoptantis sub patria potestate manentes; quod impedimentum tollitur, vel soluta adoptione, vel filio emancipato, quoniam his modis solvitur vinculum, unde impedimentum oriebatur (3). Denique affinitatis similitudine oritur etiam impedimentum nuptiarum inter adoptantem, & uxorem adoptati, similiter iuter adoptatum & uxorem adoptantis (4).

(1) *Can. 1 c. 30 qu. 3 cap. unic. de Cognat. legal.* Integrum ab Jure civili Ecclesia hoc impedimentum accenit, neque aliquid in eo mutavit, hinc Cujacius in *Tit. Decretal. de Cognat. legal. opp. t. 6 col. 1078 ed. Mutin. 1778* monet, nunc etiam civilem fraternitatem nuptias dirimere.

(2) §. 2 *Instit. de Nuptiis.*

(3) *L. 55 ff. de Ris. nupt.*

(4) *Leg. 14 ff. de Ris. nupt.*

§. 117. Spiritualem cognationem parit Baptismus, & Confirmatio (1). Vetus est Ecclesiæ doctrina, qua veluti pater habebatur, qui aliquem Baptismo donaverat, aut in Christo instituerat, & de sacro fonte susceperat. Sed nullum inde impedimentum initio oriebatur, adeo ut ipsi parentes filios suos de fonte susciperent (2). Lapsu temporum hoc impedimentum inductum est, & late etiam propagatum, adeo ut ad instar consanguinitatis, adoptionis, suscipiens ex sacro fonte, ejusque filii, neque cum suscepta, neque cum ejus cognatis nuptias conciliare possent (3). Verum Tridentini Patres, quod experti didicerant, nimis late patente cognationis spiritualis impedimento sæpe per errorem matrimonia contra jus fieri, quæ nec sine peccato stabant,

nec sine offensione dirimebantur, statuerant, cognationem spiritualem tantum comprehendere suscipientem, & baptizatum, huiusque patrem ac matrem, itemque baptizantem et baptizatum, atque huius patrem ac matrem, præterea neminem. Quod ius etiam obtinet in Confirmatione (4).

(1) Solum Baptismum memorat Iustinianus in *Leg. 6 Cod. de Nuptiis*, Concil. Trullanum *can. 5*, apud Labbeum *t. 7 col. 1371 edit. Venet.*, Nicolaus I. in *can. 1. t. 30 qu. 3*. Verum Confirmatione contractam cognationem ponit Concil. Compendiense an. 757 *can. 12* apud eundem Labbeum *t. 8 col. 452*, non *Vermeriensis*, seu apud *Vermerias*, uti habet Gratianus *can. 2 cap. 30 qu. 1*, qui quidem Compendiensis Concilii canon. extat etiam in Capitularibus Caroli M. & Ludovici Pii *l. 5 c. 7*, apud Balutium *t. 1 col. 553 ed. Venet. 1772*. Diserte autem Bonifac. VIII in *c. ult. de Cognat. spirit. in 6*, hoc impedimentum memorat. Interim ex iis, quæ mox collegimus, monumentis intelligimus, antiquissimum esse, & multo ante quam in Decretalibus describeretur, ab Ecclesia agnatum, ac probatum spiritualis cognationis impedimentum. Quod etiam ostendit Gregorius II *Decret. 4*, apud Pithæum *lqco mox indicato*.

(2) 6. August. *ep. 93 ad Bonifac. t. 2 col. 265. n. 6 ed. Venet. 1729*.

(3) Consule Gratianum *caus. 30 quest. 3 & 4*.

(4) Concilium Tridentinum *Sess. 24 cap. de Reform. matrim.*

§. 158. Est & alia nuptiarum prohibitio inducta ex maris & feminae conjunctione; per quam duæ cognationes copulantur, & inde affinitas oritur (1). Leges civiles tantum ex maritali, canones etiam ex vetita conjunctione affinitatem repetunt (2). Quod affines ab affinibus non generantur, nulli proprie gradus inter eos sunt (3). Verum exemplo cognationis etiam affinitatis gradus recepti sunt; & ideo quo gradu quis est cognatus viro, eodem est affinis uxori, & contra (4). Affinitas orta ex nuptiis matrimonium impedit eo modo, quo cognatio; perpetuo scilicet in linea recta ascendentium & descendentium; in linea transversa usque ad quartum gradum (5); orta vero ex vetita corporum commixtione tantum primum, atque alterum gradum comprehendit (6). Contrahit autem affinitatem sola uxor cum viri consanguineis, & solus vir cum consanguineis uxoris; verum nulla inter utriusque consanguineos affinitas intercedit (7).

(1) Affinitatis impedimentum ecclesiastica lege constitutum initio fere sæculi IV habet in Concilio Neocæsariensi *Can. 2*, apud *Devoti. Tom. II.*

civ. Labbæum *l. 1. col. 1511*. Huius quoque impedimenti diserta mentio est in *can. 61. Concilii Eliberitani*, quod habitum est an. 305, apud Labbæum *l. 1. col. 999*. Itaque vehementer errant, qui huius impedimenti originem repetunt a Iure Civili, nimirum *L. 2. Cod. Theodor. de Incest. nups.*, apud Gothofredum *l. 1. p. 337*, quæ quidem lex lata est. an. 355.

(2) *Can. 10 c. 35 qu. 2 Cap. 8 & 10 de go qui cogn. consang. uxor.*

(5) *Consule Cuiacium ad tit. de Consang. & Affin. opp. l. 5 col. 1034 edit. civ.*

(6) *Leg. 10 ff. de Grad. & affin.*

(5) *Cap. 1 de Consang. & affinit.*

(3) *Conc. Trident. Sess. 24 c. 6 de Reform. matrim.*

(7) *Cap. 5 end.* Ius civile vetat etiam conciliari nuptias inter vitricum, & uxorem privigni *Leg. 15 ff. de Rñ. Nuptiar.*, verum huius legi derogatum est a Iure Canonico in *Cap. 8 de Consanguin. & affinit.*, uti ostendit Bened. XIV. *de qn. dioces. l. 9 c. 13*. Confer etiam Cuiacium in *tit. de Consang. & affinit. opp. l. 6 col. 1835 ed. Mutin. seu Venet. 1778*.

§. 139. Tertium particulare impedimentum est publicæ honestas, hoc est reverentia certis personis debita, quæ facit, ut si quis cum aliqua matrimonium ratum, non consummatum, aut etiam sponsalia contraxit, quæ certa ac pura, hoc est sine conditione, & valida sint (1), cum consanguineis uxoris usque ad quartum gradum, cum consanguineis sponsæ usque ad gradum primum, matrimonio jungi vetetur, ac si jungatur, nihil agat (2).

(1) Etiam sponsalia irrita, modo non deeret consensus, publicæ honestatis impedimentum patere Bonifacius VIII constituit in *Cap. un. de Sponsal. in 6*. Verum Concil. Trident. Sess. 24 *de Reform. matrim. cap. 3*, sustulit impedimentum honestatis ex sponsalibus quævis ratione nullis; quam Tridentinam legem tantum ad sponsalia de futuro pertinere, declaravit S. Pius in *Constit. ad Roman. 85 in Bullar. Rom. ult. t. 4 par. 3 p. 18*.

(2) Publicæ honestatis impedimentum tamquam receptum inventum Hæretici reprehendunt, atque eorum e numero Henricus Brouvetus *de Jure connub. l. 2 c. 16* plura de hoc impedimento, præter verum atque honestum, dicit, atque illud primum a Bonifacio VIII exceptatum purat. Verum multo ante Bonifacium huius impedimenti diserta mentio est in *can. 14 & 15 c. 27 qu. 2*, quin etiam IV sæculo Siricius *ep. 1 ad Himer. cap. 4*, apud Constantium *col. 628*, vetat generatim, ne quis alterius sponsam uxorem accipiat: ac plane falsum est, sciuti Iuveninus observat *de Sacram. diss. 10 qu. 7 c. 9*, decretum, quod ex Benedicto Pontifice Brouvetus rechat. Quin impedimenti publicæ honestatis vetus origo est; non obscure expressa in Iure civili, uti late ostendit Alexius Symmachus Marochius *Distrib. 1 in Can. Illiberit. 56 n. 15 & Not. 8 p. 255 et seq. edit. Roma 1766*. Fit sane laudat vir doctus *Leg. 12 §. 1, Leg. 24 §. 4, Leg. 40 ff. de Rñ. nups. et §. 1 Insit. ut. de Nups.*, additque præterea Alexii Comneni constitu-



tiones 3 & 4, apud Gothofredum in *Corpi jur. civ.*, quibus in locis de publica honestate agitur disertissimè. Itaque hoc impedimentum in remotissimâ Ecclesiâ antiquitate fixas habet radices; imo nunc etiam magna ex parte mitigatum est, cum antea quantum gradum comprehenderet, nunc a Synodo Tridentina coercitum sit intra primum gradum, si ex sponsalibus; intra quartum, si ex matrimonio rato procedat; tantum abest, ut conqueri Brouverus, alique hæretici possint, inventum hoc impedimentum fuisse ambitu et cupiditate Summ. Pontif., ut suam latius jurisdictionem, potestatemque explicarent.

§. 140. Sequitur impedimentum criminis, quod duplex est: adulterium, & homicidium. Adulteram nubere adultero vetat Jus Civile Romanorum (1); quod quidem jus initio etiam Ecclesiæ fuisse videtur (2). Sed nunc adulterium tantum matrimonium dirimit; si adulter & adultera, vel eorum alter in innocentis uxoris, vel mariti mortem conspiraverint, ut nuptias inter se conciliarent, vel vivo adhuc alterius conjuge, patratum sit adulterium, ac simul mutuo data futuri matrimonii fides, cum alter alterius nuptias non ignorat (3). Homicidio quoque dirimitur matrimonium; nam si quis alterius conjugem interfecerit, nuptias iniire non potest cum altero conjuge, qui superstes est, modo & ipse in hanc mortem conspiraverit (4).

(1) *Leg. 11 §. 11, et Leg. 40 ff. ad Leg. Jul. de Adult., Novell. 234 cap. 7 col. 9 lit. g.*

(2) *Can. 1 cap. 31 qu. 1*, qui canon a Gratiano tribuitur S. Leoni M., sed revera desumptus est ex Conc. Triburiensi an. 895 *can. 51*, apud Labbeum t. 11 *Concil. col. 655*. Idemque habet Conc. Altheimense apud eundem Gratianum *can. 3 ibid.* Canon autem 2 *sod. c. et qu.* qui excerptus est ex S. Augustino de *Nupt. et concupiscen. c. opp. 10 t. 13 col. 555 edit. Maurin. Venet. 1768*, longe aliam, ac interpretum vulgus putat, habere significationem, ostendit Sebastianus Berardus *Gratiani canones etc. par. 3 c. 19 p. 510 edit. Venet. 1783*. Porro solum adulterium initio irritum fecisse videtur matrimonium; sed Gratianus antiquos canones arctavit iis conditionibus, quas descripsit post cit. *can. 3*, si adulter nihil in mortem viri machinatus fuerit, vel si vivente viro fidem adultera non dedit, si sumpturum eam sibi in conjugem, si viro ejus superviveret. Jus idem hoc constitutum est in *c. 6 et pen. de Eo qui dux. in matrimon. quam polluit per adult.* Conditiones illas a Gratiano descriptas minime necessarias habuisse videtur Alexander III in *c. 1 sod.*, uti intelligitur ex eo, quod utitur verbo *maxime*, sed eas ut necessarias agnovit Innoc. III in *d. c. 6*. Quare simplex adulterium sine conspiratione in conjugis necem, aut sine data matrimonii fide dirimens impedimentum non inducit. Confer Bened. XIV in *Constit. Reddita 113 t. 1 ejus Bullar. §. 15 et seq. pag. 279 edit. Romæ seu Venet. 1754*.

(3) *Cap. 1<sup>o</sup> et 7. De eo qui dux. in matrim. quam possit per adulter.*

(4) *Cap. 1<sup>o</sup> de Convers. infidel.*

§. 141. Cultus diparitas matrimonio jungi vetat baptizatos, & non baptizatos. A primis Ecclesiæ sæculis semper interdictæ fuerunt Christianorum nuptiæ cum Judæis & infidelibus, quoniam eas contrahere idem videbatur, ac prostituere membra Christi cum gentilibus (1). Verum Christiani, qui tales nuptias conciliabant, tantum violatæ disciplinæ rei erant, pœnisque subiciebantur: at nulla Ecclesiæ lex erat, quæ illas infirmaret. Quin talium nuptiarum occurrunt exempla celeberrima, qualia sunt S. Monicæ & S. Clotildis, quarum altera Patricium, altera Clodovæum Francorum Regem, utrumque ethnicum virum habuit. Postremo consuetudine, ut videtur, inductum, ac lege ecclesiastica sancitum est, ut fidelium conjugia cum infidelibus irrita habeantur (2). Matrimonia Catholicorum cum Hæreticis improbat Ecclesiæ, sed ea tamen consistunt; quin etiam interdum a Sede Apostolica ex justa causa, certisque adjectis legibus permittuntur (3).

(1) S. Cyprianus *de Laps.* p. 88 *edit. Amstelod.* 1700. Vide etiam Concil. Eliberitanum *can. 15, 16, 17 col. 252 t. 1*, Chalcedonense *can. 14 col. 607*, Agathense *can. 67 col. 1005 t. collect.* Harduini; & Gratianum *tot. c. 28 quest. 1*. Neque cum infidelibus solum, sed etiam cum hæreticis Catholicorum matrimonia damnat Ambrosius *in cap. 15 c. 28 qu. 1*; Synodus Agathensis *in can. 16 loc. cit.* misceri vetat connubia cum hæreticis: nisi proficiantur, Christianos esse futuros & catholicos. Jus Græcorum in his matrimoniis constitutum explicat Synodus Trullana *can. 72*, quem in locum vide Balsamonem & Zonaram apud Beveregium *Pandect. can. t. 1 p. 241 seq. ed. Oxon.* 1672.

(2) In sacris literis nihil est, ex quo necessario inferri debeat, jure divino, ac præcepto positivo vetita esse fidelium cum infidelibus matrimonia; secluso subversionis periculo, quilibet omni jure hujusmodi conjugium inire prohibetur. S. Augustinus *l. de Fid. & oper., c. 19 opp. t. 11 col. 550 ed. Maurin. Ven.* 1767. S. Cyprianus inter malos Christianorum mores recensere testatur *ungere cum infidelibus vinculum matrimonii*, quod nihil aliud esse assererat, quam prostituere gentilibus membra Christi; qua nostris temporibus, pergit ipse Augustinus, jam non putantur esse peccata, quoniam reuera in novo testamento nihil inde præceptum est; & ideo aut licere creditum est, aut velut dubium derelictum. Quod etiam confirmat *de Conjug. adulterin. lib. 1 c. 25 t. 8 col. 1746*: Non enim, inquit, tempore testamenti revelati novi, in Evangelio, vel ullis Apostolicis literis sine ambiguitate declaratum esse recolo,

utrum Dominus prohibuerit fideles cum infidelibus jungi. Itaque hoc impedimentum ex vetusta consuetudine, ac lege Ecclesie videtur repetendum. Consule Tournelyum *Præf. lib. de Sacram. matrim. qu. 3 art. 2*, & Iueninium *de Sacram. matrim. dist. 10 qu. 7 c. 6 art. 2*.

(5) Late ea de re agit Bened. XIV in *Const. Matrimonia* §4 t. 1 ejus Bullar. p. 55, & in *Constit. Magna* §1 t. 2 p. 247 ed. Rom. seu Ven. 1754, ubi etiam antiquiores Sum. Pont. constitutiones indicantur.

§. 142. Caput alterum impedimentorum, uti supra diximus, error est. Non omnis error, qui in nuptiarum contractum incidit, eas irritas facit, sed ille, qui personæ, dicitur, cum videlicet is, cum quo contrahitur, alius revera est, ab eo, qui creditur (1). Quo naturali rationi consentaneum est cum, in id, quod ignorat, consentire nemo possit. Error, qui dicitur fortunæ aut qualitatis, nihil officit, cum non pertineat ad vim intimam, sive ad substantiam contractus (2); nisi error qualitatis in personam redundet (3). Itaque valent nuptiæ, cum quis uxorem accepit inopem, ignobilem & inelegantem, quam divitem, nobilem, elegantem putabat.

(1) *Tot. caut. 28 qu. 8*.

(2) *Cap. 27 de Sponsal. & Matrim., Leg. ff. de Contrab. empt.*

(3) *Confer S. Thom. in 4 sentent. dist. 29 & 30 quæst. 1 art. 2 ad 5.*

§. 143. Sed & ignorata quoque servilis conditio nuptiis impedimento est; & ideo non valet matrimonium ab homine libero contractum cum ancilla, quæ libera habebatur (1). Civiles leges nullas servorum nuptias, sed tantum confuberhia agnoverunt (2); & canones initio desiderasse videntur consensum dominorum, ut nuptiæ ille ratæ firmæ haberentur (3). Sed nunc valent matrimonia servorum, invitis dominis contracta (4); & etiam valet matrimonium liberi hominis cum ancilla, modo ipse ejus servitutem non ignoraverit (5).

(1) *Cap. ult. de Conjug. servor.*

(2) *Leg. 3 C. de incest. & inutil. nupt.* Consule Härprechtum, & ceteros interpretes in tit. institut. de Nupt.

(3) *Can. 8 cap. 29 qu. 2.*

(4) *Cap. 1 de conjug. servor.*

(5) *Can. 2, 4 & seq. c. 29 qu. 2 c. 2 de Conjug. servor.* Van-Espenius, cujus mira in fingendis epochis confidentia est cum parl rerum

ignoratione conjuncta, *Int. ecclesi. par. 2 tit. 15 c. 5 n. 9*, affirmare non dubitat, Gratianum nixum falgo Decreto Julii Pontificis in *can. 1 c. 20 q. 2*, primum adhibuisse distinctionem inter *scienter*, & *ignoranter cum personis servilis conditionis contrahentes*, eam accepisse Summos Pontifices, cum ea de re Decretales ediderunt, atque ita inductum fuisse hoc impedimentum restrictum ad causam, quo circa conditionem servilem error intervenit probatur. Sed ut paucis in explicationem, atque hominis errorem patefaciam, dabo Concilia deo, quae multo antiquiora Gratiano sunt, scilicet Vermeriense, quod an. 752, & Compendiense, quod an. 757 habitum est. Duobus his Conciliis proponitur disertissime ea distinctio, quam Van-Hespius a Gratiano excogitatam putat. Fm Vermeriensis Concilii verba *can. 13*, apud Labbeum t. 8 *Concil. col. 403*. Qui scit uxorem suam ancillam esse, & accipit eam, eo unius, semper postea permaneat cum ea. Clariora sunt etiam Compendiensis Concilii verba *Can. 5 col. 451 ibid.* Si P. ancus bonis accepit mulierem, & sperat quod ingenua sit, & postea invenit, quod non ero ingenua, dimittat eam, si vult, & accipiat altam. Similiter et famina ingenua, & sciebat hunc quod servus erat, habeat interim quo vivit. Una lex est viris & feminis. Habes hic disertissime propositum, explicatumque discrimen inter *scienter*, & *ignoranter cum personis servilis conditionis contrahentes*. Eadem jurisprudentia est in Capitular. Reg. Francorum l. 5 c. 20 s. 4 *col. 554 edit. Baluzii Vener. 1772*, eadem apud Burchardum l. 9 c. 27 & eadem apud Ivonem *par. 8 c. 52 & 65*. Vides igitur Van-Hespii errorem; sed & aliis similibus, atque gravius referuntur est indigestum illud opus, quod equidem non intelligo, quomodo a quibusdam tantopere laudari possit.

§. 144. Postremum caput impedimentorum pertinet ad formam atque rationem, qua nuptiae conciliantur. Principio nullum est matrimonium; quod vi adhibita, illatoque metu contractum fuit; cum omnem consensus libertatem postulet nuptialis consociatio, quae semel rite inita amplius dissolvi non potest. Verum, ut vis, indeque ortus metus irritum matrimonium faciat, debet esse gravis, & quo vir fortis & constans afficiatur (1); praeterea ab homine injuste illatus esse debet, quia si quem Iudex metu pernarum cogat nubere puellae, cui stuprum intulit, justus hic metus est a legis imperio procedens, & ideo nuptiae consistunt (2). Est autem iudicis in-tem expendere, gravis ne sit, an levis & iuhanis (3); ac saepe novo, liberoque consensu conyalescit matrimonium, quod irritum metus fecerat (4).

(1) *Cap. 6, 15 et 28 de Sponsal. Cap. 2 de eo qui dux. in matrim. quam poll. per adulter.*

(2) *Cap. 1 de Adulter. et stupr. C. 10 de Sponsal. et matrim.*

(5) Consile Fagnanum *in c. Consultation. de sponsal. n. 12.*

(4) C. 21 *de Sponsal. et matrim.* Vide Fagnanum *in c. Ii qui de Sponsal. n. 44*, ubi habes ea de re editam a S. Pio V. declarationem.

§. 145. Eadem est causa raptus, qui vetat consistere matrimonium, quod inter raptorem, & raptam contractum fuit. Mulier enim per vim abducta, ac raptoris imperio, aspectuque truci perterrita, non videtur sponte in nuptias consentire. Atque antiquis quidem legibus nunquam ipsa raptori matrimonio conjungi poterat (1); sed nunc potest, si a raptoře separata, atque in loco tuto constituta libere assentiat; quia procul est metus, qui suum mulieri arbitrium & liberam voluntatem adimebat (2).

(1) *Can. 11 c. 36 qu. 2.* Vide etiam Codicem Theodosianum l. 9 tit. 54 *de Raptu virgin. vel viduar.*; L. g. 1, et L. g. unic. *Cod. Justinian. sed. 115.*; & Capitularia Regum Franc. l. 6 c. 69 t. 1 col. 627 *ed. Bassueti Venet. 1733.* Concilium Chalcedonense *Can. 27 t. 4, Concil. collect. Labbai col. 1691 ed. Venet.* Eor, qui nomine conjugii mulieres rapiunt, vel opem ferunt, ac consentiunt iis qui rapiunt, si sint quidem clerici, proprio gradu excludere jubet; si autem laici, anathematizari.

(2) Concil. Trident. *Sess. 24 c. 6 de Reform. matrim.*, c. 7 *de Raptor.* Cestum propro est, raptum violentet patratum dirimens impedimentum inducere; sed non ita exploratum omnibus est, num idem impedimentum oriatur etiam ex raptu seductionis, ut vocant, cum scilicet mulier dolo, aut illecebris decepta est. Affirmant. Pournelyus *Tractat. theol. de Sacram. matrim. qu. 8 art. 1, collectas Instit. theol. t. 9 tract. de Matrim. c. 7 §. 2*, & alii præsertim ex Gallicis scriptoribus; sed alii tamen negant, & horum opinionem communiorē vocat Giraldus *Exposit. iur. Pontific. par. 8 sess. 840 p. 665.* Illud animadvertere oportet, raptum, qui patratu est non tantum consentiente, sed etiam postulante, & suadente puella, impedimento non esse, quominus raptor cum ea contrahat matrimonium, sicuti a Sac. Congreg. Concilii responsum fuisse testatur Giraldus l. c.; et par. 2 p. 1234 et par. 3 p. 999.

§. 146. Turpes & iniquæ conditiones faciunt irritum matrimonium, modo ejus bono adversentur. Ita si quis nubat adjecta lege, ut mulier suum corpus in quæstum conferat, ut partum abigat, ut matrimonium dissolvatur, faciunt hæ conditiones, ut nulla vis matrimonii sit (1). Ceteræ conditiones, licet turpes & iniquæ sint, modo cum matrimonii bono non pugnent, haud illud vitiant, sed potius ipsæ vitantur, ac despiciuntur, quasi adjectæ non fuerint (2).

(1) *Cap. 7 de Condit. apposit.*(2) *Cap. 1 eod.*

§. 147. Denique irritum est matrimonium non contractum in facie Ecclesie; quod clandestinum dicitur Hujusmodi matrimonia etiam ante Synod. Tridentin. prohibuit Ecclesia, quæ semper exegit præsentiam Parochi, ac testium; sed ea pridem subiciebat pœniis, non item infirmabat (1). Conc. Trident. cum adverteret ad dâma gravissima, quæ ex his matrimoniis oriebantur, ea irrita declaravit (2); & ideo nunc nuptiæ non valent, nisi coram proprio Parocho, aut alio vel ejus, vel Episcopi mandato. Sacerdote, ac duobus, tribusve testibus concilientur (3). Quod non pertinet ad eas regiones, in quibus Trident. Concil. receptum non est; nam ibi adhuc valent clandestina matrimonia, nisi quis tantum ut clam nuberet, eo se contulerit, relicto loco, in quo Tridentina lex obtinebat (4). Quod attingit ad ea matrimonia, quæ temere sunt contracta; omisis tribus denunciationibus (5), ea vetita quidem, & minus honesta, non tamen irrita sunt.

(1) Disputat ea de re accurate, & copiose Benedictus XIV *De Synod. Dioces. lib. 8 cap. 12.*

(2) Concil. Trident. *Sess. 24 de Reform. matrim. c. 1.* Consule Pallavicinium *Histor. Concil. Trid. l. 22 c. 4 et leg. 23 c. 9*, ubi accurate explicatum habes, quam diligenter expensa sint omnia, antequam illud evulgaretur decretum, quod clandestina matrimonia irrita declarata sunt.

(3) Modo autem Parochus præsens sit, atque id, quod agitur, intelligat, matrimonium valet, etiam si casu repertus, aut aliam ob causam vocatus sit. Vide Benedictum XIV *de Synod. Dioces. l. 13 c. 23*, ubi & alia multa habes, quæ ad hæc rem pertinent. Confer etiam Schmalzgrueber *Jur. eccles. univers. l. 4 tit. 3 §. 3*, ubi etiam late ostenditur, qualis, & quomodo Parochus præsens esse debeat. Similiter necesse non est, quod testes expresse sint vocati, ut præentes matrimonio sint; sed etiam testes casu reperti apti & idonei sunt. Consule Schmalzgrueber *l. 1. §. 5. num. 234 & seq.*

(4) Vide Bened. XIV *l. 1. c. 1. §. 4 n. 10*, ubi habes declarationem ea de re editam a Sac. Congreg. Conc., quem Urbanus VIII confirmavit.

(5) Vetus est lex Ecclesie confirmata a Synodo Tridentina *Sess. 24 c. 1 de Reform. matrim.*, per quam omnia matrimonia, antequam coniungantur, tribus continuis diebus festis in Ecclesia publice inter Missarum solemnias nuntianda sunt, ut ita, si quod forte lateret, impedimentum detegatur. Concilium Lateranense in *c. 5 de Claustris virginum*, hæc edicta, sive denunciationes repetit ex speciali nonnullorum locorum consuetudine, quam ubi

que servandam esse constituit. Cujacius in c. 27 de Sponsal., et in c. 3 de Clandest., desponsat. opp. 7. 6 col. 1041 et 1055 ed. Maurin. 1773, præsertim apud Gallos hujusmodi consuetudinem viguisse tradit; sed ea revera & aliis locis obtinebat. Nam illas Papiensi Ecclesia adhibitas testatur Gonzalez ad c. 17 par. Bannir. de Sponsal., & in Africa etiam usitata fuisse, ex Tertulliano monet Bohemerus ad c. 5 n. 21 de Clandest. desponsat. Quinimo primæva Apostolorum institutione eam semper fuisse disciplinam, ut nuptiæ non clam, sed publice in facie Ecclesiæ, coram testibus, & de Episcopi sententia conciliarentur, facile colligitur ex S. Ignatio Ep. ad Polycarpum, n. 5, apud Cotelerium PP. Apostolic. 1. 2 p. 41 ed. cit., & Tertulliano l. 2 ad Uxor. n. 8, et de Pudicit. n. 4 p. 171, 357. ed. Venet. 1744. Eadem est disciplina in can. 2 c. 30 qu. 5, quem canonem exemplo Burchardi & Ivonis Hormisdæ P. falso Gratianus adscribit; eadem in Capitularibus Regum Francorum l. 6 c. 133 et l. 7 c. 179 t. 1 col. 632 et 709 ed. Balluzii Venet. 1772; & in canonibus Isaac Episcopi Lingonensis tit. 5 c. 6, apud Labbaeum t. 10 Concil. col. 46 ed. Venet. Quanta vero sit harum denunciationum utilitas, ipsi etiam Protestantes noverunt, qui eas suis legibus pluries confirmarunt, uti ostendunt Menckenius de Omitt. proclamar. sacerdotal. thes. 1, & Bohemerus Jur. Parochial. sect. 4 cap. 3 §. 2.

## SECTION X.

### De Impedimentis impediētib.

148. Antiqua impedimenta impediētia plura numero.  
149. Hodie quæ sint?

§. 148. Impedimenta impediētia esse diximus, quæ contractum matrimonium non dirimunt, sed tantum contrahendum impediunt. Sunt igitur cum his impedimentis minus laudabiles, & minus honestæ nuptiæ; irritæ vero non sunt. Magnus olim horum impedimentorum numerus. Nam reus gravioris criminis, & qui publicam agebat pœnitentiam, a nuptiis arcebat (1); nec puellæ nubere poterat, qui eam ad christianam religionem instituerat, qui patrinus catechismi dicebatur.

- (1) Can. 5. 12 et seq. c. 53 quæst. 2 c. 2 de Penitent. et remiss.

§. 149. Nunc impedimentis impediētib. irretiti sunt sponsi, qui cum sibi futuras nuptias promiserunt, nequeunt fidem fallere, & cum alio, aliavē ire matrimonium; filii familias, qui sine parentum consensu nubere prohibentur (1); obstricti voto simplici castitatis, quale est votum extra sa-

cross ordines; aut extra religiosam professionem emissum; ignorantibus elementa christianæ religionis (2); catholici conjungentes nuptias cum hæreticis (3); nubentes denunciatio- nibus, aut extra tempus permissum, hoc est a prima Domi- nica Adventus usque ad diem Epiphaniæ, & a feria quâr- ta Cinerum usque in octavam Paschatis inclusive, ut ajunt; quo toto temporis cursu publicæ ac solennes nuptiæ interdictæ sunt (4); vetiti a summo Pontifice (5), vel ab Episcopo aut Parocho cætas inire nuptias ob latens impe- dimentum, quod subasse creditur, donec ejus suspicio remo- veatur (6);

(1) Concilium Tridentinum *Sess. 24 de Reform. matrim. c. 1.* Qua in re Jus Canonicum abrogat Jus Civile, quod parentum consensum necessarium statuit ad vint matrimonii *Inst. de Nupt. in princ. Leg. 2, 10, 11 ff. de R. i. nupt. Leg. 7, 12, 20 Cod. de Nupt.* sed ostendit Idem Pauli *J.C. Recpt. sentent. l. 2 tit. 24 n. 2;* qui etiam ex Jure civili valere inquit matrimonia, quæ a filiis familias sine parentum consensu contracta sunt. De hoc Pau- li loco multæ sunt doctores virorum Cujacii, Gothofredi, Vin- nii, Grocii interpretationes, quas vide apud Antonium Schultin- gium *ad eund. loc. n. 6 Jurisprudens. v. r. agis-Jurinian. l. 1 p. 300 ed. Lips. 1737,* & Alexium Symmachum Mazochium in *Diri. Myrcitula de Sponsal. & matrim. dub. 1 not. 5 p. 21 ed. Ro- mæ 1765.* Ecclesia autem, cujus tantum ea in re leges sequi de- bemus, hæc quidem matrimonia inita a filiis familias contra re- verentiam, qua eos prosequi decet parentes suos, semper detesta- ta est, sed ea tamen rata nrina habet. Multi putant, Gallos eo jure uti, ut apud ipsos parentum dissensus impedimentum diffi- mens inducat. At longè alia Galis plerique mens est, ex quorum sententia defectus patris consensus secundum mentem legem Christia- nissimorum non attingit contractus substantiam, sed adum effe- ctus civilis; uti ex ænigmo tradit Mazochius *l. c. not. 12 p. 30.* Argumentum hæc late & diligenter pertractavit Franciscus Ma- ria Mascettua peculiari dissertatione *De sponsalibus & matrimo- niis, quæ a filiis familias contrahuntur parentibus inicitis, vel ju- sto inicitis.* Quam dissertationem Alexius Symmachus Mazochius doctis, copiosisque notis illustravit.

(2) Consulte Rituale Romanum *tit. de Matrim.*, S. Carolum Borromæum in *Con. n. Provinc. Mediol. V par. 3 act. Eccles. Mediol. par. 1 p. 207, Bened. XIV. Consi. Et si minime l. 2 y. 11 r. i ejus Bullar. p. 65 ed. Rom seu Venet. 1754, & de Synod. dioces. l. 8 c. 14.*

(3) Concil. Lædic. *Can. 107. l. collect. Hardouin col. 734 con- 18 c. 20 qu. 1 c. 14 de Hæret. in 6, Bened. XIV. Consi. Ma- trimonia 34 §. 3 t. 1 ejus Bullar. p. 5; cit. ed. Quomodo modum autem, & quibus legibus interdum a Sede Apostolica catholico- rum cum hæreticis matrimonia permittantur, late explicat Bened. XIV *consi. 34 & consi. Magna n. bis 51 p. 247 j. 2.* Conter etiam eundem Benedictum XIV *de Synod. Dioces. l. 8 c. 5, 6**



¶ 7, ubi de matrimoniiis, quæ inter catholicos & hæreticos, quæque inter hæreticos contrahuntur, late disseritur.

• (4) *Can. 8 & 11 c. 53 qu. 4. Concil. Trident. Sess. 24 de Reform. matr. c. 10.* Vide etiam Fulgentium Ferrandum in *Breviar. can. n. 210*, & Crisconium in *Breviar. can. c. 183*, utrumque apud Pithæum *cod. can. Eccles. Roman. p. 313 & 322*. Multiplex autem erat olim hæc tempus, quo publicas ac solemnes nuptias inire non licebat, uti patet *ex can. 10 caus. & qu. cit.*, quem canonem Gratianus tribuit Concilio Salégunstadiensi *can. 5* apud Labbeum *t. 11 col. 1151 ed. Venet.* Sed nunc a Concilio Tridentino ita, uti diximus, astatum est. Hoc autem tempore tantum publicas ac solemnes nuptias veritas, non item veritum esse matrimonium, quod sine solemnitate conjungitur, omnes plerique sentiunt. Quare non datur sollemnis benedictio, neque item celebratur missa *pro sponsæ & sponsi*, in qua eadem benedictio tribuitur, neque sponsa solemniter in viri domum traducitur, neque demum cereræ sollemnitates peraguntur. Confer Cabassurium *Jur. Canon. theor. & prax. l. 3 c. 20 n. 8*, & Bened. XIV. *Inst. eccl. 80 num. 3. seq.*

(5) Summus Pontifex, cum matrimonium vetat, etiam clausulas adjungere potest, per quas irritum fiat, si contrahatur, *Cap. 4 de Spons. duor.* Episcopi & Parochi interdictum tantum impediens impedimentum inducit, donec in latens malum & impedimentum inquiratur.

• (6) *Cap. ult. de Clandestin. desponsat., Cap. 1 & 5 de Matrim. contract. contr. interdict. eccl.*

## S E C T I O XI.

### De Divortiis.

150. Quid divortium & repudium?

151. Quomodo solvatur matrimonium consummatum?

152. Quomodo ratum?

153. & 154. Quibus de causis thori separatio fiat?

155. & 156. Quomodo, & quibus sollemnitatibus expedienda sit?

§. 150. Matrimonium interdum solvi contingit, idque duobus modis, vel quoad ipsum vinculum, quo conjuges obstricti tenentur, vel tantum quoad thorum, & mutuam habitationem. Jure Romano ipsa vinculi solutio divortium dicitur, & hæc facit potestatem novas ineundi nuptias, cum primæ solvuntur. Differt divortium a repudio, quod hoc & in uxorem, & in sponsam cadit; illud tantum in uxorem; quoniam non recte dicitur sponsa divertere, cum divortium ex eo dicatur, quod in diversas partes eunt, qui discedunt (1). I. Canonico & ipsa vinculi nuptialis solutio, & separatio thori, atque habitationis, quæ fit integro vinculo, divortium appellatur.

(1) *Leg. 101 ff. de Verb. significat.* Consule Philippum Vical, *Vocabular. jur. verb. Divortium.*

§. 151. Nuptiale vinculum difficilior solvitur, si consummatum, facilius, si nondum consummatum matrimonium sit. Consummati matrimonii vinculum solvit mors naturalis conjugis, quo vita functo alias nuptias inire licet (1), & conversio conjugis infidelis; si nimirum alter adhuc infidelis sit, atque ab illo discedat, aut ejus mora injuriā religioni afferat, ac peccandi occasionem præbeat (2). Quid si conjugis, qui Christi fidem amplexus est molestus non sit infidelis, divortium fidei non conceditur, ut nimirum alter alterius salutem procuret. Separato autem conjugio per Christianam Religionem ab altero susceptam, si deinceps etiam infidelis Christianus fiat, antequam alter novas nuptias conciliet, matrimonium redintegratur (3). Verum matrimonii vinculum non solvitur, si duo fideles conjugio juncti sint, atque alter eorum a fide discedat (4).

(1) Apostolus I. *ad Corinb. VII 39.* Non desuerant heretici Montanistæ, atque alii, qui contra Ecclesiæ doctrinam secundas nuptias vetitas dixerunt. Confer Juvenium *de Sacram. dñs. 10 qu. 4 c. 1 art. 2.*

(2) Apostolus I. *ad Corinb. VII 15 & seq. & can. 4 & seq. c. 20 qu. 1 c. 7 de Divort.* Monendus est autem conjux infidelis, num & ipse Christi Religionem amplecti velit, antequam hoc matrimonium dissolutum habeatur. Consule, qui ea de re copiose disputat, Bened. XIV *de Synod. dioces. l. 13 c. 21 n. 2 & seq.*

(3) *Cap. 8 de Divort.*

(4) *Cap. 7 eod.*

§. 152. Ratum matrimonium, præter alterius obitum, & infidelis conjugis conversionem, solvitur etiam auctoritate Sum. Pontificis, qui ea tamen uti non solet, nisi causa cognita (1), & Religionis professione. Nam ut conjuges de meliori proposito deliberent, postquam matrimonium contraxerunt, non eo statim uti coguntur, sed habent dies menses; a quo temporis intervallo si eorum alter Religionem ingrediatur, in eaque professionem emittat, ita solvitur matrimonium, ut conjugis relicto suo lubito liceat alias nuptias conciliare (2).

(1) Confer Bened. XIV *l. c. n. 4, & vide etiam ipsius Constitutionem Dei miseratione 33 §. 15 t. 1 ejus Ballar. p. 52 cit. ed.*

ubi declaratur, quomodo, & quo ritu matrimonium ratum a Sede Apostolica dissolvatur.

(2) *Cap. 2, 7, 14 de Convers. conjug. Concil. Trident. Sess. 24 can. 6 de Matrim.* Tridentinum hunc canonem, & Pontificias illas leges, quibus statutum est, matrimonium ratum, non consummatum dirimii per solemnem Religionis professionem, carpere ausus est Petrus Suavis, sive Paulus Sarpus, aut. Marcus Antonius de Dominis, quisquis sit auctor hystoriæ Concilii Tridentini. Sed omnia hujus scriptoris commenta, & sophismata, præter ceteros, solide graviterque refutavit Carolus Blaschus *Diatrib. 4 p. 295 seq.* Vide etiam Tournelyum *Prælect. theol. de Sacram. matrim. qu. 5 art. 2.*

§. 153. Thori, seu habitationis separatio minorem quoque habet difficultatem; quoniam & mutuo consensu conjugum, & altero invito fieri potest. Mutuo consensu fit, cum uterque conjux castitatem vovet, aut approbatam Religionem profitetur (1). Altero autem invito plures sunt divortii causæ; nimirum si alter conjugum in hæresim, aut in idololatriam prolabatur (2); si ea conjunctio peccatum parere, aut disjunctio emendationem afferre possit (3); si gravem in uxorem sævitiam maritus adhibeat (4); si alter conjugum adulterium, aut infandæ veneris scelus commiserit (5).

(1) *Cap. 1 & 4 de Convers. conjug.* Qua in re illud decet animadvertere, non cogi uxorem religiosam professionem emittere, cum in ea ætate est, ut sine suspitione in communi hominum societate versari possit, modo extra religionem castitatem voveat, cogi autem omnino, cum florens ætas facit huic suspitioni locum.

(2) *Cap. 2, 6, 7 de Divort., can. 5 capitul. 28 qu. 1.*

(3) *Cap. 2 de Divort., cap. 3 de Adulter.*

(4) *Cap. 8 & 13 de Restit. spoliat., can. 6 c. 51 quest. 1.* Verum si maritus caveat de non vexandâ uxore, neque tanta sit ejus sævitia, ut non satis caveri posse videatur, eam ob causam thori separatio non conceditur.

(5) Quin debet maritus uxorem adulteram, nisi poenitentiam egerit, ab se remove *can. 4 & 6 c. 32 qu. 1*, sed post actam poenitentiam eam recipere potest *can. 7 eod., c. 3 de Adulter.* Vide etiam Hermam Pastorem *l. 2 Mandat. 4*, apud Cotelerium *PP. Apostol. 1.1 p. 87 ed. Amstæd. 1724.*

§. 154. Verum propter adulterium separatio non permittitur, si mulier invita fuerit compressa (1); aut vir deceptus, quod aliam mulierem uxorem putaverit (2), vel si uterque conjux ejusdem criminis reus sit (3); vel si vir aut opera, aut hortatu causa adulterii fuerit (4), vel si crimen remiserit uxori, cum qua concubuerit, licet ejus culpam non ignoraret (5).

- (1) *Can. 5 c. 32 qu. 5.*  
 (2) *Can. 6 c. 34 qu. 1 ibique Glossa.*  
 (3) *Cap. 6 et 7 de Adulter.*  
 (4) *Cap. 6 de Eo qui cognov. contranguin. uxor.*  
 (5) *Can. 4 c. 32 qu. 1.*

§. 155. Quæcumque autem fuerit causa, non proprio aribrio, sed re primum diligenter cognita, & ecclesiastici judicis sententia conjuges separantur (1). Quod faciendum in primis est, cum agitur de vinculo matrimonii, quod non facile, nec temere dirimendum est. Quare ob impedimentum dirimens matrimonium solutum haberi non potest, nisi primum ea de re sedulo quæsierit Judex Ecclesiasticus (2), atque edita sententia solutum declaraverit.

- (1) Confer Bened. XIV *de Synod. diocesi* l. 9 c. 9 n. 4.  
 (2) Conc. Trident. *Sess. 24 c. 20 de Reform.* matrimoniales causas Episcopi iudicio commisit, Prælati inferioribus generatione exclusis. Hinc Benedictus XIV causas matrimoniales eorum, qui subsunt Capitulo Veronensi, non ab ipso Capitulo, sed ab Episcopo Veronensi iudicandas esse decrevit *in constit. Regis Pacifici* 59 §. 29 t. 4 *Bullarii sui* p. 283 *edit. Rom. seu Venet.* 1758; quemadmodum & similes causas non ab Abbate Cryptæ Ferratæ loci Ordinario, sed ab Episcopo Tusculano cognosci voluit *in constit. Inter mulier* 33 §. *Tertium* tom. 2 p. 170.

§. 156. Quod iudicium certo ritû expediendum est, ne quid in re gravissima inconsiderate ac negligenter fiat. Nimirum in omnibus his controversiis publicus matrimonii Defensor esse debet, sive uterque conjux, sive alter tantum solutionem postulet, eoque citato gerenda sunt omnia, ut iudicium valeat. Si Judex ratum firmum habendum esse definiverit matrimonium, neque quis ab ea sententia appellaverit, etiam matrimonii Defensor abstinere se a iudicii progressu debet: verumtamen ejus est provocare ad iudicem superiorem, cum sententia contra vim matrimonii lata est. Altera sententia si matrimonium similiter irritum declaretur, necesse non est longiori iudicio experiri, & tunc eo finito conjuges, qui interim, dum fervebat iudicium, novas nuptias inire prohibebantur, ad eas transire libere possunt. Semper tamen integrum est, etiam postquam duabus sententiis infirmatum est matrimonium, reintegrare iudicium, quoniam hæ sententiæ vim nunquam accipiunt rei judicatæ (1).

- (1) Cuncta hæc, quæ pertinent ad cognoscendas causas matrimoniales, earumque iudicia expedienda, accurate lateque explican-

tur a Bened. XIV in *Constit. Dei miseratione* 23 §. 1. ejus Bullae par. 49 edit. Roma seu Venet. 1758, quam constitutionem ipse Benedictus memorat in *Constit. Si datum* 47. 1. 2 Bullarii p. 256, et in *Constit. Et si matrimoniales* 51. 1. 4 p. 215.

### TITULUS III.

#### *De Indulgentiis et Remissionibus.*

- |  |  |
|--|--|
| 1. Indulgentiarum fors, & effectus.              | 4. Varie earum species.                  |
| 2. Indulgentiarum plenarum vel partialium.       | 5. Indulgentiarum pro vivis & defunctis. |
| 3. Earum concedendarum potestas penes Ecclesiam. |  |

§. 1. **H**abet Ecclesia thesaurum inexhaustum conflatum ex infinitis Christi meritis, Sanctorumque satisfactionibus (1), unde depromit Indulgentias, quibus remittit poenas temporales, quas poenitentes subire & quibus sua scelera expiare debent. Sacramentalis absolutio veniam peccati tribuit, indulgentiae reum criminis liberant a poenis temporalibus, in quas aeternae vi sacramenti commutantur (2). Utraque potestas a Christo data Ecclesiae est (3), et ea usus Apostolus veniam peccati dedit; et poena solvit Corinthium, quem pridem ab Ecclesia eiecerat (4).

(1) *Extravag. 2 de Poenitent. de remission. inter Communes.* Vide etiam Bened. XIV in *Constit. Peregrinantes* 17 §. 41. 5 ejus Bullae p. 75.

(2) Non desunt Theologi, qui per indulgentias tolli posse peccata venialia, etiam quoad culpam, existimant, sed haec valde dubia, sententia est, neque eorum theologiae rationibus convenit, quod ostendunt Passerinus de *Indulgent. qu. 7 n. 81.* Theodorus a Spiritu S. *cod. tract. 1. c. 5 §. 1.* Hinc si quae occurrunt indulgentiarum formulae, quibus qui a culpa et a poena liberati dicitur, ex vel falsae haberi debent, uti monet Benedictus XIV de *Synod. dioces. l. 13 c. 18 n. 7.* veltribuendae sunt eleemosynariis quæstoribus, quos increpat Clemens V in *Clem. 2 de Poenitent. et remiss.* Si quae autem reperiuntur indulgentiae, in quibus ex. gr. quarta, aut septima pars venialium peccatorum remittitur, qualis est indulgentia data ab Urbano III, apud Du-Cangium *Glossar. med. et infim. Latinit. verb. Indulgentia.* ea referendae sunt ad remissionem poenae temporalis, & huc illa spectat Urbani indulgentia, uti patet ex eius verbis, quae describit Lucas Dacherius *tom. 5 Spiritus p. 3 ed. Paris. cit.*

(3) Concil. Trident. *Sess. 25 in Decret. de Indulgentiis* Confer Theologos, atque inter ceteros, Jueninum de *Sacram. Diss. 15 qu. 1.*, qui de vi Indulgentiarum, deque earum concedendarum a Christo Ecclesiae data potestate, contra Lutherum, Zuinglium, Calvinum, ceterosque haereticos confose disputat; & consule Amorini *Histor. Indulgentiarum*; & Theodorum a Spiritu S. de *Indulgentiis*.

qui letissimè de indulgentiis agunt. Videndæ præterea sunt *les Conférences de Luçon*. t. 7, ubi multa & egregia de indulgentiis occurrunt, & hic porro tractatus nuper in Italicum sermonem conversus descriptus est in *Dizionario Ecclesiastico Romano, Supplimento dell' anno 1790 per i mesi di Marzo, Aprile, Maggio e Giugno*.

(4) Apostolus II ad Corinth. c. 2, quem in Pauli locum vide Chrysostomum *Hom. 4 in 2 ad Corinth. opp. t. 10 p. 654 ed. Par. indic.*, Ambrosium, Anselmum, Thomam, aliosque apud Cornélium a Lapide in *Paul. Ep. 2 ad Corinth. c. 2*; qui cuncti illum de indulgentia plenaria interpretantur. Præclarum illud indulgentiæ exemplum reliquit Joannes Apostolus, qui juvenem latronem & homicidam Ecclesiæ restituit, ut narrat Eusebius *Histor. Eccles. l. 5 c. 23 p. 99 ed. Taurin. 1746*. Confer etiam Juvenium *l. 10 c. 2*, qui illum Pauli locum diligenter expendit.

§. 2. Indulgentia vel integram relaxat poenam, vel ejus partem, & ideo vel plenaria, vel partialis est. Jus concedendi indulgentias a Christo datum est Apostolis eorumque successoribus, quibus potestas ligandi, & solvendi, in qua illud continetur, concessa est. Sed quoniam Episcoporum potestas subest Rom. Pontif., qui illius exercendæ modum constituit (1), jure suo Pontifices Max., pro suprema potestate sibi in Ecclesia universa tradita; sibi plenarias indulgentias reservarunt, ac tantum partiales Episcopis permiserunt (2). Quare unus Rom. Pontifex plenarias indulgentias tribuit, Episcopi tantum partiales; & vero ab ipsis in Ecclesiæ dedicatione unius anni, in ceteris vero temporibus quadraginta dierum indulgentia tribuitur (3). Jure extraordinario & delegato etiam Presbyteri, imo & inferiores clerici indulgentias clargiuntur; quin etiam interdum Sum. Pontif. Vicariis Apostolicis plenarias indulgentias permittit (4).

(1) Confer quæ scripsi in *Prolegomenis* c. 2 §. 20 p. 19, & confer, quem eo loco laudavi, Petrum Ballerinum. Atque hæc etiam redeunt ea, quæ supra dixi de Summi Pontificis potestate in Ecclesia universa; deque jure, quod habet, arctandi Episcopalem jurisdictionem. Ex his autem & ceteris harum Institutionum locis satis patere arbitror, quid ego revera sentiam de Primatu Summi Pontificis, deque ejus in tota Ecclesia potestate. Sed Scriptores Annalium Ecclesiasticorum Florentiæ primum me immerito reprehendant, quod nimis late hujus Primatus jura explicaverim; deinde aliam mihi sententiam adscribunt, meque immerito similiter laudant, quasi harum Institutionum *l. 1 tit. 3 sect. 1 prim. ed.*, Primatus jura arctare voluerim. Præsertim vero appellant §. 14 *not. 6 ejusd. ed.*, ubi egi de judiciaria Summi Pontif. potestate, atque ita hunc locum expli-

cant, quasi negarim, etiam omissis mediis iudicibus ad Pontificem provocari posse. Sed ego eo loco ne attigi quidem hanc disputationem, quam integram servavi lib. III, ubi ostendam, etiam medio Iudice prætermisso, recte ad Primate totius Ecclesie provocari. Ordinarius quidem iudicii cursus est, ut gradatim appellatio fiat, ac medius iudex non negligatur, antequam controversia deferatur ad Summum omnium Rectorem, cuius iudicium soli Deo subicitur; & huc referendus est Innocentius I., cuius ibi descripsi locum. Sed non inde efficitur, quod Summus Pontif. eodem jure, quo arctat Episcoporum jurisdictionem, ex eaque subtrahit certos subditos, eodem inquam vocare ad se non possit controversias, & ita de iis rebus agere prohibeantur medii Iudices, cui Primatis, cui subsunt, imperio parere debent. Agam ea de re copiose *Libro III*, ut annalium Scriptores intelligant, mihi de his appellationibus ad Summ. Pontificem interponendis fixam esse certamque sententiam. Primatus autem jura, ut pluribus ostendi, harum Institutionum locis, patere confirmo quam latissime, & prius assentior Bellarmino, Baronio, Mamachio Ballerino, ceterisque similibus doctissimis viris, quorum pluries, opera laudavi.

(2) Concilium Lateranense *can. 62*, qui canon descriptus est in corpore Juris canonici *c. 14 de Penitent. & remiss.*, Martinus V in Bulla quæ incipit *Inter cunctas*, quæque approbante Constantiensi Concilio edita est contra errores Wiclefi & Joannis Hussi, extatque *t. 16 concil. col. 751, coll. Labb. ed. Venet.* Consule Bellarminum *de Indulgent. l. 1 c. 11 controuv. t. 2 opp. p. 684 ed. Ven. 1721*, & Bened. XIV *de Synod. Dioces. l. 2 c. 9 n. 7*. Multa etiam, atque præclara de Indulgentiis, deque Summi Pontif. in iis concedendis potestate habet Mamachius *Contra Auctorem opusc. Quid est Papa? Ep. 56. § 1. 2 p. 48 & seq.*, & doctissimus Cardinalis Gerdilius *Confutatione di. due libelli contro il Breve Super soliditate l. 1 p. 87 & seq.* (3) *Cap. 14 de Penit. & remiss., cap. 3 eod. in 6.*

(4) Bened. XIV *Const. Apostolicum 16 §. 23 p. 66 t. 4 Bullarii indic. ed.* Ita etiam Cardinalibus de latere Legatis qui jussu Summi Pontif. anno Jubilæi aperiunt, clauduntque portas sanctas, plenariæ indulgentiæ permittuntur. Bened. XIV *Const. Nemo 22 §. 9 p. 146 & Const. 25 p. 151 t. 3 cit. ed.* Solent quoque Episcopi, uti monet ipse Bened. XIV *de Synod. dioces. l. 5 c. 1 n. 5*, saltem cum primam agunt Synodum, plenariam a Summo Pontif. indulgentiam impetrare illis, qui una ex tribus diebus Ecclesiam cathedralē visitaverint. Quod etiam a Sede Apostolica concedi solet semel in anno ea die, qua Episcopi jussu generalis communionis fit in Ecclesia Cathedrali; cum sacra, ut vocant, *Missiones* habentur; cum Episcopus prima vice Pontificalia exercet in Ecclesia cathedrali, & in insignioribus diocesis Ecclesiis ea die, qua prima vice cathedralē Ecclesiam, vel aliquam ex Ecclesiis locorum insignioribus diocesis visitat, similiter ab eadem Sede Apostolica Episcopis bis in anno facultas tribuendi populo Pontificiam benedictionem cum plenaria indulgentia conceditur.

§. 3. Indulgentias ii tantum consequuntur, qui ab omni lethali peccati labe expiati satisfaciunt universis operibus *Devoti. Tom. II.*

ribus, quæ præscripta sunt ab eo, qui illas elargitus est (1). Fuisse semper penes Ecclesiam potestatem concedendi indulgentias certum est, sed usus hujus potestatis, qui totus ab Ecclesiæ judicio pendet, pro rerum, temporum, personarum ratione multiplex, variusque fuit (2). Initio justæ concedendarum indulgentiarum causæ erant libelli martyrum (3), reditus hæreticorum ad Ecclesiam, imminens in Christianos persecutio, ferventius agendæ pœnitentiæ studium (4).

(1) Vide Benediæ. XIV *Constit. Accipimus* 6 t. 2 p. 19 *Bullarii laud. ed.* Proponuntur Indulgentiæ contritis & confessis, sacraque communione refectis; hinc quæsitum est, num actualis confessio, & sacramentalis communio necessaria sit, ut quis indulgentiam consequatur. Ea de re variz sunt intelligentium hominum opiniones; sed omnem dubitationem sustulit Benediæ XIV *Constit. Inter præteritos* 21 §. 2 ad 7 p. 99 & seq. t. 3 *et jus Bullar.*, qua definitum est, necessariam esse actualem confessionem, & sacramentalem communionem, ut acquiratur indulgentia, quæ pro confessis, & sacra communione refectis concessa est.

(2) Consule Papebrochium in *Responsionib. ad P. Sebastianum a S. Paulo respons. ad artic. 14 n. 22.*

(3) Ferventibus persecutionibus confessores, qui carceribus detinebantur, libellos dabant ad Episcopos, quos rogabant, ut lapsis pœnitentiam, vel ejus partem remitterent, pacemque darent. Tertullianus *ad Martyres* c. 1 p. 137 *ed. Paris. 1675*, Cyprianus *Ep. 11, 21, 22, 25 p. 24, 33, 34 ed. Paris. 1666*, & alibi præsertim libro *de Lapsis*. Videndus ea de re Morinus *de Administr. pœnitent. l. 8 c. 26*. Magna vis erat eorum libellorum, qui valebant etiam jam sedata persecutione, mortuisque martyribus, ut recte ostendit Albaspinæus *l. 1 Observ. 20 p. 52 ed. cit.*

(4) Integrum erat Episcopis pœnitentibus, quorum maximus erat in agenda pœnitentia fervor, & studium, tempus contrahere, ac *de ipsis aliquid humanius cogitare*, uti loquitur Synodus Nicæna *can. 12 ccl. 330 t. 1*, idemque habet Synodus Ancyrana *can. 1 et 5 eod. t. 1 col. 271, 272 collect. Harduini.*

§. 4. Labentibus annis invaluit redemptio pœnitentiarum eleemosynis, quæ aut in pauperum subsidium, aut in ædificandas, reparandasve ecclesias convertebantur; tum etiam data indulgentia per Missarum sacrificia, aliaque suffragia, vel sacras peregrinationes, aut pia opera, quæ ab Ecclesiarum Prælatiis imponebantur (1). Sæculo XI. potissimum in Ecclesiæ dedicatione Indulgentiæ concedebantur (2), eademque ætate tributæ sunt illis, qui captis armis contra infideles Hierosolymitanum iter susciperent (3).



Denique Bonifac. VIII plenam indulgentiam attribuit iis, qui certis vicibus Apostolorum ecclesias visitarent (4) quæ est indulgentia Jubilæi (3), centesimo quoque anno initio constituta; deinceps vero a Clemente VI vocata ad annos quinquaginta, ab Urbano VI, ad annos tres, ac triginta, a Paulo II ad annos viginti quinque.

(1) Hujusmodi pœnarum redemptiones memorat Concilium Triburiense an. 895. *Can. 56 col. 455 s. 6 col. Harduini, Ratherius Veronensis Orat. synodic. ad Presbyter. n. 9 col. 416 ed. Veron. 1765*, atque alii bene multi.

(2) Benedictus IX, ut tradit Mabillonius *Præf. in sac. V Benedictin. n. 109 p. IV t. 7 ed. Ven. cit.*, an. 1040 indulgentiam tribuit omnibus, qui se ad Ecclesiam S. Victoris Massiliensis recenter dicatam contulissent; eamque indulgentiam concessit Alexander II in Cassinensis Ecclesiæ dedicatione tum iis, qui tunc præsentem erant, tum reliquis omnibus, qui per octo continuos dies eo convenirent, uti patet ex *Chron. Cassinens. l. 3 c. 31*. Similis data venia est an. 1098 ab Urbano II visitantibus Ecclesiam S. Nicolai Andegavensis, quam ipse dicaverat; eodemque modo Calistus II an. 1120 dedicata Maurianensis prope Stampas Ecclesia, uti narrat Duchesnius *Histor. Francor. t. 4 p. 369*, annuam peccatorum remissionem in dedicationis anniversario die constituit, quod & consequentes Pontifices præstiterunt.

(3) Alexander II, ut tradit Malaterra *de rebus gestis a Roberto Guiscardo Calabria Duce aliisque l. 2 c. 33 in Schetti Hispan. illustr. t. 3*, contra Infideles in Sicilia pugnantes an. 1063 indulgentiam largitus est, deinde Urbanus II in Concilio Claromontano an. 1096 *can. 2* apud Labbeum *t. 10 Concilior. col. 507* plenam attribuit veniam omnibus, qui captis armis contra infideles irent ad Terram Sanctam, ut eam recuperarent. Quam indulgentiam omnium, quæ plenariæ sunt, antiquissimam putat Cardinalis Thomasius *Commentar. de Concess. Indulgent. oper. t. 7 p. 136 ed. Roma* quam accurate & erudite perficiendam curavit Antonius Vezzosi Collega olim meus in Romana Academia, vir præstans ingenio, doctrina, pietate singulari, mihiq; dum vixit, amicissimus. Sed alia plenariarum, ut videntur, Indulgentiarum exempla Urbano II antiquiora sunt apud Schelestratum in *Aët. Eccles. Orient. t. 2 diss. 1 c. 5 p. 761 et seq.*, & Amortum *Histor. Indulg. par. 1 sæcl. 2 p. 46 ed. Venet. sæcl. 4 p. 105 et sæcl. 7 p. 155*. Urbani Indulgentiæ similem, quam S. Bernardus *Ep. 426 opp. t. 1 p. 319 ed. Mabillonii Venet. 1781 largissimam veniam* appellat, Eugenius III iisdem Crucesignatis impertit, uti patet ex ipsius Bernardi *Ep. 363 p. 276*; quod exemplum & alii Summi Pontifices sequuti sunt.

(4) Centenariam hanc indulgentiam, quæ Jubilæi nomine appellatur, primum a Bonifacio VIII institutam fuisse, plerique arbitrantur; verum ejus ætate antiquiorem esse, ostendit Jacobus Cajetanus Diaconus Cardinalis S. Georgii ad velum aureum in *tract. de Centesimo seu Jubilæo anno in Biblioth. PP. t. 25 p. 936 ed. Lugdunon.* Omnium accuratissime copiosissimeque de an-

no jubilæi, sive anno Sancto penaliari opere Rome edito 1775 describit C. L. Zaccaria.

(5) Hebraei quinquagesimo quoque anno habebant annum Jubilæi *Levit. c. 25*, & hic porro annus in sacris literis appellatur annus *remissionis, sanctificationis & quietis*. Annus hic aliquo modo imago fuit Jubilæi, quem postea Romani Pontifices instituerunt. De origine hujus vocis Jubilæi late disputat Calmetus in *Levit. loc. cit.*

§. 5. In concedendis indulgentiis adhibenda est moderatio, quoniam effusa liberalitas pœnitentiam enervat. Itaque ante oculos habenda sunt exempla veterum Patrum, qui respectu habito ad dolorem, atque ad lacrimas pœnitentium indulgentias concedebant (1). Quavis vero causadentur indulgentiæ, non eas certe largitur Ecclesia, ut foveat pœnitentium ignaviam, sed ut nostram imbecillitatem erigat, atque excitet (2). Itaque non desides nos, & ignavos esse oportet, cum vocamur ad cœlestem thesaurum accipiendum: sed omni ope enitendum est, ut dignos pœnitentiæ fructus facientes, Deoque pro nostris criminibus satisfaciētes studio obsecundemus Ecclesiæ, quæ omnem nobis opem ferre conatur, ut æternam gloriam consequamur (3).

(1) Concilium Tridentinum *Sess. 25 in decret. de indulg.*

(2) Concil. Trident. *ad an. Chr. 1703 n. 72 t. 17 p. 371 ed. Luca, Palavicinum Histor. Concil. Tridentin. l. 24 c. 12 n. 6, Bellarminum de Indulg. l. 1 t. 12 §. Ad tertium opp. t. 2 p. 587 ed. Venet.*

(3) Consule Jueninium *de Sacram. aist. 12 qu. 5 c. 5 et qu. 6 c. 1 et 2, Baronium ad an. 1073 n. 71 t. 17 p. 371 ed. Luca, Palavicinum Histor. Conc. Trident. l. 24 c. 12 n. 6, & Bened. XIV Instit. tit. eccles. 53 §. 11.*

§. 6. Prosunt Indulgentiæ tum vivis, tum illis, quos vitæ defecit, sed his per suffragii, illis vero per absolutionis modum (1). Nunciandæ autem sunt ab Episcopo cum duobus Canonicis, & oblatæ a Fidelium pietate eleemosynæ, nulla prorsus accepta mercede, colligendæ sunt. Quod sanctissime & providentissime sancitum est a Synodo Tridentina (2), ut omnes intelligant, hos cœlestes Ecclesiæ thesauros non ad quæstum, sed ad pietatem exerceri. Ideo sublatis sunt eleemosynarum Quæstores, qui suo sæpe abusi munere gravissima Ecclesiæ mala attulerunt.

(1) Confer Bened. XIV *Constit. Apostolica* 19 §. 14 p. 87. t. 3 *ejus Bullarii*, & confer etiam quæ eodem loco laudatur, Leonis X Constitutionem.

## TITULUS IV.

### De Divino Officio.

- |  |  |
|--|--|
| 1. Quid divinum Officium? & diversa eius nomina. | 8. Olim etiam laici ad Divinum Officium conveniebant.                    |
| 2. Horæ canonicæ.                                | 9. Qui nunc illud persolvere cogantur.                                   |
| 3. Matutine & vespertine preces antiquissimæ.    | 10. Quomodo persolvendum sit; & quis eius ritus, ac formulas constituit? |
| 4. Horarum canonicarum distributio.              |  |
| 5. Quando hæc ubique inducta?                    |  |
| 6 & 7. Quo tempore Divinum Offi-                 |  |

§. 1. Certus ille, ac sollemnis numerus, ritusque psal-  
morum, hymnorum, lectionum aliarumque precum Eccle-  
siæ auctoritate institutus, atque in statas diei horas distri-  
butus, ut continenter Deo laudes offeramus, *divinum of-  
ficium* appellatur. Nam officium significat id, quod ratio-  
ne habita locorum, temporum, personarum, efficere omnes  
debent: unde tractum est nomen divini officii, quoniam in  
eo comprehenditur, quod erga Deum quotidie præstare de-  
bemus (1). Dicitur etiam divinum officium *sacra synaxis*,  
& *collecta*, hoc est conventus, & congregatio fidelium, qui  
ad fundendas preces conveniunt, & *cursus ecclesiasticus*,  
quasi orbem & cursum constituat, quem singulis diebus con-  
ficere oportet (2); & *Breviarium*, quasi summa cæremoni-  
arum & precum, quas servare, & quas fundere oportet,  
ut divinum officium recte persolvatur (3).

(1) Confer Cardinalem Bonam de *Divin. Psalm. c. 2 §. 1.* An-  
tequam vero sac. XI Breviarium introduceretur, ad recitandas  
horas canonicas in Ecclesiis Occidentalibus adhibebantur Psalteria,  
Biblia Sacra, Homiliaria, Passionaria, Antiphonaria, Hymnaria,  
Collectaria, Martyrologia, de quibus omnibus doctissime accuratis-  
simeque agit V. Cl. Franciscus Zaccaria *Biblioth. rituel. lib. 1 cap.*  
*4 art. 3 tom. 1 p. 96.*

(2) Ratherius Veronensis in *Orat. synodic. ad Presbyter. n. 6*  
*col. 414 ed. Verona 1765.* Confer etiam Regulam S. Columbani  
*c. 7 apud Holstenium Cod. Regul. t. 1 p. 171 edit. August. Vin-*  
*delic. 1759,* & vitam S. Senerici apud Mabillonium *Act. SS. Or-*  
*din. S. Benedic. sæc. II p. 532 ed. Ven. 1733.*

(3) Breviarium ita appellatum est, nimirum *breve horarium*,  
seu *precum epitome & compendium*, ut inquit Gavantus *Thesaur.*  
*sacr. rit. t. 2 par. 1 sect. 2 c. 1.* Primus autem divinum officium  
contraxit S. Gregorius VII, qui ab an. 1073 ad an. 1085 Pon-

tificatum obtinuit: & inde verisimile est, divinum officium ita contraſtum Breviarium fuiſſe appellatum, quo quidem nomine utitur Micrologus c. 28 de Eccl. obſerv. p. 481 t. 18 *Biblioth. Patr. Lugd.* 1677, qui circa annum 1080 vitæ uſura fruebatur. Narrat Radulphus Tangrenſis de Canon. obſerv. propr. 22 p. 313 t. 26 ejurd. *Biblioth. Patr. Lugdun.* ſummos Pontif., cum olim in Lateranenſi palatio commorarentur, Romanum officium in eorum ſacello non ita abſolutum, ut in aliis Eccleſiis, recitare conſueviſſe, quod & Pontificii ſacelli clerici faciebant, ut negotiis ſuis vacare poſſent; additque Radulphus, ſe bujuz officii ordinarium vididiſſe. *Roma a tempore Innocentii III recolleſtum.* Ea iſtud officium brevium ſequuti ſunt Fratres Minores, inquit ipſe Radulphus; inde eſt quod Breviaria eorum, & libros inſtituant ſecundum conſuetudinem Romanæ Curie. Nimirum cum S. Franciſcus eorum inſtitutor præcepiſſet, ut Divinum officium ſecundum ordinem Romanæ Eccleſiæ peragerent, rati illi, quod qui in Pontificio ſacello ſervabatur, mos eſſet Eccleſiæ Romanæ, ac præterea cum Miſſionibus Apoſtolicis deſtinarentur, contraſtum Breviarium, quo Pontificium ſacellum utebatur, ſuſceperunt. Breviarium porro hoc cum male digeſtum eſſet, Haymo Generalis Miſtiter Franciſcanorum illud emendandum ſuſcepit, mandante & approbante Gregorio IX, ſicut narrat Wadingus *Annal. Minor.* t. 3 ad an. 1244. Hoc poſtea Breviarium ab Haymone emendatum Nicolaus III in omnibus Romæ Eccleſiis recipi, ſervarique juſſit, ſicuti Radulphus narrat. Sed Radulphum vel in Fratres Minores male animatum, vel deceptum putat Franciſcus Pagius Junior in *Vita Nicolai III* n. 22, propterea quod ex epistoſa apologetica, quam adverſus S. Bernatdum ſcripſit Petrus Abſelardus circa ann. 1140, nimirum ante annos ſere centum, quam Franciſcanus ordo approbaretur, conſtat, quod ea tempeſtate omnes Romæ Eccleſiæ contraſto illo officio utebantur. Itaque contraſtum officium Franciſcanis tribui poſſe negat Pagius, & Radulphum tamquam ſuo Ordini inimicum reprehendit. Sed nulla juſta eſt ejus reprehendendi cauſa. Nam ſi ante Franciſcanos Romæ Eccleſiæ contraſto illo officio utebantur, hoc deinceps ab Haymone emendatum juſſu Nicolai III ab omnibus Romæ Eccleſiis receptum eſt. Vere igitur Radulphus ſcripſit Breviarium Eccleſiarum Urbis Romæ eſſe Breviarium Franciſcanum, quoniam tale revera eſt Breviarium ab Haymone Generali Miſtiro Franciſcanorum emendatum, quod Nicolaus III in cunctis Eccleſiis adhiberi voluit. Verum Breviarium hoc ita contraſtum, ſeu potius recognitum, & emendatum brevius adhuc redditum eſt hortatu Clementis VII a Franciſco Quignonio Cardinali, qui opus ipſum an. 1536. Paulo III Pontifice Romæ evulgavit. Hujus Breviarii uſus per annos circiter quadraginta perſeveravit, nimirum a Paulo III uſque ad S. Pium V, nunquam tamen præcepta, ſed ſolum permiſſa ſuit ejusdem breviarii recitatio. S. Pius V Quignoni Breviarium abrogavit, novumque confici curavit, quo nunc omnes utimur, & quod deinceps recognitum eſt etiam Clementis VIII & Urbani VIII auctoritate. Conſule Card. Bonam *Rer. liturgic.* l. 1 c. 7 §. 7 t. 1 p. 119 et ſeq. ibique *ſalut. Not.* 3 ed. Taurin. 1747, Meratum ad Gavant, *Theſaur. ſacr. rit.* t. 2 p. 1 ſect. 2 c. 1, & Zaccariam *Biblioth. ritual.* loc. cit. 4 tom. 1 pag. 107.

§. 2. Frequens quoque est *horarum canonicarum* nomen, quo divinum officium appellamus. Omnes Christiani, ac præsertim clerici prece & obsecratione humili adversus Deum continenter uti deberent; sed quoniam id neque infirmæ naturæ patiuntur vires, neque negotia, quibus implicamur, sapienter Ecclesia constituit, ut certis saltem horis has preces fundamus, atque ita nunquam intermittamus officium, quod erga Deum præstare debemus. Inde processit nomen *horarum canonicarum*, quoniam in eas divinum officium statis horis persolvitur: pluribus constat officiis, quæ omnia simul conjuncta ecclesiasticum cursum conficiunt. Hæc vero officia ex recepta ecclesiæ disciplina sunt Matutinum cum laudibus, hora prima, tertia, sexta, nona, vespera & completorium (1).

(1) Institutionem hanc certis saltem horis debitas Deo laudes persolvendi ab ipsis Apostolis repetendam esse, atque ad nos perpetua traditione delatam, ostendit Martenius *de Antiq. eccles. rit. l. 4 c. 1 §. 1 et seq. t. 3 p. 1 et seq. et de Antiq. Monach. rit. l. 1 c. 1 et seq. t. 4 p. 1 seq. ed. ind.*, ubi cuncta fere habes, quæ ad hoc argumenti genus pertinent.

§. 3. Verum hæc officia non omnia ejusdem antiquitatis, sed alia vetustiora, alia recentiora sunt. Apud priscos Christianos celebres sunt matutinæ & vespertinæ preces. Nimirum quotidie Christiani ante ortum lucis in Ecclesiam conveniebant; ut preces funderent, laudarentque Deum, qui conventus quod ante lucem haberentur, *cætus antelucani*, & *vigiliæ*, & *horæ nocturnæ* dicebantur (1). Sed & vespere, cum Sol ad occasum vergeret, in solemnibus conventibus preces fundebantur (2); atque hæc duo tempora, matutinum et vespertinum, quotidie erant præcipua antiqui ministerii tempora.

(1) Tertullianus *ad Uxor. l. 2 c. 4 p. 163, et de Coron. milit. c. 3 p. 162 edit. Paris. 1675*. Hinc Christiani apud Minucium Felicem *de Idolatr. vanit. in l. Octavius p. 332 ed. Paris. 1605* appellati *latebrosa & lucifuga natio*; & Plinius *ep. 97 l. 10 ad Trajan. p. 629 n. 7 edit. Lipsiæ 1711*, ex ore quorundam apostatarum de Christianis se accepisse scribit, quod *scuto die ante lucem convenire soliti sunt*. In his conventibus adhibitam psalmodiam constat, eamque inchoatam a psalmo LXII tradit Auctor *Consis. Apostol. l. 2 c. 59*, apud Cotelerium, *PP. Apostol. t. 1 p. 270 ind. ed.* Matutinum hoc officium plures psalmos, precesque comprehendebat; sed non illam habebat distinctionem nocturnorum, & laudum, quæ recentiori ætate a Monachis initium habuisse videtur.

Hi tribuerunt officium antelucanum, seu matutinum in tria nocturna atque in laudes. Tria nocturna tribus primis noctis vigiliis seorsim celebrari solebant; quod S. Thomas in *ep. 1 ad Corinth. c. 14 l. 6*, & Marcellus Francolinus *de Hor. canonic. c. 6* observarunt. Quin in quibusdam Occidentalium Monachorum regulis expresse sancitum est, ut nocturna seorsim celebrentur, atque ita porro habet regula Columbani *c. 7*, apud Holstenium *Cod. Regul. p. 171 t. 1 ed. August. Vindelic. 1759*. Laudes etiam distinctum a nocturnis officium constituerunt, uti ostendit Card. Bona *de Divin. psalmod. c. 5 §. 1*. Primus S. Benediclus tria nocturna conjunxisse videtur; saltem ita fert ipsius *regula c. 11 p. 121* apud Holstenium *Cod. Regul. t. 1 ed. laud.*, ut uno tempore tria nocturna celebrentur. Longo post tempore in Ecclesia Romana etiam laudes nocturnis conjunctæ unum continuum officium nocte persolvendum constituerunt, uti testatur Hugo a S. Victore *de Offic. eccles. l. 2 c. 2 col. 1389 in Biblioth. PP. t. 10 ed. Paris*. Rem totam, præter Card. Bonam *de Divin. psalmod.*, explicant Thomassinus *Ver. & nov. eccles. disciplin. par. 1 l. 2 c. 71 & seq.* Martenius *de Antiq. Monachor. rit. l. 1 c. 2 & seq. t. 4 p. 4 & seq. edit. Venet. 1764*, & Binghamus *Origin. Eccles. l. 15 c. 9 §. 7 et seq. p. 299 et seq. t. 5 edit. Halle Magdeburg. 1754*.

(2) Matutinas & vespertinas preces omnium apertissime distinguit Auctor *Const. Apostol. l. 8 c. 35 p. 421 laud. edit.*, & Concilium Laodicense *can. 18 t. 1 col. 784 Collect.* Harduini memorat tum preces vespertinas, tum eas, quæ ad nonam fiunt; & eandem in utriusque liturgiam servari jubet. Vespertinum officium initium sumebat a psalmo CXL. quem Auctor *Constit. l. 8 c. 35 p. 241* vocat *τονιπλουρνιον ψαλμον*, lucernalem psalmum, quod canebatur eo tempore, quo lumen accendi solebat; & Chrysostomus *Homil. in psalm. 140 t. 5 n. 1 p. 427 ed. Paris. 1724* pluribus explicat, quam apte hic psalmus in vespertino officio adhiberetur. Est apud eundem Auctorem *Constit. l. cit. c. 36 et 37 p. 421 προσηννοις πλουρνιος, ευχαριστια πλουρνιος, precatio, et gratiarum actio lucernalis*. In hoc quoque vespertino officio psalmi, hymni precesque aliæ adhibebantur, atque in matutinis & vespertinis officiis a Christianis *die in orationibus Dei inchoabantur, dies hymnis Dei claudabantur*, uti loquitur Hilarius in *Psalm. 64 n. 12 col. 169 ed. Paris. 1693*. Quod etiam tradit Hieronymus *ep. 22 ad Eustoch. n. 37 p. 119 t. 1 edit. Verona 1754*.

§. 4. Accessere deinceps horæ, quæ dicuntur *canonicae*, eæque ex monachorum instituto repetendæ videntur. Ægypti monachi, qui omnium antiquissimi sunt, et a quibus monasticæ vitæ initia ducuntur, præter vespertinos et antelucanos conventus, nullas canonicas publicarum precum horas videntur habuisse; cum reliquum diei spatium tribuerent labori manuum, cum quo tamen continenter miscebant preces, psalmos, ac meditationem rerum divinarum (1). Non multo post monasteria Mesopotamiæ, ac Palestinæ consuetudinem induxerunt, ut monachi hora tertia, sexta et nona

publice convenirent, ut preces funderent, psalmosque canerent (2). Sed nondum erat novum aliquod matutinum ministerium, distinctum ab antiquo, quod ante lucem peragebatur. Hoc primum in monasterio Bethleemitico institutum est, ne monachi post laudes usque ad horam tertiam inertes et somnulosi in cellis jacerent, cum eos nulla conventus necessitas ad preces vocabat (3). Denique completorium, quod vocatur, ut distinctum a vespertino, seu lucernali ministerio, instituit S. Benedictus, ut monachi, finitis diei operibus, in unum collecti preces, laudesque complerent, at solemni ritu absolverent (4).

(1) Vide Cassianum *Instit. Canob. l. 3 c. 2 p. 50 ed. Francof. 1722.*

(2) Cassianus *loc. cit. l. 3 p. 32 edit. cit. Tertullianus de Jejun. c. 10 p. 549 ed. Paris. 1675, & Cyprianus de Orat. domin. p. 180 ed. Amstelod. 1700, memorant horas tertiam, sextam, nonam; verum non has horas pro publicis ecclesiasticis conventibus constitutas fuisse scribunt. His quidem horis Christiani privatim preces fudisse videntur, deinceps vero illæ a Monachis, ut plerique sentiunt viri docti, publicis conventibus addictæ sunt. Vide Josephum Medum *op. 66 & Joannem Pearsonium Praelect. 2 in Act. Apostol. n. 3 et 4. Certe antiqui Patres Hieronymus, Basilus, Gregorius Nyssenus, alique sæculi IV scriptores cum memorant horas canonicas, tantum monachos respiciunt. Chrysostomus Serm. IV de Anna opp. t. 4 p. 757 ed. Paris. 1721 de tribus diei horis pro publicis conventibus constitutis loquitur, verum præter matutinam, & vespertinam, quæ alia fuerit hora, non indicat. Fortasse jam tunc hora nona in Ecclesia Constantinopolitana inducta erat, & eam quidem diserte commendat ipse Chrysostomus Hom. 2 de inscript. act. Apost. op. t. 3 n. 4 p. 67 edit. Paris. 1721, atque etiam Conc. Laodicenum can. 18, Gentiano Herveto interprete apud Labbeum s. 1 col. 1554 edit. Venet. Sed cum de Monachis loquitur Chrysostomus Hom. 14 in 1 ad Timoth. opp. t. 11 p. 629 n. 3 expresse memorat matutinas, ac vespertinas preces, horarumque tertiam, sextam, nonam. Negari tamen nequit, quod in Oriente in quibusdam Ecclesiis jam inde a VI sæculo recepta erat illa pro publicis conventibus horarum distributio, uti constat ex Auctore Constit. Apostolic. l. 8 c. 54 p. 420 laud. ed. qui preces fieri jubet mane, & tertia hora, ac sexta & nona, & vespere, atque in gallicinis. Mabillonius de Curs. Gallican. §. 5 n. 67 p. 425 edit. Paris. 1685, ex Gregorio Turonensi demonstrat, sextam & nonam horas circa initium sexti sæculi in Galliis fuisse receptas, eademque ferme ætate similem consuetudinem in Hispanias delatam constat ex Isidoro Hispalensi de Regul. Monach. c. 6 p. 537 t. 2 ed. Matrini 1778.**

(3) Cassianus *loco cit. l. 3 c. 4 p. 36 ed. cit. Hinc hora prima dicebatur officium matutinum novum, ut distingueretur a matutino officio veteri, quod semper ante lucem celebrabatur.*

(4) Completorium, ut distinctum a vespertino ministerio, antiquiori ætate plane ignotum fuisse, contra Bellarminum ostendit

Cardinalis Bona de *Psalm. c. 11 §. 1 n. 3*. Ejus origo a S. Benedicto repetenda est, uti patet ex ejus *Reg. cap. 17 l. 1 p. 122 edit. Augustæ Vindelicorum an. 1759*, ac brevis illa lectio quæ hodie completorium antevērit, sine dubio illam repræsentat, quam psalmis præmitti voluit Benedictus *Reg. c. 42 p. 127 ibid.* Vide Martenium de *Antiq. Monach. rit. l. 1 c. 12 l. 4 p. 12 ed. ind.*

§. 5. Singulæ hæc horæ e monasteriis serius ocius ad omnes ecclesias translatae sunt. Quod factum est opera vel monachorum, qui ad Episcopatum evecti divina officia in suis ecclesiis ad exemplum vitæ monasticæ composuerunt, vel clericorum, qui monachorum instituta, & consuetudines in clericali amplexi sunt (1). Potissimum vero inducitur vita communi, datisque canonicis regulis, quæ ex regulis Monachorum magna ex parte decerptæ sunt, ubique invaluit ea partitio divinorum officiorum, quam primum monachi instituerant. Hodie igitur divinum officium constat his septem partibus, matutino cum laudibus, horis prima, tertia, sexta & nona vespere, & completorio. Matutinum cum laudibus faciunt officium, quod nocturnum dicitur, quod olim noctu celebraretur (2), uti nunc etiam a quibusdam celebratur; reliquæ horæ diurnum officium constituunt.

(1) Consule Selvagium *Antiquis. Christian. l. 2 c. 9 §. 7 et seq.*, Martenium *loc. cit. cap. 1 et seq.*, & Thomassin. *Vet. et nov. eccles. disciplin. par. 1 lib. 2 c. 71 et seq.*, a quibus omnia, quæ ad divinum officium pertinent, fusius & uberius explicantur.

(2) De antiqua consuetudine divinum officium noctu recitari multa & præclara habes apud Cl. Cardinalem Garampiam *Memorie della B. Chiara di Rimini diss. 20 pag. 315 et seq.*

§. 6. Omnia hæc officia non solum intra spatium viginquatuor horarum, sed etiam suo quæque tempore, atque ordine celebranda sunt. Matutinum officium cum laudibus a clericis sæcularibus (1) mane illucescente crepusculo celebrandum est, prima jam lucis orto sidere, tertia, sexta, nona horis respondentibus (2), vespere decima, vel undecima hora diei, completorium post solis occasum. Sed nunc pro more ecclesiarum matutinum cum laudibus, horæque prima, tertia, sexta & nona eo temporis spatio, quod est inter auroram & meridiem recte persolvuntur, vespere circa horam nonam aut decimam, quin in quadragesima circa meridiem, completorium autem statim post vespere celebratur (3).



(1) Regulares choro additi nocturnum officium, quod tamen vulgo matutinum vocatur, vel media nocte, vel hora secunda post mediam noctem; id vero, quod re ipsa matutinum est, il-  
lucesciente aurora persolvunt. Sed in ea re peculiares singulorum  
regulas spectare oportet.

(2) Tertia hora apud Romanos respondet nostræ horæ nonæ  
antemeridianæ; sexta horæ duodecimæ, unde verbis, *splendore ma-  
ne illuminans, & ignibus meridiem*; nona tertiz horæ nostræ po-  
meridianæ, & ideo non ante, sed post meridiem persolvenda est.

(3) Sunt qui a matutino, & laudibus primam, sunt qui omnes  
horas sejungunt, sunt qui simul conjungunt omnia officia, quæ  
ante meridiem persolvuntur. Ea res tota pendet ex moribus, at-  
que ex legibus ecclesiarum.

§. 7. Atque hæc quidem pertinent ad publicam & so-  
lemnem divini officii celebrationem. Privata etiam ut sta-  
tis horis fiat, curandum est, quoniam ea mens est Ecclesiæ,  
quæ divinum officium in certas horas distribuit, ut in o-  
mnibus diei partibus ad Deum animum revocemus, eumque  
crebro debitis laudibus, & honore prosequamur (1). Ex  
justa tamen causa, non serbato horarum intervallo, divinum  
officium rite persolvitur (2); verum curandum est, ut  
vesperæ, & completorium pomeridianis horis recitentur,  
excepta quadragesima, in qua fitione canonica vesperæ  
ante meridiem celebrantur. Sed & matutinum sequentis  
diei post elapsam dimidium tempus, quod est a meridie  
ad occasum solis, privatim recitari potest (3).

(1) Consule Card. Bellarminum *de Bon. oper. l. 1 c. 18 opp. s. 4*  
*p. 550 §. Sed quidquid sit, & seq. edit. Venet. 1721.* Statis autem  
horis divini officii varia tribuuntur mysteria, quæ tradit Card.  
Bona *de Divin. psalmod. c. 2 §. 2 & seq.* Sed illud in primis  
constat, quod horæ canonicæ divinis additæ laudibus mysteria  
exhibent nostræ redemptionis, & has quidem mysticas rationes  
enarrat Auctor *Apostolice. Constit. l. 8 c. 34 p. 420 l. c.*

(2) Mittimus ea in re duriores, asperioresque quorundam opi-  
niones, ac sequimur sententiam, quam & sequitur Benedictus  
XIV *Instr. eccles. 24 §. 9, S. Thomæ qui in quodlibet 5 qu. 14*  
*art. 1 habet hæc: consideranda est intentio ejus qui præniti tem-  
pus in matutinis dicendis, vel in quibuscumque horis canonicis. Si*  
*enim hoc facit propter laeticiam, ut scilicet quietius somnolentia,*  
*et voluptati vacet, non est absque peccato. Si vero hoc facias*  
*propter necessitatem licitarum et honestarum occupationum, puta*  
*si clericus, aut magister debet videre lectiones suas de nocte, vel*  
*propter aliquod hujusmodi, licite potest vero dicere matutinas, et*  
*in aliis horis canonicis tempus præniti, sicut etiam hoc in so-*  
*lemnibus ecclesiis fit; quia melius est Deo utrumque reddere, sci-*  
*licet et debitas laudes, et alia honesta officia, quam quod per*  
*unum aliud impediatur.*

§. 8. Initio non solum clerici, sed etiam fideles laici ad divinum officium celebrandum quotidie conveniebant, & cum clericis psallebant, & canebant. (1). Verum id veteres Christiani faciebant sponte sua, & incitati studio pietatis, quo fervebant, cum nulla lex esset, quæ laicum occupatum assiduis laboribus ad vitam sustinendam, quotidie interruptis officiis, statisque horis ad ecclesiam ire compelleret (2). Tantum diebus dominicis, & præcipuis festis legis necessitate debebant laici ad divinum officium convenire, ut sancta agerent dies festos (3); in qua quidem sanctificatione festorum eadem nunc est, quæ semper fuit, ecclesiæ mens, licet non amplius laici ad divina officia convenire cogantur.

(1) Consule Thomassinum *Vet. et nov. eccl'es. disciplin. par. 1 lib. 2 cap. 79 & seq.*

(2) Vide S. Joannem Chrysostomum *cit. Homil. 6 de Anna.*

(3) Confer Van-Espenium *de Hor. canon. diss. par. 1 c. 3 §. 2 & 5.*

§. 9. Præcepti necessitas cogebat clericos ad ecclesiam quotidie convenire, ut divinum officium persolverent, & vero nullum ea in re inter majores minoresque clericos discrimen erat. Omnes enim in ordinatione certæ ecclesiæ adscribebantur, ut ei perpetuo servirent; ideoque in ea divinum officium celebrabant, quæ pars erat præcipua ac nobilissima servitii, quod præstare debebant. Sed cum desiit hæc disciplina, & clerici in ordinatione non amplius adscribi cœperunt certæ ecclesiæ, cui semper addicti essent, sensim minores clerici illud ecclesiæ officium obire desierunt. Nunc igitur divinum officium recitare quotidie debent Regulares choro adstricti, beneficiati & clerici in sacris ordinibus constituti (1). Canonici & ceteri clerici, qui in chorum conveniunt, debent officium solemniter in choro persolvere, aut quotidie, aut alternis diebus, hebdomadibus, mensibus, ut fertur instituta, moresque ecclesiarum (2).

(1) Vide *Cons. Fo. quomodo tempore* 129 Bened. XIV §. 45 & 44 tom. 1 ejus *Bullarii cit. ed. pag. 317.*

(2) Debent autem Canonici, qui in choro versantur, divinum officium recitare, & cantum sequi Capellanorum, aut Mansionariorum, ac suo plane deessent muneri, qui taciti tantum choro interessent. Confer Benedictum XIV *Instit. Eccles.* 107 §. 5.

§. 10. Preces, cæremonias, ritus in divino officio adhibendos constituit Sedes Apostolica (1); quod rectissime sancitum est, ut amoveantur mala & incommoda, quæ olim ex diversis divini officii formulis oriebantur (2). Quisquis autem ejus persolvendi lege obstringitur, sive privatim domi, sive publicè in ecclesia, id *reverenter, distincte* ac *devote* facere debet; & quisquis illud sine justa causa (3) omittit, non solum lethalis criminis reus evadit, sed etiam si beneficium habeat, pro ea parte, quam omisit, beneficii fructus restituere debet.

(1) Cum ex diversitate formularum, quibus divinum officium conceptum erat, magna rerum confusio & gravia damna orirentur, actum est in Concilio Tridentino de breviario emendando, deque certa proponenda formula, quam omnes in posterum sequerentur. Sed Concilii Patribus *Sess. 26 in decret. de Indice librorum, & catechismo, breviario & missali* satius visum est rem totam Summi Pontificis judicio committere, atque hinc S. Pius V Pontif. id negotii dedit selectis quibusdam viris, atque opere absoluto edidit Bullam, *Quod a nobis* 87 t. 4 par. 5 *Bullarii* p. 22, ubi certam proposuit breviarii formulam ab omnibus observandam, illis tantum exceptis, qui ab ipsa prima institutione a Sede Apostolica approbata, vel consuetudine, quæ ducentos annos superaret, aliis breviariis uterentur. Piam hanc Bullam confirmavit Clemens VIII *Const. cum in Ecclesia* 276 t. 5 par. 2 *Bullarii* p. 422, deinceps vero Urbanus III *Const. Cum alias*, 749 t. 6 par. 2 p. 580 hymnis quibusdam auxit, atque emendavit. Ac recte & jure Romanos Pontifices omnem æmper dedisse operam, ut Occidentales Ecclesie traditiones, & ritus Ecclesie Romanæ in celebranda Missa, in Sacramentis administrandis, in Psalmodia, in ceteris ad publicum cultum pertinentibus amplecterentur, ostendit Cl. Zaccaria *Bibl. Ritual.* t. 1 *dist. 1 c. 4 & 5 p. XXIX & seq.*

(2) Concilium Tridentinum *Sess. 24 de Reformat. cap. 12.*

(3) Cæcitas, aut gravis infirmitas, quæ officium recitari non sinat, justa causa est, propter quam illud impune omittatur. Qua in re sequi oportet medicum, aut superioris, aut prudentis viri iudicium. Similiter si quis sine culpa breviario careat, atque in loco versetur, in quo illud invenire non possit, item si quis administrare debeat sacramenta, neque moram ferre possit, legitimam excusationis causam habere censetur. Possunt & alie hujusmodi esse causæ, de quibus late agunt scriptores qui in hoc argumenti genere versantur. Confer inter ceteros Lucium Ferraris in *Biblioth. verb. Officium divinum artic. 5.* Illud tamen est animadvertendum, quod qui matutinum & laudes ob aliquod necessarium

impedimentum recitare non potest, reliquas tamen partes persolvere debet, uti constat auctoritate Innocentii XII qui contrariam sententiam proscripsit. *Propos. 64 in Bullar. Const. 54 t. 8 pag. 82.*

## TITULUS V.

### *De Festorum Celebratione.*

- |   |  |
|---|--|
| 1. Festorum celebratio apud Christianos antiquissima. | tota Ecclesia, quidam particulares in certis locis.                                |
| 2. Festi dies vel mobiles, vel immobiles.             | 3. Summus Pontifex constituit & diminuit festos dies tota in Ecclesia observandos. |
| 3. Paschatis Celebratio.                              | 6 & 7. Festorum sanctificatio.   |
| 4. Festis dies quidam generales in                    |  |

§. 1. Omnes ferme gentes habuere dies festos, quibus suos Deos honore prosequerantur, & in quibus magnam religiosi cultus partem constituebant. Apud Christianos jam inde ab Apostolorum ætate festi sunt acti, & instituti dies. Antiquitate ceteros vincunt omnes dies Dominici, Pascha, Ascensio, Pentecostes (1). Postmodum alii quoque accesserunt, videlicet Natalis Christi Servatoris (2), sollemnitates B. Mariæ Virginis, Apostolorum, Martyrum, Confessorum, aliarque complures (3).

(1) Festivitates dierum Dominicorum Paschatis, Ascensionis, Pentecostis ab Apostolis celebratas tradit S. Augustinus *ep. 54 c. 2 opp. t. 2 col. 124 edit. Venet. 1729.* Verum Ascensionem Domini non uno, & eodem ubique ritu, sicuti observabatur Dies natalis Domini, Pascha, Pentecostes, observatam fuisse monet Martenius *de Antiq. eccles. rit. l. 4 c. 28 §. 1 t. 5 p. 192 ind. ed. Venet.*

(2) Certo statui non posse videtur, quod etiam diem festum Natalis Christi Apostoli instituerint; & vero Augustinus, uti nunc demonstratum est, cum memorat dies festos ab Apostolis institutos, nullam hujus diei mentionem facit. Primam hujus diei disertam mentionem multi referunt ad exitum sæculi III, hoc est ad ætatem Diocletiani Imperatoris, quem Nicephorus *Hist. l. 8 c. 7 p. 545 ed. Paris. 1650* narrat ingentem Christianorum numerum natalem Christi noctu celebrantem igne injecto combussisse. Hoc certum est, in Occidente ab antiquissimis inde temporibus festum hunc diem celebrari consuevisse. Testatur id Chrysostomus *Hom. in diem Natal. Christi t. 2 n. 1 p. 355 edit. Paris. 1718*, inquit quod hic dies jam inde a primordio ab ipsa Thracia Gader usque incolentibus manifestus, & celebris fuit. Memorat etiam hanc sollemnitatem tamquam ubique receptam, & jamdiu pervulgatam Augustinus *Ep. 55 c. 10 t. 2 c. 169, & Serm. 287 t. 7 col. 282 & 52 edit. Maurin. Venet. 1755.* Quin non tantum ipsa sollemnitas, sed etiam constitutus sollemnitatis dies, hoc est 25

mensis Decembris in antiquis monumentis designatur. Kalendarium Bucherianum, quo anno 554 scriptum fuisse sentiunt, ab hoc festo initium ducit *VII Kal. Jan. Natus Christus in Bethelem Judea*; eundem diem servant Ptolemeus Silvius, & auctor Kalendarii Carthaginensis, uterque proximus eorum temporum; eundem quoque constitutiones. Apostolica l. 5 c. 15, apud Corclerium PP. *Apostol. t. 1 p. 312 ed. Antwerp. 1599.* Verum in Oriente prima Chrysostomi ætate nondum hæc solemnitas obtinebat, quod manifestum facit ipse Chrysostomus homilia, quam prima die Natali Christi Antiochiæ habuit postquam inter Presbyteros cooptatus fuerat an. 386. In ea enim diserte inquit *loc. cit.* quod *nondum quidem decimus annus est, ex quo hic ipse dies manifestus nobis innotuit.* Nam antea in Oriente unum erat festum Natalis Christi, & Epiphania. At Constantinopoli, exemplo Occidentis, jampridem hæc solemnitas recepta fuisse videtur, quod testimoniis Joannis Chrysostomi & Gregorii Nazianzeni ostendit Cl. Morcellus *Kalend. Constantinopol. ad d. 25 Decembris. t. 1 p. 281.* Tanta autem religione festum hoc Natalis Christi celebratum fuisse constat, ut clerici ea die gravibus constitutis pœnis a suis Ecclesiis abesse prohiberentur, Concil. Agathense *can. 64 t. 5 Collect. Labbei col. 531 ed. Ven.* Quin etiam laici eo die suos Episcopos communionis, ac benedictionis gratia convenire jubebantur. Concilium Agathense *can. 63 l. c.*, Aurelianense I. *can. 23 col. 547, & Epæonense can. 36 col. 716 d. t. 5 conc.* Confer etiam Concilium Toletanum XIII *can. 8 col. 1473 t. 7 conc.* De hujus festi celebritate multa habet Card. Baronius *Appar. ad Annales circa fin. n. 23 p. 475 ed. Luca,* & multa etiam Franciscus M. Florentinus in vetustissimo suo *Martyrologio exerc. 2 p. 195 & seq., qui & p. 201 & 228 de Epiphania seu apparitione Domini loquitur, atque hunc diem tum in Orientali, tum in Occidentali ecclesia semper celeberrimum fuisse demonstrat.*

(3) Martyrum solemnitates antiquissimas esse, & jam sæc. II receptas constat. Jam enim ea ætate S. Polycarpi memoria festively colebatur, ejusque festus dies agebatur, uti patet ex Smyrnenis epistola ad Philomelienses apud Eusebium *Histor. Eccles. l. 4 c. 15 p. 171 ed. Valerii Cantabrig. 1710.* Memorant etiam has Martyrum solemnitates Tertullianus *de Coron. milit. c. 3 p. 102 ed. Paris. 1675,* & Cyprianus *ep. 34 p. 43, atque ep. 37. p. 51 ed. Paris. 1720* mandat clero suo, ut diligenter notetur dies, quo martyres ex hac vita migrant, ibisque significetur, ut, inquit, *celebrentur hic a nobis oblationes et sacrificia ob commemorationes eorum.* De hac martyrum veneratione loquitur etiam Augustinus *de Civit. Dei l. 8 c. 27 opp. t. 7 n. 1 col. 217 et contr. Faustum Manichæum l. 20 c. 21 col. 1346 t. 8 edit. Venet. 1733;* ubi refutat Manichæorum calumnias, qui non verebantur falso accusare catholicos, quod mortuos adorarent. Quod autem de martyribus dico, idem etiam de Apostolis dictum volo, cum eorum solemnitates ab Ecclesia celebrarentur, potissimum quod pro Christo martyrium pertulissent. In his solemnitatibus legebantur passionum martyrum, quorum dies festus agebatur. Concilium Carthaginense II *can. 47 col. 968 t. 1 Collect. Harduini, atque forte ea de re causa dicta sunt legenda, quod publice in ecclesia legerentur.* Habebantur etiam in eorum laudem orationes, quarum sexcenta sunt exempla

apud Chrysostomum, Basilium, Nazianzenum, Nyssenum, Augustinum, Ambrosium, Leonem, Chrysologum, atque alios. Paulo serius instituta sunt confessorum solemnitates, atque hinc initio solis martyribus publice dicata Ecclesie sunt, & in diurno Pontificum in formula petitionis dedicationis Ecclesie *cap. 34, 35, 39, 43* martyris tantum, non confessoris mentio est. In Oriente IV saeculo Hilarionem celebrasse diem mortis Antonii, scribit Hieronymus in *Vit. Hilar. c. 33 opp. t. 2 col. 51 ed. Veron. cit.*, & Sozomenus *Hist. Ecclesiast. l. 3 c. 14 p. 114 ed. Valesii Cantabrig. 1720*, narrat a Palestina ecclesia celebratam fuisse solemnitatem plurium confessorum, nimirum Hilarionis Gazæ, Aurelii Authedonii, Alexionis, & aliorum. Primus in Occidente ex confessoribus publico cultu honorari cepit S. Martinus Turonensis, qui obiit an. 402, atque hunc cultum probavit Concilium Turonense II *can. 18 col. 360 t. 3*, & Matisconense I *can. 9 col. 402 t. 3 Collect.* Harduini, eique S. Benedictus in Monte Cassino monasterium edificavit. Contra Jacobus Laderchius edito ab se libro demonstrare conatus est, SS. Confessorum, ac mulierum cultum a prima usque ætate perpetuum in ecclesia catholica fuisse. Equidem non inferior, ab ipsis ecclesie primordiis privatum cultum fuisse tributum Sanctorum Patriarchis, Prophetis, Confessoribus, Virgini-bus ac Viduis; cum catholica Ecclesia id semper ratum fixum habuerit, non solum martyres, sed etiam ceteros, qui servatis Christi præceptis in ejus dilectione mortui sunt, æternam gloriam consequi, eosque etiam colendos & invocandos esse; atque hæc a primis usque sæculis Patrum omnium sententia semper fuit. Sed publicus, de quo hic tantum loquimur, cultus citius martyribus, serius autem confessoribus datus ab ecclesia est. Consule Card. Bellarminum *de Missa l. 6 c. 8 p. 429 §. Tertia objectio t. 3 ed. Venet. 1721*, Card. Thomasium *Prefas. ad Codicet sacramental. Eccles. Rom. n. 5*, & ipsius Thomasi vindicias Panormi editas an. 1723, præsertim *c. 4 p. 52 & seq.*

§. 2. Festi dies vel mobiles, vel immobiles sunt. Mobiles dicuntur, qui non eodem die quovis anno celebrantur: immobiles, qui certis semper diebus hærent; atque hi sunt Natalis Domini, Circumcisio, Epiphania, dies festi B. Mariæ Virginis & Apostolorum. Dierum festorum mobilium celeberrimus est Paschalis, a quo omnes reliqui mobiles pendent. Pascha antecedit jejunium quadragesimale, ad quod præparantur animi tribus hebdomadibus, quæ proxime anteverunt; & quarum prima *septuagesima*, altera *sexagesima*, postrema *quinguagesima* est (1). Pascha sequitur. Ascensio Domini post dies quadraginta, post quinquaginta Pentecostes. Reliqui Dies Dominici usque ad Adventum, & ab Epiphania usque ad Septuagesimam numeris distinguuntur. Ergo in figendo Paschate præcipuus labor.

(1) Plures olim, ac præsertim Monachi sese a carnibus abstinere ad Quadragesimam præparabant; & vero Greci hanc abstinentiam inchoabant a die, qui Dominicam Sexagesimæ proximæ sequebatur; post Dominicam vero Quinquagesimæ non solum carnibus, sed ne lacte quidem, atque ovibus vesciebantur. Itaque a Græcis hebdomada Sexagesimæ dicitur *Ανοξιστος*, hoc est *carnis privium*; quo vocabulo non raro utantur mediæ ætatis Scriptores, ut designent tempus bacchanalium, quoniam tunc Christiani carnibus privabantur. Inde ortum forte est vocabulum *Carnivalem*, quia tunc Christiani carni valedicebant; & hinc a tollendis, deserendisque carnibus hoc idem tempus *carnivalem*, & *carnem laxare* appellatum ostendit Muratorius *Antiq. Italic. diss.* 71, unde etiam vocabulum *carnivale* effici potuit.

§. 3. Est autem celebrandum Pascha die Dominica, quæ post æquinoctium vernalis proxime sequitur Lunam XIV Martii, hoc est plenilunium, sed non illa ipsa die XIV, quia Christus postridie Paschatis Hebræorum ex inferis resurrexit. Itaque nostrum Pascha cum Paschate Hebræorum convenire nunquam potest. Vetus est hæc de celebrando Paschate Ecclesiæ Romanæ repula, quam Nicænum Concilium probavit contra Asianos, qui festum illum agebant diem ipsa luna XIV, Hebræorum more (1).

(1) Magnæ olim de celebrando Paschate fuere controversiæ excitæ præsertim ab Asianis, qui antiquam traditionem proponentes ipsa luna XIV, more Judaico, pascha celebrandum esse contendebant. Contra Summi Pontificis nisi traditione, quam a D. Petro acceperant, hanc solemnitatem differebant ad diem Dominicum, qui post æquinoctium vernalis ipsam lunam XIV proxime sequitur. Romam ea de re venit Polycarpus, ut cum Aniceto Pontifice consilia conferret; sed nihil tunc perfectum est, & Asiæ Ecclesiæ in sua sententia permanserunt, sicuti narrat Irenæus in *ep. ad Victor.* apud Eusebium *Hist. eccl. l. 5, c. 24, p. 245 & seq. ed. Valerii Cantabrig. 1720.* Recruduit controversia Victore Pontifice, qui Asianis Episcopis ecclesiasticam communionem interdixit, quod Pascha eodem, quod Judæi, tempore celebrare pergebant; denique Nicæno Concilio probatum, confirmatumque est, quod a Romanis Pontificibus statutum fuerat. Atqui hi, qui Pontificiæ, ac Nicænæ sententiæ de celebrando Paschate pervaciis obistere ausi sunt, hæretici & schismatici habiti sunt, & Quartadecimani, Tesseradecatiz, Audiani appellati. Sed quamquam catholicorum Ecclesiæ de celebrando Paschate in die Dominico consentirent, non una tamen, eademque erat omnium sententia in hoc Dominico die constituendo. Nam interdum eveniebat, ut ecclesiæ quædam una hebdomada, vel mense citius, quam reliquæ festum illum diem agerent; & Ambrosius quidem *ep. 23 n. 13 & seq. col. 94 l. 5 edit. Venet. cit.* testatur, ann. 387 pascha ter separatim temporibus celebratum fuisse, ab aliis XII Kal. Aprilis, ab aliis XIV Kal. Majas, ab aliis VII Kal. Majas. Similiter Leo M. *ep. 110 l. 2 c. 1 p. 401 ed. Rom.* tradit ann. 435

Devoti. Tom. II.

octo dierum intervallum inter Romanorum Pascha, & Pascha Alexandrinorum intercessisse. Tanti huius discriminis ratio erat, quod non omnes uno, eodemque cyclo uterentur. Priscos Christ. Hierosolymitanos adhibuisse constat cyclum judaicum 84 annorum, quo Iudæi aliquanto ante ad constituendam anniversariam paschati sui celebritatem usi fuerant. Cyclum hunc per ducentos fere annos Christiani adhibuerunt, quamquam Pascha suum diè dominico, non quartadecima luna cum Hebræis observarent, uti adversus Josephum Scaligerum *de Emendat. tempor.* l. 2 ostendunt Guillelmus Beveregius in *can. 7 Apostol.*, & Jacobus Usserius *Prolegom. ad Ignat. c. 9*, uterque apud Cotelierum *PP. Apostolic. t. 2 p. 464*, & *t. 2 p. 218 ed. Amstelod. 1724*. Post Judaicum statum omnino ab Hadriano sublatum Christiani alios cyclos adhibere cœperunt, cum novissent Iudæici cycli errores, qui interdum Pascha equinoctio verno anteferebant, adeo ut illud aliquando bis in uno anno fieret. Hyppolytus Portuensis in Arabia Episcopus circa an. 220 cyclum composuit annorum sexdecim, alium annorum octo non multo post dedit Dionysius Alexandrinus Episcopus, & alium undeviginti annorum Anatolius similiter Alexandrinus an. 270, quæ omnia narrat Eusebius *Histor. eccles. l. 6 c. 22 & l. 7 c. 20 & 32 p. 286, 344 & 369 ed. Cantabrig. 1720*. Sed cum res adhuc incerta maneret, Synodus Nicæna, quæ die tantum dominico pascha celebrandum esse decreverat, omnem hanc curam Alexandrinis Episcopis commisit, ut reliquos Episcopos quoque anno certiores faceret de die dominico, quo pascha celebrare oporteret, sicuti testatur S. Leo M. ep. q5 *ad Marcian. opp. t. 2 p. 453 ed. Roma 1755*. Verum hoc Nicænum decretum vel non ubique obtinuit, vel progressu temporis antiquari cœpit. Nam Cyrillus Alexandrinus *Ep. Paschal.* apud Bucherum *de Doctrin. tempor. p. 481 seq. ed. Antwerp. 1634* de gravi queritur confusione, quæ de tempore celebrandi paschatis ubique dominabatur, cum Romanorum & Alexandrinorum rationes una quandoque hebdomade, vel mense inter se discreparent. Romana enim Ecclesia adhuc vetusto cyclo judaico annorum 84, non autem novo Alexandrino annorum 19 utebatur. Denique rem perfecit Dionysius Exiguus anno 525 qui in Romanam Ecclesiam induxit canonem Alexandrinum, atque ita omnes inter Romanos & Alexandrinos ea de re controversiæ sublatae sunt. Sed adhuc magna erat confusio ob discrimen, quod est inter annum astronomicum & civilem, quo utimur, neque recte novilunia constabant; ideo Gregorius XIII fastos emendandos curavit, & nunc post Gregorianam emendationem. ex fastis perpetuis, & Kalendaris, quæ singulis annis evulgantur, facileprehendimus ordinem anni tum civilis, tum ecclesiastici. Nostro hoc sæculo huiusmodi argumentum, quod pertinet ad Gregoriani Kalendaris emendationem, atque ad tempus celebrandi Paschatis, latè pertraxit Iacobus Bettazzius Præfatus, qui ann. 1752 Florentiæ librum edidit, cui titulus *Epitome operis Paschalis proferens necessitatem emendandi correctionem Gregor., deinde opportunitatem ejusdem Gregor. emendationem sine Kalendaris & martyrologii variatione; atque exhibens dissertationes. IV, & appendices II ad materiam de cycli Paschalis constitutione emendandam*. Cuius operis deinde ipse Bettazzius defensionem edidit.



§. 4. Ex festis diebus quidam sunt omnibus per totum orbem christianum, et omni tempore sacri, ut cuncti dies Dominici, Pascha, Pentecostes et ceteræ majores sollemnitates; et quidam sunt non ubique, sed a certis tantum civitatibus, aut provinciis, aut nationibus observati. Ita unaquæque fere civitas suum habet patronum, cujus festum diem agit cum venia Sedis Apostolicæ (1); atque in provinciis quibusdam certi sunt festi dies antiquissima majorum traditione constituti. Rursus quidam sunt festi dies, in quibus ubique Christiani et Missæ sacrificio interesse debent, et ab omnibus se abstinere operibus, quæ servilia vocantur; et quidam sunt minus solemnes, in quibus alicubi Christianis posteaquam divino sacrificio fuere præsentis, integrum est suis rebus vacare, ac pauperibus licet victum sibi ex suis laboribus comparare.

(1) De eligendo S. Patrono alicujus civitatis aut provinciae, cujus ab universo populo festus agatur dies, habes apud Lucium Ferraris in *Biblioth. verb. Festa n. 4* decretum Sac. Congregat. rituum, quod jussu Urbani VIII editum est die 25 Martii an. 1630. Ejus autem decreti summa est, ut ita tantum eligantur Patroni, qui Sanctorum albo adscripti sunt, non item qui tantum Beati vocantur; ut hæc electio fiat per secreta suffragia ab universo populo, cum Episcopi & Cleri consensu: ut hujus electionis causæ Sac. Rituum Congregationi aperiatur, ab eaque noscantur, & approbentur.

§. 5. Dies festos, quos de præcepto omnes in toto orbe Christiani observare debeant, constituit Sum. Pontifex cujus est auctoritas et potestas in Ecclesiam universam (1). Idemque deminuit numerum minorum festorum (2): quod non multis abhinc annis factum est a Benedicto XIV, qui rogantibus Episcopis et conquerentibus, quod propter festorum multitudinem, vetitosque labores pauperibus eriperetur occasio sibi parandi victum, et universa pene festa minus religiose observarentur, diebus festis minus solemnibus, integro præcepto audiendi missam, laborandi facultatem attribuit (3).

(1) Consule Urbanum VIII *Const. Universa* 270 *Bullar.* t. 6 p. 541. Episcopus in sua diocesi dies festos præcipere posse quidam negant. Sed mihi e Synodo Tridentina *Sess. 25 c. 12 de Regular.* hæc facultas Episcopo perspicue concedi videtur; & Urbanus VIII in laudata Constitutione *Universa* §. 3 monet quidem Episcopum, ut se a novis festis præcipiendis abstineant, ne nimia eorum co-

pia mali aliquid pariat, non tamen ipsis admittit hanc facultatem. Consule Gonzalezium in *cap. ult. n. 17 de feriis*, & Ferrarium *Biblioth. verb. Festa in nov. addit. n. 2*. Sunt autem etiam a Regularibus, ceterisque exemptis servandi dies festi, quos Episcopus in sua diocesi servari iussit. Concil. Trident. l. c. Vide Giraldum *Expos. Jur. Pontif. par. 2 sect. 106. p. 1042*.

(2) Extant inter epistolas selectas Cardinalis Bonæ duæ ipsius literæ, nimirum 258 & 259, datæ ad Joann. Baptistam Thiersium auctorem operis *de Dierum festorum imminutione*, atque in postrema ipse reprehendit Thiersium, qui putaverat, Episcopum posse in sua diocesi tollere dies festos in universa ecclesia receptos, atque id tantum a Sum. Pontif. fieri posse animadvertit. Confer ea de re peculiarem dissertationem editam a Bened. XIV quæ descripta est in ejus opere *de Canonizatione Sanctorum lib. 4 part. 2 cap. 16*.

(3) Adeundus est Benedictus XIV *Const. Non multi 63 ejus Bullar. tom. 2 p. 303 ed. cit.*

§. 6. Sed reliquos dies festos integros Deo et Religioni tribuere oportet, eaque est, quæ dicitur, festorum sanctificatio, quæ in eo est posita, ut non tantum sacrosancto Missæ sacrificio præsentēs simus, sed etiam diem in divinis laudibus, in precibus, in ceteris religionis officii-transigamus (1). Justum enim est, ac rationi consentaneum, quod vacui reliquis curis, atque negotiis certos quosdam dies habeamus, quos totos divino cultui tribuamus, Deumque immortalem, a quo summa et innumera-bilia beneficia accepimus, cognoscamus, colamus ac veneremur. Si enim jussisset, nos quotidie religionis cultum sibi tribuere, nonne pro innumeris, quibus ab eo cumulati sumus, beneficiis, omni opē & opera eniti nos deberet, ut ei prompto alacrique animo pareremus? Nunc vero paucis ad ejus cultum institutis diebus, non secordes & negligentes nos esse oportet in hoc officio persolvendo, quod sine gravissima culpa prætermittere non possumus (2).

(1) Catechismus Romanus *par. 3 præc. 5 cap. 4 §. 25*.

(2) Catechismus Romanus *loc. cit. §. 26*.

§. 7. Itaque his diebus, qui toti Deo ac Religioni ad-dicti sunt, Christianis abstinendum est ab omnibus, quæ animam a Deo abstrahunt, quæque impedimento sunt, quominus ipsi ad Ecclesias convenient, rebusque religionis animum adjungant. Hinc vetita sunt opera servilia, quæ olim apud Romanos præsertim a servis gerebantur; & ideo ser-

vilis dicuntur (1). Similiter nefas est agere mercatus rerum venalium, quamquam nundinae longo usu receptae cum certis legibus tollerentur (2), et nefas judicialia acta exercere, quae si gesta fuerint die festo, irrita sunt (3). Urgente vero necessitate, veluti si fruges ingenti periculo subsint, aut praecleara sit occasio piscandi, quae alio die haberi non possit, Episcopus metendi & piscandi tribuit facultatem (4).

(1) Opera servilia, quae diebus festis expedire nefas est, numerat Lucius Ferraris *Biblioth. Canon. verb. Festa n. 12 & seq.* Vide etiam Benedictum XIV *Instit. Eccles. Instit. 43 & 65.*

(2) Consule Benedictum XIV *Constit. Ab eo tempore 144 ejus Bullar. tom. 1 pag. 355 ed. Venet. seu Roma cit.*

(3) *Leg. 2 & 3 cod. de Foris, cap. 1 & c. 6. de Foris.*

(4) *Cap. 3 de Foris.* Catechismus Romanus par. 3 praef. 3 cap. 4 §. 23. Vide etiam Benedictum XIV *cit. Constit. 144 §. 26 & 27, & cit. Inst. 65.* Editio S. Caroli Borromaei spectacula etiam, ac publici ludi interduntur; de quo editio vide ipsum Benedictum XIV *de Synod. lib. 11 cap. 1 num. 7.*

## TITULUS VI.

### *De Jejunio.*

- |   |  |
|---|--|
| 1. Quid Jejunium, & abstinencia?                          | 6. Abstinencia a carnibus, lacte, ovis.          |
| 2. Jejunium Quadragesimae, Quatuor Temporum, Vigilantium. | 7. Et unica comestio in diebus jejunii.          |
| 3. Jejunium quartae, ac sextae feriae, & Sabbati.         | 8. Jejunium a quibus, & quomodo observandum sit. |
| 4. Jejuniorum finis.                                      |  |
| 5. Vigilantiae.   |  |

§. 1. Ut celebratio dierum festorum, ita jejuniorum observatio pertinet ad religiosa officia Christianorum, qui per ea corpus castigant, atque in officio continent. Jejunium proprie sic dictum distinguitur ab abstinentia, quae jejunii pars est. Nam abstinentia propria est eorum, qui carnes non comedunt, sed quavis diei parte cibum sumere possunt; jejunare autem dicuntur ii, qui non modo abstinent se a carnibus atque a delicato convivio, sed etiam cibum ad certam statamque horam differunt, atque non nisi semel in die sumunt. Hoc porro est Jejunium, quod ecclesiasticum dicitur, quod cum naturali confundi non debet. Nam hoc nihil cibi, potusque permittit, adeo ut tantum observetur ab iis, qui plane jejni sunt, hoc est

nihil cibi, aut potus in stomachum immiserunt, quale est jejunium eorum, qui Eucharistiam accipiunt. Verum jejunium ecclesiasticum (1) potum, cibumque permittit, modo stato tempore, & vero talis capiatur, qualis tunc capi potest.

(1) Jejunium ab Ecclesiasticis Scriptoribus etiam statio appellatur. *Hermas in Pastor. lib. 5 simil. 5 n. 1* apud Cotelierium *PP. Apostol. t. 1 p. 105 ed. Antwerp. 1638: Respondi, quoniam, Domine, stationem habeo. Quid est, inquit, statio? Es dixi jejunium. Es dixit, quid est illud jejunium? Sicur solebam, inquam, sic jejuno. Eodem sensu stationis vocabulum accipiunt *Pertullianus de Coron. c. 11 p. 106, de Anima c. 43 p. 300, de Jejun. c. 10 p. 550 edit. Venet. 1744, Cassianus, de Canob. inst. lib. 5 c. 20 & 24 p. 125 & 129, & col. 21 c. 29 p. 804 ed. Acrebat. 1628, Isidorus Orig. liber 6 caput ult. p. 83 edit. Paris. 1601. Alii stationem a jejunio distinguunt. Nam Rabanus liber 2 de Instit. Cleric. caput 18 p. 17 t. 6 edit. Colon. Agrip. 1626: Jejunium, inquit, est indifferenter cujuslibet diei abstinencia, non secundum legem, sed secundum propriam voluntatem. Statio autem est observatio statutorum dierum ut quarta & sexta feria jejunium ex vetere lege præceptum: temporum autem, ut jejunium quarti, quinti, septimi & decimi mensis, & observatio Quadragesima, quæ in universo orbe institutione Apostolica observatur. Cur autem statio dictum sit jejunium explicat Auctor *Serm. 21*, qui extat in *Append. opp. S. Ambrosii t. 4 col. 517 ed. Miurin. Venet. 1751. Caetera enim nobis sunt nostra jejunia, quæ nos a diabólica oppugnatione defendunt. Denique stationes vocantur quod stantes, & commorantes in eis inimicorum insidias repellamus. Verum Cotelierius in Herman. loc. cit. not. 56 inter jejunium, & stationem hoc tantum discrimen fuisse contendit, quod interdum statio pro jejunio quartæ & sextæ feriæ acciperetur; de cetero unum, & idem utrumque fuisse putat. Similiter observat, quod sicut diebus jejunii conventus, sive stationes Christianorum in Ecclesia longiores erant, quam Dominicis, festisque diebus, hinc forte factum est, ut jejunium stationis nomina vocaretur.***

§. 2. Religiosa jejunia apud Christianos (1), alia generali Ecclesiæ lege sunt constituta, atque omnes obstringunt, statoque tempore quotannis, redeunt, ut jejunium quadragesimæ, quatuor temporum, vigiliarum; et alia certos tantum homines attingunt, qualia sunt jejunia, quæ pœnitentibus imponuntur, quæ suscipiuntur ex voto, quæ ab Episcopo in diœcesi, propter sollicitudinem, curamque ecclesiasticam, indicuntur (2). Inter stata, et solemnia jejunia maxime sacrum est jejunium ante Pascha, quod Quadragesima appellatur, et quod licet a Christo præceptum affirmari non possit (3), tamen ab Apostolica traditione

repetendum est (4). Hoc jejunium nunc complectitur dies quadraginta, atque ejus initium fit a die cinerum (5); olim constabat sex hebdomadibus, hoc est diebus triginta sex (6); nani die dominico Christiani de veteri more in memoriam dominicæ resurrectionis non jejunabant.

(1) Calviniani, atque in primis Joannes Dallæus *l. de Jejun. & Quadrag.*, contendunt de veteri Ecclesiæ more Christianos pro arbitrio suo, non autem ex necessitate, jejunia observasse. Hinc ajunt, jejuniorum disciplinam, quæ a Catholica ecclesia constituta est, non abesse a sententia Montanistarum: quoniam ut his erant, ita catholicæ ecclesiæ sunt statuta jejunia, quæ ex necessitate observari debeant. Sed putidæ hæc calumniæ sunt, quas satis refutarunt catholici, quos inter videndus est Natalis Alexander *Hist. Eccles. sæc. 2 diss. 4 t. 3 p. 504 sq. ed Venet. 1775*. Dane veteris ecclesiæ jejunia non ex hominum voluntate & arbitrio, sed ex legis necessitate Christiani observarunt; & Montanistarum jejunia Ecclesia rejecit, atque damnavit, quod ea illi ducerent ex figmento novarum revelationum, quas se a Paracletio Montanus accepisse jactabat. Egregie etiam de catholicorum jejniis contra hæreticos doctissimi Cardinales Baronius, Bellarminus, Cozz, Gortius disputarunt.

(2) Vide Benedictum XIV *de Synod. dioces. l. 15 c. 4 n. 6*, ubi etiam quaeritur, num exempti observare debeant jejunium, quod ab Episcopo pro tota diocesi indictum est.

(3) Consule Ludovicum Thomassinum *in tract. de jejun. par. 1 c. 4*, S. Hieron. *in Isai. l. 16 t. 4 c. 53 col. 683*, & *in Jonam c. 5 opp. t. 6 col. 416 ed. Vallur. Verona 1756*, quadragesimæ jejunium repetere videtur ex jejunio, quod per dies quadraginta Moyses, Elias & Christus Dominus observarunt. Verum id ita intelligendum est, non quod Christus de quadragesimali jejunio disertum, atque expressum mandatum dederit, sed tantum quod proposuerit exemplum, cui insistens Ecclesia quadragesimæ jejunium instituit, ut monet Augustinus *ep. 55 ad Januar. c. 15 opp. t. 2 col. 159 ed. Venet. 1729*. Atque ita etiam intelligendi sunt Basilius, Theophilus, Cyrillus Alexandrin., Petrus Chrysologus; ceteri Patres, qui hoc jejunium ad divinam institutionem referunt. Vide Bertium *Hist. Eccles. t. 1 diss. 6 n. 51*.

(4) S. August. *de Baptismo contr. Donatist. l. 4 c. 24 opp. t. 9 col. 140 ed. cit.*, S. Hieron. *ep. 41 ad Marcellam opp. t. 1 n. 3 col. 187 ed. cit.*, S. Leo M. *Serm. 43 de Quadrages. c. 2 opp. t. 1 p. 117 ed. Rom. 1753*. A ostolos observasse constat jejunium *an. epaschale*, quod numerum dierum a quadragesimali differt, quoniam complectebatur tres illos dies, qui inter Christi mortem, atque ejus resurrectionem intercesserunt. Antepaschale hoc jejunium ipsa fortasse ætate Apostolorum amplificatum deinceps est, atque ita quadragesima instituta; & certe cum hæc institutio retenta semper in universa ecclesia fuerit, atque ejus origo ignoretur, nonnisi Apostolica auctoritate tradita haberi debet, quæ celebris est Augustini regula. Consule Natalem Alexandrum *cit. Diss. 4 art. 4 p. 313*, & Selvagium *Antiq. Christian. l. 2 par. 2 c. 7 §. 4 & 5*. Porro quadragesimam tamquam ubique observatam, ac jampridem receptam

memorant Origenes *Hom. 10 in Levit. opp. t. 2 p. 246 ed. Maurin. Paris. 1755*, Concilium Nicænum *Can. 5 col. 326 t. 1 Collect. Harduini, Athanasius in Apolog. ad Constant. opp. t. 1 p. 245 n. 15 ed. Patav. 1777*, Cyrillus Hierosolym. *Catech. 3 de Bapt. p. 4 & in Notis ed. Paris. 1720*, Basilii *Hom. 2 de Jejun. opp. t. 2 ed. Paris. 1722*, Gregorius Nazianzenus *Orat. 40 in baptism. t. 1 pag. 659 edit. Colon. 1690*, Epiphanius in *Exposit. fid. t. 1 c. 22 p. 1105 ed. Paris. 1622*, Leo M. *Serm. 1 & seq. de Quadrages. opp. t. 2 col. 143 & seq. edit. Ballerin. Venet. 1753*, alique Patres. Illud non omitam, & alias olim fuisse Quadragesimas, ideoque illam, quam statim Pascha sequitur, *majorem* appellatam fuisse, ut a reliquis distingueretur. Confer. cl. Card. Garampium *Memorie della B. Chiara di Rimini dist. 6 §. 6 & seq. pag. 202 seq.*

(5) Quis diem cinerum, & tres dies alios initio quadragesimalis jejunii primus addiderit, ut numerus conficeretur quadraginta dierum, incertum est. Alii id a Gregorio M., alii a Gregorio II factum putant.

(6) Quædam Ecclesiæ sex hebdomadibus, & quædam septem jejunium observabant; uti constat ex Cassiano *Collat. 21 t. 24 & seq. p. 568 & seq. edit. cit.* Sed nulla tamen earum quadraginta dierum numero explebat, cum illæ dies Dominicos, hæc vero etiam Sabata exciperent, & ideo tantum ex diebus triginta sex jejunium constaret, Chrysostomus *Hom. 11 in Genes. c. 2 opp. t. 4 p. 84 ed. cit. Paris.*, & Ambrosius *de Elia c. 10 n. 55 t. 1 col. 655 ed. Maurin. Venet. 1748*. Atque ita quidem quadragesimam usque ad ætatem Gregorii M. observatam fuisse constat ex ejus *Homil. 16 in Evangel. opp. tom. 1 lib. 1 num. 5 col. 149 ed. cit.*

§. 3. Stati jejuniorum dies erant etiam quarta et sexta feria in qualibet hebdomada, quæ jejunia jam inde a primis sæculis recepta sunt, quod quarta feria Judæi ad occidendum Christum consilium inierint, feria sexta inter fecerint (1). Jejunia hæc, quæ singulis hebdomadibus, exceptis quinquaginta diebus a Paschate ad Pentecostem, observabantur, non ad vespertas, uti quadragesimalia, producebantur, sed hora nona finiebantur (2). Latini ab antiquissima ætate etiam jejunium Sabbati habuerunt, quod semper una cum jejunio sextæ feriæ retinuerunt; jejunium quartæ feriæ labentibus annis paulatim desiit (3). Nunc feriæ sextæ & Sabbati jejunium tantum a carnibus abstinencia est.

(1) Clemens Alexandrinus *Strom. l. 7 c. 12 p. 877 ed. Venet. 1757*, Epiphanius *Hæres. 56 sive 76 n. 3 & 6 l. 5 c. 1 p. 908 ed. & 910 Colonia 1682*, August. *ep. 86 seu 56 ad Carulanum opp. t. 1 c. 13 n. 50 col. 80 ed. Venet. 1729*, Petrus Alexand. *Can. 15 col. 23*, apud Bevereg. *ed. Oxonii 1672*, Auctor *Constit. Apostolic. l. 5 c. 15*, apud Cotelerium *PP. Apostolic. t. 1 p. 322 ed. Amstelod. 1724*.

(2) Ætate Ratherii Veronensis, qui ante medium sæculum X vitæ usura fruebatur, mitigari cœperat antiqua disciplina, & jejunium quadragesimale non amplius ad vespertas, sed tantum

ad nonam producebatur, uti ostendit ipse Rathedius *Orat. Synodic. ad Presbys. n. 15 col. 420 ed. Veron. 1765*. Sed etiam post eam ætatem vetustam disciplinam alicubi stetisse, monent Fratres Kallerinii *ibid. not. 48*.

(3) Orientales unum Sabbatum post Parasceven jejuniis consecrabant, ceteris vero totius anni Sabbatis non solum non jejunabant, sed eodem fere solemniori ritu, quo diebus dominicis, sacros conventus & synaxes celebrabant, uti testantur Athanasius *Hom. de Semente t. 3 n. 1 p. 45 ed. Patav. 1777*, Socrates *Histor. Eccles. l. 5 c. 22 & l. 6 c. 4 p. 295 & 313 ed. Valerii Cantabr. 1720*, Cassianus *Instis. l. 3. c. 2 p. 30 ed. cit.* Quinimo die Sabbati vetitum ipsis erat jejunium, uti patet *can. 56 Apostol. apud Cotelierum loc. cit. p. 450*, & Auctore *Conts. loc. cit.*, quod a Catholicis Orientalibus factum est, ne assentiri viderentur errori Marcionis, qui Sabbati jejunium suæ fecerat hæreseos partem, uti demonstrat Epiphanius *Hæres. 22 vel 42 l. 1 t. 1 c. 504 ed. cit.* Quæ disciplina magis magisque apud Orientales firmata est, cum hæreses eruperunt Marcianistarum, Lampetianorum, Chorentarum, Adelpianorum, qui superstitiosa & vana observatione Sabbato jejunabant. Orientalium consuetudinem nunquam damnavit Ecclesia Romana, imo a Bened. XIV *Constit. Es si pastoralis 57 §. 9 n. 8 & seq. Bullar. t. 1 p. 110 cit. ed.* tolerandus dicitur apud Græcos esus carniū die Sabbati, si sine scandalo fieri potest; in locis autem ipsorum, & inter eos tantum. Gabriel Albaspinzus *Observ. l. 1. c. 13 p. 30 ed. Neap. 1770* putat, olim etiam in Ecclesia Romana die Sabbati carnes edi consuevisse. Verum sæculo IV jam Sabbatum inter esuriales dies recensebatur, uti ostendunt Hieronymus *ep. 71 ad Lucinium Bat. n. 6 col. 432 t. 1 ed. Veron. 1754*, Augustinus *ep. 56 ad Casulan. c. 13 not. 31, & ep. 82 ad Hieronym. c. 2 n. 14 opp. t. 2 c. 108 & 256 ed. Maurin. Venet. 1759*. Vide etiam Concilium Eliberitanum *can. 76 t. 1 Conc. Labbæi col. 995 ed. Venet.* Neque vero hoc Sabbati jejunium, ut quidam putant, primum institutum est ab Innocentio I. *ep. ad Decent. Eugubini. c. 4 n. 7*, apud Constantium *col. 859*; nam Innocentius non novi aliquid constituit, sed confirmavit, quod jam constitutum, receptumque erat. Vide Bertium *Histor. Eccles. t. 2 diss. t. 1 n. 5*. Extat etiam de jejunio Sabbati dissertatio Paschasii Quesnelii, quæ est *diss. 6 in opp. S. Leonis t. col. 1069 ed. Baller. Venet. 1756*. In Africa ætate Augustini, ut ipse testatur *cit. Epist. ad Casulanum n. 52 c. 108*, quædam Ecclesiæ erant, quæ Sabbato jejunabant, quædam, quæ non jejunabant; item in Ecclesia Mediolanensi Sabbati jejunium non observabatur, uti narrat ipse Augustinus *loc. cit.*, & Ambrosius *de Elia & jejun. c. 10 n. 34 opp. t. 1 col. 655 ed. Ven. 1748*; similiter in Hispaniæ Romanæ Ecclesiæ consuetudinem non obtinuisse, constat ex Conc. Coyacensi *c. 11 t. 6 par. 1 Collect. Harduini col. 1028*. Labentibus annis jejunium Sabbati fere ubique antiquari cœpit, & ideo S. Gregorius VII in Conc. Rom. *c. 51 diss. 1 de Consecrat.* non ausus antiquam disciplinam integram restituere, satius putavit Fideles commonere, ut ea die sese ab esu carniū abstineant. Innocent. III in *cap. 2 de Observ. jejun.* cum a Bracharensi Episcopo de Sabbati jejunio interrogatus fuisset, respondit, quod

*super hoc consuetudinem tue regionis facias observari.* Hinc communis Doctorum opinio est, licere die Sabbati carnes comedere, ubi earum usus a recepta consuetudine non est interdictus. Consule Glossam in *cit. can.* 31, S. Antoninum in *Summ. Theolog. par. 1 tit. 16 cap. unic.*, Fagnanum in *cit. t. 2 n. 19 et seq. de Observant. jej.*, Pirhingium *sur Eccl. tit. 46 l. 5 n. 2.*

§. 4. Quatuor temporum jejunia initio Quadragesimae, post Pentecosten, ac mensibus Septembris, & Decembris, quarta ac sexta feria, & Sabbato quotannis celebrantur (1). Exemplo Judæorum, qui quater in anno jejunabant, quatuor temporum jejunia recepit Ecclesia, quae jam saeculo V obtinebant (2); quamquam non Judaico ritu, sed Christiano animo observarentur (3). Quibus jejunis id sibi vult Ecclesia, ut pro acceptis beneficiis Deo gratias agamus, ut divinam opem exoremus, atque his poenitentiae operibus nostra crimina expientur, ut denique bonos altaris ministros divinitus impetremus. Nam his temporibus, uti superiori libro demonstratum est, solemnes clericorum ordinationes peraguntur.

(1) Trium temporum jejunia ab Apostolis instituta fuisse, Callistum autem Sum. Pontif. addidisse jejunium Decembris, scriptum est in *Ep.* 1 ipsius Callisti; verum hæc epistola Isidori Mercatoris figmentum est. Ab Apostolica traditione initium sumere hoc jejunium tradunt Baronius *ad an.* 57 n. 209 t. 1 p. 483 *ed. Luca*, & Thomassinus *de Jejun. par. 1 cap. 21 n. 7.* Cum deinde aliqua ex parte vetus disciplina immutata esset, & nonnullæ Ecclesiæ vernum jejunium mense Martio, æstivum vero in hebdomade, quæ post festum Pentecostes sequitur, quodam more celebrarent, S. Gregorius VII. Quadragesimæ initio primum jejunium fieri, alterum in hebdomade Pentecostes perpetua lege constituit. Quod memorat Micrologus scriptor Gregorio suppar, *de Eccles. observ. c. 24 et 25 col. 746, et seq. in Biblioth. PP. t. 10 ed. Paris.* & hunc spectat Concil. Claromontanum habitum Urbano II Pontif. *can. 25* apud Labbæum t. 12 col. 832 *ed. Venet.* Confer Odericum Vitalem *de Histor. eccles. lib. 9;* & Muratorium in *Anecd. l. 2 diss. de jejun. quatuor temporum.* Præsertim autem videndus est Thomas Vallfridius, qui anno 1671, Bononiæ dissertationem edidit *de Usu et Institutione jejuniorum temporum.*

(2) Consule S. Leonem M. *de decimi mens. jejun. Serm. 6 c. 1 p. 32, et Serm. 8 c. 2 p. 38 de Jejun. Pentecost., Serm. 2 c. 2 p. 251, et Serm. 4 capis. 4 p. 255 de Jejun. mens. septimi, Serm. 4 et 9 opp. t. 1 p. 256 et 270 ed. Roma 1753.*

(3) S. Leo M. *cit. Serm. 4 de Jejun. sept. mens. c. 1 p. 256 t. 1 ed. cit.*

§. 5. Sed & in vigiliis Natalis Domini, Pentecostis,



Assumptionis B. Virginis, multorumque Sanctorum per annum jejunia observantur. Vigiliæ erant nocturni cœtus, quos Christiani in Ecclesia habebant ante præcipuum aliquem festum diem, ut divina officia persolverent. Hæ differebant a communi nocturno, seu matutino officio, quod hoc nonnisi post mediam noctem circa gallicinium incipiebat, vigiliæ autem longiores erant, quod cœtum in Ecclesia per maximam noctis partem detinebant, unde & *Pernotiones*, & *Pervigiliæ* dicebantur (1). Nunc cum non amplius fideles noctu ad Ecclesiam conveniant, vigiliæ illæ cum jejuniis agendæ sunt.

(1) Videndi sunt in primis S. Joannes Chrysostomus *Homil.* 1 s. 6 p. 95, & *Homil.* 4 p. 121, *Homil.* 30 in *Genesim* s. 4 n. 6 p. 303, *Homil. de Terræ motu* s. 2 p. 718 *ed. Paris. cit.*, S. August. *Confess.* 1. 9 c. 7 n. 1 *opp. col.* 162 *ed. Ven.* 1729, Socrates l. 1 c. 37 p. 73, & Sozomenus l. 1 c. 6 & 29 p. 53 & 86, uterque *ed. Vallerii Cantabrig.* 1720, Sidonius Apollinarius l. 5 ep. 17 p. 148 *ed. Paris.* 1652.

§. 6. Jam vero duabus veluti partibus jejunium constat: abstinencia a carnibus, ovis, lacte, aliisque cibis delicatioribus, & unica in die comestione. Nam institutum est, ut agamus pœnitentiam, & corpus affligamus. Et abstinencia quidem a carnibus, cibisque delicatioribus semper ecclesiastici jejunii pars fuit, atque etiam antiquis canonibus constituta (1). Cibi quoque delicatiores, vinique potus erant interdicti (2), ac multi addictos jejuniis dies fructibus, herbis, leguminibus transigebant; multi quoque ad duos, tresve, aut quatuor dies jejunium producebant, neque deerant, qui tota hebdomade prorsus jejuni vitam agerent (3). Quin ab ipso aquæ potu, nisi legitimè advenisset solvendi jejunii tempus, sese majores nostri abstinebant (4).

(1) Præclarum quadragesimalis abstinenciæ monumentum est apud S. Gregorium Turonensem l. 5 c. 4 p. 205, *ed. Paris.* 1609, qui miratur, quod Rucculenus, licet agrotus & miles, quadragesimæ tempore carnes non comederet. Eandem hanc abstinenciam laudat S. Epiphanius *Exposit. fid.* c. 23 t. 1 p. 1106 *ed. Paris.* 1622. In Capitulatione de partibus Saxonie c. 4 apud Balutium *Capitular. Reg. Francor.* t. 1 col. 151 *ed. Ven.* 1772 statutum est, ut si quis sanctum quadragesimale jejunium pro despectu Christianitatis contempserit, et carnes comederit, morte moriatur. Et Carolus M. ep. ad Offam Regem Merciorum apud eundem Balutium *loc. cit. col.* 108, graviter reprehendit Scotum quemdam Presbyterum, quod carnem diebus quadragesimalibus comedisset. Confer Natalem Alexandrum *cit. Diss.* 4 art. 2 p. 305 et seq.

qui late contra Dallæum, ceterosque hæreticos ostendit, abstinentiam a carnibus semper ecclesiastici jejunii partem fuisse, atque etiam apud veteres Christianos Ecclesiæ lege præceptam. Vide etiam Bossuetum *Histoir. des Variations*, l. 7 n. 92. Quæritur autem num hæc abstinentia ad antiquam consuetudinem, an potius ad jus positivum referenda videatur; qua de re vide Benedictum XIV *Instit. ecclæs. Instit.* 16 n. 3.

(2) Basilius *Hom. 1 de Jejun. 1. 2 p. 9 n. 10 ed. cit.* Cyrillus Hierosolym. *Catech. 4 ad illuminat.* p. 65 c. 27 *ed. Paris.* Vide etiam quæ de Valentiniano Jun. narrat S. Ambrosius in *ejur Orat. col. 254 n. 16 t. 4 ed. Venet. 1751*, de Justiniano Procopius *de Edific. Justinian. l. 1 cap. 7 pag. 19 tom. 2 ed. Paris. 1166.*

(3) Confer Augustinum *de Morib. Ecclæs. Catholic. c. 53 n. 70 col. 712 t. 1 ed. cit.*, & Auctorem *Constit. Apostolic. l. 5 c. 18*, ibique Cotelærium *Nor. 18 p. 235*, qui multis allatis monumentis ostendit, quousque jejunii austeritas apud majores nostros progrediretur. Intendebatur autem jejunium potissimum in majori hebdomade, quo temporis intervallo veteres Christiani sub vesperam urebantur ξηροψαγα, hoc est arido victu, qui constabat aut pane & sale cum aqua, uti tradit Epiphanius *Exposit. fidei n. 22 t. 1 p. 1103 edit. Patavii Paris. 1622*, aut pane, aqua, sale & oleribus, uti eum describit Auctor *Constit. Apostolic. loc. cit.* Aridum hunc victum per totam Quadragesimam adhiberi jubet Concilium Laodicenum *can. 50 t. 1 Concil. Labbæi col. 1539 ed. Ven.* Sed Laodiceno Concilio recentior Epiphanius *l. c.* legem hanc xerophagiorum tantum in majori hebdomade ab Ecclesia universa observatam fuisse testatur. Ipse enim triplicem jejunii formam distinguit, alteram illius Quadragesimæ partis, quæ septem dies Paschatis, seu majorem hebdomadam præcedit, hæc mitior erat, quoniam xerophagiis minime adstricta; alteram majoris hebdomadæ, quæ illa severior erat, ac xerophagiorum lege tenebatur; postremam utraque asperiores, quoniam hujus hebdomadæ pars, imo & tota sine cibo tradebatur. Prima & altera universæ Ecclesiæ, cunctisque populis in more erat, & ideo vim legis habuit; postrema vero iis tantum, qui plus pietate fervebant, merumque consilium, non præceptum fuit. Hinc ipse Epiphanius majorem hebdomadam τὴν ξηροψαγὰν εβδομίδα appellat. Epiphanio antiquiores Irenæus *Ep. ad Victor. P. opp. t. 1 p. 340 ed. Venet. 1734*, & Dionysius Alexandrinus *Ep. ad Basil. apud Labbæum t. 1 Concil. col. 855 ed. Venet.* ostendunt plures etiam ea ætate fuisse de forma ac ratione antepaschalis jejunii controversias. Consule Massuetum in Irenæum *Diis. 2 art. 1 n. 52 et seq. p. 74 et seq. opp. Iren. t. 2 ed. cit.* Ceterum qui plures continuos dies jejunium agebant, dicebantur jejunium *superponere et conjungere*, uti habent Epiphanius *loc. cit.*, Tertullianus *de Patient. c. 13 p. 247 ed. Paris. 1675*, Hieronymus *ep. 24 ad Marcellam n. 4 col. 128 opp. t. 1 ed. Verona 1754*, de qua quidem *superpositione* jejunii videndus est Du-Cangius *verb. Superpositio*. Confer etiam Tertullianum *de Jejun. c. 14 p. 552*, & Sozomenum *Hist. l. 1 c. 11 p. 24 ed. Valerii Cantabrig. 1720.*

(4) Celebre est, quod de S. Fructuoso Episcopo Tarraconensi narrat Prudentius *Hymn. 6 p. 184 ed. Paris. 1637*, qui cum ad mortem raperetur, haustum aquæ frigidæ recusavit, quod illo die

jejunium ageretur; neque adhuc ejus solvendi tempus advenerat. Alia multa ea de re habet Bailletus t. 5 de Vit. Sanctor. in Histor. quadrages. §. 4 & 7, ac Mamachius. *Costumi de' primitivi Cristiani* t. 1 l. 2 cap. 5 §. 20 & seq. p. 109 seq.

§. 7. Unica etiam in die comestio, quæ ex cibis esurialibus frugaliter (1), atque hora legitima, hoc est circa meridiem capiatur, jejunii partem constituit (2). Nunc jejunantibus exigua cœnula permittitur, quæ collatio dicitur (3), quæque constare debet ex eo cibo, eaque potione, quibus homines jejunantes rectæ & meticolosæ conscientiæ uti solent (4).

(1) Qui in illa unica comestione, ciborum copia, modo, vel condimentis communes excedit limites, si minus præceptum ecclesiasticum reipsa violat, tamen immunis non est ab intemperantiæ nota, sicuti docet S. Thomas in 4. dist. 15 qu. 5 art. 4 qu. 5 ad 2. Igitur norma quædam, sicuti inquit Bened. XIV Instit. 15 n. 12 pro ciborum genere, copia, modoque statuendo ex piis, moderatisque viris sumenda est. Ipse Bened. XIV post editas Institutiones, quas emisit, cum Cardinalis esset, postquam Pontifex creatus est. Constitutionibus suis, quas paulo post indicabo, edixit, quid de jejunio ciborumque genere observandum sit.

(2) Quæsitum est a Theologis, num duæ illæ partes quibus jejunium constat, abstinencia a certis cibis, & unica comestio, ita inter se conjunctæ & conglutinatæ sint, ut una sublata, altera quoque necessario tolli debeat. Sed inutilis est hæc disputatio, posteaquam Bened. XIV. Constit. 19, 27, 55, 99 ejus Bullar. t. 1 p. 29, 59, 100 216 ed. ind. jussit Episcopis, ne cui valetudinis causa diebus quadragesimæ carnibus vesci permittant, nisi adjuncta lege servandi alteram jejunii partem, quæ in unica comestione consistit. Confer ipsum Benedictum cit. Instit. 15 n. 19 & seq., de Synod. dioces. lib. 7 cap. 5 num. 1.

(3) Collatio, sive cœnula vespertina originem ducit a monachis, quibus ob laborem manuum, in quo tota die versati fuerant, ipsis jejunii diebus post summatum sua hora cibum haustus aquæ permittebatur, cui deinceps frustulum panis adjunctum est, ne simplex aqua noceret. Erat autem propriæ collatio lætitiæ spiritalis, quæ statis horis, maxime post cœnam quotidie absolutebatur, quæque in claustro, vel in capitulo fieri solebat, diebus autem jejunii fiebat in refectorio, ne scilicet tempus regularis vitæ officiis destinatum illa cœnula tereretur, *Mox ut surrexerint a cœna*, inquit Regula S. Benedicti cap. 42 apud Holstenium Cod. Regul. i. 1 p. 127 ed. Aug. Vindelic. 1759, *sedent omnes in unum, & legunt unus collationes, vel vitas Patrum, aut certe aliud quod adificet audientes*. Eodem sensu collationis vocabulum accipit Isidori Regula c. 8 p. 192 *ibid*. Semper autem vespertinus ille ad refectionem aditus esurialibus diebus significabatur his verbis, *ire ad collationem, aut accedere ad lætitionem collationum*. Nomen hoc collationis translatum est deinceps ad cœnulam illam sive refectionem vespertinam, quemadmodum illud

adhibetur in Regula Templariorum c. 16 apud Holstenium l. 2 *ibid.* p. 454, eodemque sensu hoc vocabulum usurparunt sæculares, cum illam cœnulam sumere cœperunt. Vide Natalen Alexandrum *cit. diss. 4 art. 7 prop. 3 pag. 531.*

(4) Bened. XIV *Const. Si Fraternitas* 99 p. 216 t. 1 *Bullar. ed. cit.*

§. 8. Observatio jejunii omnibus indicta est, qui ad constitutam ætatem pervenerunt; & Episcopus curare præsertim debet, ut hæc integra observatio sit (1). Verum carnes, aut ova comedendi facultas Præsulibus iis tribuitur, præsertim in Quadragesima, qui judicio medicorum propter adversam valetudinem cibos esuriales ferre non possunt (2); & sæpe etiam a Sum. Pontificibus integræ nationi justis de causis eadē hæc venia conceditur (3). In quo illud animadvertere oportet, quod quibus est permissus esus carniū, ovorum, casei, lactis, ii jejunii diebus unicam comestionem servare debent (4), neque cum carnibus pisces miscere possunt (5), aut in vespertina cœnula carne, ovis, lacte, caseo vesci (6).

(1) Concilium Tridentinum *Sess. 25 de Reform. decret. de Elect. cibor. jejun. & dieb. fest.*

(2) Late, ac diligenter, hoc argumenti genus persequitur Benedictus XIV *Instit. Eccler. Instit. 15 n. 13 & seq.*

(3) Inter ceteras, quæ a Romanis Pontificibus integræ nationi ea de re datæ, sunt facultates, celebris est *Bulla Cruciatæ*, quæ ira dicitur, quod olim hæc Bulla concederetur militibus, qui rubro signo S. Crucis insigniti ad bellum contra Turcas proficiscebantur sub Urbano II, & in Concilio Lateranensi sub Julio II. Nunc conceditur Christianis omnibus in Regno Neapolitano, atque in regnis & provinciis Hispaniarum Regi subiectis, certam opem, sive operam, in subsidium belli contra infideles, & hæreticos conferentibus. Hoc idem privilegium an. 1743. Benedictus XIV in *Constit. Quoniam* 86 t. 1 *ejus Bullar. ed. cit.* p. 172, attribuit etiam Militiæ Hierosolymitanæ; & incolis insularum ipsius ditioni subiectarum. Qui ejus Bullæ beneficio utuntur, præter alia privilegia, illud etiam habent, uti perseverante anno Bullæ ovis, lacte, carnibus jejunii diebus vesci possint. Multa, quæ ad hanc Bullam pertinent, præter ceteros, collegit Lucius Ferraris *Biblioth. verb. Bulla Cruciatæ.*

(4) Benedictus XIV *Const. Non ambigimus* 19 §. 4 p. 30, & *Const. Si Fraternitas* 99 p. 217 *ejus Bullar. tom. 1 ed. cit.*

(5) Benedictus XIV *Constit. 19 §. 4, & Constit. 99 mox cit.*

(6) Benedictus XIV *ead. Const. 99.* Vide etiam ejusdem Benedicti *Constitutionem Libentissime* 230 p. 319 t. 1 *ejus Bullar.*, ubi multa habes, quæ ad jejunii leges pertinent.

## TITULUS VII.

*De rebus sacris, et primam de Ecclesiis.*

- |   |   |
|---|---|
| 1. Res sacra quid? Cultus externus.                   | 8. Ecclesie reparatio.  |
| 2. Christianorum Ecclesie, & varia earum nomina.      | 9. Varie eius partes. Narthex.                                    |
| 3. Quales primo, quales postea Ecclesie fuerint?      | 10. Navis.  |
| 4. Vetus earum forma, & situs.                        | 11. Sanctuarium.  |
| 5. Ecclesie significatio duplex.                      | 12. Altare.   |
| 6. Quibus de causis.                                  | 13. Sacre imagines in Ecclesia.                                   |
| 7. Et quibus solemnitatibus nova Ecclesia edificetur. | 14. Exteriores Ecclesie partes Vestibulum & atrium.               |
|   | 15. Baptisterium, Secretarium, Pastophorium, Schola, Bibliotheca. |

§. 1. Res sacre sunt res Deo & religioni consecrate, ut quae pertinent ad divinum cultum, peragantur. Hujusmodi sunt in primis Ecclesie, sacre nimirum aedes, ad quas Christiani conveniunt, ut opera religionis impendant. Ecclesie vocabulum proprie significat societatem, & conventum fidelium; sed omnium consensu traductum est ad designandum locum, in quo Christiani suos agunt conventus; & nos hoc sensu ecclesie vocabulum usurpamus. Nimirum cum Christi Ecclesia visibilis sit, praeter cultum internum, habere etiam debet externum, qui omnis consistit in communibus precibus, in sacris ritibus, in sacrificiis, in sacramentorum administratione: ideoque instituta sunt loca, ad quae Christiani concurrerent, ut divinis sacrisque rebus operam darent.

§. 2. Jam inde ab Apostolorum aetate Christiani certa habuerunt loca, ad quae frequentes conveniebant, ut res divinas ac sacras agerent, quae loca postmodum Ecclesie appellata sunt (1); Ecclesie, inquam, potius quam templa, ne illi convenire viderentur cum ethnicis, penes quos celeberrima fuerunt templorum & sanorum nomina (2). Vocatur autem Ecclesia ab ecclesiasticis scriptoribus etiam *oratorium*, hoc est locus, in quo preces funduntur (3), & *dominicum*, hoc est domus Dei (4), & *basilica*, quo nomine appellantur regiae aedes ad audiendas causas, aut alium publicum usum constitutae, quae aedes a piis Imperatoribus Christianis datae sunt, ut ibi conventus agerent suos (5); & *templa*, quo nomine Christiani serius uti coeperunt, antea non utebantur, cum proprium esset ethnicorum (6); & *tituli*, loca scilicet Deo consecrata, quae sacerdotes

& ministros sibi addictos habebant (7), Si quam in memoriam Prophetar, aut Apostoli, aut Martyris ecclesiam ædificabant, eam *Propheteum*, *Apostoleum*, *Martyrium* Christiani appellabant (8).

(1) Quamquam certo affirmari non possit, Apostolos initio habuisse Ecclesias, quales certe eorum discipuli habuerunt, tamen exploratum est, eis certa fuisse loca, in quibus opera religionis impenderent. Quod enucleate in primis, & copiose demonstrat Cl. Mamachius *de Costumi de primitivi cristiani* l. 1 c. 4 §. 2 n. 2 t. 1 p. 296 seq. Videndus est etiam Medus, peculiari dissertatione, cuius veluti compendium dedit Binghamus *Orig. eccles.* l. 8 c. 1 §. 13 t. 3 p. 141 & seq. ed. Hala Magdeburg. 1758, qui & sua quædam adiecit, eaque gravia argumenta adversus eos, qui *plane singularem, & novam sententiam*, ut inquit, evulgarunt, *Christianos tribus prioribus sæculis istiusmodi distincta culus divina loca non habuisse*. Præcipua sunt, quod Paulus l. ad Corinib. XI 22 his verbis: *nunquid domos non habetis ad manducandum & bibendum? aut Ecclesiam Dei contemnitis?* sine dubio Ecclesiæ nomine designat locum sacrum, atque ita Paulum explicant Augustinus, Basiliius, Chrysostomus, Sedulius, Theophylactus; quod Apostoli semper in certum locum ad fundendas preces in monte Sione convenerunt, qui fuit hyperoon, sive cenaculum, cuius in actis Apostolorum toties mentio est; quod Ignatius *epist. ad Magnes.* n. 7 apud Colelerium *PP. Apostol.* t. 2 p. 19 ed. Amstel. 1724, diserte memorat. *ναον Οὐρανου templum Dei*, & *Epist. ad Philadelph.* n. 4 p. 31 loc. indic. *unum altare*, quæ altaris mentio satis ostendit, Christianos certum pro sacris conventibus habuisse locum; quod Therapeutas jam inde a Marci temporibus loca quædam ad divinum cultum secreta habuisse scribit Eusebius *Hist.* l. 2 c. 17 edit. Cantabrig. 1720; quod denique Alexander Severus cum Christiani quemdam locum, qui publicus fuerat, occupassent, contra popinarii dicerent, sibi eum deberi, *rescriptis* apud Lampridium p. 219 n. 30 ed. Francofurti 1634: *melius esse, ut quomodocumque illic Deus colatur, quam popinariis dedatur*. Acque hæc quidem, uti observat Card. Orsius *Hist. eccles.* l. 6 §. 23, prima fuisse videtur publica Ecclesia, quam Christiani habuerunt, cum antea nonnisi privatas & occultas haberent.

(2) Hinc Origenes, Minucius Felix, Arnobius, Lactantius inquit, christianos templa non habuisse; quod ita accipiendum esse multis ostendit Medus, eos talia non habuisse templa, qualia gentes habebant.

(3) Oratorium appellata est Ecclesia, hoc est *domus precatio-nis*, idque nomen primum publicæ Ecclesiæ, uti testantur Eusebius *Hist.* l. 10 c. 5 p. 464 & de Laud. Constantin. c. 17 p. 770, & Socrates *Hist.* l. 1 c. 18 p. 49 edit. Cantabrig. 1720, postea privati oratorii proprium fuit. *Oratoria* tamen, sive *ades oratorias* ab Ecclesiis distinguunt Didymus Alexandrinus *de Trinit.* l. 2 c. 7 p. 200 edit. Bonon. 1769, Socrates *Hist.* l. 5 c. 10 p. 233 ed. Taurin. 1747, Theophilus Antecessor *Inst.* l. 2 tit. 1 p. 213 ed. an. 1751. Proprie oratoria minores quædam Ecclesiæ erant.

(4) Hieronymus *Chron. Olimp.* 277 opp. t. 8 col. 785 edit. Val-

*larii Veron. indic.* auctor est nobis, celebrem Ecclesiam Antiochiæ a Constantino ædificari cœptam, & a Constantio absolutam *Dominicum aureum* appellatam fuisse. Eodem vocabulo ad designandam Ecclesiam utitur Hilarius *ad Constant. l. 1 num. 8 opp. tom. 2 col. 540 ed Veron. 1750.*

(5) Nomen hoc frequens est apud Ambrosium *Ep. 20 ad Marcellin. n. 1 & ep. 40 n. 15 opp. t. 3 col. 950 & 1621 ed. Venet. 1751.* Augustin. *Serm. 356 n. 9 opp. t. 5 part. 2 col. 1583 ed. Venet. cit.* Hieron. *ep. 107 ad Letam. 1 cap. 9 t. 1 col. 630 laud. edit.* Sidonium *l. 7 ep. 17 p. 1416 opp. Poetarum Latinorum t. 3 edit. Londini 1715,* aliosque sæculi quarti & quinti scriptores.

(6) Vir ullus est Christianus scriptor, qui tribus prioribus sæculis ad designandas Ecclesias templi nomine usus fuerit. Sublata, eversaque ethnicorum superstitione, tum demum Christiani scriptores nomen hoc adhibere cœperunt. Magis autem abhorruerunt a fani vocabulo, eoque utebantur, ut indignationem, atque animi dolorem ostenderent adversus quadam conventicula hæreticorum, quos eodem, quo ethnicos, habebant loco, uti patet ex Ambrosio *ep. 40 ad Theodos. n. 16 opp. t. 3 col. 1021 ed. cit.*

(7) Consule *l. 1 tit. 5 sect. 2 §. 9 not. 2 p. 284,* ubi de titulis actum est.

(8) Martyrium memorat Eusebius *De Vit. Constant. l. 5 c. 43 p. 640 ed. cit.* Eaque de causa Eusebius *de Vit. Constantin. l. 4 c. 35 & pag. 597 & 649,* aliique *martyrium Salvatoris* appellant ecclesiam, quam Constantinus ædificavit in honorem Christi Salvatoris, qui præcipuus fuit martyr eorum, qui divinæ religionis causa mortem pertulerunt, cujus rei ampla narratio est in epistola Henrici Valesii, quæ est ad calcem historię Ecclesiasticę Eusebii. Latini loco martyrii hujusmodi ecclesiam vocant *memoriam martyris,* uti constat ex Augustino *de Civit. Dei t. 22 c. 8 n. 17 & c. 10 col. 669 & 673 t. 8 ed. cit.,* atque apud eos *martyrium* designat etiam Ecclesiam in honorem alicuius sancti, qui martyr non esset, uti patet ex S. Hieronymo *in Vit. Hilarion. c. 31 opp. t. 2 col. 52 ed. Verona cit.* Apostolici mentio est apud Sozomenum *l. 8 c. 17 p. 322 ed. Taurin. 1747.* Prophetæi in Concilio Constantinopolitano sub Menna *act. 3 col. 1245 t. 2 Collect. Harduini.* Memorat etiam ipse Sozomenus *Histor. l. 2 c. 3 p. 45 edit. cit. μνηστικὸν Michaelium,* hoc est Ecclesiam, quam in honorem S. Michaelis Arcangeli Constantinus M. in Hestis extra Constantinopolim Deo erexit.

§. 5. Primæ Christianorum Ecclesiæ simplices & modice fuisse videntur, quales videlicet fidelium paupertas & paucitas, ac formidolosorum temporum ratio patiebatur. Sed sancta fidelibus, atque oblationibus Ecclesia, & extincti christiani nominis invidia, multæ, eæque splendidissimæ ædes ædificatæ sunt (1). Accesserunt edicta Imperatorum de templis ethnicorum in Ecclesias convertendis (2), & eorum, ac præsertim Constantini munificentia, quæ sumptu vere regio magnificentissima templa excitata sunt (3).

(1) Baronius *ad an.* 571 *n.* 82 *p.* 445 *t.* 1 *ed.* Luca copiose demonstravit, ecclesias pluribus, hisque ditissimis ornamentis antiquitus fuisse refertas: Joannes Henricus Osius Calvinianus in libro, cui titulus: *Examen perpetuum historico theologicum in Card. Baronii annales*, eum refellere conatus est. Sed ea in re opus hoc errorum & ineptiarum plenum refutavit Muratorius *diss.* 16 *ad calc. opp.* S. Paulini *p.* 832 *seq. ed. cit.*, ubi late ostendit, quam magna & quam magnifica fuerint antiquarum Ecclesiarum ornamenta. Confer etiam Cl. Marnettum *del Diritto libero della Chiesa di acquistare, e di possedere beni temporali l.* 3 *par.* 2 *c.* 3 *n.* 24 & *seq. p.* 408 *seq.* Monumentis, quæ ab his duobus doctissimis viris allata sunt, addam Didymum Alexandrinum scriptorem IV sæculi, qui *l.* 2 *de Trinit.* *c.* 7 *p.* 200 *edis. Bonon.* 1769 testatur sua ætate Ecclesias fuisse *auro, argento, & ebore ornatas.*

(2) Phæres ea de re leges extant in Codice Theodosiano *l.* 9 *tit.* 17 & *Leg.* 2 *Cod. de Sepult. violat.*, idque etiam testantur non Christiani solum Scriptores Eusebius *de Vit. Constantin.* *l.* 3 *c.* 51 & 53 *p.* 606 & 613 *ed. cit.*, aliique sed etiam ethnici Eusebius *Vit. Aedr.* *pag.* 53 *ed. Colonia Allobr.* 1616, Libanius *Orat. Apolog.* 25 *p.* 591 *t.* 2 *edit. Paris.* 1627, Julianus *Orat.* 7 *p.* 224 *t.* 1 *ed. Lipr.* 1696.

(3) Constantinus nullis pepercit sumptibus, ut in omnibus Orientis partibus, ex. gr. Hierosolymis, Antiochia, Nicomedia juxta quercum Mambre, Hieliopoli in Phœnicia, aliisque in locis compluribus splendidissimæ Ecclesiæ ædificarentur, sicuti narrant Eusebius *de Vit. Constantin.* *lib.* 3 *c.* 50 & 51 *p.* 605 & 606, & Socrates *Histor.* *l.* 1 *c.* 16, 17, 18 *p.* 45 *et seq. ed. cit.* Ipse etiam fundamenta jecit celebratissima Ecclesiæ, quæ *S. Sophia, et Magna dicta*, quæque annis triginta tribus post a Constantino absoluta est, uti Socrates *l.* 2 *r.* 16 *p.* 95 *ed. Cantabrig.* 1720, & Auctor *Chronici Alexandrini ad an.* 360 memoriz prodiderunt; quam quidem Ecclesiam incendio consumptam iterum Justinianus splendidius ædificavit. Ejus autem descriptionem habes apud Evagrium, Procopium, Agathianum, Paulum Silentiarium.

§. 4. Vetus Ecclesiæ forma & situs non semper idem. Interdum oblonga erat, ac navi similis; interdum rotunda, aut plurium laterum, aut ad formam crucis (1); quæ de re non unus semper, nec ubique mos fuit. Ecclesiæ frons, ut plurimum, ad Occidentem spectabat, sanctuarium ad Orientem, quoniam versus Orientem Christiani preces fundebant (2). Sed sæpe neque Orientem, Sanctuarium respiciebat; & vero ab antiquis monumentis quavis forma & situ Ecclesiæ exhibentur (3).

(1) Auctor *Constit. Apostolic.* *l.* 2 *c.* 57, apud Corelerium *PP. Apostolic.* *t.* 1 *p.* 263 & 264 *cit. ed.* Ecclesiam vult esse oblongam navi similem. Verum Ecclesiam a Constantino in monte Golgotha ædificatam rotundam fuisse, octo autem laterum Ecclesiam Antiochiæ tradunt Eusebius *in Vit. Constantin.* *lib.* 3 *c.* 38 & 50 *p.*



599, 606 *edit cit.*, & Strabo *de Reb. eccles. c. 4 in Biblioth. PP. t. 10 col. 664 ed. Paris.* Alias fuisse ad formam crucis, scribunt Evagrius *Histor. l. 1 c. 14 p. 268 edit. Valesii Cantabrig. 1720,* & Cedrenus *Vit. Justin. in compend. histor. t. 1 p. 590 n. 160 ed. Paris. 1647.*

(2) Auctor *Constit. Apostolic. loc. cit.*

(3) Late id ostendit Binghamus *Origin. eccles. l. 8 c. 3 §. 1 & 2 t. 3 p. 172 ed. cit.*

§. 5. Ecclesiæ vocabulum latius, & angustius accipitur. Angustius acceptum significat sacras ædes, ad quas populus confluit divinis, sacrisque rebus operam daturus; & hujusmodi sunt templa cathedralia, parochialia, collegiata, conventualia. Cathedralis Ecclesia est, quæ fixam habet Episcopi cathedram, & mater ac princeps est Ecclesiarum omnium; quæ in dœcesi sunt. Parochialis Ecclesia proprium habet Presbyterum, qui sub Episcopo curam animarum gerit; collegiata collegium canonicorum. Denique conventuales Ecclesiæ sunt, quæ a Monachis & Regularibus administrantur. Latius acceptum Ecclesiæ nomen comprehendit etiam oratoria, sacella, capellas, quæ privatis conventibus, præsertim vero mittendis ad Deum precibus addictæ sunt.

§. 6. Novum templum non temere, & cujusque arbitrio ædificandum est, sed causa cognita, & cum Episcopi auctoritate (1). Causa sunt populi commoda, & necessitates (2). Quare si tanta sit populi distantia, viarumque discrimen, ut ille sine magno incommodo aut periculo ad Ecclesiam accedere nequeat, novum templum excitandum est (3); & nova etiam Ecclesia conceditur leprosis, aliisque contagioso morbo laborantibus, ubi suos agant conventus, ne ceteri fideles inficiantur (4). Sed & Episcopo pro paranda sibi sepultura novam Ecclesiam ædificare permittitur, eique ex propriæ Ecclesiæ redditibus dotem attribuere (5).

(1) *Can. 9 de Consecrat. dist. 1, Concil. Chalcedonense can. 6 col. 601 et seq. t. 2 Collect. Harduini.* (2) *Can. 10 dist. 1 de Consecr. s. Cap. 3 et ult. de Eccles. ædific.* (3) *Concil. Trident. Sess. 21 c. 4 de Reformation.* (4) *Cap. 2 de Eccles. ædific.* (5) *Can. 74 cap. 12 quatt. 2, Cap. 9 de Donat.*

§. 7. Cum nova fabrica inchoanda est, Episcopus designato loco preces fundit; & crucem humi defigit, ubi majus altare locari debet (1). Ante ædificationem curan-

dum est, ut nova Ecclesia dotem habeat, unde necessaria pro ministris, pro luminaribus, pro sacra suppellectile, & ceteris, quibus est opus, perpétuo comparentur (2); audiendique sunt Parochus antiquæ Ecclesiæ, & ceteri, quorum interest, iisque etiam injuste adversantibus, novum opus inchoatur, & absolvitur. Parochus antiquæ Ecclesiæ, quæ *matrix* dicitur, respectum habito ad novam, seu *filialem* Ecclesiam, debet partem fructuum parochiæ suæ novo Parocho attribuere, habetque ab Ecclesia *filiali* annuam præstationem, quæ ejus subjectionis argumentum est. Cum opus fuerit, Episcopus etiam novæ Parochiæ cives compellit ad præstandum Parocho id, quod ei necessarium est ad vitam honeste traducendam (3).

(1) Consule Pontif. Rom. *par. 2 tit. 1 et 21. 2 p. 2 seq. ed. Roma 1759.*

(2) *Can. 26 et 36 caus. 16 qu. 7, Cap. 8 de Consecrat. Eccles.*

(3) Concil. Trident. *cit. Sess. 21, 64 de Reformat.*

§. 8. Ecclesiæ jam constructæ identidem reparandæ, instaurandæque sunt. Id vero faciendum est ex bonis earundem Ecclesiarum, & ideo jam inde a sæculo VI viguit consuetudo, ut certa pars reddituum ecclesiasticorum ad Ecclesiæ fabricam pertineret (1). Cum Ecclesia non habet hos redditus fabricæ addictos, beneficiarii debent suorum beneficiorum Ecclesias instaurare (2), eidemque oneri subsunt etiam, qui decimas, aut alia bona ecclesiastica possident (3). Cathedralē Ecclesiam reparare præsertim debet Episcopus, atque aliquid etiam ejus canonici in id conferre coguntur (4). Cum bona ecclesiastica non suppetant, patronos, et ceteros ecclesiasticorum bonorum possessores, ac denique parochianos Episcopus ad paræciam instaurandam cogit. Quod si nullus sit Ecclesiæ reparandæ modus, ea convertitur in profanos non sordidos usus, ibique crux erigitur, et ejus jura ad matricem, aut ad viciniorem ecclesiam transferuntur (5).

(1) Hoc juris Augustino Angliæ Episcopo Gregorius M. præscripsit *Can. 30 caus. 12 qu. 2*, & idem etiam sancitum extat aliis canonibus, qui eodem loco Gratiano referuntur. Eandem quoque aliarum, præsertim in Hispaniis, Ecclesiarum fuisse disciplinam & quidem *ex antiqua traditione*, constat ex Concilio Tarraconensi *Can. 8 egl. 1042 t. 2 Collect. Harduini.*

(2) *Cap. 1 et 5 de Eccles. adif.*

- (3) *Can. 2 et 3 caur. 10 qu. 3.*  
 (4) *Cap. ult. de His quæ fiunt a majori par. cap.*  
 (5) *Concil. Trid. Sess. 21 cap. 6 de Reformat.*

§. 9. Jamvero Ecclesiæ, præsertim ampliores, pluribus constant partibus, quarum aliæ interiores, hoc est intra parietes sunt, aliæ exteriores, quæ parietibus non includuntur. Partes interiores, ex antiqua disciplina, erant *narthex*, sive *ferula*, *templum*, sive *navis*, et *bema*, sive *sanctuarium* (1). *Narthex* erat pars oblonga, et angusta ad instar *ferulæ* e transverso frontis Ecclesiæ, ibique, dum sacræ conciones habebantur, infideles, hæretici, catechumeni, & pœnitentes audientes disci consistebant (2).

(1) In has quidem partes tres plerumque Ecclesiæ dividebantur. Morinus tamen *Pœnit. l. 6 c. 1 n. 20* & *Le-Brunius Explicat. Misc. t. 2 diss. 1 art. 8 p. ed. Venet. 1770* monet, primis temporibus Ecclesiæ in duas tantum partes fuisse tributas, in aulam, sive atrium laicorum, & in Sanctuarium, in quo consistere Episcopis, Presbyteris, & Diaconis tantum licebat; divisionem autem illam in partes tres serius a Monachis initium habuisse.

(2) De antiqua Ecclesiarum forma copiosissime, accuratissimeque disputat *Cl. Mamachius de Costum. de primitivi cristiani l. 1 c. 4 §. 2 n. 5 et seq. t. 1 p. 505 seq.*

§. 10. *Narthecem* excipiebat pars illa Ecclesiæ, quæ proprie *templum* ac *navis* dicebatur. Hæc, ut plurimum, quadrata erat (1), eamque a narthece separabant lignea quædam repagula pervia portis, quas portas *regias*, & *speciosas* appellabant (2). In inferiori hujus partis loco, qui statim ingredienti occurrebat, stabant pœnitentes *substrati* (3); in superiori, qui erat Sanctuario propinquior, *consistentes*, & fideles communicantes; & hi suum quinque habebant locum, mares discretum a fœminis, virgines a nuptis, monachi a sæcularibus (4). In media *navi* erat *Ambo*, hoc est locus editus, ad quem per gradus patebat ascensus; in eoque stabant cantores (5) & lectores, qui epistolas atque evangelia legebant (6), & in eo etiam diptyca recitabantur (7).

(1) Hinc in constitutione Theodosii, & Valentiniani, quæ extat in *Codice Theodosiano post Leg. 4 lib. 9 tit. 45 t. 5 p. 597 edit. Lip. 1758*, Ecclesiæ navis *quadratum populi oratorium* appellatur.

(2) *Regiæ*, seu speciosæ dicebantur navis portæ, quod per eas ad regium Dei palatium, hoc est Ecclesiam patebat accessus, vel quod ibi Reges templum ingressuri coronas deponebant. Hinc *Leo Gram-*

maticus in *Vit. Michael. Imper.* p. 466 *edit. Paris.* 1655, tamquam rem insolentem & indignam animadvertit, quod ipse Imperator cum venisset ad portas regias, coronam non deposuisset, uti reges facere consueverant.

(3) Omnes ecclesiasticarum antiquitatum scriptores suum substratis adscribunt locum a ceteris discretum, auctoritate præsertim Tertulliani de *Pudic.* c. 13 p. 564 *edit. Paris.* 1675, & Sozomeni *Histor.* l. 7 c. 16 p. 300 *ed. Cantabrig.*

(4) Mares a feminis per ligneos parietes scernebantur; cuius consuetudinis testimonia sunt apud Cyrillum Hierosolymitanum *Prefat. in Catech.* n. 14 p. 10 *ed. Paris.* 1720, Augustinum de *Civ. Dei* l. 2 c. 28 et l. 22 c. 8 n. 5 col. 57 et 665 t. 7 *ed. Venet.*, Paulinum in *Vit. Ambros.* n. 11 *opp. Ambros.* t. 4 *ed. Venet.* 1751, Socratem *Histor.* l. 1 c. 17 p. 47 *ed. Cantabrig.* 1720; & ligneos quidem parietes, per quos feminæ a maribus discernabantur, nominat Chrysostomus *Hom.* 74 in *Matth.* *opp.* t. 7 p. 712 *ed. Paris.* 1727. Aliæ erant portæ, per quas mulieres Ecclesiam ingrediebantur, hinc Auctor *Constit. Apostolic.* l. 2 c. 57 p. 266 t. 1 *ed. cit.* Ostiarios stare iubet ad virorum introitus, quos custodiant, Diaconistas ad mulierum. Atque ex eodem Auctore *loc. cit.* intelligimus virgines, & nuptas fuisse discretas, quod etiam patet ex Ambrosio de *Lapru virgin.* c. 6 n. 22 et 24 col. 537 et seq. t. 5 *ed. Ven.* 1751.

(5) Concil. Laodicenum *can.* 15 col. 784 t. 1 *Collect. Harduini.*

(6) Cyprianus *epist.* 34 p. 49 *ed. Paris.* 1656.

(7) Conc. Constantinop. V sub Menna *act.* 5 t. 2 col. 1523 *coll. Harduini.*

§. 11. Tertia, & intima antiquarum Ecclesiarum pars erat sanctuarium, quod Græci Bema appellabant. Locus hic septis, sive cancellis muniēbatur (1), uti nunc munitur, ne laicis ad eum pateret aditus (2), cum sacra officia peragebantur (3). Cancelli erant portulis pervii; portulas autem, & spatia cancellorum vela quaedam obtegebant (4). Suprema pars Sanctuarii Apsis (5) dicebatur, ædificium scilicet semicirculi formam exhibens, ubi thronus Episcopi sedesque erant, seu throni Presbyterorum (6).

(1) Eusebius *Histor. eccles.* l. 10 c. 4 p. 419 *ed. Taurin.* 1746. Memorat etiam altare cancellis septum Zeno Veronensis l. 2 *tract.* 50 t. 1 p. 2, 141 *ed. Aug. Vindelic.* 1758.

(2) Confer Conc. Trullanum *can.* 69 t. 7 *Collect. Labbæi col.* 1579. Concil. Laodicenum *can.* 19 col. 1553 t. 1 *ejusd. Collect.* solis *repart.* 201; in sanctuario communicare permittit, quo nomine alii superiores tantum clericos, Presbyteros & Diaconos, alii etiam inferiores intelligunt.

(3) Pars hæc Ecclesiæ *adyta* seu *inaccessa* dicebatur, quoniam ad eam populo accedere non licebat. Quamquam non una semper, neque eadem omnium Ecclesiarum consuetudo fuisse vide-

tur. Nam Dionysius Alexandrinus *ep. ad Basilidem can.* 2, apud Labbaum t. 1 *Concil. col.* 858 *ed. Venet.* mares & feminas ad altare accessisse memorat, cum Eucharistiam accipiebant, atque ita Dionysium explicat Valesius in *Euseb. Hist.* l. 7 c. 9 p. 550. Idem habet *Concil. Turonense II can. 4 col.* 558 t. 3 *coll. Harduini.*

(4) Vela hæc memorant Athanasius *ep. ad solitar.* t. 1 p. 298 n. 56 *ed. Patav.* 1777, Hieronymus in *Epitaph. Nepotian.* opp. t. 1 col. 353 *ed. Vallars. Veron.*, alique complures. Et Synesius *ep.* 67 ad Theophil. p. 212 *ed. Paris.* 1635, vocat *vela mystica*, sæpe autem erant auro exornata, uti testatur Evagrius l. 6 c. 21 p. 469 *ed. Valesii Cantabrig.* 1720, Confer Du-Cangium in *Glossar. græc. barb. verb.* Βίλοζυρα.

(5) Apsis græcum verbum est ἄψις, quod latine significat arcum, fornicem. Pars illa Ecclesiæ, in qua majus altare collocabatur, proprium habebat fornicem, aut arcum, quo tegebatur, ideoque apsis appellata est. Hieronymus l. 2 in *Ephes. c.* 4 opp. t. 7 col. 614 *ed. Vallars. Veron.* In summo, inquit, cœli fornice, & ut ipso verbo utar, apside. Vide Du-Cangium *verb. Aprida.*

(6) Presbyterorum sedes proprie *secundi throni* dicebantur, quos memorat Nazianzenus *Carm. jamblic.* 23 t. 2 p. 244 *ed. Colonia* 1690, atque hinc Constantinus apud Eusebium l. 10 c. 5 p. 485 *ed. ind.* Chrestum Syracusanum Episcopum ad Arelatense Concilium vocans duos *secundi throni*, hoc est duos Presbyteros secum deferre jubet.

§. 12. In medio sanctuario a pariete sejunctum erat altare, quod etiam *ara, mensa sacra, sancta sanctorum* dicitur (1). Initio lignea, ut plurimum, erant altaria, deinde lapidea facta sunt (2); erantque etiam in locis compluribus auro argentoque cooperta (3). Unum in Græcis ecclesiis erat altare, uti nunc etiam est (4); sed Latini jam inde ab antiquissimis temporibus plura in una Ecclesia altaria habere consueverunt (5). Altare obtegebat linteum (6), atque ornabatur ciborium (7), & crux in eo stabat (8), & prope crucem ex utroque latere candelabra, quæ ardebant, dum sacra peragebantur (9).

(1) Altare semper Christianos habuisse, in quo rem divinam conicerent, certum est; ut proinde inscitia sit, aut impudentia incredibilis Calvinianorum, qui verum Christi corpus in Eucharistia esse negantes vocem *Thysiatrion*, seu *Altare* per tria priora sæcula vero ac proprio significato usurpatam non fuisse contendunt. Videndus ea de re Cardinalis Petronius de *Sacrosanct. Eccl. Sacram. adversus Philippum Mornæum du Plessis*, l. 2 p. 174 & seq., ubi id late demonstrat; & ipsi etiam videndi sunt a catholica communione alieni Scriptores Guillelmus Beveregius in *Cod. Canon. Eccles. primitiv.* c. 10 n. 3, Joannes Clericus apud Cotelerium PP. *Apostolic.* t. 2 p. 188 *ed. indic.*, Josephus Binghamus *Origin. & antiq. eccl.* l. 8 c. 6 §. 12 et 13 t. 5 pag. 222 seq. *edit. Hale Magdeb.* 1758.

(2) S. August. *ep.* 185 *ad Bonifac. opp.* 1. 2 col. 654 n. 27 *ed. Ven.* 1729, Optatus Milevitanus *l.* 6 p. 112 *ed. Paris.* 1676, Athanasius *Ep. ad Solitar. vit. agan.* 1. 1 p. 298 n. 56 *edit. cit.* De lapideis altari-  
bus decretum extat Silvestri Pontificis: sed hujus decreti suspen-  
da fides est. Certe etiam post hanc ætatem non multis Ecclesiis  
lignea fuisse altaria, ostendit Martenius *de Antiq. eccl. rit. lib.*  
1 c. 3 art. 6 §. 4 s. 1 p. 111 *ed. Amst. seu Venet.* 1763. Lapidum al-  
tare memorat Gregorius Nyssenus *de Baptism. Christ.* p. 801 *opp.*  
1. 1 *ed. Paris.* 1015; & Concilio Epæonensi *can.* 26 col. 1050 *tom.*  
2 *colleçs.* Harduini sancitum est, ut *altaria nisi lapidea, unctiõne*  
*non sacrentur.* Cum autem altarium materia mutari cœpit, for-  
mam etiam mutatam fuisse tradit Binghamus *Orig. et antiq. eccl.*  
1. 8 c. 6 §. 15 r. 3 p. 228 *edit. cit.* Nam cum ea niensarum simili-  
tudinem antea referrent, ad instar aræ erigi cœperunt, & una,  
quatuor columnis lapidea mensa nitebatur, ac nonnulla etiam  
quadro superposita ædificio, uti observat Card. Bona *Rer. liturg.*  
1. 1 c. 20 §. 1 r. 2 p. 64 *ed. Taurin.* 1749, tumuli formam referebant,  
tamquam martyrum sepulcra, quæ proprie altaria, quasi altæ aræ,  
dicebantur.

(3) Sozomenus *l.* 9 *Hist. eccl. c.* 1 p. 364 *cit. ed. Cantabrig., &*  
*Nicephorus l.* 14 c. 2 p. 439 r. 2 *ed. Paris.* 1650 narrat, Pulcheriam  
Augustam Arcadii filiam, & Theodosii Junioris Imperatoris soro-  
rem Constantinopolitanæ Ecclesiæ donasse sacram mensam au-  
ro, gemmisque confectam, quam describit Paulus Silentarius *in*  
*Descrip. Ædis Sophianæ* p. 518 n. 535 *ed. Paris.* 1670. Ejusdem ma-  
teriæ fuisse mensam altaris Ecclesiæ, quam Basilii Macedo in  
palatio suo ædificavit, testatur Constantinus Porphyrogenitus *in*  
*ejus vit. c.* 83 p. 200 *ed. Paris.* 1695; & aureum item altare memo-  
rat Ughellius *Ital. Sac.* 1. 4 col. 82 *ed. Venet.* 1719.

(4) Unum Græcis altare fuisse demonstrat S. Ignatius M. *Epist.*  
*ad Philadelph.* n. 4 p. 77 *ed. cit.*; idque etiam patet ex Theodoretō  
1. 1 c. 31 p. 64 *cit. ed. Cantabrig.* Sed quamquam Græci unum ha-  
beant in Ecclesia altare, plura tamen, ipsique Ecclesiæ proxi-  
ma, ac muro disjuncta sacella, sive oratoria habent, quæ *Paræ-*  
*clesia* vocantur, quasi Ecclesiarum appendices, in quibus, uti nar-  
rat Goarius *in Nov. ad Eucolog.* p. 16, pro festis diebus litur-  
giam privatim agunt. Consule Leonem Allatum *de Græc. recent.*  
*templis* p. 177 *ed. Paris.* 1646.

(5) Latinos jam inde ab ætate Gregorii M. plura in una Ec-  
clesia altaria habuisse, inter omnes constat. Nam disertus est  
Gregorii locus *l.* 6 *ep.* 49 *ad Pallad. Santonens. Episc.* 1. 2 p. 828  
*ed. Paris.* 1705, ubi habentur hæc: *Veniens lator præsentium insi-*  
*nuavit nobis, Fraternitatem vestram Ecclesiam construxisse, atque*  
*illis tredecim altaria collocasse, ex quibus quatuor necdum dedi-*  
*cata compertimus remansisse.* Verum & ante hoc tempus eandem  
fuisse Latinæ Ecclesiæ disciplinam facile intelliget quisquis in ec-  
clesiasticas antiquitates paulo diligentius inquirat. Revera in ve-  
tustissimo Sancti Sepulchri templo Hierosolymitano a Constanti-  
no M. erecto tria, & in Ecclesia Beatæ Mariæ de Valle Josaphat  
quatuor altaria fuisse, tradit Arculphus Episcopus Gallus, qui  
VII sæculo loca sacra lustravit, uti testatur Adamannus *de Loc.*  
*sanc.* 1. 1 c. 2 & 13, apud Mabillonium *Act. SS. Ord. S. Bene-*  
*dict.* *sac.* 5 par. 2 p. 457 & 460 *ed. Ven.* 1734. Plura quoque in

una Ecclesia altaria memorant S. Ambrosius *ep. 20 ad Marcellin. coror. n. 8 & 26 c. 908 l. 3 ed. Venet. 1751*, S. August. *Serm. 5 de S. Stepb. opp. t. 5 par. 2 col. 1271, & de Civit. Dei l. 8 c. 27 l. 7 col. 217 ed. Ven. 1732*, Prudentius *lib. Perinoph. seu de Coron. hymn. 3, 4 & 5*, S. Paulinus *Poem. 19 col. 471, et Epist. 31 et 52 col. 193, 199, 202 et 471 edit. Veron. 1736*, S. Gregorius Turonensis *de Glor. martyr. l. 1 c. 34 col. 760 ed. Paris. 1699*. Similiter Joannes Diaconus Scriptor vitæ S. Gregorii M. *ep. ad Senarium apud Mabillonium Mits. Italic. t. 1 p. 74 a Majoribus*, qui certe Gregorio antiquiores erant, decretum testatur, quod Romæ Sabbato Paschæ septem in Ecclesia altaria consecrarentur. In cæmeteriis etiam plura erant altaria, atque unum ex iis describit Aringhius *Rom. subterr. lib. 5 c. 22*, in quo non pauca martyrum tumulis superposita altaria observantur. Cæmeteria autem Christianis erant Ecclesiæ, cum ethnici imperio potirentur. Recte hinc Cabassutius *Notis. Eccles. Dissert. 10 n. 5 p. 40 ed. Lugduni 1680*, Jueninius *de Sacram. Diss. 5 qu. 7 cap. 3*, Muratorius in *Paulin. cit. poem. 19 col. 471*, PP. Maurini in *S. Gregorium cit. p. 49 l. 6*, aliique colligunt, plurium in una Ecclesia altarium usum apud Latinos antiquissimum esse. Ex quo intelligitur, quam falso, & quam imperite hæretici homines Claudius Salmasius in *Solin. Polybirt. p. 1213*, & ceteri, qui Salmasii errorem sequuntur, tamquam rem novam reprehendant hodiernam Latinæ Ecclesiæ disciplinam, per quam plura in uno, eodemque templo altaria retinentur. Non inficior, in quibusdam etiam Occidentis Ecclesiis unum fuisse altare in unoquoque templo; atque hanc fuisse quædam Africæ Ecclesiarum consuetudinem, intelligimus ex Optato Milevitano *l. 1 p. 22 ed. Paris. 1676*, sed certe in reliquo Occidente obtinebat ea, quæ nunc obtinet consuetudo plura in una Ecclesia altaria retinendi.

(6) Vide Optatum Milevitanum *l. 6 p. 113 ed. cit.*, & Victorem Vitensem *de Persecut. Vandal. l. 1 in biblioth. FP. t. 7 p. 896 ed. Lugdun.*

(7) Sacræ mensæ ciborium imminabat, hoc est umbraculum, ut inquit Du-Fresnius *comment. in Paul. Silent. p. 569 n. 57 ed. cit.*, altius eductum, quo universa sacra mensa tegebatur. Confer ipsum Pauli Silentiarrii, & Du-Fresnii locum; consule etiam Anastasium Bibliothecarium in *S. Gregorio I, in Honorio, in Leone III p. 155, 122, 285 ed. Rom. 1718*, quibus locis ciborii mentio est, & vide etiam vetustum ordinem, ubi ciborii benedictio extat, apud Martenium *de Antiq. eccles. rit. 9. 2 c. 19 t. 2 p. 294 ed. cit.*

(8) Usum crucis, quæ in altari locatur, ab Apostolica traditione descendere putat Card. Bona *Rer. liturgic. l. 1 c. 25 §. 8 p. 317 t. 2 ed. Taurin.* Variæ autem erant crucis figuræ, quas describit Muratorius *Anecdor. t. 1 diss. 21 de Cruce Nolana p. 210 ed. Mediolani 1697*. Consule Robertum Salam in *Notis ad illum Bonæ locum, & Gretserum de Cruce l. 2 c. 13*.

(9) Candelabra, aliæque vasa affabre facta ex auro, argento, aliove metallo, quibus fixæ candelæ, vel ellychnia oleo imbuta accendebantur ad præbendum lumen, ab ipsa Apostolorum ætate in Ecclesia adhiberi consuevisse, ostendit Baronius *ad an. 58 n. 70 et seq. p. 515 t. 1 ed. Luc.* Confer etiam Card. Bonam *Rer. liturg. l. 1 c. 25 §. 7*, ibique Salam *Not. 4 t. 2 p. 514 et 516 ed.*

*Taurin.* 1749, *Tournelyum Prælect.*, theolog. de Sacrific. *Missa qu.* 8. art. 13, *Lasalium de Veter. sacr. Christianor. rit. c.* 41 p. 184, *Durantum de Rit. eccles. cathol. lib. 1 c.* 8, *Ciampinium de Sac. edific. Constant. M. c.* 10 p. 134; *Dominicum Georgium de Liturg. Rom. Pontif. diquirit. de Sacr. ministr. cap. 8 et seq.* In antiqua inscriptione Eugenii Notarii apud Aringhium *Rom. subterr. t. 1 l. 2 c.* 10 p. 340 mentio fit redituum quorundam ex hortis transtiberinis ad *Luminaria*. Accendebantur autem lumina non solum noctu, sed etiam die, quem morem cum reprehenderet *Vigilanti. t. 1 c.* 594, inquit eam esse Ecclesiæ consuetudinem, accendique luminaria non ad fugandas tenebras, sed ad signum lætitiæ demonstrandum, quibus iisdem verbis utitur *Isidorus Orig. l. 7 c.* 12 p. 100 ed. *Paris.* 1601. Sane qui luminum in Ecclesia usum vetustissimum esse negat, is plane rudis ecclesiasticæ antiquitatis esse debet. Mitto quæ de cereis in pervigilio Paschatis accendi solitis in Ecclesiis Christianorum scriptum reliquerunt *Eusebius in Vit. Constantin. l. 4 cap. 22 p.* 575 ed. *Taurin.* 1746, ibique *Valesius in not.*, *S. Gregorius Nazianzenus Orat. 19 n.* 51 opp. *t. 1 p.* 504, & *Orat. 42 n.* 4 p. 676 ed. *Coloniæ* 1790, *S. Zeno Veronensis Tract. 58 t. 1 p.* 250 ed. *Augustæ Vindelic.* 1758, quem in locum videndi sunt *Frates Ballerini Not. 5*; quæ item de luminibus in funere *S. Cypriani* adhibitis tradita sunt in *Actis ejus passim* opp. *S. Cypriani col. CXLVI* ed. *Ven.* 1758; in funere autem *S. Pauli* memoriæ prodidit *S. Hieronym. ep. 27 seu 108 ad Eustoch. t. 1 col.* 716 n. 29 ed. *Vallarii Veron.*, quæ demum supra demonstravimus. 2 rect. 1 §. 55 de cereis facibus catechumenorum. Mitto inquam hæc: nam luminum, quæ noctu & interdiu in Ecclesiis ardebant, disertissimam mentionem faciunt *S. Paulinus Nolanus Poem. 14 de S. Felic. vers. 99 & seq. p.* 285 edit. *Veron.* 1736, *S. Epiphanius Ep. ad Joan. Hierosol. opp. t. 2 p.* 327 ed. *Coloniæ* 1682, *Prudentius apud Ruinart, in Act. prim. Mart. Hymn. 2 de Martyrio S. Laurentii p.* 190 ed. *Amstelæd.* 1713, *S. Leo M. Sermon. 14 c.* 2 s. 1 col. 434 ed. *Ballerin. Venet.* 1755, *Concil. Carthagin. IV c.* 6 t. 2 *Concil. col.* 1437 *Collect. Labbæi*. De canone 34 *Concil. Eliberitani*, qui cereos per diem in cæmeteriis incendi vetat, multæ sunt doctorum hominum interpretationes, quas vide apud *Cardinalem de Aguirre Concil. Hispan. t. 1 p.* 537 & seq. Confer etiam *Albaspingum in Not. ad eund. canon. p.* 172 ed. *Neap.* 1770.

§. 15. Vix ullus in antiquissimis Ecclesiis sacrarum imaginum usus fuisse videtur (1). Nom enim eas adhiberi patiebatur & prisca Christianorum paupertas, & veterum formidosorum temporum ratio, & petulantia ethnicorum, qui illas facile deridere, & contemnere poterant. Accedit & alia ratio, quod illæ imagines aliquam forte offensionem afferre poterant ethnicis, qui Christi religionem amplectebantur. Sed eversa idololatria, lateque diffusa et constituta Christiana Religione, sacræ imagines aut pictura, aut statuis expressæ adhiberi cœperunt (2).



(1) Nullum quidem est, quod ego sciam; antiquum monumentum, unde colligi possit, tribus prioribus sæculis in Ecclesiis adhibitas fuisse sacras imagines, uti nunc adhibentur. Hoc tantum certum est, iis etiam temporibus non plane ignotum fuisse earumdem imaginum usum. Nam Pastoris suis humeris ovem gestantis, hoc est Christi imaginem in calice extantem memorat Tertullianus *de Pudicit.* c. 27 p. 559 *Paris.* 1675, & Lucianus *Dial. Philopater.* t. 3 p. 597 *edit. Amstelod.* 1743 satis clare indicat imaginem S. Pauli, quam ipse viderat, & quam petulanter irridet. Adde quod de muliere Syrophœnissa scribit Eusebius *Histor. loc.* 7 c. 18 p. 342 *ed. cit.*, eam ex sanguinis fluxu a Christo Domino sanata in ejus honorem æream statuam erexisse, quæ Eusebii ætate adhuc Cæsaræ Philippi visebatur. Quam statuam ethnici Juliano Apostata Imperatore confregissent, Christiani ejus frusta collegerunt, & in Ecclesia collocarunt, sicuti narrat Sozomenus *Histor. loc.* 5 c. 21 p. 212 *cit. ed. Cantabrig.* Adde etiam antiqua vitra, ex quibus prioribus quoque sæculis sacrarum imaginum usus ostenditur; sed quod illæ in ecclesiis adhibita non fuerint, uti post extinctam idololatriam adhiberi cœperunt, mirari non poterit quisquis eorum temporum rationem animo comprehensam & exploratam habeat.

(2) Innumera fere sunt monumenta IV, V & VI sæculi, ex quibus constat, ea tempestate sacras imagines in omnibus fere ecclesiis adhiberi consuevisse. Seligam quædam, sed disertissima Patrum loca. Augustinus *de Consens. Evangelist.* loc. 1 c. 10 *opp. t. 3 par. 2 col. 8 ed. cit.* memorat imaginem Christi pictam cum Petro & Paulo; tum Apostolorum Petri & Pauli effigies ibidem coloribus expressas refert Ambrosius & Hieronymus, quos laudat Selvagius *antiq. Christian.* loc. 2 c. 4 §. 4. Similiter Gregorius Nyssenus sacrarum imaginum usum vehementer laudat *in Orat. de S. Theodor. opp. t. 1 p. 1011 ed. Paris.* 1615, & huc etiam referenda sunt testimonia Asterii Amaseæ in Ponto Episcopi *Panegyric. de S. Euphem. apud Ruinart. p. 490 n. 1 edit. Amstelod.* 1813, Paulini *Natal. 9 & 10 Felic. p. 641 vers. 511 & seq. ed. Veron.* 1736, Ven. Hedæ *in Vit. S. Benedicti Biscobi Abb. apud Mabillonium Afl. SS. Benedict. sæc. II loc. 1 n. 6 & 9 p. 964 & 966 ed. Venet.* 1733, & Theodoriti *Histor. relig. vit. 26 p. 882 t. 3 ed. Paris.* 1642, qui refert S. Simeonis Stylitz imagines frequentissimas Romæ fuisse, ut tantum, tamque Deo carum hominem multi Patrum haberent. Illud tamen animadvertit Petavius *de Incarnat. loc. 15 c. 14 n. 3 theol. dogmat. t. 4 par. 2 p. 589 ed. Paris.* 1656, magis usitatas picturas, quam statuas fuisse. Locum autem Epiphaniî *in ep. ad Joan. Hierosolymit. t. 2 p. 317 ed. Paris.* 1622 & canonem 36 Concilii Eliberitani, quæ duo antiquo usui sacrarum imaginum obitare videntur, late explicant Albaspinzus *in not. ad d. can. Eliberit. p. 174 edit. Neap. cit.*, Bona *Rerum liturg. loc. 1 cit. 16 §. 2 t. 1 p. 328*, ibique Sala *Not. 6 & seq. p. 551 edit. Taurin.*, Schelestratius *de Discipl. arcan. c. 7 art. 5 p. 122 & seq. edit. Rom.* 1685, Pagius *in Baron. ad an. 57 n. 115 t. 1 p. 455 ed. Luca.*, Assemanus *de Eccles. reverent. & asyl. art. 5 p. 59*; Natalis Alexander *Histor. eccles. sæc. 3 Diss. 21 art. 2 et c. 6 art. 28 t. 4 p. 159 et seq. et 314 edit. Ven.* 1776. Consule eundem Natalem Alexandrum, qui adversus antiquiores Iconomachos, præsertim adversus

Joannem Dallæum Calvinianum hominem late disputat de cultu sacrarum imaginum *Dissert. G. sac. 8 t. 6 p. 94 et seq.*, atque illud recte animadvertit, imaginum usum in templis rem esse disciplinæ, sed earum usu semel constituto, rem esse fidei honorariam earum venerationem.

§. 14. Exteriores Ecclesiæ partes erant ædificia, quæ ad eam pertinebant, sed Ecclesiæ angustiori sensu acceptæ parietibus non includebantur. Talis erat *exterior Narthex*, qui *vestibulum*, et *atrium* sive *aream* comprehendebat. *Vestibulum* erat primus aditus, inter quem, et Ecclesiam angustius acceptam media erat area, sive atrium, locus scilicet, cujus medium sub dio erat, latera vero quatuor porticibus cingebantur. Erant in medio aquæ salientes, seu putei, et canthari aut conchæ, ubi Christiani templum ingressuri manus, et os lavabant (1); unde usus aquæ benedictæ repetendus est (2).

(1) Eusebius *Histor. loc. 10 cap. 4 pag. 473 cit. ed.*, S. Paulinus *ep. 32 ad Sever. p. 205 edit. cit. Veron.*, S. Jo. Chrysost. in *Joan. Hym. 73 n. 5 p. 455 t. 8 ed. Paris. cit.* Vide etiam Variorum *Notas in S. Paulin. ep. 15 num. 41 pag. 882 et seq. edit. citat.*

(2) Usus aquæ benedictæ ab Apostolica traditione profectum, semperque in Ecclesia observatum docent Baronius *ad an. 152 n. 3 t. 2 p. 122 edit. Lucæ, et Bonnæ Rer. liturgic. loc. 1 c. 20 §. 5 t. 2 p. 77 ed. Taurin.* Auctor *Constit. Apostolic. loc. 8 c. 29* apud Cotelierium *PP. Apostolic. t. 1 p. 411 ed. Antwerp. 1693* benedicendæ aquæ formam describit. Memorant etiam aquam sanctificatam, aut benedictam Tertullianus *de Baptism. c. 4 p. 225 edit. Venet. 1744*, Cyprianus *ep. 70 ad Januar. colon. 500 ed. Ven. 1758*, Epiphanius *l. 1 Heret. 50 n. 12 p. 137 ed. Colon. 1632*, Ambrosius *De Sacram. loc. 1 c. 5 n. 15 opp. t. 3 col. 443 ed. Venet. 1751*, Theodorus *Histor. Eccles. loc. 5 c. 21 p. 197 ed. Taurin. 1748*, aliique Patres. Decretum tamen Alexandri I., quod a Gratiano descriptum est *Can. 20 dist. 3 de Consecr.*, pertinet ad falsas decretales Isidori Mercatoris. Quæ hæretici obijciunt adversus usum aquæ benedictæ, solide inter ceteros expedit, atque refellit Robertus Sala in *notis ad cit. Bonnæ locum pag. 78 et seq.*

§. 15. Cetera ædificia circum Ecclesiam generali *exedrarum* nomine vocabantur, eaque erant *Baptisterium*, *Secretarium* sive *Diaconicon*, *Pastophorium*, *Schola*, *Bibliotheca*. *Baptisterium* erat satis amplum ædificium, ac duabus constabat partibus, vestibulo, in quo catechumeni abrenunciationes emittebant, ac domo interiori, in qua fiebat, ablutio, ritusque ceteri in baptismo adhibiti peragebantur (1). *Secretarium* sive *Diaconicon* locus erat, in quo sacra

indumenta, vasa ac reliqua Ecclesiae suppellex servabantur (2). *Pastophorium* geuerale nomen est, quo multa significantur (3). Sed ut plurimum designat ædificia, quæ stabant ab utroque Ecclesiæ latere ad extremitatem orientalem (4); & custodum, ac ministrorum templi domicilium (5). *Schola* & *Bibliotheca* locus erat, in quo animi literis, atque doctrinis excolebantur (6).

(1) Baptisterium separatum ab Ecclesia locum fuisse, ostendit Martenius *de Antiq. eccl. rit. l. 1 c. 1, 2 n. 7 t. 1 pag. 4 ed. cit.*, idque etiam observant Fratres Ballerini *in Zenon. loc. 2 tract. 51 p. 241 t. 1 edit. August. Vindelic.* Sæculo tamen VI intra Ecclesiam Baptisteria constitui cepisse, ex Gregorio Tironensi docet ducentus *de Rit. eccl. loc. 1 cap. 19.*

(2) Atque hoc quidem *Diaconicon magnum* erat, de quo vide Du-Cangium *in Glossar.*; nam quod dicebatur *Diaconicon Bematit*, id erat intra Ecclesiam, eoque Diaconi ea, quæ erant ad sacram liturgiam necessaria, ex Diaconico magno deferabant, ut ad manus essent. Auctor *Chron. Alexand. pag. 390 ed. Paris.*

(3) *Pastophorium* generali nomine usurpatum comprehendebat etiam *Diaconicon*, & *Gazophylacium*, videlicet locum illum, in quo ponebantur populi oblationes, quæ super altare ponendæ non erant, sed potius Episcopi domum mittendæ judicabantur.

(4) Memorat Pastophoria Auctor *Constit. Apostolic. loc. 2 c. 57 p. 264 ed. cit.*, quo ex loco intelligimus, ea fuisse loca ex utraque Ecclesiæ parte versus orientem. Ipse Auctor deinceps *loc. 8 c. 15 p. 409* eorum locorum usum explicat, cum illuc Eucharistiæ reliquias, post omnium communionem, deferri iubet.

(5) Consule Schelestratum *in Concil. Antioch. p. 186.*

(6) De cunctis exterioribus antiquarum ecclesiarum partibus late disputant Binghamus *Origin. eccl. loc. 8 c. 7 t. 3 p. 252 et seq. citat. edit.*, & Selvagnus *Antiquit. christian. loc. 2 cap. 3.*

## SECTIO I.

### *De Consecrandis, et Reconciliandis Ecclesiis.*

- |  |                                  |                                    |
|--|----------------------------------|------------------------------------|
| 16. Consecratio Ecclesiarum, & ejus antiqui ritus. | } pum pertinet. Ea non iteranda. |                                    |
| 17. Ritus, qui nunc obtinent.                      |                                  | 19. Ecclesia violata, aut polluta. |
| 18. Ecclesiæ consecratio ad Episcopum pertinet.    |                                  | 20. Ea reconcilianda est.          |

§. 16. **Æ**dificata Ecclesia, ut primum fieri potest, consecratur, vel saltem benedicitur; nam secus in ea rem divinam conficere nefas est. Antiquissimus est Ecclesiarum consecrandarum usus (1); sed non iidem semper ritus, eademque cæremoniæ adhiberi consueverunt. Ex veteri

disciplina vicini Episcopi vocabantur (2); & interdum etiam concilia celebrari solebant (3). Episcopi sermones habebant (4), cuncti fundebant preces, ac denique divinis sacrificiis, mysticis oblationibus, hymnis, aliisque pietatis operibus summo omnium gaudio, & celebritate consecratio peragebatur (5). Martyrum quoque reliquias, ritu saltem Romano, adhibitas fuisse constat (6).

(1) Ecclesie tantum IV sæculo, pacato Constantini imperio, consecrari coepisse multi arbitrantur, laudantque Eusebium *Hist. l. 10 c. 5 p. 464 edit. cit.*, & Athanasium *Apolog. Ad Constant. n. 17 & 18 opp. t. 1 p. 242 et 243 ed. Paris. 1777*. Equidem his facile assentior, si publicam illam & solemnem consecrationem intelligunt, quæ tantum pace Ecclesie data absolvi potuit; sed ab his valde dissentio, si etiam privatam consecrationem excludunt, ac plane omnem adhibitum negant actum religionis, per quem Ecclesia divino cultui addiceretur. Nam templorum consecrationem e veteri testamento ad novum, atque ab Apostolis ad eorum successores transiisse, semperque in Ecclesia retentam ac servatam arbitror. Quomodo expedita fuerit vetus consecratio toto illo temporis spatio, quo ethnici homines imperio potiebantur, incertum est; & forte initio consistebat in solemnî gratiarum actione, certisque precibus, quas tunc eorum temporum usus postulabat, quæ est simillima verî conjectura Josephi Aloysii Assemani, præstantissimi olim in Romana Academia Collegæ mei, mihiq; dum vixit, amicissimi, in *Tract. de Eccles. rever. et asyl. art. 6 p. 64*, & Laurentii Selvagii in *Antiquit. Christian. loc. 2 c. 5 §. 1 Consule Bonam Rev. liturgic. loc. 1 c. 19 §. 3 tom. 2 pag. 71 et seq. ibique Salam in Not.*

(2) Vide Eusebium *Hist. loc. 10 c. 3 p. 464 et de Vit. Constant. loc. 4 c. 45 p. 650*, Socratem *loc. 1 c. 28 p. 65*, Sozomenum *loc. 2 c. 26 p. 81*, Theodoretum *loc. 1 c. 51 p. 64 omnes edit. Valentii Cantabrig. 1720*, Augustinum *ep. 269 ad Nobilium col. 902 opp. t. ed. 2 Venet. cit.*

(3) Hinc propter dedicationem Ecclesiarum frequentes habitæ sunt Synodi, qualis fuit Antiochena an. 341, quæ inde in *enactis* dicta est.

(4) Plures hujusmodi sermones apud Ambrosium, Augustinum, atque alios extant.

(5) Eusebius in *Vit. Constantin. loc. 4 cap. 45 p. 651 ed. cit.*

(6) Ambrosius *ep. 22 col. 931 n. 13 opp. t. 3 ed. Ven. citat.*, Paulinus *ep. 52 ad Severum col. 199 n. 7 ed. Verona 1756.*

§. 17. Ritus, qui nunc servantur, describit Pontificale Romanum (1), cujus decreto diei consecrationis antequam debet jejunium, et vespere canendæ coram reliquiis, quæ subtus altare collocantur. Deinde Episcopus mane ter ipsam Ecclesiam exterius circumit, & aqua benedicta adspersit; tum Ecclesiam ingreditur, delineato duplici græ-

co ac latino in ipso templi pavimento alphabeto, ac una quidem in porta, duodecim vero in interioribus parietibus signatis crucibus, iisque sacro chrismate linitis, psalmis, hymnis, precibus, aliisque ritibus consecrationem perficit; denique Missam celebrat, quæ tamen ad vim intimam consecrationis non pertinet. Altaria etiam consecrantur, & suos etiam ob eam rem habent ritus & cæremonias (2).

(1) *Par. 2 tit. 2 pag. 52 ed. Catalan. Rom. 1739.*

(2) Vide Pontificale Romanum *loc. cap. tit. 5, 4, 5 pag. 157 et seq.*

§. 18. Consecratio Ecclesiæ actus est sacer & solemnis, per quem ea divino cultui addicitur (1). Tantum Episcopus Ecclesiam consecrat diocesis suæ, neque hæc Presbyteris potestas est (2). Quovis die fieri potest consecratio, quamquam fieri soleat die festo (3), & solemnia sacra dedicationis quovis anno celebranda sunt (4); semelque facta nunquam iteratur, nisi tota pene collapsa aut exusta instaretur Ecclesia, vel nisi de illius consecratione dubitetur (5). Altaris etiam consecratio non repetitur, nisi frangatur, aut nisi evellatur e basi, ubi affixum fuerat (6).

(1) Ecclesiæ consecratio & dedicatio passim confunditur, quasi Ecclesiam consecrare ac dedicare unum idemque sit; sed revera alia consecratio, & alia dedicatio est, quod observat Mazochius *de Camp. Amphit. l. 3 Diatr. de Consecrat. et Ep. de Dedicat. sub ascia cap. 1*. Dedicatio proprie est *synaxis*, hoc est initiatio, & primus rerum usus, consecratio autem potius ad cæremonias pertinet, quibus ecclesia consecrantur. Sed quoniam utrumque conjunctim perficitur, factum est, ut duo hæc vocabula indiscriminatim accipiantur.

(2) *Can. 9 et 25 de Consecr. dist. 1 Cap. 1 de Relig. domib.*

(3) *Cap. 2 de Consecr. eccles.*

(4) *Can. 16 et 17 de Consecr. dist. 1.*

(5) *Can. 16, 18 et 20 de Consecr. dist. 1.*

(6) *Can. 19 de Consecr. dist. 1, Cap. 1 de Consecr. eccles.*

§. 19. Consecrata Ecclesia, si violetur aut polluat, reconciliari debet, quoniam in ea res divina fieri non potest (1). Polluitur autem injuriosa humani sanguinis effusione & homicidio, quod, etiam non effuso sanguine, in Ecclesia patratum est (2); item humani seminis voluntaria effusione (3); denique infidelis, aut excommunicati vitandi sepultura (4).

(1) *Cap. ult. de Consecr. eccler.*(2) *Cap. 4 eod.*(3) *Cap. 4 et ult. eod.*(4) *Cap. 7 eod.; Can. 27 de Consecr. dist. 1.*

§. 20. Reconciliato fit ab Episcopo, missis precibus & adpersione aquæ, cum qua vinum & cinis commiscetur (1). Quæ ceremonia designat peccatorum reconciliationem, eoque videtur spectare cinis, qui in publica pœnitentia adhibebatur. Si Ecclesia benedicta tantum erat, non consecrata, etiam Presbyter lustrali aqua reconciliationem facit (2). Cum pollutio facta est ob sepulturam excommunicati aut infidelis, ante omnia cadaver, si discerni possit, effodiendum est (3). Reconciliata autem Ecclesia, reconciliantur etiam altaria, eique conjuncta cœmeteria, quæ duo simul cum violata Ecclesia violantur (4).

(1) *Cap. 4, 7 et §. 9 de Consecr. eccler.*(2) *Cap. ult. eod. ibique Gloss.*(3) *Can. 27 et 28 de Consecr. dist. 1.*(4) *Cap. unic. de Consecr. eccler. in 6.*

## SECTION II.

### *De immunitate Ecclesiarum.*

21. Sacrorum locorum reverentia apud omnes gentes.

22. Christiani suarum reverentia Ecclesiarum cunctis præstare debent.

23. Quanta fuerit veterum Christianorum reverentia.

24. Unde orta Ecclesiarum immunitas?

25. In Ecclesia profani actus non

exercendi.

26. Jus asyli.

27. Unde repetendum?

28. Regendum legibus Ecclesiasticis.

29. Quæ loca asyli jure potiantur.

30. Quorum criminum rei ab ecclesiastico asylo excludantur?

31. Quomodo hi ab Ecclesia educendi?

§. 21. Omnes gentes, quæ templa habuerunt, habuerunt autem cunctæ, quibus erat religio (1), ædes suis Diis addictas, & consecratas præcipuo quodam honore ac reverentia prosequi consueverunt. Hinc nefas erat violare templum, aut quidquam in eo facere aliter ac deceret, & in ipso armorum strepitu, ac tumultu militaris licentia templorum jura sancta & inviolata servabat. Hebræorum templum quantam venerationem haberet, omnibus compertum est; & certe nemo non intelligit, quam venerandus & colendus esset locus, quem ipse Deus sanctum se fecisse

affirmaverat, quem suam domum elegerat; & sponderat, se auditurum preces, quæ in eo funderentur (2).

(1) *Si terras obeas*, inquit Plutarchus, *invenire possis urbes muris, literis, Regibus, domibus, opibus, numismato carentes: urbem templis, diisque earentem nemo uspiam vidit*. Ita videlicet ethnicus homo loquitur.

(2) Isai. LVI 7, Genes. XXVIII 17, Exod. III 5, Machab. II, III 12, Reg. III, VIII 13, & seq. et IX 3.

§. 22. Christiani suorum reverentia templorum non Hebræis non reliquis gentibus concedere, imo vero cunctis prætare debuerunt. Nam in eorum Ecclesiis non hircorum aut vitulorum sanguinis offertur, sed ipse Christus sine cruore immolatur, atque ipse adest Deus reali præsentia sua, qua in re Hebræos vincunt; ut cultu etiam vincunt ceteras gentes, quæ non verum, ut ipsi, colebant effectorem & dominatorem rerum omnium Deum, sed Deos hominum voluntate confictos, & omnium scelerum contagione contaminatos.

§. 23. Hinc Ecclesiæ a Christianis semper pro sacris usibus cultuque Religionis adhibitæ, exclusaque omnia, quæ non aliquo modo ad pietatem tenderent, vel proxime ad eam essent referenda (1); Episcopi mori maluerunt, quam Ecclesias ab hæreticis violari sinerent (2); Reges Ecclesiam inaccessuri diadema deponebant, atque extra illam custodias relinquebant (3); cuncti autem fideles manus atque os lavabant, ut significarent innocentiam ac puritatem, quam omnes in illo tam pleno reverentiæ, ac majestatis loco præferre oportebat (4), calceosque detrahebant (5); in ipso vestibulo caput ac genua flectebant (6), osculabantur, & circumplebant amplexu januas atque columnas (7); denique Ecclesia tutissimus erat rerum servandarum locus & perfugium miseris, quos eo vocaverat spes tutelæ & metus publicæ calamitatis (8).

(1) Itaque ne quod in Ecclesiis scelus latenter admitteretur, prohibita sunt fœmina in iis vigilas agere. Concilium Eliberitanum *can. 35 col. 254 t. 1 collect.* Harduini. Eademque de causa vetita sunt in Ecclesia convivia, Concilium Carthaginense III *can. 3 coll. 964 t. 1 collect.* Harduini, itemque vetitæ aut certe imminutæ agapæ, scilicet convivia illa caritatis, quæ in Ecclesia fiebant, quæque Apostoli instituerant. Concilium Laodicense *can. 28 col. 785 t. 1 collect.* Harduini. Hinc Synodus Gangrensis duos edidit canones, videlicet *can. 5 et 6 col. 534 et*

*Devoti. Tom. II.*

556 r. 1 *collect.* Hardulni adversus hæreticos Eustathianos, Masilianos atque alios, qui inter Ecclesias privatasque domos discrimen non faciebant, quæque in Ecclesia peragebantur ecclesiastica officia, etiam domi peragi posse existimabant. Quis vero ignorat factum Christi Servatoris, qui e templo emptores ac venditores, & ceteros negotiationem exercentes eiecit? Matt. xxi 12 & 13 Joann. II 14 *et seq.*

(2) S. Ambrosius *ep.* 17 n. 13 col. 869 *et seq.* t. 3 *ed. Ven.* 1751.

(3) S. Joan. Chrysostomus *Orat. post redit. ab exil.* t. 3 p. 428 Idemque habetur in *Serm. 1 in Pentecost. int. spur.* t. 3 p. 791 *edit. Paris.* 1721, vide etiam Edictum Theodosii post *Leg. 4 Cod. Theod.* de iis, qui ad Eccles. confug. tom. 3 pag. 393 *edit. Lipsiæ* 1738.

(4) Hujus consuetudinis crebra mentio est apud Chrysostomum, Eusebium, Tertullianum, Synesium, Paulinum & ceteros, quorum supra testimonia descripsi.

(5) Memorat hanc consuetudinem Joannes Cassianus de *Instit. canob.* l. 1 c. 10 p. 12 *ed. Francofurti* 1722, non tamen ea generatim ubique videtur obtinuisse.

(6) Quamquam nulla certa hujus consuetudinis demonstratio dari possit, tamen eam valde probabilem esse, ostendit Binghamus *Origin. ecclesiast.* l. 8 c. 10 §. 7 t. 3 p. 344 *cit. ed.*, laudatque Chrysostomi testimonium, unde intelligimus, candidatos baptismi procidere, seque in genua projicere consuevisse, cum ad baptisterium accedebant.

(7) Ambrosius *ep.* 20 n. 26 col. 909 t. 3 *ed. cit.*, Paulin. *Not.* 6 *Felic.* p. 433 *vers.* 250 *ed. Verona* 1735, Prudent. *Hymn.* 2 in S. Laurent. *vers.* 530 p. 131 *ed. Paris.* 1637, Cassind. *Hist. ripart.* l. 9 c. 50 p. 344 t. 1 *ed. Rotomagi* 1679, Auctor *Eccles. hierarch.* c. 2 §. 4 t. 1 p. 250 *ed. Antwerp.* 1633.

(8) S. Augustinus de *Civit. Dei* l. 1 c. 1 col. 3 *opp.* t. 7 *edit. Venet. cit.*, S. Hieronymus *ep.* 127 ad Princip. n. 13 col. 954 *opp.* t. 1 *edit. citat.*, S. Gregorius Turonensis *Hist.* l. 5 c. 4 col. 205 *edit. Paris. cit.*, Orosius l. 7 c. 59 p. 573 *edit. Lugduni Batavorum* 1733 Cassiodorus *Var. libr.* 12 c. 20 p. 497 t. 1 *ed. cit.*, Sozomenus *Hist.* l. 9 c. 10 p. 576 *edit. Valerii Cantabrig.* 1720. Ac sæpe ipsi hostes eos, quibus parcere volebant, ad Ecclesias ducebant, ut ibi tuti essent ab aliis, qui ipsis vim & injuriam inferre potuissent.

§. 24. Ipse sensus Religionis impressus, atque insitus in hominum animis fecit, ut Christiani ita colerent et venerarentur Ecclesias suas; atque hic ipse sensus intimus ecclesiasticæ immunitatis origo, et fundamentum est. Non enim Ecclesiarum immunitas inducta est a legibus, ut quidam putant, sed inducta est a Religione, sive a reverentia, qua in Religionem ferri debemus, et proinde Ecclesiasticæ Potestatis, cujus est moderari res Religionis, ejus est etiam de ecclesiastica immunitate leges constituere.

§. 25. Duæ sunt immunitatis partes, quarum prima est, ut



nullus profanus actus, qui minus decet loci sanctitatem, in Ecclesia exerceatur. Quare procul ab ea judicia criminalia; item judicia civilia, quæ ad Forum sæculare pertinent (1); procul ludi theatrales, convivia, comedix, choreæ, et cantus non pietatis, sed oblectationis causa instituti (2); procul civiles conciones, et profana concilia, procul nundinæ, contractus, negotiationes (3). Acta in Ecclesiis sæcularia judicia irrita etiam sunt; criminalia non tantum irrita, sed etiam pœnam afferunt excommunicationis (4): contractus tamen valent.

(1) *Cap. 1 & 5 de Immunit. Eccles.*

(2) *Can. 1 dist. 92, cap. 12 de Vis. & honest. cleric., Concil. Tridentinum Sess. 22 decret. de Observ. & vitam. in miss.*

(3) *Cap. 2 de Immunit. in 6.*

(4) *Cap. 6 & 7 de Immunit.*

§. 26. Pars altera immunitatis eo spectat, ut debitores, et rei criminum ad Ecclesiam confugientes tuti sint, neque illinc divelli possint; quod jus asyli appellamus. Quemadmodum homines cum in periculis versantur, a Deo opem et auxilium postulant, ita ad Ecclesias confugiunt, quoniam in illo precis et obsecrationis loco se facilius a Deo id, quod optant, consequi, atque illi tutum habere perfugium sperant, quod loci sanctitas et reverentia pollicetur. Natura ipsa, atque in animis impressa vis Religionis omnes vocat ad hoc commune præsidium, per quod quasi se in Dei tutelam recipiunt; & unde eos non videntur deieciuri ceteri homines, qui Ecclesias reverentur. Quare Ecclesiasticum asylum pars est reverentiæ quæ Ecclesiis debetur, atque hanc reverentiam ipsa vis Religionis induxit.

§. 27. Ita natum est Ecclesiarum asylum, & vero antiquissimæ, quæ de eo sunt, leges non asylum constituunt, sed jam antea constitutum, & ubique receptum ostendunt (1). Scilicet ut publice Christiana Religio nominari in civitatibus, atque in provinciis cœperit, is statim habitus a cunctis est honos Christianorum Ecclesiis, ut qui ad eas confugissent, loci sanctitate, ac reverentia defenderentur. Adeo verum est, nullis opus fuisse humanis legibus, quæ stabilirent jus asyli, quod jam affixum Ecclesiis, & earum venetationi, communis omnium consensus agnoverat.

(1) Vetustissima, quæ extat de Ecclesiarum asylo, est *Lex i Codic. Theod. de His. qui ad Eccles. confug.* Verum hæc lex non asy-  
lum constituit, sed potius illud omnium moribus & consensu jam-  
pridem fuisse constitutum, lateque patuisse demonstrat; quod ipsi  
etiam animadvertunt Scriptores, quorum hac in re testimonium  
repudiare non possunt, qui ægre ferunt asyllum Ecclesiarum, Ja-  
cobus Gothofredus in *Not. ad. Leg. 1 Cod. Theodos. t. 4. p. 338 ed.*  
*Lipr.*, Binghamus *Orig. eccl. l. 8 c. 11 §. 1 p. 353 sit. edit.*,  
Van-Espennus *Diss. canonic. de Asyl. templor. c. 1 §. 1.* Révera  
Gothofredus & Binghamus *l. c.* complura collegerunt antiqua  
monumenta, ex quibus patet, jam Ecclesiarum asyllum obtinuisse  
multo ante, quam Theodosiana illa lex in manus hominum per-  
veniret, & nulli unquam auctorum, uti inquit Binghamus, du-  
bium fuit, quin id privilegium Ecclesiarum a tempore Constantini  
esse cæperit, licet nulla lege Theodosio vetustior, sive in Iusti-  
niano, sive Theodosiano Codice de hoc ipso reperiantur. Atqui  
neque ulla lex extat Constantini, quæ Ecclesiarum asyllum  
constituat, neque in antiquis monumentis ulla hujusce legis  
mentio, aut indicium est. An non id argumento est plape  
maximo, nullam ea de re legem a Constantino editam fuisse,  
quæ aut nunc extaret, aut saltem aliqua ejus mentio esse deberet  
apud Eusebium, qui Constantini vitam accurate conscripsit, at-  
que apud ceteros scriptores, qui eorum temporum historiam iteris  
mandarunt? Quod si Constantini ætate jam asyllum vige-  
bat, ne-  
que illud erat ulla lege constitutum, planum est, illud induci de-  
buisse a moribus, atque a consensu Christianorum in ipso imperio  
Constantini; hoc est eo ipso tempore, quo publicus Christianæ  
Religionis cultus obtinere cæpit. Hic autem mos, & communis  
omnium consensus, qui statim erupit, cum primum erumpere li-  
bere potuit, unde ortus, nisi ortus est ex intimo sensu Religionis,  
atque ex impressa firmiter in omnium animis reverentia Ecclesia-  
rum? Atque huc sane spectat S. Gregorius Nazianzenus *Orat.*  
*20 de Laud. Basil. p. 353 t. 1 ed. Colon. 1690*, qui narrat, S.  
Basilium protexisse viduam, quæ ad altare confugerat, atque ait  
eum fecisse id, quod non tantum M. Basilus, sed etiam quivis  
alius Sacerdos facere debuisset, scilicet ut *eam adieret, resine-  
ret, omni cura sueretur.* Dei clementiæ, ac legi, quæ altaribus  
honorem haberi jubet, *manum porrigerent &c.* Ita scilicet Nazian-  
zenus, antequam illa Theodosii lex prodiret, ecclesiasticum asyllum  
referobat *ad Dei legem, quæ altaribus honorem haberi jubet.*  
Quam Ecclesiastici asylli originem minime compertam atque ex-  
ploratam habent, qui eam a civilibus legibus repetendam putant;  
cum revera civiles hac de re leges omnium, quæ extant, & qua-  
rum mentio habeatur, antiquissimæ multo antea ecclesiarum asy-  
lum constitutum ostendunt. Anonymus quidem Scriptor, qui an-  
no 1763. Florentiæ libellum edidit cum titulum *Discorso sopra l'*  
*asilo ecclesiastico*, falsis & absurdis ratiunculis, quas a Paulo Sar-  
pio penè omnes accepit, demonstrare conatus est, Christianorum  
asyllum ex ethnica superstitione procedere; illud initio nonnisi  
meram Clericorum & Episcoporum intercessionem fuisse, quæ non  
dabat spem certam perlugii, sed tota erat posita in prece & ob-  
secratione, quam Princeps audiebat, & despiciebat suo arbitratu;  
denique totum hoc de asylo negotium ad laicum Principem per-

tinere, quoniam illud ab ejus beneficio & auctoritate profectum est. Mitto ceteros errores, quibus hic libellus abundat, & quos refutarunt Josephus Aloysius Assemanus *de Eccles. reverent. & asyl. animadvert. in discurs. p. 79 & seq.*, ac Jacobus Pistorius opere peculiari. Tantum dico, quod si Christianorum asylum ethnica superstitionis arguitur, propterea quod illud etiam ethnicis et fuit, jam erit etiam superstitio Christianis habere templa, & cultum externum Religionis, quoniam etiam ethnici utrumque habuerunt. Imo vero quod hæc reverentia templis ethnicorum, & statuis principum exhiberetur, multo magis eam immortalis, ac præpotenti Deo, ejusque domui a Christianis exhibendam esse, ostendunt Nicolaus I. *in Respons. ad consult. Bulg. c. 95 col. 352 t. 1 collect.* Harduini, Concilium Matisconense II *can. 8 col. 462 t. 3 collect.* Harduini, & Theodosius Junior in celebri edicto quod extat post *Leg. 4 Cod. Theod. de his qui ad Eccles. confug. t. 3 p. 396 edit. cis.* Præclare Isidorus Pelusiota *ep. 174 p. 55 ed. Venet. 1745* ita firmum, certumque esse vult ecclesiasticum asylum, ut illud violare non solum crudelitatis, sed etiam impietatis esse dicat. Itæ sane si ita ethnici colebant, ac venerabantur Deos, quos veros putabant, superstitio erit Christianis colere, ac venerari Deum, quem unum verum esse certo sciunt? Nihil hoc magis absurdum, & magis impium dici potest. Quod de intercessionis Clericorum & Episcoporum Anonymus scriptor addit, id ab ipsa refutatur Theodosii lege, cujus supra est facta mentio, & quam omnium antiquissimam esse dixi, quæ de Ecclesiarum asylo disserat. Legis verba sunt hæc: *Publicos debitores si confugiendum ad Ecclesia crediderint, aut illico extrahi de laebris. oportebit; aut pro his ipsos, qui occultare probantur, Episcopo exigi.* Lex hæc memorat disertissime debitores *ad Ecclesias confugientes*, & memorat etiam eorum *extractionem*, quæ verba referri certe non possunt ad Episcoporum & Clericorum intercessionem. Neque vero, antequam illa Theodosii constitutio emitteretur, Episcoporum intercessionem, sed verum ac germanum, quale nobis est, ecclesiasticum asylum memorat Nazianzenus, *l. c.* cum narrat, Basilium defendisse viduam, quæ contra vim sibi a Præfecto Ponti illatam ad altare confugerat. Similiter Altaris, atque Ecclesiæ asylum, non Episcoporum intercessionem habet, Ambrosius *ep. 20 n. 8 col. 905 t. 3 edit. cit.*, & Ammianus Marcellinus *l. 15 n. 5 p. 51 & l. 26 n. 3 p. 365 ed. Lips. 1775*. Atque eadem semper fuit sententia eorum omnium, qui post hanc ætatem floruerunt. Cyriacus, qui in locum Joannis Jejunatoris factus est Patriarcha Constantinop. vertente anno 593, pro asylo, ne templi sanctitas violaretur, adversus Phocam ipsum Imperatorem stetit, nec passus est, uti narrat Theophanes *in Chronograph. p. 246 ed. Paris. 1655*, ab Ecclesia educi Constantinam Mauricii, & tres ejus filias, nisi antea Phocas eas salvas fore juratus confirmasset. Confer etiam S. Gregorium M. *ep. 57 l. 1 & ep. 38 l. 10 opp. t. 2 col. 527 & 1063 edit. Paris. 1705*, Concil. Aurelianense I. *can. I. et II can. 21 col. 545 et 1368 t. 5 Concil. Labbæ ed. Ven. & Matisconense II can. 8 t. 6 col. 676*. Non igitur Episcoporum intercessio cum ecclesiastico asylo confundi debet; intercessio obsecratio erat, & spem ponebat in venia, atque in misericordia Principis; sed asylum tuebatur reum jure sanctitatis loci & reverentiæ, qua

Christianos Dei domum prosequi oportebat. Denique quod dicitur, ecclesiasticum asylum nisi beneficio Principis, atque a civilibus legibus esse profectum, id falsum esse demonstravimus, cum illud induxerit ipsa vis Religionis, et reverentia Ecclesiis debita, legesque civiles jam communi omnium consensu stabilitum demonstrent asylum, multo ante quam ulla de eo civilis lex ederetur. Quod si non a civilibus legibus asylum procedit, sed a sensu intimo Religionis, atque a reverentia, quam Ecclesiis debetur, manifestum est, ejus curam et regimen non ad Civilem Potestatem, sed ad eam pertinere, cui Religionis cura, et Ecclesiarum regimen commissa, et commissum est. Quod si interdum laici Principes pietate prastantes de Ecclesiarum asylo leges tulerunt, non id ab ipsis factum est, ut primum asylum stabilirent, aut quod eorum legibus indigeret Ecclesia, ut haberet perfugium, quod dabat ejus sanctitas ac reverentia, atque ipsa vis Religionis; neque ideo dici potest, quod illorum esse debeat de asylo leges constituere. Civiles illæ leges eo spectant, ut asyli jura sancte custodiantur, & earum etiam imperio, & auctoritate templorum veneratio firmetur, atque omnes metu quoque civilis coercionis a sacrilega violatione deterreantur. Non dissimiles Imperatorum leges extant in utroque Codice atque Novellis, de Fide & Sacramentis, de Religione ipsa Christiana, de hæreticis, apostatis, excommunicatis; neque tamen eam ob causam Catholicus homo dixerit, jus Religionis, ac Religionem ipsam Christianam, ac Fidem a Principum auctoritate & clementia pendere. Certe inter civiles leges, quibus ecclesiasticum asylum confirmatur, celebre est Edictum Theodosii Junioris, cujus paulo ante facta mentio est, & ibi quidem Imperator asylum, quod jam pridem erat constitutum, repetit ex vi ipsa Religionis, atque ex naturali, & omnium animis insita reverentia Ecclesiarum. Neque aliud ferri debet judicium de antiquis Patribus, quos interdum ad Principes visse constat, ut de Ecclesiarum asylo leges impetrarent, unde in Codice c. 56 apud Justellum *Biblioth. Juris Canon. s. 1 p. 154 ed. Paris. 1661* scriptum est: *ut pro confugiensibus ad Ecclesiam quocumque reatu involuit legem de gloriosissimis Principibus mereantur, ne quis audeat eos extrahere.* Imo, & Patres illos legasse scimus Epigonium & Vincentium ad Honorium Imperatorem, ut concederet asylum Ecclesiis Africanis, quæ lex confirmata est a Justiniano *Novel. de Eccles. constit. in Afric. coll. 10.* Nam eorum Patrum consilium fuit, ut Imperatoris gladio Ecclesiarum ac Religionis honos & cultus defenderetur, atque ut Imperatores ipsi sacrorum Canonum decreta auctoritate, imperioque suo ad exitum perducenda curarent. Similiter Episcopi pluries ad Imperatorem confugerunt, ut de Christiana Religione decreta firmaret, ut ecclesiasticam libertatem adsereret, ut catholicam fidem vindicaret; & multam harum rerum monumenta sunt in Codice Canonum Africanorum, tum in Codice Justiniani & Theodosii, atque in Novellis Constitutionibus. Sed non ideo quisquam dixerit, sanctissimos illos Episcopos potestatem in res sacras, ac Religionis Ecclesiarumque regimen, & curam laico Principi committere voluisse. Sæculo IV Eutropius canuchus Arcadium Imperatorem impulit ad tollendum jus asyli lata lege, quæ est *L. 5 Cod. Theod. de His qui ad Eccles. confog.*; sed postea confugere ipse ad Eccle-

siam debuit, ut vitam tueretur suam, atque ita *suomet facto*, ut inquit Chrysostomus *Hom. 1 in Eutrop. opp. t. 3 col. 333 edit. Paris. 1721, legem suam primus abrogavit.*

§. 28. Quod si Ecclesiarum asyllum ex ipsa earum sanctitate & reverentia procedit, consequens est, ut regatur auctoritate ejus, cui regimen ecclesiasticarum rerum commissum est. Certe ecclesiasticis legibus & ampliati, & arctati sunt asyli fines, uti rerum ratio postulare videbatur. Naturalis reverentia in Ecclesias fecit, ut eæ jure asyli fruerentur, deinceps illud traductum est etiam ad ea loca, quæ visa sunt reverentia & obsequio digna vel propter usum, cui sunt addicta, vel propter dignitatem eorum, qui in illis habitant.

§. 29. Hodie igitur asyli jure fruuntur omnes Ecclesie, etiam quæ consecratæ non sunt, earumque porticus & atria (1); quin & locus, in quo, primo lapide solemniter jacto, Ecclesia ædificanda est (2); itemque oratoria Episcopi auctoritate constituta ac perpetuo divinis addicta, non autem oratoria, quæ sunt in domibus privatorum, quamquam in iis cum venia Sedis Apostolicæ res divina peragatur; similiter palatium Episcopi; domus, quæ ad parochiam pertinet, & in qua parochus habitat; domus canonicæ, & sodalitiarum, quæ eorum ecclesiis conjunctæ sunt; turris campanaria, quæ intra passus triginta ab Ecclesia distat; xenodochia, & cœmeteria (3); domus Regularium; denique etiam sacerdos Eucharistiam deferens ad se confugientibus asyllum præstat (4).

(1) *Can. 8 q. 20 36 cap. 17 qu. 4, Cap. 5 et 9 de Immunit. Eccles.* Quin etiam *Can. 6 et 35 caus. 17 qu. 4* jus asyli traducitur ad passus 40 extra Ecclesiam cathedralem, ad passus 50 extra Ecclesiam inferiorem; verum hujus loci asyllum nunc antiquarum esse, tradit Card. de Luca *Disc. 12 n. 27 Miscell.*, ac solum obtinere ostendit Pignattellus *Consult. 426 t. 1* ubi consuetudine receptum est.

(2) *Sac. Congregatio Immunitatis in Januen. 5 Octobris 1688.*

(3) *Cap. 10 de Immunit. Eccles.*

(4) *Consule Fagnanum in Cap. Ecclesia 9 de Immunit. eccles. per tot. t. 3, Ferrarium Biblioth. verb. Immunitat. art. 2, Giraldum Exposit. Juris Pontif. par. 1 sect. 637 p. 471, a quibus hæc omnia, quæ ad asyllum pertinent ecclesiarum, latissime explicantur.*

§. 30. Publicas tamen ob causas factum est, ut rei graviorum quorundam criminum ab asyli beneficio excludan-

rur. Atque hi quidem sunt qui publice impudenter aliena bona diripiunt; qui agres depopulantur; qui hominem in Ecclesia, vel ejus cœmeterio interficiunt, aut ei membrum amputant: sicarii, qui scilicet alieno jussu alicui mortem inferunt; & qui tanti facinoris causa eorum operam conducunt, aut eos domi excipiunt; homicidæ, nisi vel casus, vel justa sui defensio homicidio causam dederit; Judæus, qui susceptam ante christianam religionem deseruit; hæreticus, nisi ad Ecclesiam confugerit ob aliud crimen, quam hæreseos; læsæ majestatis reus; qui vim inferunt confugientibus ad Ecclesiam, atque eos inde violenter abducunt; qui in literis Apostolicis falsi crimen admiserunt; qui montem Pietatis, aut alia similia loca administrantes, falsi aut furti patrato crimine, ita publicam arcam minuunt, ut pœnæ mortis subjiciantur; qui aureas, & argenteas monetas privatim cudunt, aut vitiant & corrumpunt; qui mentito Curiae nomine sese in alienas domos infingunt & intrudunt, atque ibi rapinas faciunt, & homines trucidant, aut membra cædunt (1).

(1) Late de his in omnibus agitur in c. 6 et 10 de Immunit. Eccles., in Bulla cum alias 17 Gregorii XIV Bullar. t. 5 par. 1 p. 271, in Bulla Ex quo 75 Benedicti XIII t. 12 p. 1, in Bulla In summo 171. Clementis XII t. 14 p. 17, & in Bulla Officii 29 Benedicti XIV t. 5 p. 160 ejus Bullarii ed. Roma seu Ven. 1754. Consule Bened. XIVs Instit. Eccles. Instit. 41 §. 5 et seq. & Giraldum Exposit. Jur. Pontif. par. 1 l. 3 sect. 635 p. 464 & seq. Recte autem animadvertit Benedictus XIV loc. cit. §. 9 n. 33, quod præter ea scelera, quibus omnis immunitas jure negatur, si cetera quoque gravia sint, vel sæpius admittantur auctoritate Summi Pontificis, vel Sac. Congregat. immunitatis, in carceres Ecclesiastici Judicis ex loco immuni rei detrudi possunt nomine Ecclesia, causaque ipsorum cognita pœna constitui paulo quidem mitior, ut simul & rei pœnam perferant, & ecclesiastici asyli ratio habeatur.

§. 31. Qui se criminibus inquinaverunt tantorum facinorum, ac tam atrocium, dimovendi ab Ecclesia sunt, ut meritis plectantur pœnis. Qua in re certa est adhibenda ratio, ne quis imprudenter & temere privetur beneficio, quod ad se confugientibus Ecclesia præstat. Nimirum ab Ecclesiastico Judice videndum est, num reus patravit crimina, propter quæ immunitate prorsus indignus habeatur, ejusque auctoritate ac præsentem viro ecclesiastico, quem ipse designavit, reus de asylo dimovetur (1).

(1) Benedictus XIII cit. Const. Ex quo.

## S E C T I O III.

## De Cappellis, Oratoriis.

32. Quid Cappella & Oratorium?  
 33. Publici et privati Oratorii distinctio.  
 34. Altare portatile.

§. 32. Cappellæ (1) & Oratoria sunt sacella, quæ in agris sedent, aut in civitatibus aut in magnatum domibus, quæque sacris extraordinariis addita sunt. Duplex oratorii genus, publicum & privatum. Publicum est, quod publicam habet januam, & quod cuivis e populo patet; privatum, quod in privatis domibus, & quod domini arbitrio constituitur.

(1) Du-Cangius in *Glossar. med. & infim. latinis. verb. Cappella* hoc nomen repetit a *cappa*, hoc est parva veste S. Martini, quæ in Oratorio Regis Galliarum servabatur. Contra alii *Cappella* nomen factum ostendunt a *cappa*, hoc est theca reliquiarum S. Martini, & aliorum, quam Galliarum Reges in oratorio habebant, & quam secum deferre solebant, cum ad bellum proficiscerentur. Nimirum *cappella* orta est a *Cap* sive *Cappa*, & *Cap* vox Celtica est uti tradit Leibnitiuss *Collect. etymolog. par. 2*, suæque origine significat capitis tegmen, ac generatim quodvis corporis tegumentum, ampliorique sensu rerum pretiosarum thecas, & conditoria. Evodius l. 1 de *Miracul. B. Stephani cappella argentea*, inquit, *in qua erat reliquiarum portio*. Consule Pithæum *Glossar. ad lib. capitular. verb. Cappella*, & Bignonium in *not. ad Marculf. formul. 48 l. 1*, utrumque apud Balutium *Capitular. Reg. Francor. t. 2 col. 491 & 626 ed. Ven. 1733*.

§. 33. Publicum oratorium Deo semel dicatum in profanos usus converti nequit (1); quod de privato oratorio non est ita (2). Neque tantum in publicis oratoriis preces ad Deum mittuntur, sed etiam divinum sacrificium super altari rite consecrato peragitur. Hinc ea cum Episcopi auctoritate ædificari, ac benedici debent (3), & campanam habent, per quam populus ad rem divinam atque ad fundendas preces publice vocatur (4).

(1) *Cap. 51 de Regul. jur. in 6*.

(2) Vulgatum est illud, quod post Glossam, & ceteros Juris Canonici interpretes tradit Fagnanus in *Cap. Auctoritate 27 de Consib. n. 6* quod hodie privatum oratorium est, *cras poteris fieri camera*, cum non sit locus Deo dicatur. Videndi in primis sunt Jo. Baptista Gatticus, Josephus de Bonis & Fortunatus a Bri-

xia, qui peculiaribus operibus *de oratoriis, publicis et domesticis* late ac diligenter agunt.

(5) *Can. 10, cap. 18 qu. 2.*

(4) *Cap. 16 de Excess. Prælat.* In privato tamen oratorio publicam campanam retineri vetat Celestinus III *in c. 10 de Privileg.*

§. 34. Privatum oratorium domi habere unusquisque potest, sed in eo Missam celebrare non licet, nisi hæc facultas a Sede Apostolica impetrata sit (1). Verum Episcopi eo privilegio fruuntur, ut ad rem divinam faciendam non tantum domi suæ oratorium habeant, sed etiam altare *viaticum*, seu *portatile*, ut vocant, erigere possint in alienis quoque domibus, in quibus vel visitationem obeuntes, vel iter facientes hospitio excipiuntur, quin etiam in iis domibus, in quibus commorantur, cum probatis de causis absunt a diœcesi sua (2).

(1) *Can. 33 de Consecr. dist. 1, Concilium Tridentinum Sess. 22 in Decret. de Observan. & evitan. in celebr. Miss.* Confer Fagnanum *in cis. cap. 27 de Censib. num. 17*, qui hoc Concilii decretum diligenter expendit.

(2) *Cap. 13 de Privileg. in 6.* Quod quidem Episcoporum privilegium a Tridentina Synodo minime fuisse sublatum, eoque petiti Episcopos electos & confirmatos, quamvis consecrati non sint, ostendit Fagnanus *in cap. Quod nonnullis n. 6 & seq. de Privileg.* Cum autem Bonifacii Decretalis *in cis. cap. 12* comprehendat Episcopos, eorumque superiores, manifestum est, idem privilegium etiam ad Cardinales pertinere, qui præfinitia & dignitate, non tamen ordine, sunt Episcopis superiores. Consule Fagnanum *loc. cit. n. 5 & 10 seq.*, & Passerinum *in cis. c. 12.* De jure altaris portatilis, quo fruuntur Episcopi, videnda in primis est Innocentii XIII. Constitutio *Apostolici ministerii* 34 §. 24 p. 263 t. 11 *Bullar. Roman. ed. Mainardi*, qua quidem constitutione declaratum est decretum ea de re editum a Clemente XI die 15 Decembr. an. 1703, illamque confirmavit Bened. XIII, atque descripsit in Appendice Concilii Romani, ut ab omnibus observaretur. Confer etiam Bened. XIV literas *Magno* datas ad Primatem, Archiepiscopos, Episcopos Poloniæ, atque in ejus Bullario descriptas n. 48 t. 3 p. 216 *ed. Venet. 1754.*



## S E C T I O IV.

*De sacris Vestibus, vasis, ceteris ad Ecclesiam pertinentibus.*

35. Res Sacræ in hominum commercio versari nequeunt.

36. Sacra indumenta, vasa, eorumque benedictio.

37. Campanæ.

§. 35. Sacram suppellectilem constituunt sacra indumenta sacerdotum & ministrorum, vasa, quæ adhibentur, cum res divina conficitur, omnia demum ecclesiæ & altaria ornamenta. Cuncta hæc quæ Deo data, ejusque honori ac cultui dicata erant, Majores nostri *anathemata* appellabant, quod essent a communi usu remota atque sejuncta (1). Nam semper omnibus fixum certumque fuit, res Deo consecratas revocari non posse in commercium hominum, in quo res profanæ versantur (2).

(1) Justinus Mart. *Resp.* 121 *ad Orthodox.* p. 493 *ed. Paris.* 1742, Cyrillus Alex. l. 5 *de Adorat.* p. 144 t. 1 *ed. Lutetia* 1658, Eusebius *de Vis. Constant.* l. 3 c. 58, p. 599 *ed. Cantabrig.* 1720, Zonaras & Balsamon in *Can. 3 Concil. in templ. Sophia,* apud Beveregium *Pandect. Canon.* t. 1 p. 563 *ed. Oxonii* 1672. Confer *Svicerum Thei. verb. oradua,* & *Selvagium Antiquit. Christian. par.* 1 l. 2 c. 4 §. 1.

(2) Notum est, qua constantia & firmitate animi S. Ambrosius obstiterit Valentiniano Imperatori, qui ab eo sacra vasa tradi volebat. *Cum esset propositum, inquit in Serm. con. r. Auxent. n.* 5 *opp.* t. 6 p. 56 *ed. Venet.* 1781, *ut Ecclesie vasa jam tradere-* *mus, hoc responsum reddidi: me, si de meis aliquid posceretur,* *aut fundus, aut domus, aut aurum, aut argentum, id quod mei* *juris esset, libenter offerre: templo Dei nibi posse decerpere, nec* *tradere illud, quod custodiendum non tradendum acceperim.* Confer etiam Canonem Apostol. 73 apud Cotelerium *PP. Apostol.* t. 1 p. 451 *edit. Amstelod.* 1724, acta S. Laurentii apud Ruinartum *Act. Mart. sincer.* p. 164 *ed. Verona an.* 1751, Concilium Arelatense l. *Can. 13 t. 1 concil. collection. Labbzi col.* 1452 *edition. Venet.*, S. Augustinum, qui Silvanum Donatistarum Episcopum proditorem judicat, quod Imperatoris ministris argenteam lucernam tradidisset *Ep. 53 ab* 165 c. 2 n. 4 t. 2 *opp. col.* 161 *edit. Venet.* 1759.

§. 36. Sacerdotem sacris operam daturum non communi, sed peculiari, & magis augusto habitu uti oportere, compertum est; quem ritum ab Apostolica ætate profectum (1), ad nos Ecclesia transmisit, quamquam lapsu tempo-

rum aliqua in vestium numero & forma precum facta mutatio sit (2). Maxime autem decet, benedictione primum sacris usibus initiari vestes, quæ sunt ad sacrificium necessariæ (3). Consecrantur etiam ac benedicuntur vasa, quibus in sacrificio opus est, & in his quidem sacrum chrisma adhibetur (4); præterea benedicuntur linthea et cuncta altaris instrumenta. Utraque consecratio et benedictio ad Episcopum pertinet (5).

(1) Quandoquæ Apostoli primum sacrificium confecerint, & num in eo conficiendo communibus & quotidianis, an potius certis & peculiaribus usi sint vestibus, non satis convenit inter eruditos. Illud plane compertum est, eos post Christi mortem per triduum sese a sacrificio abstinuisse, sed quæritur, num statim hoc elapso triduo primum sacrificium obtulerint, an potius illud distulerint ad Pentecosten; qua de re disputant Theophilus Raynaudus *de prima missa sect. 1 c. 2 & 3 opp. t. 6 p. 550 seq. ed. Lugdun. 1665*, & Cardinalis Bona *Rev. liturgic. l. 1 c. 5 §. 1 t. 1 p. 63 & seq. ed. Taurin. 1747*. Verosimillimum est, Apostolos solum post Pentecosten rem divinam fecisse, quod, antè illud tempus lex Evangelica nondum satis promulgata fuisset. Confer etiam Salam *in Not. ad Bonam loc. cit.* ubi quoque ostenditur, primam Missam non a Jacobo, sed a Petro celebratam fuisse. Magna etiam, uti dicebam, controversia est, num Apostoli peculiaribus induti vestibus rem divinam confecerint. Paulus *in II ad Timoth. IV 15* memorat *penulam*, quam Troade reliquerat apud Carpum, a quo hospitio exceptus fuerat. Si vera esset sententia illorum, qui *penulam* interpretantur casulam, qua nunc sacerdotes utuntur, satis quidem ex hoc loco constaret, Apostolos rem divinam conficientes sacra indumenta adhibuisse. Verum Guillelmus Estius *in Comment. ad d. Paul. Ep.* *penula* nomine veteris testamenti libros comprehendi arbitratur. Contra Josephus Vicecomes *penulam* rasulam esse putat. Baronius *ad an. 53 n. 67 & 68 t. 1 p. 514 ed. Luca* utramque sententiam in medium affert, atque integrum ea de re iudicium quique relinquit, *sed magis placet*, inquit, *ut volumen sacra legis intelligi debeat*. Cardinalis Bona *loc. c. l. 1 c. 2 §. 8 t. 2 p. 255*, magis probare videtur sententiam illorum, qui *penulam* vestimenti genus fuisse censent, idque etiam late ostendit Robertus Sala *in not. 1 p. 257*. Eadem est sententia Augustini Calmeti *in dict. Hist. sac. script. verb. penula t. 2*, & Philippi Bonaroti *in animadvers. ad quad. vit. fragmen. figuris dist. ex cameter. Rem. effori. tab. 16 fig. 2*. Sed quævis de Apostoli *penula* verior opinio habeatur, illud profecto multo probabilius est, non solum viros Apostolicos, sed ipsos etiam Apostolos peculiare, atque a communibus distinctas adhibuisse vestes, cum rem divinam conficiebant. Cathari, quos peculiari opere refutavit Ven. Moneta, & sequioris ætatis hæretici, usum sacrarum vestium execrati sunt ad summam impudentiam. At injuria. Nam eas vetustissimas esse ostendunt Bellarminus *de Euchar. l. 6 c. 14*, Meratus *ad Gavant. Thes. sacr. rit. par. 1 in Rubric. general.*, Catalanus *de cod. S. Evang. l. 2 c. 7, et in Proleg.*

ad Pontif. Rom. c. 6. Card. Bona l. 1 c. 5 §. 2, & Sala in Not. n. 1 t. 1 p. 70 & seq. in Appendic. p. 409 cit. ed., Thomassinus Vri. & nov. Eccles. discipl. par. 1 l. 2 c. 43, Suassajus Panapl. sacerdot. par. 1 lib. 6 de Casula cap. 6, Benedictum XIV de Sacrific. Missæ secl. 1 c. 33 & Inst. 21 n. 4, Gregorius de Liturg. Summ. Pontif. l. 1 c. 3 n. 7 & c. 5. Hæc autem sacra indumenta, præsertim post Constantinum, serica, atque auro argenteoque contexta, ut plurimum fuisse observat Cardinalis Bona l. 1 c. 24 §. 1 t. 1 p. 211, & antiquissimis quoque temporibus varii coloris erant, uti nunc sunt, quod late ostendit Robertus Sala in Not. ad illum Bona locum n. 3 p. 213, ubi etiam refutatur Joannes Dallæus Calvinianus homo, qui illam in sacris vestibus colorum diversitatem amonam quidem, sed antiquis Christianis ignotissimam esse, impudenter affirmat.

(2) Vestes omnes Episcoporum, Sacerdotum, Ministrorum inter ceteros accurate describit Card. Bona loc. cit. cap. 24.

(3) Can. 42 de Consecr. dist. 1, S. Thom. par. 3 qu. 83 art. 5. Licet autem Hospinianus, homo videlicet hæreticus, de Orig. dedic. c. 3 & 4 hunc sacrum benedictionis ritum tantum sæculo IX inductum putet, tamen ejus rei sæc. IV certissima sunt monumenta. Nam uti narrat Sozomenus Hist. l. 2 c. 26 p. 81 ed. cit., cum Imper. Constantinus regali munificentia Hierosolymitanum templum ædificasset: *Episcopi Hierosolymam delati Ecclesiam consecrarunt, simulque ornamenta & donaria ab Imperatore transmissa.*

(4) Cap. unic. §. Ungitur de Sacr. unct. De harum vera consecrationum, ac benedictionum antiquitate late agit Dominicus Georgius Liturg. Rom. Pontific. lib. 2 cap. 1.

(5) Confer Benedictum XIV Instit. Eccles. inst. 21, ubi etiam agitur de benedictione cinguli, pluvialis, & pyxidis.

§. 57. Pertinent etiam ad Ecclesias campanæ (1), seu tintinnabula, per quæ populus ad templum vocatur, atque ad fundendas preces excitatur. Antiquissimus est campanarum usus (2), atque earum etiam benedictio sane perve-tus est (3). Spectat hæc benedictio ad Episcopum, qui eam expedit certis quibusdam ritibus in Pontificali descriptis; campanæ autem, cum benedicitur, alicujus Sancti nomen imponitur, sive ut ea quasi ejus tutelæ commendetur, sive ut populus quodammodo cœlitum voce ad templum vocari videatur (4).

(1) Campanæ nomen grandioribus tintinnabulis circa finem sæc. VII impositum fuisse suspicatur Card. Bona Rer. liturgic. l. 2, c. 22 §. 3 p. 135 t. 2, ac deinceps octavo nonoque sæculo ab omnibus passim usurpatum affirmat. Sed ipsum campanæ vocabulum hæc ætate antiquius faciunt Martenius de Antiq. eccles. ritib. l. 4 c. 2 §. 11 p. 6 t. 3 ed. Antwerp. seu Ven. 1764, & Pagius Brev. gest. Pontific. in vit. Sabiniani P. n. 2. Antequam vero tintinnabula adhiberi cœpissent, Christiani ad templum vocabantur per tubam, aut tabulas ligneas, id quod pacatis tantum Ecclesiæ rebus fieri.

potuit. Nam ethnicis dominantibus credibiles est, Christianos secreto monitos per Diaconum, aut per alium ab Episcopo designatum virum, ut ad Ecclesias convenirent. Cuncta hæc late explicat Martenius *loc. cit.* §. 7 et seq. p. 5, Bona similiter *loc. cit.* §. 1 et seq. p. 126 et seq. ibique, Sala in *not. n.* 2 p. 127, Baronius *ad an.* 58 n. 105 tom. 1 pag. 527 edit. Luca.

(2) Angelus Roccha de Campan. c. 1 originem campanarum repetit a S. Hieronymo; quoniam earum mentio est in *Regula Monachorum*, quæ Hieronymi nomine circumfertur. Verum hanc regulam Hieronymi revera non esse, inter eruditos constat, sed eam ex illius scriptis compositam a Lupo Olivetano, & a Martino V Pont. post an. 1417 approbatam scribit Guillelmus Caveus de *Script. Ecclesiast. in Hieronymo*. Multi sunt, qui tintinnabuli usum tribuunt S. Paulino Nolano Episcopo, qui medio sæc. V vita functus est; verum cum Paulinus *Ep. 32 ad Sever.* col. 194 seq. edit. Verona, in qua diligenter Ecclesiam ab se edificatam, ac singulas ejus partes describit, nihil de tintinnabulis, aut de turri dicat, non obscurum inde edocetur argumentum, ipsum revera tintinnabula non adhibuisse, sicuti animadvertunt Teophilus Raynaudus t. 1 *punct.* 7 p. 141 ed. Lugduni 1665, & Card. Bona *loc. cit.* §. 3 p. 130, Polydorus Virgilius de *Invent. rer.* l. 6, Onuphrius Panvinius in *Epist. de Rom. Pontif.* l. 1 n. 71, Ciacconius, alique complures tintinnabuli usum referunt ad Sabinianum Pontificem, qui initio sæc. VII Pontificatu maximo functus est; sed eum Anastasius in Sabiniani vita nullam ejus rei mentionem faciat, plane non intelligitur, quomodo hæc opinio probari possit. Illud dici potest, sæc. VI in Ecclesia Occidentali campanarum usum fuisse receptum, quoniam in vita S. Columbi primi Abbat. Hyensis, qui obiit an. 599, quam vitam edidit Mabillonius *sæc. I. Benedic. in.* p. 349 t. 1 ed. cit. scriptum est c. 22, eum media nocte, pulsante campana, ad Ecclesiam ivisse, et c. 25 traditum illum quadam die ministro suo campanam subito pulsare præcepisse, cujus sonitu Fratres excitati Ecclesiam protinus sunt ingressi. Confer Martenium & Pagium *loc. cit.*

(3) Baronius *ad an.* 968 n. 93 t. 16 p. 192 ed. Luca tradit, Joannem XIII campanarum benedictionem tribuisse, eamque concessisse, antequam in turri Lateranensis Ecclesie collocaretur, qui ritus, inquit, in Ecclesia perseveravit. Verum Capitularia Caroli M., quæ ducentis fere annis Joannis XIII. ætate antiquiora sunt, anno 789 *capitul.* 2 a. 18, apud Balutium t. 1 col. 173 ed. Venet. cit. campanarum benedictionem memorat; atque in libris ritualibus Joanne antiquioribus expresse describitur campanarum benedictio, uti ostendit Hugo Menardus in *Not. ad Sacrament. S. Gregor.* not. 587 opposit. S. Gregor. t. 3 col. 433 ed. Paris, ex quibus manifestum est, campanarum benedictionem non ab Joanne XIII esse repetendam, sed multo vetustioris esse. Consule Bonam *Rer. liturg.* l. 1 c. 22 §. 7, ibique Salam in *not. n.* 1 p. 157 et seq. t. 2, Pagium in *Brev. Roman. Pontific. in vit. Joann. XIII n.* 12 t. 2, Roccham de Campanis c. 6 §. de Campan. consecr., Theophilum Raynaudum *Heteroclit. spiritual. opp.* t. 16 sect. 2 *punct.* 9 p. 245 ed. Lugduni 1665, Martenium de *Antiq. ecclet. rit.* l. 2 cap. 27 t. 2 p. 296 et seq. ed. cit. Campanarum autem benedictio Baptismus dicitur, quod vocabulum non adoptavit Ecclesia, sed tantum to-

lerat, ut aliorum fidei ac simplicitati indulgeat. Quod Baptismi nomen ex eo profectum est, quod populos in campanarum benedictione aquam adhiberi, mōmenque imponi videat, aliaque fieri quæ in administrando Baptismo fiunt, sicuti observat Du-Cangius *Gloss. med. et infim. latinis. verb. campana*. Sed minus proprie baptismi vocabulum cum benedictione confunditur, eo fere modo, quo Ivo par. 2 *Serm. 4 de Sacr. dedic. p. 269 ed. Paris. 1647 baptizari* dixit Ecclesiam, quæ propriè consecratur. Quare se deridendos præbent Hæretici, cum id Catholici vitio vertunt, quasi ipsi verum Baptismum campanis conferri arbitrentur. Confer Du-Cangium *loc. cit.* Coccium t. 2 l. 5 art. 6, Durantum *de Sacr. Eccles. rit. l. 1 c. 22 n. 6*, Suarezius l. 2 *Defens. c. 16*, Gretserum l. 2 *de Bened. c. 45 et 46*, Del Rio *Disquisit. magic. l. 6 c. 2 sect. 5 in fin.*, Card. Hostium l. 5 *contr. Brentium*. Et certe in vetusto ordine, atque in Pontificali Romano, cunctisque libris ritualibus Ecclesiarum, quos Thiersius *de superstition. l. 1 c. 7* diligenter collegit, nunquam Baptismi, sed benedictionis nomine campanarum consecratio appellatur.

(4) Videndus P. Petra *Sancta de Rit. eccles. catholic. l. 2*, Marini Del Rio *Disquisit. magic. l. 6 c. 2 sect. 4 qu. 4*, Pouget *Instit. Catholic. t. 2 c. 8 §. 6 p. 905 ed. Paris. 1725*.

## TITULUS VIII.

### *De Reliquiis, et veneratione Sanctorum.*

1. Intercessio Sanctorum.
2. Sacrarum Reliquiarum veneratio.

§. 1. Sacræ res sunt etiam Reliquiæ Sanctorum, quibus honorem et reverentiam haberi jubet Ecclesia, quoniam illorum ope, ac precibus multa homines a Deo beneficia consequuntur. Quare bonum atque utile est eos suppliciter invocare, atque ob beneficia impetranda a Deo per ejus filium Christum Dominum ad eorum orationes, opem auxiliumque confugere, & honoranda sunt monumenta illorum, quos in cœlis cum Christo regnare scimus (1).

(1) Concilium Tridentinum *Sess. 25 in Decret. de Invocat. venerat. & reliq. Sanclor. & sac. imagin.*

§. 2. Sacrarum reliquiarum veneratio ab ipsis Ecclesiæ primordiis est repetenda (1). Sæpe enim sacræ reliquæ causa erant Ecclesiæ dedicandæ (2), sæpe altaria super Sanctorum corpora erigebantur (3), & iis imponebantur reliquæ thecis inclusæ (4), easque fideles ad os, oculos, ceterosque sensus admovebant, & osculabantur (5). Sed

præsertim antiquissima & ubique recepta consuetudo fert, ut Martyrum reliquiæ in Ecclesiarum consecratione adhibeantur (6). Eisdem nunc retinet Ecclesia venerationis justæ ritus; sed nullæ colendæ sunt novæ reliquiæ, nisi a S. Apostolica approbatæ fuerint (7).

(1) Mortuo Polycarpo, uti constat ex ejus actis apud Eusebium *Histor. Eccles. l. 4 c. 15 p. 171 ed. Cantabrig. cit.* urgebant Judæi, ut ejus corpus combureretur, ne Christiani ejus reliquias auferrent ac venerarentur. Addit Auctor eorumdem actuum post narratum Polycarpi martyrium: *Atque ita nos demum ossa illius gemmis pretiosissimis cariora, & quovis auro puriora colligentes, tollentes, ubi decebat, deposuimus. Quo etiam in loco nobis, si fieri poterit, convenientibus, in exultatione & gaudio, præbebit Dominus nasalem martyrii ejusdem cum hilaritate & gaudio celebrare, tam in memoriam eorum, qui glorioso certamine perfuncti sunt, tum ad posteror ejusmodi exemplo erudiendos & confirmandos. Ex quo intelligitur, qui cultus esset, quem Christiani Martyribus initio ipso Ecclesia præbebant. Nimirum eorum reliquias colebant, tam splendide eas colligebant, ac si aurum purissimum, aut pretiosissimæ gemmæ fuissent, decore loco ponebant; ibique cum gaudio anniversarium martyrii diem celebrabant. Atque illud his solemnitatibus erat eis propositum, non tantum ut Sanctorum memoriam colerent, verum etiam ut fideles exempla ad imitandum haberent. Eadem nunc est, quæ semper fuit, Ecclesiæ mens, cum sanctorum cultum venerationemque proponit. Hujus quoque venerationis in sacras reliquias illustra sunt monumenta in actis S. Cypriani, in ejus vita a Pontio Diacono conscripta, & apud Cyprianum ipsum. Hic enim *Ep. 6 p. 176 ed. Amstelod. 1700* declarat lætitiâ incredibilem, quæ perfunderetur, si amplecti posset Martyrum corpora, & eorum ora osculari. Præclara etiam sunt acta martyri ipsius Cypriani, quæ extant ante opera ipsius Cypriani *p. 15 ed. Amstelod. 1700*, & ex quibus constat, fideles ante eum linte anima misisse, ne ejus cruor defluens a terra absorberetur. Denique Pontius Diaconus, qui ejus vitam conscripsit, narrat, quemdam Cypriano suas obtulisse vestes, cum ipse multo sudore madidus sederet, ut illas commutaret: *qui videlicet, inquit Pontius in ejus Vis. opp. Cyprian. pag. 10 ed. cit., nihil aliud in rebus oblatis ambiebat, quam ut proficiscentis ad Deum Martyris sudores jam sanguineos possideret. Late sacrarum reliquiarum venerationem tuentur & laudant Ecclesiæ Patres; atque inter ceteros Augustinus de Civit. Dei l. 8 c. 27 s. 7 col. 217 ed. Venet. cit., Hieronymus contra Vigilantium n. 5 t. 1 col. 591 ed. Verona, Isidorus Pelusiota contra Hieracem l. 1 Ep. 55 p. 17 ed. Paris. 1658, Cyrillus Hierosolymitanus Catech. 18 p. 293 ed. cit. ostendunt, quam merito, quam recte, quam catholice fideles sanctorum reliquias venerentur. Quinimo ipsa reliquiarum conditoria majores nostri summa reverentia prosequerentur, & illorum contactum esse credebant, sanctificationem ac Benedictionem, ut inquit Gregorius Nyssenus Orat. in S. Theod. opp. 1. 2 p. 1012 ed. Paris. 1615, quod etiam testatur Chrysostomus Orat. d. S. Ignat. num. 5 p. 600 & seq. tom. 2 ed. Paris. Curabant**

autem potissimum, ut essant ornata eleganter; atque magnifice conditoria, quæ sacra λειψαῖα, seu reliquias continebant. Serico enim opere, aut argenteo, aut aureo sepe conficiebantur, quo spectat Prudentius *Gymn. 3 de S. Eulalia* p. 244 *verr.* 195 *seq. ed. Paris.* 1687. Et reliquias, quas thecis inclusas, colloque appensas Christiani gestabant, memorat Gregorius Turonensis *de Glor. martyr. c. 83 & 84* p. 816, 817 *ed. indic.*; Chrysostomus vero tantam sua ætate fuisse indicat sepulchrorum martyrum magnificentiam, ut ea ipsis principum palatiis anteferre non dubitaverit *Hom. 26 in Ep. 2 ad Corinth. n. 5 opp. 1 p. 625 ed. Paris. cit.* Facile hinc intelligitur, quam absurdus sit, ac semper ab Ecclesia refutatus error Vigilantii, Eunomii, Eustachii, & aliorum, quos imitati sunt recentiores hæretici Zuinglius, Calvinus, Lutherus, ac ceteri similes, qui sacrarum reliquiarum venerationem improbant, superstitiosam ducunt. Hortingerus præsertim, Dallæus, Medus, Jurizus, Basnagius, omnes ex grege hæreticorum homines, multa absurda, falsa, plenaque impudentia scripserunt adversus venerationem sacrarum reliquiarum, sed eos copiose refutant, & catholicam veritatem tuentur Natalis Alexander *Hist. eccles. sæc. 5 Diss. 25 t. 5 p. 311 ed. cit.*, Card. Gottus *Ver. Christ. Eccles. t. 2 par. 2 art. 15 t. 16 Theolog. qu. 7 de Cult. Sanctor. dub. 4, & veris. Relig. Christ. c. 50 §. 2 n. 11 t. 7*, Ludovicus Rusca *Jud. Eccles. confirm. t. 5 c. 5 art. 8 p. 410*, Bossuetus *Hist. variat. Eccles. Protest. t. 3 l. 15 n. 25 & seq.*

(2) Consule Augustinum *contr. Faust. Manich. l. 20 c. 21 opp. t. 8 col. 547 ed. cit.*, Gregorium M. *l. 8 Ep. 4 l. 9 Ep. 25 opp. t. 2 col. 89 & 947 & l. 1 Dialog. c. 10 cod. t. 2 col. 195 ed. Paris.* 1705, Sozomenum *Hist. l. 5 c. 9 p. 192, & l. 8 c. 16 p. 351 edit. Valerii Cantab.* 192, 1720.

(5) Augustinus seu potius Auctor *Serin. 221 de Sanct. seu 4 de Innocent. in App. t. 5 col. 565 & in Apocalyp. Homil. 9 col. 1150 t. 3 par. 2*, Ambrosius *Ep. 22 ad Marcellin. n. 1 col. 927 et Exhortat. Virgin. c. 2 n. 10 col. 548 t. 3 ed. cit.*, Paulinus *Poem. 19 et 26 p. 417 et 637 ed. Veron.* Id autem Felice I. Sum. Pontif. constitutum tradit Anastasius in ejus vit. ut supra sepulcra, aut memorias martyrum Missæ celebrarentur. Verum Baronius *ad an. 275 n. 2 t. 3 p. 192 ed. Luc.* Felicis ætate antiquiorem esse inquit, quam sententiam præ ceteris sequuntur Bollandistæ *act. SS. April. t. 1 p. 23*, & Tillemontius *Hist. eccles. t. 4 p. 564 ed. Paris.* 1696.

(4) Leo IV *Homil. ad Presbyter. et Diacon. apud Labbæum Concil. t. 8 p. 53 ed. Ven.*, Ratherius *Orat. Synodic. ad Presbyter. n. 6 col. 414 ed. Veron.* 1765. Reliquiarum aut ex cruce pendentium, aut super altaribus impositarum antiqua monumenta habes etiam apud Martenium *de Antiq. monach. rit. l. 3 c. 14 §. 36 c. 15 §. 3 & l. 4 c. 1 t. 4 p. 158, 141 & 178 ed. cit.* In Regula S. Benedicti c. 58 apud Holstenium *Cod. Reg. t. 1 p. 151 ed. Aug. Vindelic.* 1759 memorantur reliquæ in oratoriis Monachorum.

(5) Dignus est, qui describatur, S. Gregorii Nysseni locus *Orat. de S. Theodor. p. 1012 opp. t. 2 ed. cit.* Nam ipsas attingere reliquias, inquit, si quando aliqua ejusmodi prospera fortuna contingat, ut id facere liceat, quam optabile sit, & summis votis expetitur munus, norunt quicumque sunt experti, & hoc suo desiderio positi sunt. Hi enim tamquam vivum suum corpus, &

Devoti. Tom. II. 15

*florēt videntes osculantur, et ad oculos, ad os, ad aures, ad omnes sensus admovent.*

(6) S. Ambrosius *Ep. 22 ad Marcellin.* §. 9 col. 930 t. 3<sup>o</sup> opp. ed. cit. Evagrius *Histor. l. 1 c. 16 p. 271 ed. Cantabrig. 1720*, S. Paulinus *Ep. 51 ad Sever.* col. 189 ed. *Veron. cit.*, Consule Joannem Ferrandum *Disquisit. reliquiar. lib. 1 cap. 3 sect. 2*, & Dominicum Georgium *de Liturg. Roman. Pontific. lib. 3 cap. 9 n. 9 & seq.*

(7) *Cap. 1 & 2 de Reliq. & Venerat. SS.*

## TITULUS IX.

### *De Sepulturis.*

- |   |   |
|---|---|
| 1. Cœmeterium unde dictum.  | 6. Jus Parochi in deferendis cadaveribus ad sepulturam. |
| 2. Fidelium cadavera primum extra Ecclesiam, postmodum in Ecclesia sepulta. | 7. Jura funeris.  |
| 3. Cœmeteria loca religiosa.  | 8. Quarta funeraria.                                    |
| 4. Sepulturæ electio.   | 9. Quibus ecclesiastica sepultura denegetur.            |
| 5. Sepultura gentilitia, & parochialis.                                     |   |

§. 1. Loca sepeliendis Christianorum cadaveribus destinata jam inde ab antiquis Ecclesiæ temporibus appellata sunt cœmeteria, quasi fidelium corpora jacerent in loco dormitionis, unde Christo adveniente excitarentur (1). Loca hæc initio erant extra mœnia civitatis, cum Romanæ Leges, quibus etiam Christiani paruerunt (2), ubi nihil in iis inerat, quod eorum Religioni adversaretur, neminem intra Urbem sepeliri permetterent (3).

(1) Apostolus I. *ad Thessal. IV 12* nolumus, inquit, vos ignorare, fratres, de dormiensibus, quem in locum inquit Hieronymus *Ep. 75 n. 1 opp. t. 1 col. 443 ed. Veron. cit.* Unde & beatus Apostolus velat de dormientibus contrisari, ut quos dormire novimus, suscitari posse credamus.

(2) S. Joannes Chrysostomus *Hom. de Fide, & lege natura opp. t. 2 p. 239 Hom. 37 al. 38 in Matth. n. 5 p. 424 t. 7 & Exposit. psalm. 5 n. 5 p. 36 t. 5 ed. Paris., L. 6 Codic. Theod. de Sepulcr. violat.* Revera in Urbis suburbanis erant Romana cœmeteria, quæ circiter quadraginta tria numerat Baronius *ad an. 226 n. 9 t. 2 p. 474 et 475*, eorumque nomina singillatim Panvinus describit *de Cœmet. c. 12 per tot.* Similiter extra civitatem erant Neapolitana cœmeteria, de quibus agunt Gilbertus Burnetus *Ep. 4*, Mabillonius *Mus. Ital. t. 1 p. 14*, & Mazochius in *Kalendar.* Consule Paulum Aringhium *Rom. subterr. an. lib. 1 cap. 1 num. 9.*

(3) Jus hoc erat XII Tabularum, quod sæpe novis legibus confirmatum fuit ac traductum ad omnes civitates primum constitutione Hadriani *L. 5 §. Ditus ff. de Sepulcr. violat.*, idest D. Pii, ut Capitolinus scribit, deinde ceterorum. Vide Paulum *Recept.*



*sentent. l. 1 tit. 21 n. 2 ibique Schultingium in Not. 8 & seq. Jurispr. vet. Ante Iustinian. l. 1 p. 261 & seq. ed. Lipsia 1737.*

§. 2. Lapsu temporum quorundam cadavera intra civitatem, non tamen intra Ecclesiam (1) humo tradi cœperunt. Eo privilegio potiti sunt Imperatores & Reges, qui, ut plurimum, in Ecclesiæ atrio & porticibus sepeliebantur (2). Postea loca hæc patuerunt etiam populo universo (3); & interim illis una cum Abbatibus, ac viris pietate præstantibus intra Ecclesiam sepultura concessa est (4), quam pridem Episcopi ante ceteros habuerant (5). Denique omnibus in Ecclesia permissus sepulturæ locus (6); quæ hodierna est, qua jamdudum utimur, disciplina.

(1) Vide Concil. Bracarense II *can. 18* apud Labbæum t. 6 col. 522 *ed. Venet.*, & Auctorem *Vitæ S. Fulgentii* apud Bollandum 1 *Januar. Leg. 2 Cod. de Eccles.* Atque hæc quidem erat consuetudo, quæ generatim obtinebat; non tamen desunt, uti paulo postea demonstrabo, hæc etiam ætate exempla aliquorum, qui in Ecclesiâ sepulturam habuerunt.

(2) Id de Constantino narrat Eusebius *Vit. Constant. l. 4 c. 7* p. 668 *edit. Cantabrig.*, & S. Joannes Chrysostomus *Homil. 26 in 2 ad Corinth. n. 5 opp. t. 10 p. 625 ed. Paris.*, de Theodosio Seniore, Arcadio ac Theodosio Juniore Nicephorus *l. 14 c. 58 p. 581 t. 2 ed. Paris. 1630.*

(3) Concilium Nannetense *can. 6 t. 7 par. 1 col. 358 collect. Harduini*, & Moguntiacum *can. 52 col. 1016 t. 4 ejusd. collect.*, unde illa desumpta videtur regula, quæ est in Capitularibus Caroli M. l. 1 c. 15 apud Hainium t. 1 col. 495 *ed. Venet.*

(4) Clodoveum Francorum Regem, qui vita functus est *an. 511*, in Basilica S. Petri sepultum fuisse testatur Gregorius Turonensis *Histor. l. 2 c. 43 col. 100 ed. cit.* Evagrius autem *Histor. l. 4 c. 51 p. 412 t. 3 ed. Valesii Cantabrig. 1720* narrat, a Justiniano Imperatore ædificatum fuisse templum SS. Apostolorum, in quo Imperatores ac Sacerdotes sepeliri mos est. Vide etiam Concil. Moguntiacum *anni 813 cit. can. 52 t. 9*, & Triburiense *anni 895 can. 17* apud Labbæum t. 11 col. 638 *ed. Venet.* Eodem honore etiam Ecclesiarum conditores effecti sunt, quod demonstrat Sozomenus *Histor. l. 9 c. 2 p. 366 ed. Cantabrig.*

(5) Ætate Ambrosii, hoc est IV sæculo, Episcopos in Ecclesiâ sepeliri solitos fuisse, constat ex ipso Ambrosio, qui Mediolani subitis altari sibi sepulturam paraverat, ac eo illatis Gervasii & Protasii reliquiis, *hunc*, inquit, *ep. 22 n. 13 opp. t. 3 col. 931 edit. cit.*, *mibi locum prædestinaveram ..... sed cedo sacris virginitati dexteram portionem.* Eandem quinti sæculi fuisse disciplinam, ostendit Pulcheriæ Augustæ epistola ad S. Leonem M., quæ inter ipsius Pontificis Epistolas extat *post. 59 p. 244 t. 2 edit. Rom. cit.*, unde constat Flaviani Episcopi Constantinop. corpus fuisse conditum in Basilica Apostolorum, in qua consueverat prædecessores Episcopi sepeliri. Similiter corpus S. Joannis Chrysosto-

mi, qui hæc vivans dixerat *Orat. quod Christus sit Deus n. 9 p. 570 t. 5 ed. Paris.*, Constantinopoli Reges nostri magnam gratiam putant, non si prope Apostolos, sed si velextra eorum vestibula corpora sua sepeliantur, fiantque piscatorum ortuarii Reges, Chrysostomi inquam mortui corpus Constantinopolim delatum, atque in Ecclesia SS. Apostolorum sepultum fuisse, scribit Socrates *Histor. l. 7 c. 45 p. 395 ed. Cantabrig.* Alia permulta ea de re monumenta collegit Martenius *de Antiq. Eccles. ris. l. 3 c. 15 §. 11 & seq. t. 2 p. 372 ed. cit.* Haud tamen desunt antiquissima etiam ætate exempla laicorum quorundam pietate præstantium, qui in Ecclesia sepulti sunt.

(6) Kepperus, hæreticus videlicet homo, *Polit. eccles. l. 1 c. 15* ritum sepeliendi Christianos in Ecclesia superstitionis arguit, atque hanc consuetudinem ex Monachorum & Sacerdotum avaritia, ac laicorum ambitione repetit. Eadem sere habent Binghamus *Origin. eccles. l. 23 c. 1 §. 9 t. 10 cit. edit.*, & Van-Espenius *Jus. eccles. univers. par. 2 tit. 53 c. 2 §. 53 et 54.* Fateor equidem, Christianos olim extra sacras ædes sepeliri consuevisse; sed cum ea res tota sit disciplina, quæ Ecclesiæ voluntate mutatur, non video, quamobrem Ecclesia non potuerit decernere, ut fideles intra sacras ædes sepeliantur. Ceterum nova non est, nec antiquis ignota Patribus consuetudo sepeliendi in Ecclesia fideles, eaque procul abest a superstitione, ceterisque vitiis, quorum arguitur. Mitto tria priora Ecclesiæ sæcula, in quibus Christianis templorum loco erant cæmeteria, ibique suos agebant conventus, & rem divinam conficiebant. Scio, formidolosis illis temporibus Christianos non quovis loco vellent rebus sacris, atque divinis operam dare potuisse; sed certe si aliqua fuisset superstitio facere rem divinam, precesque fundere, ubi mortuorum cadavera jacebant, alio potius quocumque loco, quam in cæmeteriis illud christiani præstitissent. Sed mitto hoc nascentis, & undique vexatæ Ecclesiæ tempus; quamquam hoc quidem gravissimum sit; & omnem plangere, quæ fingitur, superstitionis notam absterger. Certe vix data Ecclesiæ pace, Constantinus, uti narrat Eusebius, *in Vit. Constantini l. 4 c. 71 p. 663 edit. cit.*, juxta Apostolos sepeliri vehementer cupiebat, eaque de causa illorum nominibus appellatam Basilicam excitavit. An hoc desiderium pius Imperator præsetulisset, si quid in ea superstitionis inesse putasset? Paulinus *Poem. 19 col. 475 ed. Veron. an. 1756* memorat cellulas, & eas quidem intra Basilicam, ep. autem 52 *ad Sever. n. 12 col. 205* cubicula Ecclesiæ, seu cappellas, in quibus defunctorum corpora condebantur. Ambrosius, qui, ut mox narravi, sibi in Ecclesia subtus altare sepulturam paraverat, Satyro fratri suo, licet laico, in Ecclesia secus tumulum S. Victoris sepulcrum posuit. Eandem Taurinensis Ecclesiæ consuetudinem fuisse testatur S. Maximus *Homil. 81 col. 261 edit. Roma 1784*, Africanæ autem S. Augustinus *l. 2 Retract. c. 64 col. 65 t. opp. edit. cit.* Ita etiam Cassarius Gregorii Nazianz. frater, & Paula in Ecclesiis sepulturam habuerunt, quod ostendunt Gregorius Nazianz. *Orat. 10 pag. 167*, & Hieronymus *ep. 108 n. 29 col. 717 opp. t. 1 cit. edit. Verona.* Quibus adde exempla, quæ supra descripsi, Episcoporum, Regum, ceterorum, qui in Ecclesia sepulti sunt, & facile intelliges, nihil superstitiosum, nihil non religiosum urbana in Ecclesia se-

pulcra, Patrum omnium iudicio, continere. Veram autem causam, propter quam indulta est consuetudo fideles in Ecclesia sepeliendi, apertissime indicant S. Maximus & S. Augustinus, uterque *loc. mox cit.* Hic enim inquit: *quod vero quique apud memorias Martyrum sepelitur, hoc tantum mihi videtur prodesse defuncto, ut commendant eum etiam Martyrum patrocinio, efficitur pro illo supplicationis augeatur.* Ille autem habet: *Idcirco hoc a maioribus prebitum est, ut Sanctorum ossibus nostra corpora sociemus... Cum sanctis ergo Martyribus quiescentes vadimus inferni tenebras.* Pium hoc desiderium patrocinii Sanctorum, quibus se fideles commendant, & quibus morientes suum quasi credunt corpus, ut studium ostendant, quo in eos feruntur, vera causa est propter quam & olim sepelirentur, & nunc Christiani in Ecclesia sepeliuntur; non autem superstitio, aut hominum ambitio, aut avaritia Clericorum. Consule Muratorium *Dist. 17 ad calc. opp. S. Paulini col. 858 et seq. ed. Veron. 1736,* qui illos, quos indicavi, Paulini locos illustrat, ac de antiquis Christianorum in Ecclesia sepulturis copiose & accurate disputat.

§. 3. Nunc quamquam Christianis omnibus in Ecclesia sepultura permittatur, tamen in multis locis cœmeteria sunt, in quibus mortuorum corpora humo teguntur (1). Sunt autem cœmeteria loca religiosa, solemnibus Episcopi benedictione (2), humandis fidelium cadaveribus addicta, eaque prope ipsas Ecclesias sita esse solent. Ubi nulla sunt cœmeteria, in ipsis Ecclesiis sepeliuntur; nefas autem est eorum aliquem in loco profano sepulturam habere (3).

(1) *Ubi viget antiqua consuetudo,* inquit Rituale Rom. edit. jussu Pauli V. *tit. de Exequiis, sepeliendi mortuos in cœmeterio, retineantur; ubi fieri potest, restituantur.* Vide etiam Concil. Mediolanense I. *par. 2 cap. 61.*

(2) Benedictio cœmeterii jam vigeat ætate S. Gregorii Turonensis, ut patet *ex loc. de Glor. Confessor. cap. 106 col. 986 edit. cit.* Benedictionis ritus descriptos ex antiquis libris Ritualibus habet Martenius *de Antiq. Eccles. rit. lib. 2 cap. 20 t. 2 p. 299 et seq. ed. cit.*

(3) *Cap. 3 de Sepultur. ibique Gonzalez.*

§. 4. Integrum cuique est sibi Ecclesiam eligere, in qua ejus cadaver sepeliatur; modo Ecclesia sepeliendi jus habeat. Quo jure gaudent Ecclesiæ Cathedrales ac Parochiales, quæque illud consuetudine aut privilegio adeptæ sunt (1). Quare etiam uxor, invito marito, & filius pubes, quamquam sit in patris potestate, liberam sepulturæ optionem habent (2). Sed filio impuberi ob inopiam consilii pater eligit sepulturam, si id loci consuetudo patiatur (3); secus enim aut in sepulcro majorum, aut in Parochia-

li Ecclesia conceditur (4). Similiter neque Regularibus, qui suo carent arbitrio, sibi eligere sepulturam licet; nisi procul a suis monasteriis decedant, ita ut ad ea transferri commodè nequeant (5).

(1) In *Clem. 2 de Sepul.* Dominicis & Franciscanis conceditur sepeliendi privilegium in eorum Ecclesiis, quod privilegium aliis quoque Regularibus concessum fuisse observat Pirhingius *Jur. Canon. l. 3 tit. 24 n. 30.*

(2) *Cap. 3 et 4 de Sepul.* in 6.

(3) *Can. 7 de Sepul.*

(4) *Cap. 4 eod. in 6.*

(5) *Cap. ult. de Sepul.* in 6.

§. 5. Si quis sibi sepulturam non elegit, eam habet in sepulcro majorum, vel si eo careat, in Ecclesia parochiali (1). Mulieres autem, si non elegerint sepulturam, cum viris suis sepeliendæ sunt (2), & si plures habuere viros, cum eo sepeliuntur, cui postremo nupserunt (3). Monachi etiam & Regulares humantur in Ecclesia, vel cœmeterio sui monasterii, quod ipsis parochiæ loco est (4); & similiter canonici ac beneficiati in Ecclesia sui capituli, vel beneficii sepeliuntur. Cadaver, quod contra interdictum extra propriam Ecclesiam humo traditum fuit, si petatur, effodiendum est, ac propriæ Ecclesiæ restituendum (5).

(1) *Can. 2 c. 13 qu. 2, c. 1 de Sepul.* c. 2 eod. in 6.

(2) *Can. 2 et 3 c. 13 qu. 2.*

(3) *Can. 3 cit., c. 3 de Sepul.* in 6.

(4) *Cap. ult. eod. in 6.*

(5) *Cap. 5 de Sepul.* Neque cadaver solum, sed etiam funeris emolumenta propriæ Ecclesiæ restituenda sunt. Id autem locum habet, sive aliæ Parochiæ hominem quis in sua Ecclesia sepeliverit, sive etiam hominem Parochiæ suæ, qui sibi in alia Ecclesia sepulturam elegit. Videsis Giraldum *Expos. Jur. Pontif. par. 1 l. 3 Decret. sect. 487 p. 319.*

§. 6. Cum cadaver, extra parochiam sepelitur, antequam domo educatur, a paracho benedicendum est, eoque comite ad sepulcrum deferendum. Hæc quidem consuetudo est, quæ ubique in Italia viget, sed in ultramontanis quibusdam regionibus exequiæ in parochia celebrantur, quod jus Decretalium est (1).

(1) Confer interpretes *ad cap. 9 de Sepul.*

§. 7. Vetus est disciplina, per quam oblationes pro mor-

tuis fiunt (1), easque Ecclesia recipiebat, si christiani in ejus communione decessissent. Hujusmodi oblationes initio ex sola fidelium voluntate procedebant; sed postea conversæ sunt in laudabiles consuetudines; & nunc hæredes cogi possunt ad præstandas oblationes, quæ populorum moribus receptæ sunt (2). Atque hæc sunt jura, quæ *funeraria* dicuntur, quæque ob curam animarum, parcho debentur.

(1) Oblationes, quæ pro defunctis fiunt, memorat Tertullianus de *Exhort. carnis*. c. 11, et de *Monogam.* c. 10 p. 523 et 551 ed. Ven. 1744, et de *Coron.* c. 3 p. 102 laudat oblationes pro defunctis, & alia quæ in Ecclesia observabantur, postremo dicit hæc: *harum et aliarum ejusmodi disciplinarum, si legem exportules, nullam invenies. Traditio tibi prætenditur auctrix, consuetudo confirmatrix, et fides observatrix.* Videndi sunt etiam S. Cyrillus Hierosolym. *Catech.* 23 myristag. 5 n. 9 seq. p. 523 ed. Paris. 1720, S. Epiph. *Expos. Fid. Cathol.* n. 23 s. 1 opp. p. 1106 ed. Colen. 1632, S. Jo. Chrysost. *Hom.* 21 in act. *Apostol.* n. 4 opp. t. 9, p. 175, et *Hom.* 41 in ep. 1 ad Cor. n. 4 seq. p. 593 seq. t. 10 ed. Montf. Paris., S. August. *Serm.* 172 de Verb. *Apost.* c. 2 n. 3 opp. t. 7 col. 828, de *Cur. geren. pro mort.* c. 18 col. 1875 t. 8, in *Enchirid. de Fide, spe, et char.* c. 110 col. 620 t. 11 ed. Ven. 1756, S. Ambrosius ep. 39 n. 4 opp. t. 3 col. 1014 ed. Ven. 1751, ceteri demum Patres, quos collegit Leo Allatius de *utriusq. Eccles. Occid. atque Orient. perpet. in dogmat. de Purgat. consens.* p. 43 et seq. et p. 558 seq. ed. Rom. 1655.

(2) Cap. 42 de *Simôn.*

§. 8. Quod si aliquis extra Ecclesiam parochialem tumulo mandetur, ex iis rebus, quæ ad aliam Ecclesiam funeris causa delatæ sunt, pars aliqua detrahitur, quæ dicitur *quarta funeraria* seu *canonica*, et paræciæ tribuitur. Nam justum visum est aliquid ex iis rebus dare Ecclesię parochiali, quæ defuncto curam spiritualem impendit (1). Hæc autem portio non eadem ubique est, sed alibi quarta, alibi tertia, alibi major, aut minor pro gentium moribus (2); verum, quantacunque sit, semper *quarta* appellatur; atque ex consuetudine, pactisque conventis noscitur, quibus ex rebus detrahenda sit. Generatim tamen non detrahitur ex donationibus inter vivos, neque ex legatis missarum & anniversariorum, atque ex ceteris, quæ pia relicta dicuntur (3).

(1) Cap. 1 de *Sepultur.* Plures sunt Romanorum Pontificum Constitutiones, per quas Regulares, quorum in Ecclesiis fidelium

cadavera sepeliuntur, ab hujus quartæ solutione liberantur; cunctasque memorat Caudentius a Janua *de Vi. ii. Pralat. regul. t. 2 c. 7. dub. 20 sect. 3 n. 35 §. 1.* Sed Concil. Trident. *Sess. 25 c. 13 de Reform.* sancivit, ut ii Regulares, qui annis ante ipsum Concilium quadraginta quartam solvere consueverant, eam etiam in posterum solvere deberent, ceteri, qui ante hoc tempus numquam solverunt, eodem onere non tenerentur: hoc Decret. Syn. Tridentinæ declarant S. Pius V *Const. Essi Mendicantium 33 Bullar. t. 4 par. 2 p. 373*, Gregorius XIII *const. Intanta 15 p. 271 t. 4 par. 3*, Paulus V *Const. Decent. 6 p. 150 t. 5 par. 3*. Denique Benedictus XIII *Const. 2 Romanus 51 p. 394 t. 1* omnia sustulit privilegia post *Clement. Dudum de Sepultur.*, & post Conc. Tridentin. concessa Regularibus, qui sunt in Italia, atque in Insulis ad eam pertinentibus, de non solvenda quarta parochiæ defunctorum, qui in eorum Ecclesiis sepeliuntur. Hodie igitur hac lege Benedicti XIII reguntur monasteria Regularium, qui extra has regiones commorantur, & Tridentinæ, quam memoravi, legi subjiuntur.

(2) *Cap. 9 eod.*

(3) *Cap. 10 eod., c. ult. de Tertam.* Confer S. Pium V *cit. const. Essi Mendicantium*, & Benedictum XIII *cit. const. Romanus*.

§. 9. Ecclesiastica sepultura pars est christianæ communionis, quæ etiam post mortem manet: ideoque ab illa repelluntur, qui viventes ea communione carebant, atque ab Ecclesia sejuncti ex hac vita migrarunt (1). Quamobrem ecclesiastica sepultura privantur judæi, ethnici, infideles omnes atque etiam infantes mortui sine baptismo (2), apostatæ, hæretici, schismatici manifesti (3); nominatim interdicti (4); excommunicati vitandi, qui nimirum palam in clericum violentas manus injecerunt, & quos Judex Ecclesiasticus nominatim excommunicatos declaravit (5); qui sibi mortem consciverunt, nisi eos furore actos id egisse constet (6); qui in singulari certamine (7), aut in torneamentis, quæ mortis periculum habent (8), interfecit sunt; qui in paschate Pœnitentiæ & Eucharistiæ sacramentum voluntariè omiserunt (9); usurarii manifesti (10); monachi mortui cum peculio (11); fures, & latrones in crimine deprehensi & occisi (12); raptores Ecclesiarum, qui non satisfecerint (13); denique omnes publici peccatores, qui sine pœnitentia decesserint (14). Quod si horum aliquis in loco sacro sepulturam habuerit, ejus cadaver, modo internosci possit, e sepulcro educendum est, atque in loco profano collocandum (15).

(1) *Cap. 12 de Sepultur.*

(2) *Can. 27 & 23 de Consecr. dist. 1, Ritualement Roman. tit. de Exeq. rubr. Quib. non lic. dur. eccles. sepult.*

(3) *Caus. 24 quest. 1 per tot.*

(4) *Cap. 10 de Sepult. cap. 17 de Verb. signif. c. 20 de Sentent. excom. in 6, Clem. 1 de Sepultur.*

(5) Excommunicati vitandi, secundum celebre decretum Martini V editum in Concil. Constantiensi, ii tantum habentur, quod Iudex Ecclesiasticus palam excommunicatos pronuntiavit, atque eos uti tales speciatim & expresse declaravit. Eodem e genere sunt, quos ob manus in clericum injectas ita certum, atque exploratum omnibus est incidisse in sententiam latam a *can. Si quis suadente diabolo*, ut eorum factum neque celari, neque excusari aliqua ratione possit. Quibus Benedictus XIV in *Const. Detestabilem* 6 §. 9 t. 4 ejus Bullar. p. 22 ed. cit. addidit decedentes in certamine singulari, vel etiam procul a loco certaminis, sed ex eo tamen accepto vulnere, quamquam vitandi declarati non fuerint. Hi omnes tamquam excommunicati vitandi nunc ab ecclesiastica sepultura excluduntur.

(6) *Can. 11 & 12 cap. 23 quest. 5,*

(7) Concil. Trident. *Sess. 25 cap. 19 de Reform.* Vide etiam *cit. const. Detestabilem* Benedicti XIV.

(8) *Cap. 1 et 2 de Tournement.*, Gregorius XIII *Constit. Ad tollendum* 140 Bullar. t. 4 par. 4 p. 19, et Clemens VIII *Const. Illius vices* 50 t. 5 par. 1 p. 385 *cit. Bullar. ed. Rom. ult.*

(9) *Cap. 12 de Penitent. et remiss.*

(10) *Cap. 3 de Usur., cap. 2 eod. in 6.*

(11) *Cap. 2 et 6 de Stat. monachor.*

(12) *Cap. 2 de Furtis.*

(13) *Cap. 2 et 5 de Raptor.*

(14) *Can. 16 cap. 15 quest. 2.*

(15) *Cap. 12 de Sepultur.*

## TITULUS X.

### De Monasteriis.

1. Monasterium quid?

2. Quid in novo erigendo monasterio observandum?

3. Exemptio monasteriorum.

§. 1. **M**onasterium proprie significat locum, in quo solitarii vitam agunt, & vero monasteria initio erant domicilia eorum, qui e civitate in solitudines discedebant. Sed postea visum est in urbes vocare Monachos, ut Christianam Religionem tuerentur, & amplificarent (1); lapsu autem temporum multi Regulares in mediis urbibus initio sunt instituti, ut in procuranda salute animarum clericis opem ferrent. Hodie igitur monasteria dicuntur omnia loca, in quibus plures habitant, qui certa obstricti re gul

communem vitam ducunt; & qui pro diversa sui instituti ratione Monachi, Mendicantes, Canonici Regulares, Clerici Regulares appellantur.

(1) S. Basilium monasteria in urbe constituisse, ut Monachi contra Arianos catholicam fidem tuerentur, narrat Socrates *Histor.* l. 4 c. 26 p. 247 ed. *Cantabrig.* Cum vero Monachi in civitates deducti sunt, ut subsidio essent Clericis, novum hoc officium, quod suscipere debebant, eos deserere coegit laborem manuum, quo pridem vitam transigebant, cum omnibus soluti curis in solitudine versabantur. Non enim se amplius poterant in hoc labore exercere, qui suam in totius Christiani populi utilitate operam collocare debebant. Accedit quod priscis monachis, quibus nulli erant ad vitam agendum reditus, necessarius erat manuum labor, ut per eum sibi ad vitam necessaria compararent. Sed cum suam pro Christiano populo operam impendere coeperunt, æquum profecto, & omni juri consentaneum fuit, ut necessaria acciperent ab iis, quibus sua erat addicta opera & occupatio. Hi dederunt, uti par erat, hujus operæ remunerandæ causa bona, cum quibus Monachi vitam traducerent, & ita sua sponte desit manuum labor, cui non amplius Monachi aliis distenti curis vacare poterant, & quem vitæ necessitas non amplius postulabat. Tunc autem illi sese dederunt studiis atque laboribus, qui in Christianæ reipublicæ utilitatem redundarent, quique non solum ad Religionis officia, sed etiam ad studia literarum pertinerent. Quanta autem ad nos delata sint bona ex his Monachorum curis, atque laboribus, ignorat nemo, idque, ut ceteros mittam, demonstrat Mabillonii opus *de Studiis Monasticis*, demonstrant præclara opera Maurinorum, aliorumque complurium, quorum studiis atque occupatione magna omnibus utilitas allata est. Neque vero illa, in qua nunc Monachi versantur, occupatio eorum instituti sanctitati adversatur, quod ipse facetur Eybelius *Introduct. jur. eccles.* t. 4 l. 2 c. 11 §. 333 Nos. 1; nec certe aliquis reprehendat Monachos, quod pro commodo atque utilitate Christianæ Reipublicæ operam dederunt. Consule P. G. Ziebrecht c. 4 §. 35 seq., qui peculiari libro Bassani edito an. 1753 refutavit Rautenstrauchium, qui opere, cui titulus *Septem capita de Religiosis*, Monachos ad priscum vitæ institutum, manuumque laborem revocare vellet. Ceterum falsum est, quod omnes Monachi initio manuum labore sibi victum quærerent, cum Monachorum, qui piis operibus & studiis vacarent literarum, multa sint exempla apud Athanasium *op. ad Dracont. opp.* t. 1 p. 207 ed. *Patav.* 1777, Sozomenum *Hist. Eccles.* l. 6 c. 28 et 29 p. 233 seq. c. 30, 31, 32 p. 241 et seq. ed. *Taur.* 1747; & Concil. Constantiense propositionem 24 Wicleffi agentis: *Frates tenentur per labores manuum victum acquirere, et non per mendicitatem*, damnavit in prima parte tamquam scandalosam et præsumptuose assertam, pro quanto sic generaliter et indistincte loquitur, in altera tamquam erroneam, pro quanto asserit, mendicitatem fratribus non licere, tom. 16 concil. Labbæi vol. 757 ed. *Venet.* Vide sis Mamachium *Del diritto libero ec. par.* t. 1 c. 2 p. 526, 527, 570. Atque id quidem pertinet ad antiquos Monachos, qui initio ea lege instituti sunt, ut in solitudine vitam



agerent, ac manuum labori vacarent. Nam ineptum esset, contraque instituti legem ad solitudinem ac manuum laborem vocare ceteros Regulares, quos recentiori ætate pii homines longe alijs regulis instituerunt, & quos in medijs civitatibus versari voluerunt, ut Christianis auxilio sint. Visum est hæc monere & edicere, ut satisfactum sit Scriptoribus Annalium Ecclesiasticorum Florentiæ, qui mihi sententiam adscribunt, a quo longe absum. Nimirum quod harum Institutionum *lib. 1 tit. 1 §. 9 not. 5.* Clerico licere dixi labore manuum suarum, & honesto artificio sibi victum comparare, ita hanc meam sententiam interpretati sunt, quasi illis videar assentiri, qui monachos revocari vellent ad manuum laborem, in quo sese olim solitariam agentes vitam exercebant. Sed omnes facile intelligunt, quam longe alia ac diversa sit sententia aientis, quod liceat clerico labore manuum suarum, & honesto artificio sibi victum comparare, ac sententia illorum, qui falso putant, Monachos ad hunc laborem omnino esse cogendos. Hæc adversus Annalium Scriptores monenda esse duxi, ut omnes intelligant, quam valde dissentiam ab iis opinionibus, quibus ipsi contra omnem recti verique speciem assentiuntur. De ceteris quorum causa me reprehendendum putarunt, non laboro; quoniam mihi non molestum, sed gloriosum est, a quibusdam reprehendi, quod omnibus comperta esse volo jura certissima Summi Pontificis, quem Christus Dominus non solum honore ac dignitate, sed etiam imperio & jurisdictione præesse voluit Ecclesiæ universæ.

§. 2. Novum monasterium sine venia Episcopi, ac Sedis Apostolicæ excitari non potest (1). In primis autem cavendum est, ne novum opus in grave aliorum detrimentum redundet. Quare Episcopus veniam non concedit, nisi primum vocaverit, atque audiverit Præfectos vel Procuratores antiquorum monasteriorum, quæ sunt in locis circumpositis per quatuor millia passuum, atque etiam Parochum, intra cujus paræciæ fines novum monasterium erigitur (2). Præterea nullum extruitur novi monasterii ædificium, nisi in eo duodecim saltem Monachi seu Religiosi habitare, atque ex redditibus & consuetis fidelium eleemosynis sustentari possint (3). Denique Monialium monasteria non nisi in urbibus sita esse debent, ne obnoxia sint prædæ, ac ceteris pravorum hominum cupiditatibus (4).

(1) Nova monasteria sine Episcopi consensu ædificari non posse, statuit Concil. Trident. *Sess. 25 c. 3 de Regul.* Tridentinam hanc legem explicarunt Clemens VIII *const. Quoniam ad Institutionem Bullar. t. 5 par. 3 pag. 14,* & Gregorius XV *const. Cum quæliat 70 t. 5 par. 5 p. 47.* Verum cum Tridentina Synodus, ac Romani Pontifices Episcopi veniam postulant, ut novum monasterium erigatur, nihil detrahunt de antiquo jure; quod etiam Sedis Apostolicæ veniam requirit in *cap. unic. §. Confirmator de Relig. de-*

*mib. in 6, & in cap. unic. de Exer. Pralat. in 6. Qua de re edita est ab Innoc. X Constitutio Instauranda 157 Bullar. t. 6 par. 3 p. 233, qua sancitum est, ut sine venia Sedis Apostolicæ novum monasterium excitari nequeat, atque ut primum Congregatio Episcoporum & Regularium diligenter videat, num præsto sint omnia, quæ requiruntur, ut rite monasterium ædificetur. Quæ constitutio quamquam ad Italiam atque ad ejus insulas pertineat, tamen etiam extra Italiam ubique servatur. Quare in novo monasterio erigendo & Episcopi, & Sedis Apostolicæ venia necessaria est. Confer Benedict. XIV de Synod. dioces. l. 9 c. 1 n. 9.*

(2) Clemens VIII *cit. const. Quoniam*, & Gregorius XV *cit. const. Cum alias Bullar. ed. Rom. ult.*

(3) Vid. Greg. XV *loc. cit.*

(4) Conc. Trident. Sess. 25 de Regul. cap. 5.

§. 3. Regularium monasteria de Episcopi potestate subtrahita sive exempta, & uni Pontifici subiecta sunt. Quæ exemptio antiquissima in Ecclesia est (1), eaque repetitur ex amplissima potestate, per quam Summus Pontifex certos Episcopo subditos adimere potest, eosque vel aliis, vel sibi met uni subijcere. Etiam Patriarchæ Orientales in sui Exarchatus monasteria amplissimum habebant imperium (2), & nunc etiam apud ipsos viget *jus stauropegii*, & id quidam non fraude, ac violenter arreptum, sed antiquissima consuetudine acquisitum (3), quod in eo positum est, ut in monasterii fundatione Patriarcha, si velit, crucem figat, eoque actu novum monasterium ab Episcopi jurisdictione subtrahat, sibi quæ uni obnoxium faciat (4). An quod licet Orientalibus Patriarchis, multo magis non licebit Summo Pontifici, qui non tantum habet jura Patriarchatus in toto Occidente, sed etiam divinitus constitutus est Princeps, Caput, Gubernator omnium Christi Ecclesiarum? Verum etiam in monasteria exempta interdum Episcopus jurisdictionem exercet, qua de re copiose egimus libro superiori. Id unum nunc monemus, Episcopo subiecta esse monasteria, in quibus duodecim Religiosi non habitant (5).

(1) Confer ea, quæ dicta sunt *lib. 1 tit. IX §. 12 nos. 6.*

(2) Consule Thomassinum *loc. cit. l. 1 c. 9 n. 15 et c. 16 n. 1.*

(3) Vide Christianum Lupum *Dist. de S. Leon. IX act. cap. 16 app. tom. 4 pag. 657 ed. Venet. 1725.*

(4) Confer Benedictum XIV *const. inter plures* 98 §. 19. t. 1 *ejus Bullar. p. 214 ed. cit.* Imo non Patriarcharum modo, sed etiam Metropolitaram, qui certos ex Episcopi jurisdictione subditos subtraxerunt, atque eos sibi tantum subiectos voluerunt, in ecclesiasticis monumentis luculentissima exempla sunt. Ecce sac. V. Primates CARTHAGINENSIS quædam sibi monasteria subjecerunt,

eaque a suorum Episcoporum jurisdictione exemerunt. Confer Concil. Carthag. an. 525. in quo veneranda Patrum constituta de jure Primatis Carthaginensis memorantur *t. 2 Concil. col. 1071 seq. collect.* Harduoi, & confer etiam Mabillonium *Annal. Benedict.* ad an. 525 n. XIII *seq. t. 1 p. 38 seq. edit. Luca 1739.* Cumque Liberatus primæ Sedis Eyzacenæ Episcopus Monasterium in sua diocesi positum sibi subicere tentasset, S. Bonifacius Primas Carthaginensis coacta synodo graviter conquestus est, quod idem Liberatus, *capta injustissima querela occasione, privilegia S. Carthaginensis Ecclesie subtrahere moliretur.* Episcoporum autem, qui ad synodum convenerant, una fuit sententia, & vox una, integra esse oportet jura primæ Sedis Africanæ, ab se autem illi exhiberi quod antiquitas ejus prædecorioribus desulisset. Conc. Carthagin. mox laudatum *col. 1084 seq. ed. ind.* Vide etiam Concilium habitum sub Reparato Carthaginensi an. 554, quod memorat ipse Mabillonius *loc. cit. n. XVIII p. 40,* & quo sancitum est, ut firma, immotaque essent, quæ sub S. Bonifacio in universali concilio gesta fuerant, Mabillonius *ibid. n. 19.* Quid? Cum Carthaginensis Episcopus jure Primatus, quem in Africa habebat, alienos subditos ordinabat, nonne eos subtrahebat ex suorum Episcoporum jurisdictione, eosque sibi submittebat? Atque in Conc. Africano Aurelius Carthaginensis Episc. queri voluit, num sibi propter solitudinem, quam gerebat cunctarum in Africa Ecclesiarum, alienos subditos, etiam proprio Episcopo invito, ordinare liceret? Nemo autem ex Episcopis, qui aderant, fuit, qui non id suo jure Carthaginensi Episcopo licere fateretur, etiamsi illi subiectus Episcopus unum tantum habere Presbyterum, quique non agnosceret, hanc semper fuisse superioris etatis legem & consuetudinem. Consule Concil. Africanum *c. 22* apud Pithæum *Cod. canon. Eccles. Roman. p. 148 ed. Paris. cit.* Quod licuit Carthaginensi Episcopo, quem tantum Jus Ecclesiasticum Africæ Primatem fecerat, nonne magis licebit Summo Pontif., quem Christus ipse totius Ecclesie Primatem constituit?

(5) Innocent. X. *const. Instauranda 157 & in Decret. Ut in parvis Bullar. t. 6 par. 2 p. 233 & 270* e medio sustulit, & extinxit parva virorum monasteria, in quibus sex saltem Religiosi non erant, & si quæ adhuc extarent hujusmodi monasteria, Episcopo, tamquam Sedis Apostolicæ delegato, subiecta esse voluit. Innocentius autem XII apud Giraldum *Exposit. Juris Pontif. par. 2 sect. 155 p. 1028.* Episcopo subjecit monasteria, in quibus duodecim Religiosi non habitant. Innocentii XII Constitutio comprehendit etiam conventus seu domus regulares, quæ a præcipuo aliquo monasterio pendent, quæque Grancie latiori significatione appellantur, quod illi conjunctæ suot, atque ejus veluti prædia seu membra habentur. Nam Grancie propriæ sunt domus rurales seu prædia rustica, quæ ad monasterium pertinent, & in quibus non monachi, sed tantum conversi pro colendis agris commorantur. Atque hæ Grancie neque Ecclesiam habent, neque publicum oratorium Episcopi auctoritate constitutum, & loca non sacra aut religiosa, sed temporalia ac profana sunt. Videntur sunt Fagnanus in *Discept. de Granciis poss. tit. de censib. exaction.,* & Giraldus *Expos. Jur. Pontific. par. 1 lib. 50 tit. 5 p. 409 et seq.*

## TITULUS XI.

*De Seminariis Clericorum.*

- 1 & 2. Seminariorum ortus, & progressus.  
 3. Qui in seminario recipiendi, & quibus studiis hi dare operam debeant?  
 4 & 5. Seminarii Deputatorum electio, & Officium.

§. 1. Nihil est, quod magis pertineat ad publicam utilitatem, quam quod optime regantur juvenes, atque ad omnem sapientiam instituantur. Recte igitur, atque sapienter majores nostri ab antiquissimis usque temporibus Episcopalia Seminaria instituenda curarunt, in quibus sub Episcopi cura & gubernatione educarentur, atque in spem cleri alerentur adolescentes, qui optimis imbuti moribus, doctrinisque eruditi inter clericos cooptari, sacrisque initiari ordinibus possent. Sunt qui Episcopaliū seminariorum vestigia deprehendisse se putant in Synodo Nicæna (1); sunt qui primam eorum originem ab Augustino repeti posse arbitrantur (2). Illud compertum exploratumque est, sexto sæculo constitutas jam fuisse communes domus, hoc est seminaria, in quibus clerici communem vitam traducerent, atque ad omne clericalis officii munus iastruerentur (3).

(1) Si certa esset fides Nicænorum Canonum quos ex Arabico in Latinum sermonem converso primum Franciscus Turrianus, deinde Abrahamus Ecchellensis evulgarunt, merito statui posset, in Conc. Nicæno non obscura extare vestigia hujusmodi seminariorum. Nam in *can.* qui apud Turrianum est 55 apud Ecchellensem 59 s. 2 *Concil. Labbæi col. 517 et 541 ed. Venet.* jubentur Chorepiscopi instituere Ministros, eoque distribuere per Ecclesias, et monasteria, et providere, ut discant; ut reddantur apti et idonei ad edificationem Monasteriorum et Ecclesiarum, et aliorum locorum, quæ eorum opera indigebant. Quæ quidem verba considerans notarum Auctor scribit hæc: Cernitur in hoc canone ratio quedam seminarii Ministrorum Ecclesia, seu vestigium quoddam seminariorum, quæ nuper, secundum decretum Concilii Tridentini, instituta sunt. Verum hujus Canonis nulla certa fides, quoniam non pertinent ad illos viginti canones, quos revera a Nicæna Synodo editos fuisse, inter omnes constat.

(2) S. Augustinus, uti ipse testatur præsertim *Serm. 555 opp. 1. 7 par. 2 col. 1579 edit. Venet. 1763*, in Episcopali domo monasterium habuit clericorum. In eo clerici communem agebant vitam, atque ita Episcopus de illorum indole, moribus, vocatione & progressu certior fiebat, neque aliquem ordinabat Augustinus, nisi qui meum, inquit *loc. cit. n. 6 col. 1585 velles manere; ut*

si velles discedere a proposito, recte illi tollerem clericatum, quia desereres sancta societatis promissum, caputque consortium. Hoc certe monasterium Clericorum veluti seminarium erat; verum hi clerici suis sese bonis abdicare, neque proprium aliquid habere debebant. Benvenutus in *Vit. S. August. lib. 4 c. 2 n. 7*, late agit de universa ratione, quam ipse Augustinus servabat in iis instituendis, quibus erant ecclesiastica officia committenda. Vide sis Thomassinum *Ves. et nov. Eccles. discipl. par. 1 lib. 3 cap. 2 seq.*

(3) Concil. Toletanum II an. 551 c. 1 t. 5 *Conc. Labbæi col. 77*, & Toletanum IV an. 633 c. 24 t. 6 col. 1459, Conc. autem Vasense III an. 529 c. 1 col. 821 t. 5 *ed.* non unum tantum in unaquaque diocesi, sed in cujusvis Parochi domo clericorum seminarium esse jubet, idque in totius Italix moribus positum esse confirmat. De seminariis episcopalibus copiose agit Joannes de Joanne *Histor. Seminar. clerical.*, quo quidem opera horum ortum & progressum late explicatum habes.

§. 2. Labentibus annis neglige cœperunt Episcopalia Clericorum seminaria, quia forte satius visum est Episcopis, clericos ire ad scholas Monachorum & Academiarum, quæ ea tempestate auctæ propagatæque sunt (1). Sed cum deinceps in Academiis tantum scholarum pompa & studia literarum in pretio haberentur, pietas autem pene oppressa languesceret, neque amplius inter Episcopos & Regulares vigeret arcta illa, quæ antea fuerat, conjunctio animorum, de Episcopalibus seminariis restituendis actum est. Reginaldus Polus Cardinalis cum de instaurando emendandoque Anglicano Clero cogitaret, animum etiam adjecit ad juvenes, qui instituerentur in seminariis, quorum regimen rationemque proposuit (2). Sed rem omnem absolvit Synodus Tridentina, lata lege, qua Episcopi jussi sunt prope Ecclesiam Cathedralem, aliove idoneo loco collegium aut seminarium instituere, in quo Clerici ad studia literarum atque ad rem ecclesiasticam instruantur (3).

(1) Monachi scholas ubique habebant, in quibus pueri erudiebantur; verum alia erant scholæ exteriores & canonice, quæ patebant clericis sæcularibus, alia interiores seu claustrales, in quibus Monachi & pueri monasterio oblari versabantur. In his sæcularibus clericis nullus erat locus. Videndus Mabillonius *Act. SS. Ordin. S. Bened. Pref. ad sac. III §. 4 n. 40 p. XVI ed. Ven. 1734*.

(2) Reformationis capita a Cardinali Polo proposita extant apud Harduinum *Concil. t. 10 col. 408*, seminarii autem forma describitur *Decret. 11*.

(3) Concil. Trident. *Sess. 25 de Reform. c. 18*. Videndi sunt etiam Bened. XIII *const. Creditæ nobis 67 p. 409 t. 11 Bullar. ult.*

ed. Benedictus XIV *const. Ubi primum* 2 §. 2 t. 1 ejus *Bullar. p. 3 ed. Rom. seu Venet. 1754, & Inst. Eccles. 59, & S. Carolus Borromeus Conc. Provinc. I. Aſſ. Eccles. Mediolan. par. 1 t. 1 p. 11 ed. Patav. 1754. Secundum Trident. Concil. legem Pius IV Clericorum seminaria Romæ, aliisque in urbibus excitanda curavit, uti narrat Raynaldus *ad an. 1564 num. 53 tom. 15 pag. 427 edit. Luce.**

§. 3. Itaque omnes Episcopi habere debent seminarium, in quo recipiantur, qui ad minimum duodecim annos, & ex legitimo matrimonio nati sint, ac legere & scribere noverint, & quorum indoles atque voluntas spem afferat, eos perpetuo ecclesiasticis ministeriis addictos fore (1). Qui juvenes in seminario addiscere debent grammaticam, cantum gregorianum, computum ecclesiasticum, theologiam, aliarumque bonarum artium disciplinam, sacros ritus, cæremonias, cetera, quæ ecclesiasticos viros callere oportet (2). Nam hoc seminarium locus esse debet, unde diœcesis accipiat sacros ministros, quibus opus habet, & recte in pluribus Diœcesibus seu lege, seu consuetudine receptum est, ut nemo sacris initietur ordinibus, nisi vel plures annos, vel saltem definitum temporis spatium in seminario traduxerit (3).

(1) Concilium Tridentinum *loc. cit.*

(2) Benedictus XIII *cit. const. Credite* §. *Postremo.*

(3) Consule Concil. Romanum *tit. 30 c. 2, Bened. XIV de Synod. diœces. lib. 11 c. 2 n. 11, Joannem de Joanne Histor. semin. cleric. c. 6 n. 15 & seq.*

§. 4. Seminarii administrandi, beneque gerendi onus omne est Episcopo impositum, quod ipse sustinere, tuerique diligentissime debet (1). Sed ut res gravissima diligentiori gubernatione regatur, Episcopus eligere debet Canonicos duos, quorum consilio in iis utatur, quæ ad juvenum ejusdem seminarii institutionem, disciplinam moresque pertinent. Duo item sumendi sunt e Capitulo, quorum alterum Episcopus, alterum Capitulum ipsum eligit, ac duo item e Clero civitatis, & horum alter similiter ab Episcopo, alter a Clero constituitur. Horum est adhibendum consilium in iis, quæ temporalium rerum administrationem, ac rectam seminarii procuracionem respiciunt.

(1) Videndus S. Carolus Borromeus *Conc. Provinc. V. Aſſ. Eccles. Mediolan. par. 1 pag. 200 tom. 1 ed. Patav. 1754.*

§. 5. Itaque his consultoribus uti debet Episcopus, cum gestæ administrationis rationem postulat, quæ a seminarii administratoribus unoquoque anno reddenda est (1); & cum seminarii egestati consulturus legem, modumque constituit solutionis, quæ ex redditibus Mensæ Episcopalis & Capituli, atque omnium, quæ in diocesi sunt, beneficiorum seminario quotannis tribuenda est (2). Horum omnium adhibendum est consilium, quod tamen sequi non cogitur Episcopus, cui integrum est ea facere, quæ pro sua pietate ac prudentia potiora judicat (3), & omnes semel electi a commisso munere sine justa causa removeri nequeunt (4).

(1) Concilium Tridentinum *loc. indic.*

(2) Ne quando propter redituum inopiam seminaria pereant, sapientissime a Concilio Tridentino *eod. loc.* statutum est, ut ex redditibus Mensæ Episcopalis & Capituli, omniumque beneficiorum, quæ in diocesi sunt, cetera vis pecuniæ detrahatur, quæ Seminario singulis annis solvenda est. Hujus solutionis lex, & modus ab Episcopo constituitur. Quin etiam eadem Tridentina lege cautum est, ut simplicia quoque beneficia ab Episcopo seminario uniantur sive conjungantur. Quomodo autem hæc unio facienda sit, late explicat Bened. XIV *de Synod. dioces. l. 9 c. 7.*

(3) Consule Giraldum *Expos. Jur. Pontif. par. 2 sed. 169 & 110 pag. 983 seq.*

(4) Videndus Giraldus *loc. mox indic.*, a quo etiam cuncta declarantur, in quibus duo illi ex Capitulo, duoque ex Clero electi consulendi sunt.

## TITULUS XII.

### *De Hospitalibus.*

1. Hospitalia apud Christianos antiquissima.

2. Varie eorum species.

3. Hospitalia Episcopus subjecta.

4. Loca pia.

§. 1. Magnam sibi semper Ecclesia curam assumpsit fovendorum ac recreandorum pauperum, qui aliena ope indigerent; & in ipso quidem Christianæ Religionis initio Fideles bonorum pretium Apostolis offerebant, ut illud inter pauperes distribuerent (1). Sed data Ecclesiæ pacē, publicas etiam ædes Christiani ædificare cœperunt, quibus pauperes exciperentur hospitio, ac necessaria quæque obtinerent (2). Præsertim vero Christiani Occidentales ea de

re laborarunt octavo & nono sæculo; qua tempestate omnia fere monachorum & canonicorum monasteria conjunctas habebant ædes, quæ præsidio erant pauperibus, ægrotis, peregrinis. Alia etiam ejusdem generis diversoria constituta sunt, potissimum ut hospitalis domus fere ubique pateret iis, qui sacras peregrinationes suscipiebant (5).

(1) Act. Apostol. IV 37.

(2) Sæculo IV jam plura edificata fuisse hospitalia certum est. Unum certe hospitale circa annum 330. Constantinopoli erectum Zoticus Senator, uti narrat Baronius *ad an. 330 n. 28 t. 4 p. 231 ed. Luca*, cujus quidem hominis etiam mentio fit in *L. 34 C. de Episc. & Cleric.*, ubi plura hospitalium genera memorantur. Gregorius Nazianzenus *Orat. 5 n. 95 p. 102 opp. t. 1 ed. Colon. 1690.* Julianum Apostatam ridet, quod infidelibus Christianorum exemplum proponens eos hortetur ad excitanda xenodochia *κατανοῦσα τοὶ ζῆνους*. Ipse Gregorius *Orat. 20 pag. 359* procotrophila a S. Basilio extra Urbem Episcopalem magnificentissime extructa memorat. Celebre est etiam xenodochium Romæ a Pammachio, & nosocomium a Fabiola erectum, uti narrat Hieronymus *ep. 66 ad Pammachium n. 11, & ep. 77 ad Ocean. n. 6 opp. t. 1 col. 399 & 457 ed. Vallarsii Verona*. Denique Theodoretus *Hist. l. 5 c. 19 p. 219 ed. Cantabrig.* narrat, Flacillam Augustam Theodosii M. uxorem in Ecclesiæ xenodochiis abjecta quæque munera exercuisse. Confer etiam S. Joan. Chrysostomum *l. 6 ad Stagyr. a demon. venat. n. 15 p. 215 t. 1 opp., & Homil. 45 in act. Apostol. n. 3 p. 142 t. 9 edit. Paris. 1718*, S. August. *Tractat. 97 in Evangel. S. Joan. n. 4 opp. t. 4 col. 976 ed. Venet. 1760*, Concil. Chalcedon. *act. 5 col. 1275 act. 11 col. 1605 et can. 8 col. 1686 t. 4 Concil. Labbzi edit. Venet.* ubi & aliorum hospitalium mentio est.

(5) Consule Thomassinum *Vet. & nov. Eccl. discipl. par. 1 l. 2 c. 89 & seq.*, & Muratorium *Antiq. Italic. diss. 37.*

§. 2. Loca hospitalibus, ac peregrinis excipiendis destinata proprie hospitalia dicuntur; at eo nomine vulgo vocantur omnia loca, quæ alendis, educandis, sustentandis quibusvis hominibus ope egentibus addicta sunt. Hinc plura sunt hospitalia, quæ propriis nominibus designantur, veluti *xenodochia*, quibus hospites excipiuntur, *orphanotrophia* orphanis educandis, *nosocomia* ægrotis curandis, *prochotrophia* pauperibus sustentandis, *gerontocomia* alendis senibus, *brephotrophia* nutriendis infantibus comparata.

§. 3. Omnia hæc loca subjiciuntur Episcopo diocesanos, in quæ sita sunt, nisi exempta probentur, aut aliud postulent leges, quæ in eorum fundatione constitutæ sunt. Quin etiam exempta poterit Episcopus, ubi opus fuerit, visitare atque corrigere, exceptis hospitalibus militarium ordinum



aut religiosorum, quibus antiqua institutionis decreta servanda sunt (1), itemque exceptis hospitalibus, quæ sub immediata Regum protectione sunt (2). Verum & horum locorum, quamquam a laicis regantur, Administratores quovis anno reddere Episcopo debent gestæ administrationis rationem, nisi aliter in eorum fundatione cautum sit (3). Quod si lege aliqua, privilegio aut consuetudine hæc ratio aliis reddenda sit, tamen cum iis etiam Episcopus erit adhibendus.

(1) *Clem. 2. §. Præmissa de Relig. domib.*

(2) Concil. Trident. Sess. 22 cap. 8 de Reform. Vide Giraldum *Exposit. Jur. Pontif. par. 2 c. 82 t. 2 p. 922*, ubi explicatur, quæ hospitalia sint, quæ sub immediata Regum protectione esse dicantur, quæque Episcopi visitationi non subsint.

(3) Concil. Trident. Sess. 22 cap. 9 de Reform.

§. 4. Quod de hospitalibus dico, id etiam dictum volo de ceteris piis locis, uti sunt confraternitates, quas vocant collegia, cetera similia, quæ cuncta Episcopo subsunt, quamquam a laicis administrantur. Ac de Confraternitatibus præsertim decet animadvertere, eas erigendas esse auctoritate Episcopi, qui earumdem etiam statuta cognoscere, atque approbare debet (1).

(1) *Clemens VIII const. Quæcumque 350 Bullar. t. 5 par. 3 p. 65.*

## TITULUS XIII.

### *De rebus temporalibus Ecclesiæ.*

1. Communia bona omni hominum societati necessaria.

2. Semper communia bona Ecclesiæ fuerunt.

3. Quo iure fuerint.

4 & 5. Non sub Christianis modis;

sed etiam sub ethnicis Imperatoribus Ecclesiæ habuit bona immobilia.

6 & 7. Distributio bonorum ecclesiasticorum.

§. 1. Ventum est ad res temporales Ecclesiæ, quæ scilicet ecclesiasticis usibus addictæ sunt. Nulla enim universitas sine bonis communibus stare potest; cum necessario multæ faciendæ sint impensæ, ut ministri stipendium habeant, ut agantur conventus, ut omnia societati necessaria compareantur. Ecclesia hominum societas est, ideoque, ut ceteræ societates, communibus his bonis carere non potest.

Hinc ei sua fuerunt ab ipso initio Christianæ Religionis bona, unde aleret Episcopos, Presbyteros, ministros, curam gereret orphanorum, virginum, viduarum, pauperum, hospitalitatem exerceret, ferret opem fidelibus Religionis causa aut carcerè detentis, aut ad metalla damnatis, necessaria quæque compararet pro luminaribus, sacris vasis, libris, agapis, quod ecclesiastici convivii genus erat.

§. 2. Ipse Christus, cum hanc societatem instituit, ei communia bona esse voluit, hoc est pecuniam collectam ex fidelium oblationibus (1), habuitque loculos (2), cum quibus Apostolis, discipulis, pauperibus opitularetur. Christi exemplum sequuti sunt Apostoli (3); deinde vero, cum eorum successores Ecclesiæ regimini præfuerunt, eadem omnino ratio rerum fuit (4).

(1) *Bunter emamus ducentis denariis panes*, scriptum est apud Marcum VI 37, apud Lucam IX 13 seq. *eamus*, & *emamus in omnem hanc urbem escas*, apud Joann. IV 8 *discipuli ejus abierant in civitatem, ut cibos emerent*. An emi aliquid potuisset, nisi aut Christus, aut cum ejus consensu Apostoli ab offerentibus pecuniam accepissent?

(2) Joannes XII 6, XIII 29 Vulgata habet *loculos*: sed in Græco textu a fidelibus oblatum positum dicitur *εν τω γλωσσόκωπ* in *marcupio*, quod *fuscum Reipublicæ Domini* appellat Augustinus *Enarrat. in psalm.* 146 n. 17 opp. t. 4 col. 1684 ed. cit.

(3) Act. II 44, IV 34, V 1 seq. Confer Tertullianum *de Fug. in persecut.* C. 12 p. 542 ed. Ven. 1744, Origenem *Hom.* 15 in *Matth.* c. 15 p. 673 seq. t. 3, S. Cyprianum *Testimon. ad Quirin.* l. 3 n. 5 p. 46 & *de Oper. & Elemosyn.* p. 144 ed. Amstelod. 1700.

(4) S. Iustinus *M. Apol.* 1 n. 67 p. 85 ed. Par. 1742, Tertullianus *Apolog.* c. 39 p. 31 ed. cit. Adeundus doctissimus Mamachius *del diritto libero della Chiesa di acquistare e possedere* l. 2 c. 2 §. 2 p. 251 seq. a quo hæc omnia copiose, diligenterque explicantur. Confer præterea Anselmum Desing in opere, cui titulus *Se le ricchezze del Clero nocevoli sieno alla Repubblica*.

§. 3. Hæc aut bona non aliqua hominum lege, sed Christi voluntate & exemplo Ecclesia acquisivit. Nam Christianorum Respublica contra eorum, qui tunc imperio potiebantur, voluntatem a Christo fuerant constituta, neque civiles leges, quibus tunc orbis terrarum regebatur, cœtum hominum non earum jure sociatum aliquid acquirere ac retinere permittebant. Quare hæc societas contra id, quod esset humana lege præscriptum; bona habuit, auctoritate ipsa Christi; consequens est, ut ab Ecclesia divino jure acquirantur ac retineantur bona; atque hoc jûs divi-

num agnoverint Apostoli & eorum successores, qui hæc Ecclesiæ bona esse voluerunt, cum eadem esse vetarent leges ethnicorum, quorum tunc dominatu omnia tenebantur (1).

(1) Consule Mamachium *loc. cit.*

§. 4. Donec ethnici rerum potiti sunt, Ecclesiæ bona præsertim fuerunt res mobiles, quæ in illis ærumnis facile celari, asportari ac distribui poterant. Verum & hac tempestate non defuerunt bona immobilia; & sane edicto Constantini ac Licinii ethnici jussi sunt Christianis restituere, quæ hoc temporis intervallo rapuerant (1). Data Christianis pace a Constantino, Ecclesia bonis immobilibus abundare cœpit, & multa ei per contractus inter vivos tributa, multa testamento relicta sunt. Ipsi etiam Christiani Imperatores certam pecuniæ vim ex publico ærario Ecclesiæ solvi voluerunt (2): quam liberalitatem a Juliano Apostata sublatam Marcianus restituit (3), & sæpe etiam ethnicorum templa, eorumque redditus Ecclesiis adscripserunt (4).

(1) Confer Eusebium *Histor. l. 10 c. 5 p. 482, & de Vit. Constantin. l. 2 c. 39 p. 555 ed. Cantabrig. cit.*, & Lactantium *de Mort. persecut. c. 48 p. 244 opp. t. 1 ed. Paris. 1748*. Hos autem Eusebii & Lactantii locos solide, ac diligenter expendit Cl. Mamachius *del Diritto libero &c. lib. 2 cap. 2 §. 8 pag. 558 & seq.*

(2) Vide Eusebium *Histor. l. 10 cap. 6 pag. 186*, & Sozomenum *Histor. lib. 5 c. 5 p. 186 ind. ed. Cantabrig.*

(3) *Leg. 12 cod. de Sacros. Eccl.*

(4) *Leg. 20 cod. Theodor. de Pagan.*

§. 5. Scilicet ut Gentes Christianæ Religionis lucem aspicere cœperint, consequens erat, ut Ecclesia, quam Ethnici inter vetita collegia recensebant, & ideo nihil ei donari, aut testamento relinqui sinebant (1), civilibus quoque legibus sanctissima, & omni jure instituta societas haberetur. Cur igitur frui non debebat juribus societatum, quæ legibus probatæ erant, quibus aut per contractum inter vivos, aut per testamentum quidquid acquirere licebat? Itaque civiles leges hoc jus Ecclesiæ cognoverunt & confirmarunt (2); quin etiam actum est de conservandis bonis Ecclesiarum, quorum est vetita alienatio (3); deque acquirendis bonis clerici aut monachi sine hæredibus, ac sine

testamento morientis, quæ adscripta sunt Ecclesiæ aut monasterio, qui vivens addictus fuerat (4).

(1) *Leg. 8 cod. de Hæred. instit.*

(2) *Leg. 1 cod. de Sacror. Eccles.*

(3) *Leg. 14 cod. de Sacror. Eccles., Auth. de non alien. aut permis. cap. 1 & 3 collat. 2.*

(4) *Leg. 1 cod. Theodos. de Bon. cleric.*

§. 6. Initio omnium Ecclesiæ bonorum cura & administratio erat penes Episcopum, qui illam Œconomus aut Archidiacono committebat, & hi finito officio gestæ administrationis rationem Episcopo reddere debebant (1). Unus erat eorum bonorum cumulus, unde alebantur Episcopus, & clerici, qui Ecclesiæ erant addicti, pauperes opem accipiebant, detrahebantur impensæ, quas pro Ecclesiæ fabrica, ornatu, supellectile ceterisque rebus facere oportebat. Postea visum est bona ecclesiastica in certas veluti partes dividere, & sua Episcopo, sua clericis, sua item pauperibus, sua denique Ecclesiæ fabricæ pars attributa est (2).

(1) *Can. 21 cap. 1 quest. 7.*

(2) Hanc in quatuor partes divisionem bonorum ecclesiæ memorant Simplicius P. ep. 3 ad Florent. apud Labbæum Concil. t. 5 col. 96 ed. Venet., Gelasius P. ep. 9 ad Episc. Lucan. c. 27 col. 321 cod. loc., & Gregorius M. ep. 11 l. 4 col. 691 ep. 12 l. 5 col. 737, ep. 7 l. 8 col. 909; ep. 64 l. 11 col. 1150 & 1151, et ep. 44 l. 13 col. 1249 opp. t. 2 edit. Paris. cit. Verum Synodus Bracarensis l. can. 7 col. 351 t. 3 coll. Harduini tantum constituit partes tres, quarum unam Episcopo, alteram clericis, tertiam ædificiis, & Ecclesiæ luminariis adscribit. In hac autem partitione Episcopo hospitalitas exercenda relinquebatur.

§. 7. Denique certi redditus Parochialibus Ecclesiis adscripti sunt; & clericis, qui pridem ex Ecclesiæ, cui erant addicti, redditibus alebantur, certa concessa sunt Ecclesiæ bona, quorum curam gererent, & ex quibus perciperent necessaria ad vitam honeste traducendam. Hodie igitur sua sunt bona clericis, & sua item Ecclesiis, quæ utraque separatim administrantur. Bona hæc temporalia dicimus, quod eorum redditus impenduntur in temporales usus Ecclesiarum & clericorum; verum cum semper ecclesiastica sint, eo censenda sunt jure, quo censentur bona Ecclesiarum, quæ sine legitima venia distrahi nequeunt, & quibus nemo, tamquam profanis bonis uti & abuti potest suo arbitratu.

## TITULUS XIV.

*De Præbendis, et Beneficiis.*

- |   |  |
|---|--|
| 1. Quid beneficium?                         | 7 & 8. Beneficia residentiaria, & non residentiaria. |
| 2. Beneficiorum inter clericos distributio. | 9. Maiora, & minora.                                 |
| 3. Beneficia a præbendis distinguuntur.     | 10. Sæcularia, & regularia.                          |
| 4 & 5. Eorum indoles.                       | 11. Collativa, electiva, patronata.                  |
| 6. Præcipuum clericorum officium.           |  |

§. 1. Beneficii nomen apud Latinos scriptores significat prædium fiscale, quod ducibus ac militibus optime de republica meritis ab Imperatoribus concedebatur, ut ex eo perciperent necessaria ad vitam traducendam, suæque deinceps sumptu stipendia facerent (1). Prædia hæc etiam Ecclesia tribuere cœpit clericis de ea bene meritis, ut iis fruerentur, dum ipsis vita suppeteret, eaque prædia beneficia, beneficiati autem dicti sunt clerici, qui eadem optinuerant. Raræ initio erant huiusmodi concessionēs, atque, ut plurimum, brevè temporis intervallum comprehendebant (2), quo finito vel mortuo clerico, cui data fuerant prædia, ad Ecclesiam revertebantur (3).

(1) Consultè Du-Cangium *Glossar. med. & infim. Latinit. verb. Beneficium*, Baronium *ad an. 502 t. 9 §. 25 p. 20 ed. Luca*, Thomassinum *Vet. & nov. Eccl. discipl. par. 3 lib. 2 cap. 13 n. 5.*

(2) Concilium Agathense *can. 7 & can. 22 col. 999 & 1000 t. 2 collect. conoil. Harduini*, Aurelianense *l. can. 23 col. 1011 ibid.*, Symmacus *P. ep. 5 ad Casar. Arelas. c. 1 col. 425 t. 5 Conc. Labbæi ed. Venet.*

(3) *Can. 61 cap. 16 quest. 1.*

§. 2. Verum lapsu temporum huiusmodi concessionēs frequentissimæ evaserunt (1), & eo denique res venit, ut clerici non amplius ex cōmuni Ecclesiæ ærario alimenta acciperent, sed peculiares haberent præbendas suas in prædiis sive beneficiis, quæ ipsis concedebantur, donec vitam agerent. Ita factum est, ut jus percipiendi redditus ecclesiasticos, quod olim affixum erat ordinationi, per quam clericus certæ adscribebatur Ecclesiæ, cujus ex ærario alebatur, nunc hæreat beneficiis unde clericus redditus percipit, quibus honeste & decenter vivat. Nimirum semper clericis jus fuit, propter ecclesiasticum officium, de altari vivere. Modus autem, quo clericus ecclesiasticis

bonis frui debet, pertinet ad disciplinam, quæ non eadem omni ætate est.

(1) Primum parochialibus Ecclesiis, & iis quidem ruralibus adscriptæ videntur oblationes, quæ ad aliare fiebant, salva earum tertia aut quarta parte, quæ ad Episcopum pertinebat *can. 7 c. 10 qu. 1*. Paulo post iisdem ruralibus ecclesiis certi etiam ex fundis redditus tributæ sunt. Concilium Aurelianense III *can. 5 col. 1444 t. 2 concil. coll.* Harduini. Certe IX sæculo omnis ruralis Ecclesia suas proprias decimas & fundos obtinebat *can. 25 c. 25 qu. 8*. Urbana quoque parochiæ eandem disciplinam postea acceperunt; & tunc potissimum, inducta partitione bonorum, certa clericis data sunt prædia, quæ ipsis administrarent, & ex quibus ad vitam necessaria perciperent.

§. 3. Proprie beneficium a præbenda distinguitur. Hæc enim tantum comprehendit fructus, redditus & emolumenta, quæ clericis certo obveniunt, ecclesiasticorum officiorum & beneficiorum causa. Hinc eam sæpe etiam beneficii dotem appellamus, sive consistat in prædiis rusticis aut urbanis, sive in pascuis, silvis aut similibus, sive in illis juribus, quæ fructuum vicem obtinent, & rebus immobilibus æquantur, uti sunt census & reliqua generis ejusdem. At vero beneficii nomen latius patet, quoniam non ea tantum, quæ præbenda, comprehendit, sed etiam ecclesiasticum officium & magistratum. De magistratibus & officiis, quæ beneficiis adjuncta sunt, superiore libro actum est. Nunc in beneficiis potissimum spectamus redditus; quamquam hi redditus non nisi propter ecclesiasticum officium & magistratum percipiuntur.

§. 4. Beneficium est perpetuum jus percipiendi fructus de bonis ecclesiasticis, officii causa ecclesiastica auctoritate institutum. Perpetuum, inquam, hoc est donec beneficiarius vitæ usura fruitur, beneficium esse debet; quia per hoc certo in Ecclesia obeundo muneri addicitur, quod cum perpetuum sit, perpetuum quoque jus ad redditus esse debet.

§. 5. Præterea ecclesiastica auctoritate, videlicet Summi Pontific. aut Episcopi, opus est, ut beneficium constituitur. Cum enim ecclesiastici redditus, & multo magis sacra ministeria, quæ duo beneficium complectitur, sine Ecclesiæ auctoritate dari nequeant, manifestum est, sine hac auctoritate nullum esse, & haberi beneficium posse. Quare omnes redditus, licet perpetuo clericis ob spiri-

tuale aliquod officium attributi, uti legata pia, cappellaniæ, beneficia non sunt, nisi Episcopi accedat auctoritas, sed mera stipendia, aut eleemosynæ censentur.

§. 6. Denique beneficium propter spirituale officium institutum est. Non enim clericos otiosos, & nihil agentes ex ecclesiasticis redditibus vivere oportet. Præcipuum clericorum officium positum est in altaris ministerio, atque in precibus, quas ad Deum mittere pro cunctis debent; & vero Ecclesia certas constituit preces, quæ unoquoque die a beneficiariis fundendæ sunt, ut eo, quo tenentur in primis, fungantur munere. Atque hæ sunt horæ canonicæ, quas omnes beneficiarii quotidie recitare debent, & quæ *divini officii* ac *breviarii* nomine appellantur.

§. 7. Sed præter hoc officium, quod omnibus beneficiariis commune est, quidam sunt qui & aliud habent ministerium, personatum, dignitatem aut curam animarum. Hæc beneficia duplicia; cetera, in quibus illa non insunt, simplicia appellantur. Ex simplicibus beneficiis quædam sunt, quæ adjunctam habent legem residentia, uti sunt Canonatus & Cappellaniæ perpetuæ ecclesiastica potestate constitutæ; & hæc beneficia *residentiaria*; cetera, a quibus onus illud abest, proprie *simplicia*, & non *residentiaria* dicuntur. Verum Canonatus quamquam inter beneficia simplicia recenseantur, tamen accedunt ad dignitates (1), ideoque in odiosis simplicium beneficiorum nomine non continentur. Neque vero hæc beneficia tamquam inania & otiosa habenda sunt, quod eorum Rectores nullum peculiare officium exercent. Nam rem præclaram & magnam præstant, qui preces pro populo fundunt, & cum alii sint clerici, qui omnibus funguntur muneribus, quæ pro Christianorum regimine & salute sunt necessaria, recte Ecclesia quosdam alios clericos, quorum occupatio in fundendis precibus, & altaris ministerio defixa est (2).

(1) *Cap. 2 de Rescript. in 6.*

(2) Hujusmodi clericorum, quorum tantum erat altari servire, ac precibus & orationi vacare, jam III sæculo habebat Ecclesia; & eorum quidem mentio est apud Cyprianum *epist. 1 pag. 169 ed. Amstelod. 1700.*

§. 8. Cuncta olim beneficia residentia lege tenebantur, sed lapsu temporum redditibus imminutis beneficiorum, a-

deout ex iis clerici necessaria percipere non possent, consuetudine inductum est, ut beneficio donati fructus caperent, licet in beneficii loco non morarentur, ut sibi viduum alibi compararent (1). Nunc igitur qui his beneficiis fruuntur, tantum deferunt tonsuram, ac vestes clericales, & horas canonicas quotidie persolvunt.

(1) Consule Gonzalez in *c. conquerente* n. 2 de cleric. non resident.

§. 9. Rursus alia beneficia sunt, quæ majora, alia, quæ minora appellantur. Majora sunt, quibus hærent principes in Ecclesia gradus cum cura animarum & sacra jurisdictione, qualia beneficia obtinent Summus Pontifex, Patriarchæ, Archiepiscopi, Episcopi & Abbates cum quasi episcopali jurisdictione. Reliqua, quæ infra hæc sunt, minora beneficia dicuntur. Ceterum majora illa beneficia communi beneficii nomine non comprehenduntur; quia ne dignitatis quidem vocabulo, cum potius sint apices dignitatum.

§. 10. Dividuntur etiam beneficia in sæcularia, & regularia. Sæcularia sunt, quæ nonnisi sæcularibus tribuuntur, unde eorum nomen tractum est. Hinc abbatia, ceteraque officia claustralia suis propriis donata redditibus, beneficia sunt regularia, ac talia generatim censentur omnia, quæ a reglaribus regi consueverunt. Beneficia regularibus addicta demonstrantur vel fundatione, cujus nimirum lege cautum est, ut ea regularia haberi debeant; vel incorporatione, cum monasteriis adnexa sunt; vel præscriptione annorum quadraginta, cum eo temporis intervallo semper a regularibus administrata fuerunt.

§. 11. Denique sunt beneficia collativa, quorum collatio ad eos pertinet, quibus conferendi jus est; electiva, quæ per electionem; patronata, quæ ad patroni præsentationem conceduntur. De his omnibus superiore libro actum est.



## S E C T I O I.

*De vetita Beneficiorum multitudine.*

12. Clerici duabus Ecclesiis non adscribendus.

13. Beneficia *compatibilia*, et *incompatibilia*.

14. Decretum Concilii Lateranensis.

15. Et Tridentini.

16. Pœna retinentium plura *incompatibilia* beneficia.

17. Quæ beneficia plura numero simul retineri possint?

§. 12. Omnes Clerici, ex veteri disciplina, cum ordinabantur, certæ adscribebantur Ecclesiæ, cui servire debebant, & a qua necessaria quæque accipiebant. Cum autem unus idemque clericus eodem tempore duabus Ecclesiis servire non posset, consequens erat, ut neminem duabus Ecclesiis adscribi vetus disciplina pateretur (1). Hæc quidem generatim obtinebat regula canonum, cui tamen locus non erat, cum aliud Ecclesiæ utilitas aut necessitas postularet. Non enim antiquiori etiam ætate exempla desunt clericorum, qui pluribus uno eodem tempore Ecclesiis addicti erant (2).

(1) Concilium Chalcedonense *can. 10 & 20 col. 606 & 610 t. 1 collect.* Harduini, & Nicænum II *can. 15 col. 495 t. 4 collect.*

(2) Concilium Emeritense *can. 19 t. 3 col. 1005 coll. Harduini*. Celebre est autem, quod de Euphronio narrat Basilius *ep. 228 opp. t. 3 p. 551 ed. Paris. 1730*, qui ab Episcopatu Coloniensi ad Metropolim Nicopolitanam translatus utraque deinde Ecclesias administravit.

§. 13. Postquam beneficia ab ordinatione sejungi cœpta sunt, etiam interdictum est, ne cui plura simul beneficia tribuantur, cum unus clericus simul gerere non possit plura officia, quæ beneficiis conjuncta sunt. Sed imminutis, ut supra dictum est, lapsu temporum beneficiorum redditibus, oportuit residentiæ lege solvere clericos, qui alibi quærere debebant victum, quem a beneficio habere non poterant. Tunc igitur uni clerico concedi cœperunt plura beneficia, ut quod unum non dabat, haberet ex pluribus; eaque dicta sunt beneficia *compatibilia*; quoniam non residentiam, nec aliud habebant adjunctum onus, quod alterius beneficii possessionem inpediret. Quibus beneficiis opponebantur *incompatibilia*, quæ scilicet plura numero, ob onus singulis affixum, ab uno eodemque clerico simul retineri non poterant.

§. 14. Sed lapsa disciplina, plura simul incompatibilia beneficia uni clerico data sunt; quod malum longe lateque serpens plura, quæ ea tempestate habita sunt, Concilia remove studuerunt. Præsertim Synodus Lateraniensis III ea de re laboravit, edita lege, ut nemo duas dignitates, aut duas parochias simul deinceps habere posset, additque sanctionem, ut accipiens secundum beneficium amitteret, dans autem largiendi potestate privaretur (1). Verum non adhuc avulso malo, Innocentius III in Concilio Lateranensi IV de eo plane tollendo acriore studio laboravit. Ergo sancitum est, ut nemo duas simul parochias, dignitates, aut personatus obtineat, ipsoque jure cadat primo beneficio, qui alterum sine venia Sedis Apostolicæ adeptus est, ac utroque privetur si forte illud velit retinere (2). Eadem quoque ratione præbendarum coacervatio vetita est (3).

(1) Cap. 3 de cleric. non resident.

(2) Cap. 28 de Præbend.

(3) Cap. 9 de concess. Præbend.

§. 15. Denique Tridentini Patres alias edidere leges, ut quæ a Lateranensibus Conciliis fuerant constituta, diligenter observarentur. Itaque vetitum est uni clerico quovis titulo, etiam *unionis* aut *commendæ*, plures simul conferre Ecclesias cathedrales, aut beneficia curata, & cetera, quæ *incompatibilia* dicuntur, jussique sunt primo beneficio cadere, qui alterum consequuntur. Ex reliquis vero beneficiis, quæ *compatibilia* dicimus, uni clerico plura conferri possunt, quando unum satis non est, ut honeste ac decenter vivat (1).

(1) Conc. Trident. Sess. 7 c. 2. & 4, & Sess. 24 c. 17 de Reform. Extat etiam de incompatibilibus beneficiis constitutio Joannis XXII in Extrav. Execrabilis de Præben., de qua actum fuit l. 1 sis. 5 sess. 3 p. 326, & qua sancitum est, ut secundum beneficium curatum, vel secundum dignitatem accipiens, nisi statim primum dimittat, utroque privetur, atque in posterum a sacris ordinibus & a beneficiis repellatur, atque ultimi beneficii collatio Summo Pontifici reservetur. Late ea de re disputat Rigantius ad regul. 1 cancellar. §. 8 per tot.

§. 16. Hodie igitur iis utimur legibus, quæ a Tridentina Synodo constitutæ sunt. Duo *incompatibilia* beneficia, qualia sunt generatim omnia (1), quæ habent curam

animarum, quæ officium, personatum, dignitatem, onus residentię, quæ *sub eodem testō uniformia* dicuntur (2), uni clerico concedi non possunt, & si concedantur, primum ipso jure vacuum efficitur. Quod si utrumque simul beneficium retinere quis velit, utroque privandus est. Vacatio autem ipso jure inducitur non collatione, sed pacifica alterius beneficii possessione, qualis ea censetur, quam quis sine ulla molestia apprehendit, aut apprehendere potuit. Ideo post acceptam alterius beneficii possessionem datur adhuc spatium duorum mensium, quo beneficiarius primum etiam beneficium retinere potest, ut interim noscatur, num aliquæ de altero beneficio molestiæ exoriantur (3).

(1) Questio est, num altero impetrato beneficio generatim in omnibus incompatibilibus beneficiis vacatio ipso jure inducatur. Multi enim sunt, qui hanc ipso jure vacationem tantum referunt ad beneficia, quæ propter titulum incompatibilia existunt; uti sunt duo Episcopatus, duæ parochiæ, duo sub eodem testō uniformia beneficia; non item ad ea, quæ tantum retentione incompatibilia habentur, uti sunt duo canonicatus in diversis Ecclesiis, & alia beneficia, quæ adjunctam habent residentię legem, sed sine animarum cura, dignitate, personatu vel officio. Hæc enim beneficia tantum sententiam judicis vacare arbitrantur. Sed Conc. Trident. omnium generatim incompatibilium beneficiorum ipso jure vacationem induxisse, ostendit *Garcia de Benefic. par. 11 cap. 6 n. 79 & seq.*

(2) Beneficia *uniformia sub eodem testō*, sive in eadem Ecclesia dicuntur, quæ ad eundem finem, idemque ministerium instituta sunt, habentque idem onus ac officium eodem tempore persolvendum. Huiusmodi sunt duo canonicatus, duæque ejusdem Ecclesiæ cappellaniæ.

(3) Consule Rigantium in *Regul. 1 Cancell. §. 8 num. 154 & 155.*

§. 17. In ceteris beneficiis, quæ compatible dicuntur, servanda regula est, eorum plura ab uno eodemque clerico retineri posse, cum unum non tantum præstat, quantum est ad cultum & ad victum necessarium. Si unius redditus satis sunt, ut clericus honeste ac decenter vivat, nefas est plura in eo beneficia coacervare; & vero primum amittit, qui præter necessitatem alterum beneficium adeptus est. Sed nunc ex consuetudine ubique recepta nemo in foro controversiam patitur, quod duo possidet beneficia, etiam si unum satis præbeat ad vitam honeste traducendam, modo utrumque residentiam non requirat. Et licet Tridenti-

na Synodus non definiverit, quosnam redditus ad decentem clericum tuitionem sufficiant, tamen in comperto est, rem totam Episcopi arbitrio, respectu habito ad locorum consuetudinem, atque ad statum clerici, æstimandam ac definiendam esse. Interdum Sedes Apostolica, cujus tantum est in re veniam concedere, justis de causis plura ab uno clerico etiam incompatibilia beneficia retineri permittit; cujus quidem rei sunt exempla præsertim in Germania, ubi uni plures Episcopatus conceduntur, ut firmioribus munitis præsiidiis hæreticorum conatus retundat.

## SECTION II.

### *De conjungendis et dividendis Beneficiis.*

18. Beneficiorum unio quotuplex?  
19. Justæ unionis causæ quæ?  
20. Solemnitates in ea faciendæ necessariæ.

21. Qui unionem recte expediat?  
22. Divisio Beneficiorum, ejusque causæ & solemnitates.

§. 18. Plurium Ecclesiarum, vel beneficiorum conjunctio, quæ a legitimo Superiore justa ex causa facta est, beneficiorum unio appellatur. Ea vel temporanea ac personalis, vel perpetua ac realis est. Personalem, qua plures, veluti pallio, ad beneficiorum multitudinem obtegendam abutebantur, Synodus Tridentina (1) rejecit; perpetua, quæ rite, atque ex justis causis fiat, ecclesiasticis legibus probatur. Hæc autem conjunctio tribus modis fieri solet: confusione, cum duæ, pluresve Ecclesiæ aut beneficia ita coagmentantur, ut ex pluribus una Ecclesia, aut unum beneficium fiat: subjectione, cum unum beneficium alteri subjicitur, ita ut ei quasi fundus accedat, & ejus privilegia, consuetudines, naturam assumat; denique alia est unio, quæ dicitur *æque principalis*, cum neutrum beneficium alteri subjicitur, neque duo beneficia in unum quasi corpus coalescant, sed utraque integra manent, suumque retinent gradum ac titulum, sed ab uno eodemque ministro reguntur. Hoc modo cathedrales præsertim Ecclesiæ conjungi solent.

(1) *Sess. 7 cap. 6 de Reform.*

§. 19. Ecclesiarum, & beneficiorum conjunctio nominis

ex justa causa, atque adhibitis solemnitatibus fieri debet (1). Justa causa est evidens Ecclesiæ necessitas aut utilitas, puta si duo beneficia tenues habeant redditus, ex quibus vivere duo clerici nequeant (2), si valde sit deminutus populi numerus (3), si Ecclesiæ temporis, vel hostium injuria vastatæ sint (4), si redditus necessarii sint ad adolascientes in seminariis educandos, vel alias ad Dei cultum sustinendum (5). Gravioribus autem requiruntur causæ, ut curata, quam ut simplicia beneficia conjungantur; quin etiam beneficia sunt, quorum plane vetita conjunctio est. Nam diversarum beneficia dioceseon coagmentari nequeunt (6), neque item licet conjungere beneficia curata Monasteriis, Abbatiis, Dignitatibus, Præbendis Canonorum, Hospitalibus, aliisque collegiis (7), beneficia autem liberæ collationis beneficiis jurispatronatus, ne & ipsa jurispatronatui obnoxia evadant (8).

(1) *Can. 23 cap. 1 an. 7.*

(2) *S. Gregorius M. l. 2 ep. 50 ad Joan. Episc. Volsitern. opp. t. 2 col. 614 ed. Iavis. indic. Concil. Trident. Sess. 51 c. 5 de Reform.*

(3) *S. Gregorius M. cit. ep. 50, Concil. Toletanum XIV can. 5 col. 1796 t. 3 coll. Harduini.*

(4) *Cap. 2 de Relig. domib.*

(5) *Concil. Trident. Sess. 23 cap. 18, & Sess. 24 cap. 15 de Reform.*

(6) *Conc. Trident. Sess. 24 c. 9 de Reform.*

(7) *Conc. Trident. Sess. 24 c. 13 de Reform.*

(8) *Conc. Trident. Sess. 25 cap. 9 de Reform.*

§. 20. Solemnitates pertinent ad vocandos audiendosque omnes, quorum interest, atque ad legitimam ecclesiastici Superioris auctoritatem. Principio audiendus est Episcopus, cujus dioceseos beneficia jungenda sunt, vocandique & audiendi sunt Abbates, Prælatique inferiores, & Patroni sive ecclesiastici, sive laici, quorum est collatio vel præsentatio, item beneficiorum uniendorum possessores, & capitulum Ecclesiæ cathedralis, sine cujus consensu Episcopus graviora negotia expedire non potest (1).

(1) Capituli tamen consensum supplere solet Sedes Apostolica, vel Sac. Congreg. Concilii. Consule Carolum Gagliardum de *Benefic. cap. 4 num. 54.*

§. 21. Legitima unionum faciendarum potestas penes

Summum Pontificem, atque Episcopum est. Cathedrales Ecclesias tantum conjungit Summus Pontifex, qui etiam cetera beneficia conjungendi amplam habet potestatem. Episcopus beneficia consociat suæ diœceseos, exceptis illis, quæ ab ejus jurisdictione exempta sunt, quæque Sedi Apostolicæ immediate sunt subiecta aut perpetuo reservata (1). Cavere autem in primis Episcopus debet, ne suæ mensæ beneficia jungat, propter lucri suspicionem, a qua abhorrere debet (2).

(1) Beneficia quæ Sedi Apostolicæ perpetuo reservata non sunt, ab Episcopis uniri posse, modo hæc unio fiat ante eorum vacationem, tradit Garcia de Benef. par. 12 cap. 2 n. 102, atque ita a Sac. Congregatione Concilii definitum testatur. Consule Fagnanum ad cap. 8 de Execr. Prælat. n. 22 & seq., & Giraldum Exposit. Jur. Pontif. par. 2 sect. 57 p. 878; in primis autem consule, qui ea de re accurate disputat, Bened. XIV de Synod. diœces. l. 9 c. 7. Episcopi vero Italia ac finitimarum Insularum, cum Beneficia Sedi Apostolicæ reservata seminariis unire volunt, servare debent legem ea de re editam a Benedicto XIII in const. *Credita nobis calitur* 67 tom. 71 p. 409 Rom. ed. sæpe cit.

(2) Clement. 2 de Reb. eccles. non alien.

§. 22. Conjunctio Ecclesiarum, ac beneficiorum opponitur eorum divisio; per quam ex una Ecclesia, aut beneficio duo efficiuntur. Divisio hæc generatim est vetita, nisi eam postulet justa causa utilitatis. & necessitatis (1). In ea perficienda vocandi audiendique sunt omnes, quorum interest ac necessaria est auctoritas ejusdem, a quo conjunctio decernitur. Imo si non amplius existat causa, propter quam conjunctio facta est, puta quod cessaverit paupertas aut vastatio, illa recte dissolvitur. Tunc autem beneficia recuperant naturam suam, eorumque collatio aut præsentatio ad illos redit, quorum ante unionem fuerat; nisi forte aliud constitutum sit.

(1) Cap. 8, 26, 56 de Præben.

### SECTIO III.

#### De Commendis Beneficiorum.

23. ad 26. Commendarum origo, & earum concedendarum causæ.  
27. Varia de iis decreta.

28. A quo dentur commendæ, & qualis nunc earum natura sit?  
29. Clerici Commendatarii.

§. 23. Beneficia interdum clericis commendantur, unde ortæ beneficiorum commendæ, quarum origo sane vetus

est. Initio commenda erat custodia aut administratio vacantis Ecclesiae, quæ tamdiu obtinebat, quamdiu ea caret Episcopo, a quo regeretur (1), simili modo commendabantur parochiae & monasteria; atque hæ commendæ ad tempus erant; quoniam certo tempore cessabat causa, propter quam institutæ fuerant.

(1) S. Ambros. *ep. 2 col. 789 ed. cit. t. 3 Commendo tibi, fili, inquit, Ecclesiam, quæ est ad Forum Cornelii .... donec ei ordinetur Episcopus.*

(2) Vide Concil. Aurelianense III *can. 18* apud Labbæum *t. 5 col. 1279 edit. Venet.* S. Gregorium M. *ep. 58 l. 2, & ep. 21 l. 6 opp. t. 2 collect. 601 & 808 edit. indic. tunc 16, 17, 18, 28 diss. 61.*

§. 24. Perpetuæ dabantur commendæ, cum eas perpetua causa postularet. Ita cum hostium impetu vastatæ fuissent cathedrales Ecclesiae, atque illinc Episcopi discedere debuissent, Romani Pontifices vel illos aliis præficiiebant cathedralibus Ecclesiis, quæ tunc vacarent; vel etiam ipsis Abbatias perpetuo commendabant, ut ex earum redditibus decenter viverent, ac simul Episcopalem potestatem exercerent (1). Sunt & alia commendarum, quæ quidem perpetuæ erant, exempla, potissimum cum clericus non tantum ex beneficio haberet, quantum ei esset necessarium (2). Itaque justis de causis commendæ institutæ sunt, neque eas improbare quis potest, cum Episcopatus, parochiæ, monasteria commendantur Episcopis, & clericis ordine insignitis, quem beneficium postulat.

(1) S. Gregorius M. *ep. 15 l. 3 col. 633 opp. t. 2 ed. Paris. 1705* Agnellum Fundorum Episcopum, vastata ab hostibus ejus civitate, Tetracinensis Ecclesiæ Episcopum constituit, *ita ut, inquit, Fundensis Ecclesiæ Episcopus esse non desinat, nec curam, gubernationemque ejus prætereat.* Itaque duplex uni Episcopo Ecclesia, altera in titulum, altera in commendam data est. Similiter cum Paulinus Tauri in Sicilia Episc., post civitatem barbaris vastatam, Messanam secessisset, ibi ei monasterium a Gregorio M. commendatum est *l. 1 ep. 40 col. 528 opp. t. 2 ed. indic.*

(2) Multa hujus rei exempla sunt apud Joannem Diaconum *in Vit. S. Gregorii M. l. 3 c. 22 l. 4 c. 86, 90, 95, 97 col. 95, 177, 180, 185 t. 4 opp. S. Gregorii.* Monasterium etiam S. Martini Episcopo commendatum fuisse, tradit Anastasius Bibliothecarius. Ita enim ille Martino Episc. Narniensi, & Abbati cœnobii S. Martini suam de Martini P. exilio historiam in *Biblioth. PP. t. 12 p. 840 ed. Lugdun.* inscripsit: *quia cum Episcopatus apice Præpositura tan-  
tissimæ suæ, ob meritum summa religionis, B. Martini monasterii  
pene urbem positi est a Summis Pontificibus delegata.* Beda quo-

que *Hist. l. 4 c. 18 p. 502 ed. Cantabrig. 1645*, memorat Joannem Archicantorem Ecclesiæ S. Petri, & Abbatem cœnobii S. Martini Romæ, quem Aghato Sum. Pont. in Angliam misit. Quin etiam cathedrales Ecclesiæ interdum Abbatibus commendatas constat, atque hujus rei, præter ceteros, monumenta sunt apud Du-Chesnium in *Vit. S. Leodegarii p. 604 & 618 t. 1 Hist. Franc. ed. Paris. 1656*.

§. 25. Verum lapsu temporum laici ecclesiastica bona invadere cœperunt, potissimum vero Principes ea militibus commendabant, ut opes ad gerendum bellum haberent (1). Prævum hunc morem, quem, invita Ecclesiastica jurisprudentia, turbulenta illa ætas induxerat, prorsus tollere studuerunt concilia ea tempestate habita; præsertim vero Rom. Pontifices diligentem dedere operam, ut ad Ecclesiam redirent, quæ violenter a laicis occupata fuerant (2). Ita factum est, ut sua denique Ecclesiæ restituerentur bona, & tunc potissimum clericis multa sunt commendata eorum, quæ pridem laici arripuerant, præsertim cum graves essent causæ, propter quas commendæ non permittendæ solum, sed etiam probandæ viderentur.

(1) Consule Thomassinum *Vet. & nov. Eccl. discipl. par. 2 l. 3 c. 12*.

(2) Late hæc omnia persequitur Thomassinus *loc. cit. c. 11 ad 21*.

§. 26. Scilicet ab infidelibus iterum occupatis locis sanctis, & inde ejectis Episcopis, opportunitum visum est alios ipsis in Italia, & alibi Episcopatus, aut Abbatis commendare, ut his redditibus vitam ducerent. Accessit studium restaurandæ monasticæ disciplinæ, quæ in pluribus monasteriis pene sublata extinctaque erat, & plures etiam clerici sibi commendata monasteria acceperunt, ut ea tuerentur atque defenderent. Neque vero Summi Pontifices, aut Concilia factum suum improbari unquam posse existimabant, cum Episcopis aut aliis clericis dabant redditus, & fundos, qui ad Regulares pertinebant. Illud ipsis curæ erat, ut laici Ecclesiæ bona non diriperent; sed semper amplam Ecclesiæ potestatem esse putarunt tribuendi ecclesiastica bona inter clericos, quibus ea magis pro temporum, locorum ac personarum ratione concedenda videbantur (1).

(1) Commendæ neque laudari, neque improbari generatim possunt, uti animadvertit Rigantius in *Reg. 43 Cancellar. n. 49, &*



sæpe multæ sunt causæ, quæ illas non tantum utiles; sed etiam necessarias faciunt. Synodus Tridentina rem omnem ex prudentia ac pietate Romani Pontificis, atque ex temporum ratione æstimari voluit. Hinc Sædes Apostolica non nisi ex iustis causis, rerumque ac locorum habita ratione commendas concedit; quin etiam sæpe ab eo rejectas constat preces ipsas Principum, qui commendas postulabant; adeo falsum est Romanos Pontifices, uti eos aliqui calumniantur, facile ac sine delectu regularia beneficia clericis sæcularibus commendasse. Cuncta hæc late expendit Rigantius *loc. cit. n. 49 & seq.* Multa etiam de commendis habet Natalis Alexander *Histor. Ecclesiæ. sæc. 15 & 16 t. 7 art. 4 p. 193 seq. & Dissert. 12 art. 9 p. 552 t. 9 ad fin.*

§. 27. Aliquândo tamen valde auclus sine iustâ causâ commendarum numerus mala intulit, quæ oportuit remove. Itaque Clemens V commendas sustulit, quæ non bene cognitæ, expensisque rebus datæ fuerant (1), & Benedictus XII ac Leo X commendas abrogarunt, quas in perniciem monasteriorum, atque ecclesiasticæ disciplinæ redundare animadverterunt (2). Synodus Tridentina monasteria in posterum vacatura tantum spectatæ vitæ Regularibus concedi jubet, eaque monasteria, quæ sunt capita, ac primates Ordinum, jure commendæ aliquem retinere prorsus vetat; reliqua verò monasteria jam commendata, quæ suos habent conventus, Romano Pontifici committit, ut iis pro sua pietate & prudentia Regulares præficiat, quantum ratio temporum ferre potest (3).

(1) *Extravag. 2 de Præbend. in commun.*

(2) Vide Raynaldum *ad an. 1355 n. 67 & ad an. 1355 n. 51 p. 49; 199 & 590 t. 25 ed. Luca; & Bullam Reformationis editam a Leone X in Conc. Lateranensi V t. 9 Conc. col. 1747 coll. Harduin.*

(3) Concilium Trident. *Sess. 25 cap. 21 de Regul.*

§. 28. Hodie iustis de causis commendæ dantur, & dantur ab uno Romano Pontifice, cui tantum potestas est relaxandi canones, qui regularia beneficia clericis sæcularibus concedi vetant (1). Verbis autem potius, quam re nunc a beneficiis Commendæ differunt, quoniam & hæc in perpetuum dantur, & titulum præstant ad ordines suscipiendos (2); & clerici commendatarii iisdem ferme prærogativis ac juribus, quibus beneficiarii, fruuntur. Quare liberam habent reddituum administrationem, & jus præsentandi, eligendi, conferendi; verum monasteria visitantur a regularibus superioribus, quibus subsunt, atque ad eos regimen & cura pertinet regularis instituti (3).

(1) *Cap. 27 de Elect. cap. Cum de Beneficio de Præben. n. in*  
6, *Consule Tridentinum Sess. 14 cap. 20 de Reform.*

(2) *Consule Giraldum Expos. Jur. Pontific. par. 2 sect. 54 n.*  
7 p. 874.

(3) *Concil. Trident. Sess. 25 c. 20 de Regular. Vide etiam*  
*Constitution. Pastoral. 185 Innocentii X in Bullar. t. 6 par. 3*  
*p. 281, & Constitutionem Exponi 29, Alexandri VI t. 6 par. 4*  
*Bullar. p. 31.*

§. 29. Clerici commendis aucti, ut plurimum, suam habent mensam a conventuali distinctam (1), & quartam ejus partem in Ecclesiæ necessitates aut in pauperum alimenta conferre debent (2). In Gallia coguntur sacros ordines suscipere; similiter in Italia, aliisque regionibus ad sacros capiendos ordines, & ad assiduam quoque moram adiguntur, ubi commendis animarum cura vel monachorum, vel sæcularium adjuncta sit (3). Semper autem beneficia commendata pristinam retinent naturam suam, quamquam longo usu iis concedantur, qui ejusdem ordinis, atque iustituti ac veritulares non sunt (4).

(1) *Gregorius XIII Cons. Superna 28 §. 9 Bullar. t. 4 par. 5 p.*  
275. *Quæ constitutio quamquam loquatur de monasteriis Ordinis*  
*Cisterciensis: tamen conveniens est, inquit Fagnanus in c. 21 de Re-*  
*script. n. 2, ut servetur etiam in aliis ordinibus monachorum.*

(2) Id vero pertinet ad monasteria commendata, quæ mensam habent separatam; nam cum communis mensa est, dari debet tertia pars omnium fructuum monasterii commendati pro omnibus illis oneribus supportandis, & sustentatione monachorum, ut inquit Leo X *Consili. Superna 8 §. 10 Bullar. t. 3 par. 5 p.*  
396 *ejusd. edit. saepe cit.*

(3) *Consule Fagnanum in c. 1 de Cappel. monachor. n. 1 & seq.*  
recte animadvertit, quod residentia lege tenetur, sacrosque ordines suscipere debet commendatarius, cum ad ipsum, non item cum ad monasterium & conventum cura animarum pertinet. *Vide etiam Gallemart. Adnot. ad Concil. Trid. Sess. 6 c. 2 de Reform.*

(4) *Vid. Fagnanum loc. cit. num. 16.*

## SECTIO IV.

### *De pensionibus Ecclesiasticis.*

30. *Pensio quid?*

31. *Quis pensionem constituat?*

32. *Pensio realis, & Personalis.*

33. *Quibus de causis pensiones imponantur?*

34. *Quæ beneficia pensionibus non subiciantur, & quis eas habere possit?*

35. *Quomodo pensio extinguatur.*

§. 30. **P**ensio in re canonica est certa pars reddituum, qui ex alieno beneficio detrahuntur, atque alicui clerico

justa de causa, & legitima auctoritate assignatur. Antiquissima est origo pensionum, & earum in Chalcedonensi (1), atque Ephesino Concilio (2) exempla sunt. Nam æquum judicarunt Patres, ut clerici pauperes, qui justis de causis Ecclesiæ suæ non deservirent, ex ecclesiasticis bonis alimenta obtinerent.

(1) Concil. Chalced. *act.* 10 t. 2 Concil. col. 544, 562 Coll. Harduini.

(2) Concil. Ephesinum *act.* 7 *ep. ad Synod. Pampbil.* t. 1 Concil. col. 1625 coll. *ejusd.* Alia etiam occurrunt exempla pensionum, quæ concessæ sunt Episcopis vel senio confectis, vel hostium impetu Sede pulsis, vel clericis in monasterium ad agendam penitentiam confectis apud S. Gregorium M. l. 5 *ep.* 55 l. 5 *ep.* 12 l. 13 *ep.* 5 col. 615, 737, 1218 *opp.* t. 2, & apud Ioan. Diaconum in *ejus Vit.* l. 3 c. 27 et l. 4 c. 59 col. 97 et 152 t. 4 *opp. ejusd.* S. Greg. M. *ed. cit.*

§. 51. Initio pensiones detrahebantur ex Ecclesiæ redditibus, qui in unam arcam confluebant; ideoque Episcopus poterat, cum justa adesset causa, ex communi ærario horum reddituum partem decerpere, eamque clericis non servientibus assignare. At institutis beneficiis, & singulis adscriptis redditibus suis, jus constituendarum pensionum ad unum Romanum Pontificem delatum est. Cum enim per pensiones beneficia scindantur, aut iis onus imponatur, quod utrumque sacris canonibus vetitum est (1); necessario requiritur auctoritas Summi Pontificis, qui relaxatis canonibus pensiones constituat.

(1) *Cap. 8 de Præben., cap. 7 de Censib.*

§. 52. Nunc igitur ab uno Romano Pontifice pro ampla illa, qua in Ecclesia pollet auctoritate, pensiones imponi possunt. Haud tamen desunt, qui etiam Episcopo hanc potestatem adscribunt (1); sed omnes inter pensionem a Pontifice, atque ab Episcopo impositam magnum discrimen faciunt. Nam pensio Pontificis ipsi hæret beneficio, cum quo transfertur ad omnes ejus possessores; at Episcopi pensio solum afficit beneficiarium, cujus obitu extinguitur (2).

(1) Consule Vallensem *de Benefic. par. 1 tit. 2, Garciam de Benefic. par. 1 c. 5 §. 2 & Fagnanum in cap. 21 de Præben. n. 14 et seq.*, qui late ac diligenter totum hoc argumentum persequitur.

(2) Monet tamen Pagnanus *l. c. n. 51*, quod *quidquid de Jure sit, usus Sedis Apostolicae ubique receptus habet*, ut pensiones a solo Pontifice imponantur.

§. 33. Justis autem de causis pensiones imponuntur, veluti si beneficium sit litigiosum, ita ut inter duos de eo litigantes concilianda concordia sit (1); si illud permute-  
tur, aut resignetur (2); si clericus de Ecclesia sua bene-  
meritus, aut inops sit, aut mala valetudine laboret; de-  
nique clerico Ecclesiae utili pensio conceditur, ut inde ho-  
neste vivat. Pensio moderata esse debet, ut beneficiario  
supersint redditus, cum quibus vitam traducere possit, ac  
praeterea beneficii onera sustinere. Hinc in beneficiis, ex  
quibus pensiones detrahuntur, sola tertia aut dimidia fru-  
ctuum pars a Pontifice reservari solet (3).

(1) *Cap. 21 de Præben., cap. 5 de Transact.*

(2) *Cap. 4 de cleric. agros. vel debilit., cap. 6 de Res. perm.*

(3) Consule Pagnanum in *cap. Nisi essent de Præben. n. 27*.

§. 34. Cathedrales Ecclesias, quæ annuos ducentos mil-  
le, & parochiales, quæ centum suis fructibus non superant,  
Tridentina Synodus pensionibus onerari vetat (1). Sed  
nunc in parochiis omnibus indiscriminatim pensiones non  
imponuntur, ut Parochus integros habeat redditus, cum qui-  
bus pauperibus opem ferre possit (2). Quamquam autem  
pensiones proprie beneficia non sint, tamen beneficii loco  
sunt, quoniam ex ecclesiasticis bonis decerpuntur, & ideo  
nonnisi clericis dantur (3), ac per matrimonium amittun-  
tur, nisi quem Sedes Apostolica lege solverit (4). Porro  
clerici pensione ditati officium B. Virginis quotidie recita-  
re debent (5).

(1) Concil. Tridentinum *Sess. 24 cap. 13 de Reform.*

(2) Benedictus XIII *const. Quanta* apud Ferrarium *Bibliothec. verb. Pensio*, qua porro constitutione confirmatum est edictum,  
quod pridem Innocentius XII ea de re emiserat.

(3) S. Pius V *Const. Sacrosanctum* 98 t. 4 par. 3 p. 38 *Bullar.*,  
& Sixtus V *const. Cum Sacros.* 141 §. 2 t. 5 par. 1 p. 43 *eiusd.*  
*cap. c. ed. Rom.*

(4) Sunt qui privilegio Sedis Apostolicæ ecclesiasticas pensio-  
nes retinent, quamquam uxorem habeant, & quamquam clerica-  
li tonsura insigniti non sint. Consule Ferrarium *Biblioth. verb.*  
*Pensio.*

(5) S. Pius V *const. Expressimo* 186 §. 1 t. 4 par. 3 *cit. Bullar.* p. 180.

§. 35. Pensio tamquam usufructus extinguitur morte

clerici, qui ea vivens fruebatur, nisi ipse a Sede Apostolica in alium transferendæ pensionis facultatem obtinuerit. Quo privilegio fruuntur Cardinales & alii, quibus illud a Summo Pontifice datum est; & hi quidem non integram pensionem, sed dimidiam ejus partem in alium transferre possunt (1). Tollitur etiam pensio per redemptionem, quæ fit repræsentatis, hoc est mature factis aliquot annuis pensionum solutionibus; sed ea in re Summi Pontificis auctoritas necessaria est (2). Denique pensio amittitur Religionis professione, matrimonio, degradatione, crimine hæresis aut læsæ majestatis, ceteris fere modis, quibus beneficia amittuntur (3).<sup>\*</sup>

(1) Innocentius XI *const. Circumspecta* 3a s. 8 *Bullar. pag. 43.*

(2) Verum intra sex menses post captam beneficii possessionem redimi, ac deleri pensiones vetat Benedictus XIV *const. In sublimi* 3o s. 4 *ejus Bullar. p. 45 edit. Romæ seu Venet. 1754.*

(3) Confer Cabassut, *Theor. & prax. jur. Canon. c. 14 n. 15 et seq.*

## S E C T I O V.

### *De adipiscenda Beneficiorum possessione.*

36. Beneficii possessio capiendæ.

37. Juramentum a Beneficario præstandum.

38. Regula de annali possessore.

39. Regula de triennali possessore.

§. 26. Satis non est, aliquem beneficium obtinuisse, nisi is etiam ejus possessionem adipiscatur, ut fructus capiat, suosque faciat. Generatim qui beneficium conferendi, is etiam possessionis tradendæ jus habet; sed hoc plerumque alteri committi solet, & olim quidem ad Archidiaconum pertinebat (1). Cum possessio traditur, externa quædam adhibentur signa, quibus ea significatur. Ita ex. gr. Canonici accepto libro, pulsato tintinnabulo ceterisque similibus signis; Parochi autem possessionem capiunt, cum Ecclesiam ingrediuntur.

(1) *Cap. 7 de Offic. Archidiacon.*

§. 27. Qui possessionem tribuit merus minister est, qui rem totam gerit collatoris jussu & auctoritate. Quare hoc tantum curat, ut collationis literæ exitum consequantur; neque ejus est judicare, num clericus beneficio donatus eo sit revera dignus, an secus, nisi hoc forte negotium ei

commisum fuerit, quia tunc non nisi re cognita beneficium possessio danda est (1). Capta possessione, qui beneficium obtinuerunt cum cura animarum, intra duos saltem menses coram Episcopo, aut ejus Vicario generali fidei professionem per semetipsos emittere debent (2); aucti vero Canoniatu aut Dignitate in Ecclesia cathedrali, non solum coram Episcopo aut Vicario generali, sed etiam coram Capitulo idem præstant (3). Nisi id fiat, inutilis possessio est, neque fructus quis facit suos.

(1) Huc spectant literæ in forma dignum aut in forma commissaria, de quibus actum est tit. 5 *instit.* 2 §. XXXXII p. 353. Vide etiam Garciam de Benefic. par. 6 cap. 2 num. 1 et seq.

(2) Fidei professio per procuratorem emitti non potest, qua in re emendandus est error illorum, qui id per procuratorem fieri posse arbitrantur. Consule Benedictum XIV *Instit. Eccl.* 60 §. 5, & Giraldum *exposit. jur. Pontif. par. 2 in tit.* 136 p. 1011.

(3) Conc. Tridentinum *Sess. 14 c. 12 de Reform.*, Pius IV *const. In Sacrosancta* 102 et *const. Injunctum* 105 *Bullar. t. 4 p. 201 et 204*. Canonici collegiatarum Ecclesiarum hujus faciendæ professionis nulla lege obstringuntur; sed tamen etiam hi pluribus in locis vel peculiari lege, vel consuetudine hanc professionem emitunt. Sic in locis, ubi obtinet Concil. Romanum habitum a Benedicto XIII ann. 1725, multi sunt, qui ea lege tenentur. Confer Giraldum *loc. cit.*

§. 38. Illud in primis efficit capta possessio, ut qui eam anni spatio retinuit, is inde dimoveri, aut beneficium alteri, qui illud impetrarit, adscribi nequeat, nisi primum lis petitoria judicio finita sit. Quod jus constituit *Regula 55 Cancellariæ*, quæ vulgo dicitur *de annali possessores*, & quæ duabus constat partibus. Nam sancitum est primum, ut qui beneficium impetrat, quod alter per annum tranquillo & quieto animo retinuit, significare debeat nomen & gradum possessoris; proferre causam apertam & perspicuam, propter quam ei retinendi beneficii jus esse negat; temporis, quo in ea possessione versatus est, cursum ostendere; deinde ut intra sex menses possessorem in judicium vocet, & causam intra annum usque ad sententiam persequatur (1).

(1) Consule Rigantium *ad banc Regul. 55*.

§. 39. Est & alia regula de triennali possessores, quæ inter regulas Cancellariæ est 56 numero, atque in re beneficiaria quadragenarii præscriptionis vice fungitur. Ea

vero cautum est ut qui procul a labe vitioque simoniæ triennii spatio beneficium obtinuit quovis titulo, etiam colorato, ut vocant, is nullis amplius molestiis affici, neque a possessione dimoveri possit, atque omnes ejus beneficii impetrationes, quas dicunt, irritæ habeantur. Quæ triennalis possessio ut tantum valeat, pacata esse debet, eaque ut explorata sit, satis est ostendere possessionem, quam quis revera adeptus est. Nam qui illam semel apprehendit, ac post triennium retinet, in ea semper perseverasse censetur, nisi secus ostendatur (1).

(1) Vide etiam Rigantium *ad Regul.* 36.

## TITULUS XV.

### *De Censibus, Exactionibus, et Procuracionibus.*

- |  |  |                            |
|--|--|----------------------------|
| 1. Censur quid?                            |  | 4. Subsidium charitativum. |
| 2. Quando census ab Episcopo constituitur? |  | 5. ad 8. Procuratio.       |
| 3. Cathedralicum.                          |  | 9. Portio canonica.        |

§. 1. Non solis aluntur Clerici beneficiorum fructibus sed & alia habent emolumenta, aliasque obventiones, quibus fruuntur, ut honeste ac decenter vivant. Eorum quædam ad Episcopos, quædam ad ceteros clericos pertinent. Proprii sunt Episcoporum census, quorum nomine hoc loco intelligitur certa vis pecuniæ, quæ ex redditibus ecclesiasticis solvenda est.

§. 2. Porro Episcopus in Ecclesiâ recens fundata & dotata, cum eam consecrat, censum constituere potest, consensu accedente fundatoris (1), vel patrono reservare (2), idemque recte præstat, cum annuente Capitulo Ecclesiam piis locis concedit, aut subtrahit a jurisdictione sua (3). Generatim tamen ædificata & consecrata Ecclesia, nefas est aut veterem augere censum, aut novum imponere; nisi primum Apostolicæ Sedes venia impetrata sit (4).

(1) *Can. 30 cap. 18 qu. 2, c. 16 de Censib. exaction.* ibique Glossa.

(2) *Cap. 25 de Jurapatr.*

(3) *Cap. 6 de Relig. Domib.*

(4) Onus, quod etiam mortuo Beneficiario maneat, sine venia Summi Pontificis imponi nequit. Eandem hanc veniam pro onere temporario requiri, tradit Giraldus l. 3 t. 39 *rel.* 584 p. 397.

§. 3. Præter census, alia etiam Episcopi tributa exigunt a clericis, & ecclesiis suæ dioceseos, quæ tributa vel ordinaria, vel extraordinaria sunt. Ordinarium tributum est Cathedraticum aut Synodaticum, quod a singulis Ecclesiis quotannis solvitur in signum subjectionis, & honorem cathedræ Episcopalis (1). Penditur in synodo cathedraticum, unde factum est Synodatici nomen (2), & penduntur duo solidi (3) ab Ecclesiis omnibus, & clericis, qui Episcopo subiecti sunt (4).

(1) Cathedraticum, de quo hoc loco agimus, confundi non debet cum eo munere, tributo seu pastello, quod olim in ordinatione dari solebat, quodque vehementer improbat Gregorius M. in Synodo Romana s. 3 *Collect.* Harduini col. 497, & Concilium Tridentinum *Sess. 21 c. 1 de Reform.* Hoc quoque interdum dicitur cathedraticum, ut observant Gonzalez in c. *Conquerente de Offic. Ordin. in fin.* & Christianus Lupus in *Schol. & not. ad canon. Concilior.* s. 2 c. 3 p. 39 *ed. Venet.* 1724. Quæ nominis similitudo quosdam in eum errorem induxit, ut crederent generatim cathedraticum a sacris canonibus improbari. Verum certa illa pensio, quam proprie cathedraticum dicimus, quæque Episcopo singulis annis persolvitur non propter ordinationem, sed in subjectionis signum & honorem cathedræ Episcopalis, numquam a sacris canonibus vetita fuit, imo ejus antiquissimus est, & Ecclesiæ probatus usus. Id testatissimum faciunt Concil. Bracarense II *Can. 2 Toletanum VII c. 4 s. 5 Collect.* Harduini col. 386 & 622 *edit. Paris.* Alexander III in c. 9 *de Consib.*, Honorius III in c. 16 *de Offic. judic. ordin.*, Arnoldus Abbas Lubecensis, qui in Chronico Sclavorum l. 3 c. 21 p. 670 *inter Scriptores Brunsvicenses.* t. 2 *ed. Hannover.* 1705 narrat, Hartwicum Archiepiscopum Bremensem, cum gravi premeretur inopia, ex solo cathedratico vitam traduxisse. In concilio Ravennatensi an. 997 *Can. 2 s. 6 Concil. col. 753 Collect.* Harduini sancitum est, ut quovis anno, die S. Vitali sacro, omnes Archipresbyteri census Episcopo solverent duorum solidorum, atque hunc census fuisse cathedraticum, ostendit Thomassinus *Vet. & nov. Eccles. disciplin. par.* 3 l. 2 c. 34 n. 5. Mito cetera monumenta quæ multa sunt, & ex quibus patet, antiquissimum esse cathedraticum, ac semper sacris canonibus probatum fuisse. Concil. Trident. *Sess. 24 c. 3 de Reform.* quamquam novas exactiones Episcopis interdixit, non ideo sustulit jus cathedratici, modo non in visitatione, ubi quidvis exigi concilium vetuit, sed vel in synodo, vel alio tempore solvatur; atque ita respondit Sac. Congreg. Concilii, cujus decretum late exornat Fagnanus in c. *Conquerente* n. 48 & *seq. de Offic. Ordin. & in Cap. Venerabili* n. 16 *et seq. de Consib.* Hinc S. Carolus Borromæus, qui Trident. concilii decreta diligentissime custodiebat, firmam ratam esse voluit cathedratici solvendi legem *Act. Eccles. Mediol. par.* 2 p. 346; atque idem constitutum est a Synodo Bituricensi an. 1584 *sit. 3 Can. 7 s. 10 Collect.* Harduini col. 1492.

(2) Synodaticum Episcopo, cum diocesim lustrabat, interdum



solutum patet ex duobus Concil. Bracarenſi II, & Toletano VII, quorum paulo ante facta mentio eſt. Sed fere ubique ſolvebatur in Synodo, quæ cum plerumque poſt paſcha haberetur, hinc ea ſolutio quandoque *Paſchalis* eſt appellata, uti monet Cironius *Paſchalis ad Decretal. l. 3 tit. 39 n. 10 t. 1 p. 315 ed. Vindobon. 1761.* Sed, ut plurimum, a ſynodo ea præſtatio vocata eſt ſynodatica, interdum etiam dicta *Synodus*, uti conſtat ex Concil. Tolofano c. 10 t. 6 par. 1 *Colleft.* Harduini col. 1045, atque ex Fulberto Carnotenti Ep. 58 *Bibl. PP. t. 18, 2; 18 ed. Lugd.*: quamquam a Synodatico diſtingui ſynodus videtur, in *Indice mſ. beneficiorum Eccleſiæ Conſtant.* apud Du-Cangium *Gloſſ. verb. Synodaticum*. Cum autem ſynodaticum in ſynodo perſolvatur, queri poteſt, nun pendendi debeat illis quoque annis, quibus ſynodus non habeatur. Pluries de hac re quaſitum eſt coram Sac. Congreg. Concilii, eaque ſemper reſpondit, cathedraliticum, etiam non habita ſynodo, ſingulis annis eſſe ſolvendum, & vero in *Amalþitana Cathedralitici 5 Sept. 1705 & 27 Februar. 1707 & in Caſſanen. 21 Mart. 1735 l. 35 Decret. p. 526 & l. 57 p. 68 & l. 85 p. 188*, nullo habitu reſpectu ad Synodum, cathedraliticum e die adeptæ poſſeſſionis Episcopo ſolvi voluit. Quod idem antea conſtituerat Synodus Avenionenſis an. 1636 c. 11, & altera ſimiliter Avenionenſis Synodus habita Alano Episcopo t. 4 *Anecdotor. col. 575 cap. 11 & 580 cap. 15 ed. Paris. 1717*, ubi ſtatutum eſt, ut non ſolum ejus anni ſynodaticum, ſed etiam *arregeria temporis jam lapſi* Episcopo ſolverentur. Diuturna tamen ac legitime inducta conſuetudine fieri poteſt, ut non niſi in Synodo cathedraliticum perſolvatur. Quamquam enim ejus ſolutionis onus conſuetudine prorsus tolli ac deleri nequeat, ut ſcilicet ſemper extet monumentum honoris debiti cathedralitici episcopali, tamen cum hic honos maneat, etiamſi illud non ſolvatur annis ſingulis, recte a conſuetudine induci poteſt, ut tantum cum Synodus habeatur, cathedraliticum pendendi debeat. Conſule Bottum *Synod. pag. 3 n. 89 & ſeq.*, & Maſſobrium de *Synod. c. 4 dub. 33 & 34.*

(5) Duos ſolidos propter cathedraliticum unoquoque anno ſolvi jubent Conc. Bracarenſe II, & Toletanum VII *loc cit.*, atque Honorius III in *cit. c. 16 de Offic. judic. ordin.* Verum cum ſolidi pretium non ſemper idem, nec ubique fuerit, uti late inter ceteros oſtendunt Jacobus Gothofredus in *Cod. Theodor. Leg. unic. l. 7 tit. 24 t. 2 p. 459 & ſeq.*, & *Leg. 1 l. 12 tit. 7 t. 4 p. 597 ed. Lipſ. 1637*, & PP. Maurini in *Addit. ad Gloſſar. Du-Cangii verb. Solidus*, cum item incertum ſit, aureus ne, an argenteus eſſet, & quanti valeret ſolidus Lucenſis, quem memorat Honorius III in *cit. c. 16*, hinc quaſitum eſt, quæ nunc propter cathedraliticum moneta pendenda ſit, Synodus Romana habita an. 1725 a Bened. XIII ſingulis ſolidis pretium attribuit unius aurei moneta Romanæ, & ideo propter cathedraliticum ſolvi jubet viginti julios ejusdem monetae, quamquam non integri ſolidi a ſingulis beneficiariis pendendi ſint, ſed ratione habita reddituum beneficiorum, ſervatoque modo, qui in ea Synodo conſtitutus eſt. Verum provinciale hoc concilium tantum in Romana provincia legem facit. Itaque cum nihil certi ea de re ſit a Jure conſtitutum, ex receptis populorum moribus, & locorum conſuetudine cathedraliticum Episcopo ſolvendum æſtimandum eſt.

(4) Pendendum est cathedraticum a quibuscumque parochis, beneficiariis & Ecclesiis secularibus, non item regularibus, quæ monasteriis conjunctæ sunt, in quibus regulares divina officia peragunt. Nam hæc solvendi cathedratici onere non tenentur *Can. inter cetera* 8 c. 10 qu. 5 et *Can. Quam sit* c. 18 qu. 2. Sodalitiz vero laicorum, quæ confraternitates dicuntur, Episcopi auctoritate instituta, si propriam habeant Ecclesiam, non item si tantum cappellam, aut altare in aliena Ecclesia habeant, cathedraticum pendere oportere, respondit Sac. Congreg. Concilii in *Firmana Cathedratici* 24 Jul. 1754, et in *Urbetrana Cathedratici* 20 Mart. 1745. Similiter in *Maceraten. Cathedratici* 29 April. 1751 definitum est, ex omnibus quotquot sunt, beneficiis, etiam simplicibus, solvendum esse cathedraticum, exceptis tantum cappellaniis laicalibus, & ad nutum amovibilibus. Quod si plures clerici, qui uni & eidem Ecclesie addicti sunt, communem habeant massam, non singuli discretam atque distinctam præbendam, unum tantum ex ea massa cathedraticum esse solvendum, statuit Concilium Romanum an. 1729 tit. 8 cap. 4.

§. 4. Extraordinarium tributum est subsidium charitativum, scilicet pensio, quam Episcopus charitatis nomine exigit a clericis, & ecclesiis sibi subjectis (1) ad periculum aliquod depellendum, gravemque necessitatem evitandam (2). Justa autem et gravis causa requiritur, ac præterea capituli consensu opus est, ut recte hoc subsidium ab Episcopo indicatur (3). Sed nunc, saltem in Italia, jus viget ab Innocentio XI constitutum, quo sancitum est, ut semel tantum Episcopus, videlicet in primo ingressu suo, hoc subsidium exigit, & vero tantum accipiat, quantum antea per annos quadraginta dari consuevit (4). Quare si qua postea gravis exoritur causa, quæ subsidium flagitet, Sedis Apostolicæ venia opus est (5).

(1) Subsidium hoc, uti etiam cathedraticum, ex lege diocesana procedit, & ideo regulares ac ceteri, qui exempti sunt, illius solvendi onere non tenentur, uti ostendit Giraldus *Exposit. Juris Pontific. par. 1 lib. 5 Decretal. sect. 585 p. 397*.

(2) Concilium Lateranense III *Can. 4 t. 6 par. 2 Concil. coll. 1675 collect. Harduini, cap. 16 de Offic. judic. ordin.*

(3) *Cap. 6 de Censib. exaction. Consule Giraldum loc. cit.*

(4) Innocentius XI *Const. 43 §. 10 Bullar. tom. 8 p. 617: Vis de eundem Giraldum loco mox cit.*

(5) Confer Gaudentium 1: 1 de *Visit. Prælat. eccles. dist. 6 n. 18*.

§. 5. Pertinet quoque ad Episcopum procuratio, quæ ei tribuitur alimentorum nomine, cum diocesim visitat (1). Debent enim Episcopi singulis annis vel per se ipsos, vel legitime impediti per vicarium generalem, aliumve virum

idoneum diœcesim vlsitare, totumque negotium saltem intra biennium absolvere ; cum ita late patet diœcesis, ut uno anno universa lustrari non possit. Quo munere curandum est diligenter, ut ubique Christiana religio integra observetur, pravique emendentur mores, & quidquid mali irrepsit, avertatur (2).

(1) *Cap. 6 & 23 de Censib. exaction.*

(2) *Concilium Tridentinum Sess. 24 cap. 3 de Reform.*

§. 6. Cum autem æquum sit visitationem fieri sumptibus eorum, qui visitantur, inducfa est procuratio, quæ comprehendit hospitium, alimenta, cetera necessaria (1), aut etiam certam vim pecuniæ, quæ nunc sponte data illorum loco accipi potest ; modo sit una procuratio, cum plura eadem die loca lustrata sunt (2). Cavendum vero est Episcopis, ne inutilibus sumptibus graves sint Ecclesiis, quas visitant, & ideo modesto comitatu contenti esse debent (3) ; & si pluries intra annum eandem Ecclesiam visitaverint, nonnisi unam procurationem accipiunt (4).

(1) *Cap. 6 & 23 de Censib. exaction.*

(2) *Cap. 2 & 5 de Censib. in 6.* Ita a Bonifacio XIII abrogatum est jus antiquum *in c. 1 eod.*, quod procurationis causa pecuniam accipere vetabat. Eadem hæc optio dandi pecuniam loco visitantium permissa est a Concilio Tridentino *Sess. 24 c. 3 de Reform.*

(3) *Concil. Lateranense in C. 6 de Censib. exact.* præfinivit numerum equorum, quibus Episcopi diœcesim visitantes pro suo comitatu uti possunt ; sed eo nunc indiscriminatim uti nequeunt, quod recte monet Giralduſ *Exposit. Jur. Pontif. par. 1 l. 5 tit. 39 Decretal. sess. 585 p. 396.* Synodus Trident. *Sess. 24 c. 5 de Reform.* generatim statuit, ut Episcopi modesto equitatu, & famulatu contenti visitationem quam celerrime expediant. Et licet definitus non sit evectionum ac dierum numerus, intra quem visitationem perficere oportet tamen Sac. Congreg. Concilii id totum visitantium conscientiz ; & prudentiz reliquit, uti ostendit ipse Giralduſ *l. c.*

(4) *Consule Benedictum XIV de Sinod. diœces. l. 10 c. 10 §. 6.*

§. 7. Danda est procuratio non solum Episcopo aut alteri, qui ejus loco diœcesim lustrat, sed etiam vicario capitulari, cui post annum a die postremo habitæ visitationis diœcesim vlsitare licet (1) ; & datur ab omnibus, qui visitantur, non tamen ab Ecclesiis civitatis, in qua Episcopus assidue commoratur (2), neque item ex privatis

oratoriis, quæ in monachorum grangiis sita sunt (5). Sub-  
sunt autem Episcopi visitationi Ecclesiæ omnes, etiam ex-  
emptæ, atque etiam regulares, quæ conjunctam habent  
curam animarum (4), itemque commendata monasteria;  
etiam Abbatia, Prioratus, Præposituræ, ubi non viget  
observantia regularis; præterea beneficia tam curata,  
quam non curata; sæcularia & regularia, qualitercumque  
commendata etiam exempta (5); Parochiales annexæ Or-  
dini Hierosolymitano (6), hospitalia, nisi sub immediata  
Regum protectione sint. (7). Nam quæ Episcopus ordina-  
rio jure visitare non potest, qualia sunt loca exempta, ea  
visitat jure delegato.

(1) Vide Benedictum XIV loco mox ind.

(2) Consule Fagnanum ad c. 15 de *Censib. exaction.*, & Giral-  
dum *Exposit. Jur. Pontific. p. 1 l. 3 Decretal. c. 59 p. 405.*

(3) *Cap. 27 de Censib. exaction.* Quæ decretalis consensu o-  
mnium interpretum Juris Canonici ad quæcumque privata oratoria  
traducitur, uti testatur Fagnanus in cit. c. 27.

(4) Concil. Trident. *Sess. 25 de Regul. c. 21*, Gregorius XV  
*Const. Inscrutabili* 50 §. 4 *Bullar. t. 5 par. 5 p. 1.*

(5) Conc. Trid. *Sess. 7 c. 8 & Sess. 61 c. 8 de Ref.* Vide et-  
iam ea de re decretum *Us in parvis* 184, Innoc. X *Bullar. t. 6*  
*par. 5 p. 270.*

(6) S. Pius V *Const. Exposit* 187 *Bullar. par. 3 t. 4 p. 180.*

(7) Conc. Trid. *Sess. 22 c. 8 de Reform.*

§. 8. Visitantur etiam ab Episcopo quotannis monasteria  
monialium (1), sed tunc nullam ipse procuracionem acci-  
pit, nisi quod in earum Ecclesiis beneficium sit (2).

(1) *Clement. 2 de Stat. monachor.*, Concilium Tridentinum *Sess.*  
*25 c. 9 de Regul.* late hoc argumentum persequitur Giral-  
dus *Exposit. Jur. Pontific. par. 1 l. 3 Decret. tit. 35 Sect. 561 p.*  
*572 et seq.*

(2) Sac. Congreg. Concilii in *Volaterrana* 12 Novemb. 1639 l.  
*16 Decretal. 106.*

§. 9. Denique Episcopus jure decretalium habet por-  
tionem canonicam, scilicet quartam partem earum re-  
rum, quæ Ecclesiæ, aut alii pio loco relinquuntur (1).  
Sed hodie fere ubique hæc portio consuetudine sublata  
est, cum non amplius Episcopi gravi illa premantur ino-  
pia, cujus gratia initio ea concessa fuit. Si qua tamen  
regio est, in qua portio canonica adhuc obtinet, non eam  
pendunt loca pia & monasteria exempta, quoniam soluta  
sunt lege diocesana, unde illa procedit (2); neque pen-

ditur ex piis legatis, quæ pro anniversario, pro Ecclesiæ fabrica, ceterisque similibus relicta sunt (3).

(1) *Cap. 14 de Testam.*

(2) Consule Giraldum l. c. 27 *sect.* 481 p. 315.

(3) *Cap. 20 de Testam.*

## TITULUS XVI.

### *De Decimis.*

- |   |   |
|---|---|
| 1. Clericorum obventiones, & emolumenta.    | 5. Earum discrimen.                           |
| 2. Decimæ quò jure apud Christianos debita? | 6. Consuetudo præsertim in decimis spectanda. |
| 3. Quando solvi ceptæ?                      | 7. Cui solvendæ decimæ?                       |
| 4. Prædiales, personales, mixtæ.            | 8. Decimæ an a laicis accipi possint?         |
|   | 9. A quibus solvendæ decimæ?                  |

§. 1. Nunc ad ea transgredimur, quæ ceterorum clericorum propria sunt; & huc spectant decimæ, primitiæ, oblationes, quotidianæ distributiones, quæ ordinariæ, quæque extraordinariæ vocantur; voluntariæ denique & honorariæ largitiones pro benedictionibus, sacrificiis, sacramentis, aliisque bonis Christiano populo tribuendis. Non omnibus quidem omnes clerici fruuntur, sed alii aliis, per emolumentorum, clericorumque discrimine.

§. 2. Apud Hebræos, Levitis & Sacerdotibus divina lege debitas fuisse decimas, hoc est decimam partem fructuum terræ, & pecudum, inter omnes constat (1). Jure Evangelico ad alendos clericos nullæ indictæ sunt decimæ; tantum Christiani jubentur Ecclesiæ ministris præbere necessaria ad vitam honeste, ac decenter traducendam (2). Itaque divini quidem juris est, quod iis, qui altari ministrant, necessaria vitæ subsidia præbeantur; non item, quod ea de causa detur decima pars fructuum terræ, & hoc quidem modo decimæ ad jus divinum referri non possunt (3). Nam Ecclesia constituit modum, quo ejus ministri alendi sunt; nihil autem interest sive id per decimas, sive per alias præstationes fiat.

(1) Prima, quæ in sacris libris occurrunt, decimarum exempla, sunt Abrahami decimæ e manubiis omnibus devictorum ab eo regum, quas ipse sacerdoti Melchisedecho persolvit. *Gen. XIV* 20. Imitatus hanc avi pietatem Jacobus omnium, quæ sibi in Mesopotamia acquirenda essent, decimas Deo offerendas vovit *Genes*

XXVIII 22, quam fidem ab itinere reducem liberasse nemo dubitat. Denique Mosaica lege in *Levis*. XXVI 50 jussi sunt Hebræi decimas persolvere; & tunc quidem decimæ Levitis & Sacerdotibus Dei mandato deberi cœptæ sunt.

(2) Matth. X 10, Lucas VIII 5, X 7, Paul. I, *ad Corinth.* IX 7, 9, 10, 11, 13, 14.

(3) Divinum præceptum solvendarum decimarum morale fuisse, nonnulli existimant, unde conficiunt nunc etiam divina lege a Christianis decimas esse solvendas. Rectius S. Thom. 2, 2 qu. 87 art. 1, decimas divino jure a Christianis deberi affirmat, si earum nomine comprehendimus alimenta, quæ clericis debentur; negat autem, si eo vocabulo decimam illam partem fructuum, & reddituum intelligimus. Sic ex se patet, inquit, quod ad solutionem decimarum homines tenentur partim quidem ex jure naturali, partim etiam ex institutione Ecclesie. Quæ tamen pensatis opportunis temporum & personarum possit aliam partem determinare. Et merito a Concilio Constantiensi Sess. 8 c. 500 t. 8 coll. Harduini damnatus est articulus 18 Joannis Wiclefi agentis, quod decima sunt pars elemosinæ, & Parochiani possunt propter peccata suorum Fratrum ad libitum suum eas auferre. Nam decimæ, tamquam alimenta Ecclesie ministris debita, ab ipso divino jure procedunt. Consultè Bellarminum de Cleric. l. 1 c. 25 §. Quod sit mora de opp. t. 2 p. 557 ed. Venet. de 1721 Gonzalez in t. 52 §. 2 de Decim., Cotelierum in Constit. Apostolic. l. 2 c. 35 nos. 1 t. 1 p. 248 ed. Amstelod. cit.

§. 3. Hinc prioribus Ecclesie sæculis neque Christiani decimas solvebant, neque ulla lex erat, quæ hanc solutionem imperaret (1). Clerici vivebant ex oblationibus, quas fideles sua sponte in Ecclesiam conferebant; adeo ut nihil opus esset decimas indicare, ut ex iis clerici victum & cultum obtinerent. Imminuta fidelium largitate, cum non omnia Ecclesie, ejusque ministris sponte a fidelibus præberentur, institutæ sunt decimæ tum Patrum hortationibus (2), tum Ecclesie legibus (3), quibus eas Christiani solvere jussi sunt.

(1) Cyprianus de Unit. Eccles. p. 85 ed. Amstelod. 1700 diserte testatur, nullas sua ætate decimas fuisse solutas: & Ep. 1 p. 170 de Hebræorum decimis disserens, Quæ nunc ratio, inquit, & forma in clero tenetur, ut qui in Ecclesia Domini ordinatione clericali promovetur, in nullo ab administratione divina avocetur, nec molestiis ac negotiis secularibus alligetur, sed in honore sportulantium fratrum, tamquam decimas ex fructibus accipientes, ab altari, & sacrificiis non recedant. Quo ex loco perspicuum est, ætate Cypriani sportulas decimarum locum obtinuisse. Idem etiam deprehendi potest ex Origene Hom. 11 in Numer. n. 2 p. 505 opp. t. 2 ed. Paris. 1755. Adde alterum, quod tribus prioribus sæculis de solvendis decimis, ubique silentium est.

(2) Adeundi sunt Auctor Constit. Apostolic. l. 7 c. 29, & l. 8 c. 20,

apud Cotelierum PP. *Apostolic.* t. 1 pag. 375 et. 416 ed. cit., Hieronymus in *Malach.* c. 3 versic. 7, 8 et seq. col. 978 et seq. opp. t. 6 ed. Veron., Augustinus *Comment. in psalm.* 146 n. 17 opp. t. 4 col. 1648 ed. Venet. cit., Chrysost. *Hom.* 4 in Ep. ad *Epbes.* opp. t. 11 p. 31 ed. Paris. 1734.

(3) Concil. Mariconense II can. 5, apud Labbeum t. 6 Conc. col. 674 seq., Cabillonense II can. 19 t. 9 col. 363, Turonense an. 813 can. 16, 251 ib. Moguntiacense an. 888 can. 13 t. 11 col. 586. Confer etiam Capitularia Regum Francor. *capit. de Part. Saxon.* c. 16 et 17, apud Balutium t. 1 col. 183, et *Capitul. an.* 804 c. 2 col. 291 ed. Venet. 1772.

§. 4. Jam vero decimæ vel prædiales, vel personales, vel mixtæ sunt. Prædiales debentur ex fructibus, sive redditibus prædiorum tum urbanorum, tum rusticorum; & harum quidem aliæ majores, aliæ minores & minutæ, aliæ novales appellantur. Majores sunt, quæ ex frumento, vino, fœno, aliisque uberioribus fructibus; minores, quæ leguminibus & oleribus; novales (1), quæ penduntur ex prædiis, quæ recentior ad culturam redacta sunt; cum antea frugifera non essent. Personales (2) solvuntur ex rebus, quas sibi quisquis acquirit opera & industria sua, veluti ex lucro honestæ negotiationis, militiæ, venationis. Mixtæ denique partim prædiales sunt, & partim personales, quippe quæ ex rebus quidem ipsis, sed nonnisi adhibita industria percipiuntur. Hujus generis sunt fœtus pecorum, lac, lana, cetera similia.

(1) Terra præcisæ, quæ anno cessavit, vel silva, quæ evulsis arboribus, ab culturam redacta est, terra novalis dicitur *Leg.* 53 ff. de Verbi. signific. *Leg.* 5 §. 2 ff. de Termin. mot. Memorat hanc Juris civilis interpretationem Innocent. III in cap. 21 de Verbor. signific., tum statuit, novalem esse intelligendum agrum de novo ad cultum redactum, de quo non extat memoria, quod aliquando cultus fuisset.

(2) Ætate Augustini nondum decimæ fixæ, ac perpetua lege constitutæ fuisse videntur; sed ipse tamen *Enarrat. in psalm.* 146 n. 14 col. 1648 t. 4 ed. cit. vehementer Christianos hortatur, ut reales ac personales decimas solvant. *Prædium*, inquit, *aliquid & deputate aliquid fixum vel ex annuis fructibus, vel ex quotidianis quantibus vestris.* Sequenti tamen sæculo, quo vixit Cæsarius Arelatensis, non reales solum, sed etiam personales decimæ obtinebant; nam ipse *Serin.* 277 inter opp. *Augustin. in Append. col.* 460 t. 5 par. 2, diserte memorat decimas ex quotidianis quantibus, item de militia, de negotio, de officio. Falsus igitur est Van-Espenius *Jus eccles. univers. par.* 2 tit. 53 c. 1 n. 3, & seq., qui personalium decimarum originem Cælestino III adscribendam putat; et insignis est calumnia Justi Henningii Boehmeri *Devoti.* Tom. II.

*Iuris. jur. Canon. l. 4 tit. 3 §. 3*, reprehendentis Romanos Pontifices, quasi ipsi jus decimarum plus æquo explicaverint, quod personales decimas instituerunt.

§. 5. Inter prædiales, ac personales decimas non unum discrimen est. Nam prædiales debentur, non deducis impensis, & vero debentur Parocho, cujus in parochia sita sunt prædia, unde illæ percipiuntur (1); cumque ipsis prædiis adhæreant, ab omnibus, qui prædia habent, etiam infidelibus solvendæ sunt (2). Verum decimæ personales tantum a Christianis solvuntur Parocho, a quo ipsi sacramenta accipiunt, ex iisque impensæ in rebus parandis factæ detrahuntur (3). Illud commune est utrisque decimis, quod non deducitur, quod necessario ad res conservandas impenditur (4).

- (1) *Cap. 7, 13 de Decim.* (2) *Cap. 16 eod.*  
 (3) *Cap. 20 & 28 eod.* (4) *Cap. 28 mox laud.*

§. 6. Leges hæ sunt Decretalium jure generatim constitutæ. Sed recepti populorum mores sæpe has leges abrogarunt, & hinc spectandæ sunt singularum Ecclesiarum consuetudines, ut noscatur, a quibus eas solvere oporteat. Nimirum posteaquam clericis aliis bonis, atque redditibus parata sunt ea, quæ suppetant ad cultum & ad victum, paulatim decrevit solutio decimarum; & nunc multis in locis neque decimæ prædiales ex prædiis urbanis, neque personales solvuntur (1). Quin ne ex omnibus quidem terræ fructibus detrahuntur decimæ, neque solvitur decima eorum pars, licet adhuc decima appelletur, & multæ etiam regiones sunt, in quibus decimæ prorsus exoleverunt.

- (1) Consule Girald. *Expos. Jur. Pont. p. 1. Decret. l. 5 rect.* 503 p. 531.

§. 7. Decimæ debentur Parocho (1), sed tamen ab aliis quoque clericis, aut Ecclesiis acquiri possunt vel privilegio Sum. Pontificis (2), vel præscriptione annorum quadraginta cum titulo, sine titulo vero præscriptione temporis, quod hominum memoriam superet (3). Novales vero ac minutæ, ubi hæ vigent (4), decimæ semper Parocho reservatæ censentur; ne is, cui animarum cura commissa est, graviore damno afficiatur. Et quamquam laici jure ipso



exigendi decimas, quod proprium clericorum est, potiri nequeant, tamen res ipsas, quæ decimarum nomine penduntur, habere possunt (5); modo iusta causa præsto sit, & Rom. Pontific. accedat auctoritas (6).

(1) Concilium Cabillonense II *can.* 19 apud Labbæum t. 9 col. 563 *ed. Venet.*, & *Metense an.* 888 *can.* 2 t. 11 col. 695.

(2) Multa extant exempla decimarum, quæ a Sede Apostolica Monasteriis & Capitulis concessa sunt. Eas memorant & probant S. Petrus Damian. t. 5 *opusc.* 55 *cap.* 5 p. 252 *ed. Paris.* 1664, Ivo Carnotensis *Ep.* 192 p. 85 *ed. Paris.* 1647, S. Thomas 2, 2 *quæst.* 87 *art.* 5. Vide etiam regulam Templariorum c. 66 apud Holstenium *Cod. Regul.* t. 2 p. 440 *ed. c.*

(3) *Cap.* 4 & 6 *de Præscript.* in *Cap.* 1 *cod. in 6.*

(4) Minutz decimæ plerisque in locis obsoleverunt.

(5) S. Thomas 2, 2 *quæst.* 86 *art.* 5.

(6) Interdum Summus Pontifex ad tempus imponit decimas beneficiorum propter aliquam necessitatem, vel publicam Ecclesiæ utilitatem, atque eas solvi mandat alicui Principi, qui Ecclesiam defendit. Tunc autem constituuntur collectores, qui has decimas colligant. Vide *Clem.* 2 *de Decim.*, & *Extravag. un. int. commun.* *cod.*, & vide etiam Gonzalez in c. 19 *de Decim. n.* 4, ubi memorat decimas a Sede Apostolica concessas Regibus Hispaniarum.

§. 8. Verum mediis sæculi in summâ rerum confusione laici, ut multa ecclesiastica bona, ita etiam decimas usurparunt, easque jure feudi retinuerunt, adeout commercio essent, & in hæredes transirent (1). Interim Parochi carebant suis redditibus, quibus semetipsos & pauperes sustentarent; neque decimarum possessores ea, quæ debebant, Ecclesiæ servitia præstabant. Itaque actum est, ut sacra præda ex laicorum manibus extorqueretur; sed operosum id erat, neque convenire visa sunt extrema remedia, quibus illi exasperarentur. In Concilio Lateranensi III (2) prohibiti sunt laici novas decimas acquirere, antiquas, quas habebant, in laicos transferre, tum generatim moniti, eos sine animarum suarum periculo decimas retinere non posse, sed adversus illos, qui eas retinerent, nulla poena indicta est. Denique usu potius ac silentio, quam lege ulla scripta toleratæ sunt decimæ, quas antea laici jure feudi obtinebant, novarum tamen acquisitio prorsus vetita; & hodie recepta sententia est, eas tantum decimas infeudatas a laicis recte detineri, quæ ant Lateranensem synodum acquisitæ sunt (3).

(1) Occupata a laicis bona, ac decimæ *Ecclesie & Altaria di-*

cebantur, quorum turpe, quod calamitosus iis temporibus a laicis fiebat, commercium damnant Paschalis II & Gregorius VII *can. 15 & 14 cauc. 1 qu. 3*. Confer Petrum de Marca *in can. 7 Conc. Claramont.*, Fr. Florentem *in c. 1 & 2 de Surepatr.*, & Muratorium *Diss. 72 & 73 Antiqu. Italie*.

(2) *Cap. 19 de Decim.*

(3) Quod Concil. Lateranense III non expresse statuat, restituendas esse decimas, quas laici detinebant, neque ullam in ipsos poenam constituat, sed tantum illas in laicos transferri, ac novas acquiri vetet, plerique in eam venere opinionem, quod ea Synodus integras laicis reliquerit decimas, in quarum antea possessione versabantur. Hinc orta communis opinio, laicos retinere posse infeudatas decimas, quas ante illam Synodum obtinebant. Sed recte observat Ludovicus Thomassinus *Vet. et nov. Eccles. discipl. par. 5 l. 1 c. 11 n. 7 et seq.*, Concilium Lateranense III nunquam laicis antiquas decimas permisisse, cum satis diserte dicat, eas laicos sine *animarum periculo detinere* non posset. Hinc Odo de Saliaco Parisiensis Episcopus viginti circiter post annos, quam Lateranense Concil. habitum fuerit, in suis Constitution. Synodalibus *n. 18 Delect. actor. 1. 1 col. 1257* *Frequenter*, inquit, *maneantur laici, ut non retineant decimas, quas in periculum animarum suarum retinens*. In Concil. Lateranensi IV multa de decimis sancita sunt, praesertim contra illos, qui eas usurpabant, sed nullum decretum est, quod laici restituere cogantur decimas, quas tunc obtinebant. Imo Innocent. III, quo Pontifice Lateranense illud Concil. habitum est, non improbasse videtur decimas, quae a laicis jure feudi retinebantur, uti patet ex *Prima coll. tit. 11 l. 1 p. 565 et 566 ed. Baluzii Paris. 1682*. Cum enim Capitulum Svesionense earum decimarum redimendarum facultatem postulasset; eam dedit Pontifex adjecta lege, ut Capitulum ea, quae praestabant vetusti decimarum possessores, Ecclesiae servitia praestaret. Non hic Ecclesiae restitui jubentur decimae infeudatae, imo vero probatur contractus, per quem illas capitulum a laicis acquisiverat, & confirmantur servitia, quae antea laici propter decimas praestabant, & quae in posterum Capitulum praestare debet. Clarius ipse Innoc. III *in c. 25 de Decim.* memorat decimas in feudum concessas, neque eas improbat. Ita cum omnes, quae ferebantur, leges novas tantum decimas a laicis acquiri vetarent, sed decimas jam infeudatas non improbarent, invaluit opinio, quod laicis vetitum esset novas decimas acquirere, contra ipsis illae essent permittendae, quibus jam tunc fruebantur. Medio saec. XIII Alex. IV *in can. 2 §. Sane de Decim. in 6*, postquam statuit, regulares posse cum Episcopi consensus decimas a laicis detentas accipere, illas autem, inquit, *decimas intelligimus posse saliter a Religiosis de manibus laicorum recipi, vel acquirere ante Lateranense Concilium ipsis laicis in feudum perpetuo fuisse concessa*. Non hic declarat Alexander, quod Lateranense Concil. intelligat, sed tamen juris Canonici interpretes intelligendum putant Concil. Lateranense III, quod Alex. III Pontifice habitum est. Hinc recepta ubique regula, laicos retinere posse decimas infeudatas, modo eas ante Concil. Lateranense III obtinuerint. Illud non omitam, quod post Pontificatum Innoc. III abstinuere se Concilia a repetendis antiquis decimis, quas jam lai-

ci habebant, quod & ex Trident. Synodo confirmari potest. Quamquam enim statuat, *ut qui decimas impediunt, aut subtrahunt, excommunicentur*, Sess. 25 c. 12 de Reform.; tamen Sess. 25 c. 18 de Reform. agens de redditibus idonei Episcopali seminario parandis, aliquid conferri jubet a laicis, qui Ecclesiæ decimas obtinent; *etiam ex decimis quacumque ratione ad laicos, ex quibus subsidia ecclesiastica solvi solent, pertinentibus.*

§. 9. Solutio decimarum omnes generatim obstringit; quin etiam excommunicationis pœna constituta est adversus eos, qui decimas subtrahunt aut impediunt (2). Multi autem eo onere soluti sunt vel privilegio Summi Pontificis (2), vel præscriptione annorum quadraginta cum titulo: sine titulo vero præscriptione temporis, quod supra hominum memoriam est (3); vel pactis conventis, & voluntaria remissione, quæ cum perpetua est, Summi Pontificis auctoritatem postulat (4). Clerici decimas pendunt ex bonis, quæ hæreditate, legato, donatione, aut simili contractu acquisiverunt, non item ex bonis, quæ habent titulo spirituali, puta beneficii (5); Regulares autem ex prædiis, quæ pridem suberant oneri decimarum, antequam ad eos pervenirent (6).

(1) *Cân. 5 caus. 16 qu. 7, C. 5 de Decim., Conc. Trident. Sess. 25 c. 12 de Reform.*

(2) *Cap. 24 ibique Glossa verb. Exemptus de Decim.*

(3) *Cap. 15 de Privileg., c. 4, 6, 8 de Præscript. Cap. 1 eod. in 6.*

(4) *Cap. 8 de Transact.*

(5) *Cum in Cap. 2 de Decim.* Paschalis II decimas a clericis primum solvendas neget, ac deinceps affirmet, hinc variz editæ sunt ab interpretibus explanationes, ut omnis, quæ forte in hac sententia inesse videtur, pugna removeatur. Verior, & ab omnibus fere recepta interpretatio est, quam tradit Glossa, videlicet clericos non teneri decimis ex bonis spirituali titulo acquisitis, puta beneficii, teneri autem ex bonis, quæ testamento aut contractu obtinuerunt, & ex quibus, antequam ea venissent ad clericos, decimæ solvebantur, quamquam eorum bonorum titulo promotus quis fuerit, nisi aliud legitima consuetudine inductum sit, ut declaravit Congregatio Concilii in *Marsicano 12 Augusti 1651 l. Decret. XIX p. 143, et in Urselen. 11 Maii 1653 l. XXI p. 248.* Atque id generatim obtinet, etiamsi clerici ab ipso Parocho sacramenta non accipiant, ut respondit eadem Congregatio Concilii in *Feretrana 19 Januar. 1636 l. Decret. XV p. 510 et in Hortana Decimarum 25 Sept. 1694 l. 44.*

(6) Extant in *Cap. 10 et 11 de Decim.* privilegia Sedis Apostolicæ, per quæ Regulares liberantur ab onere solvendarum decimarum ex prædiis, quæ propriis manibus, atque impensis colebant. Verum Innocentius III in Conc. Lateranensi IV *Cap. 34 de*

*Decim.* sancivit, ut cuncti Regulares decimas solverent ex prædiis deinceps acquisitis, ex quibus antea decimæ solvebantur, quamquam ex ipsorum Regularium labore & sumptibus fructuosa sint. Secundum hanc Decretalem a Congregatione Concilii in Pampbilonen. *Decimarum* 21 Aug. 1728 in *Thesaur. Resolut.* t. 4 p. 21 et t. 6 p. 29 et seq. responsum est: quod Regulares non habentes in privilegiis expressam derogationem Cap. Nuper teneantur solvere integras decimas, exceptis bonis, et rebus præscriptis in Cap. Ex parte 10 de Decim. Hodie igitur Regulares omnes soluti sunt lege tribuendarum decimarum tum personalium, tum realium, quæ dari deberent ex fructibus hortorum suorum, nutrimentis animalium, atque ex novalibus, quæ fiunt ex terra prorsus inculta, quam ipsi proprio labore, sumptuque colunt: non item ex fundis decumanis, qui ad eos cum tali onere delati sunt, nisi etiam pro his peculiare privilegium obtinuerint, uti etiam declaravit Alexander IV in cap. 2 §. Ceterum de Decim. in 6, Innocent. X *Const.* Nuper. pro parte 53 Bullar. t. 6 par. 3 p. 78. Consule Passerinum *Comment. ad l. 3 Sexti Decretal. tit. de Decim. qu. unic. artic. 15 per tot.*, Card. Petram ad *Const. Apostolic. t. 4 in Constit. 8 Martini V p. 243*, & Gaudentium a Janua de *Vitis, cujuscumq. Prælat. t. 1 cap. 5 dub. 15 sect. 6*.

## TITULUS XVII.

### *De Primitiis, oblationibus, ceterisque temporalibus bonis Clericorum.*

- |   |   |
|---|---|
| 1. & 2. Primitiæ quomodo apud Hebræos, quomodo apud Christianos debite? | 8. Distributiones quotidianæ.           |
| 3. Oblationes quid?   | 9. De his Tridentini Concilii decretum. |
| 4. ad 6. Earum distinctio.  | 10. Qui distributiones accipiunt?       |
| 7. Cui adscribendæ oblationes?  | 11. Portio congrua.                     |

6. 1. **P**rimitiæ sunt rerum primi fructus, qui Deo offeruntur. Apud gentes omnes vetustissimi instituti est primitias Deo offerre & consecrare. Hebræi vero divina etiam lege primitias dabant, quarum tamen modus & ratio potius moribus, quam lege ipsa erat constituta (1). Inter Christianos primitiæ ante ipsas decimas obtinere ceperunt; & vero antiquissima sunt monumenta, unde intelligimus, Christianos primitias rerum suarum præstare consuevisse (2).

(1) Consule Hieronymum in *Ezechiel. t. 45 vers. 13 et 14 opp. tom. 5 col. 565 ed. Vallarsii Veron.*

(2) Origenes *Contr. Cels. l. 8 n. 54 p. 776 t. 1 ed. Paris. 1735*, Irenæus *l. 4 Contra Hæreses c. 17 p. 219 ed. Paris. 1710*, Auctor *Canon. Apostolor. Can. 5 & Constit. Apostolic. l. 8 c. 40 uterque*

apud Cotelierium *PP. Apostolic. t. 1 p. 423 & 442 ed. Amstelodami cit.*

§. 2. Dabantur primitiæ non tantum ad agnoscendum Creatorem, sed etiam ad ministros Ecclesiæ sustentandos (1); erantque præsertim ex uvis & frumentis (2); certa-que extabat precum formula, quæ in earum benedictione adhibebatur (3). Nunc fere ubique primitiæ desierunt (4), ac si qua regio est, in qua adhuc ex consuetudine tribuuntur, ex eadem noscitur, quid, & quantum dari debeat.

(1) In Syn. Gangrensi in *Fræfat. Collect.* Harduini *t. 1 col. 550 & seq.* gravissime reprehenduntur hæretici Eustachiani, quod primitias fructuum Ecclesiæ olim datas sibi vindicassent, suisque adscripsissent; & hinc duo emittuntur canones, quibus sub pœna anathematis omnes prohibentur eos fructus Ecclesiæ oblatos accipere, aut dare extra Ecclesiam; præter Episcopi sententiam, *Can. 7 & 9 col. 555 l. c.* (2) Concil. Africanum *can. 4*, apud Pithæum *Cod. Canon. Eccles. Roman. p. 144 ed. Paris. cit.*, S. Gregorius Nazianz. *Ep. 80 p. 833 opp. t. 1 ed. c.* (3) Habes hanc formulam apud Auctorem *Consist. Apostolic. l. c.* (4) Post sæcul. V vix ulla amplius mentio primitiarum occurrit; tantum indicuntur in Concil. Hispalensi apud Ivonem in *Decret. par. 3 c. 174*.

§. 3. Oblationes sunt munera, quæ a fidelibus Deo, & Ecclesiæ sponte offeruntur. Antiquissimus earum usus est, atque ab ipsa Apostolorum ætate repetendus (1). Nemo offerre cogebatur, sed turpe erat, eum non offerre, qui posset (2); & illorum, quorum præclara erant munera in Ecclesiam, nomina publice recitabantur (3). Neque vero omnibus offerre licebat; quoniam oblationes, præsertim Eucharisticæ, ecclesiasticam communionem ostendebant, & ideo rejiciebantur oblationes eorum, qui in Eucharistia non communicabant (4). Ipsi Consistentes, qui scilicet in summo pœnitentium gradu versabantur, quamquam communium precum essent participes, tamen ab altare offerre prohibebantur (5); & sæpe restitutas constat oblationes eorum, qui deinceps in hæresim inciderant (6).

(1) Agapas, sive sacra convivia Apostoli instituerunt, atque horum ratio erat, ut singuli Fideles panem ac vinum, aliaque etiam ad Ecclesiam offerrent, e quibus panis vinique parte consecrata, quod reliquum erat, in commune illud convivium conferebatur. Atque huc referendum illud Apostoli 1 ad Corinthios. XI 21 *Unus-*

quisque suam cenam præsunt ad manducandum, et alius quidem esurit, alius ebrius est. Licet vero deinceps Agapæ desierint, tamen oblationum usus diu retentus est. Agit præter ceteros de Agapis Thomassinus *Vet. & nov. Eccles. disciplinam* par. 3 l. 3 c. 47. n. 1.

(2) Cyprianus *de oper. & elemosyn.* p. 141 *ed. Amstel.* 1700, reprehendit fœminam, quæ cum dives esset, nihil obtulerat; & S. Augustinus, seu potius S. Casarius Arelatensis auctor *Serm.* 85 *de Temp. n.* 4 & 5 t. col. 154 *opp.* 5 *ed. c.* populum ad hanc officii partem vehementer hortatur, sed lapsu temporum, imminuta apud multos pietate, latis legibus jussi sunt Christiani certis saltem diebus oblationes facere. Concilium Matisconense II *Can.* 4 apud Labbeum t. 6 col. 674 *ed. Venet.* cunctis diebus dominicis panem & vinum ab omnibus offerri jubet; & Capitularia Regum Francorum l. 6 c. 170 apud Balutium col. 656 *ed. Venet.* 1772 quotidie oblationes fieri mandat, *et si quotidie non possit, saltem dominica die.* Quo loco autem oblationes fierent laicorum, quibus ad altare accedere non licebat, diligenter ostendunt Bona *Rer. liturgic.* l. 2 c. 9 §. 1 p. 199 t. 3 *ed. Taurin. cit.*, & Sala *in Notis ad eundem locum, et ad cap.* 8 §. 4 et 6 p. 183, 191 et 200, & Martenius *de Antiq. Eccles. rit.* l. 1 c. 4 art. 6 §. 7 t. 1 p. 140 *ed. Antwerp. seu Ven.* 1763.

(3) Cyprianus *Ep.* 60 al. 62 *ad Episcop. Numid.* p. 174 *ed. cit.*, Hieronymus *in Jerem.* l. 2 c. 11 vers. 15 et 16 *opp.* t. 4 col. 921 *ed. Verone c.*, Innoc. I. *Ep.* 25 *ad Decent. Episc. Eugubin.* c. 2 apud Cœstantium *Ep. Pontific. Roman.* col. 857, Auctor *Constit. Apostolic. Ep. Pontific. Roman.* col. 857, Auctor *Constit. Apostolic. Ep. Pontific. Rom. in.* col. 857, Auctor *Constit. Apostol.* l. 3 c. 4 p. 279 *ed. cit.*, quem in locum vide Cotelerium, & vide etiam Card. Bonam *Rer. liturgic.* l. 2 c. 8 §. 7 t. 5 p. 191 *seq.* ibique Salari *in Not.*, ac Selvagium *Antiq. Christian.* l. 2 c. 1 §. 8, ubi multa habes de his nominibus recitandis.

(4) Auctor *Constit. Apostolic.* l. 3 c. 8, apud Cotelerium l. c. p. 265, Concilium Eliberitanum *can.* 28 quem in canonem vide Albaspinxum p. 169 *ed. Neap. cit.* Quin etiam fratrum inter se dissidentium oblationes recipi vetat Concil. Chartagin. IV *Can.* 95 col. 984 t. 1 *coll. Hardaini ed. Paris. cit.* In Capitularibus Caroli M., & Ludovici Pii l. 7 c. 442 col. 751, et in *Addit.* 4 c. 81 col. 613 t. 1 *ed. Balutii Venet.* 1772, rejiciuntur oblationes illorum, qui sibi mortem consciverunt, quique pro suis criminibus ponuntur. Repudiabat etiam Ecclesia oblationes datas ab illis, qui pauperes opprimebant, uti patet ex eodem Concilio Carthaginensi *can.* 6 l. *cit.*, cum quo consentit Auctor *Constit. Apostolic.* l. 4 c. 6 p. 297, ubi alii præter ea scelesti homines recensentur, quorum oblationes non recipiebantur. Ambrosius *Ep.* 17 n. 14 col. 870 t. 5 *ed. cit.* Valentinianum Imperatorem monet, ne quid ad idololatriam restituendum conferret; quoniam si id fecisset, ejus oblationes Ecclesia repudiasset. Atque id quidem perpetuum fuit de oblationibus, unde Eucharistiz elementa sumebantur. Ceteras oblationes interdum receptas constat, quamquam ab iis fierent, qui communionis expertes erant, & quidem Hormisdas P., uti narrat Anastasius *in ejus Vit.* §. 86. t. 1 p. 93 *ed. Rom.* 1718 a Theodorico Ariano offerri passus est Cerostata argentea duo pensum. li-

bras 70. Vetum Liberius P., uti<sup>a</sup> testantur Athanasius *Histor. Arian. ad Monach. n. 37* opp. t. 1 p. 289 ed. Pat. rit. & Theodoretus *Histor. l. 2 c. 16* p. 95 ed. Cantabrig. cit. Constantii dona repudiavit; & munera Valentis nemo accipere ausus est, cum non sciretur, num ea Basilus esset accepturus, sicuti narrat Gregorius Nazianzenus *Orat. 20 de laud. Basilii* Opp. t. 1 p. 551 ed. Colonia 1790.

(5) Concilium Nicænum *Can. 11 t. 2 col. 38, 45, 52, & Ancyranum Can. 4 et 5*, apud Labbæum t. 1 col. 2487 ed. Venet., ubi canones hos pœnitentes appellant *κοινωνίας χάρις προσαγωγας sine oblatione communicantes*. Verum eorum, qui in pœnitentia constituti, & reconciliationis cupidi subito moriebantur, oblationes ecclesia accipiebant. Concil. Vasense I. *Can. 21, 4 col. 717*. Arelatense II *Can. 12*, apud eundem Labbæum t. 5 col. 3 ed. Venet., & Toletanum XI *Can. 12 t. 3 collect. Harduini col. 1029*. Idem habent capitularia Regum Francorum l. 5 c. 150 et 142 col. 570 ed. Balutii Ven. 1773, & canones Isaac Episcopi Lingonensis *can. 14*, apud eundem Balutium *cod. loc. col. 641*. Vide Albaspinzum *Observ. 5 l. 1 p. 17* ed. Neapol. 1770.

(6) Quod adversus Marcionem, qui ducenta sestertia Ecclesiæ dederat, factum narrat Tertullianus *de Præscript. c. 50* p. 212 ed. Paris. 1675.

§. 4. Jam oblatione aliæ ad altare fiebant, cum sacrificium peragebatur; & tunc quidem fideles offerebant panem & vinum, thūs etiam, atque oleum pro luminaribus, præterea Sabbato S. qui dies erat sollemnis Baptismi, lac & mel, quo recens baptizati vesci solebant (1). Ex oblatis panē & vino Eucharistiæ elementa desumebantur; quod reliquum erat, clericis, ac pauperibus tribuebatur (2). Cum illa desiit panis ac vini oblatio, cœpit offerri pecunia, unde Missæ honorarium ortum est (5).

(1) Consule *Can. Apostol. 3, 4, 5*, apud Cotelerium *loc. cit. p. 442*, Concil. Carthaginense III *canon. 24* apud Labbæum t. 2 col. 1043, Concil. Africanum c. 4, apud Pichæum *loc. cit. p. 144*. Sed Concil. Trullanum *can. 57*, apud eundem Labbæum t. 7 col. 1574, lac & mel offerri vetat.

(2) S. Justinus M. *Apol. 1 n. 66 et 67* p. 85 ed. Paris. 1742, Tertullianus *Apol. 2. 39* p. 51 ed. Paris. 1676.

(5) Confer Mabillonium *Præfat. ad par. 1 sec. 3 Benediclin. n. 62* p. XXVII ed. Venet. 1754 Franciscum de Berlendis *Dissert. de Oblat. pecul. §. 2, & R. Salam in not. ad Boham Rer. liturgic. l. 2 c. 8 §. 3 et Not. 4 tom. 3 pag. 180 et 196 edition. Taurin. cit.*

§. 5. Aliæ erant oblationes, quæ pro arbitrio in Ecclesia deponebantur, ut cederent in ipsius Ecclesiæ usum; aut in clericorum & pauperum alimenta. Nam inde a primis sæculis erat in Ecclesiis arca, quæ Corbona dicebatur, & in quam fideles stipem inferebant, unde pauperes opem ac  
D evoti. Tom. II.

ciperent (1). Inde institutum est *Gazophylacium*, locus scilicet in exedris Ecclesiæ, quo illæ fidelium oblationes deferrebantur (2).

(1) Memorat hanc *corbonam* Cyprianus de *Oper. et eleemosyn.* p. 141 *ed. Amstelod.* 1700, cum reprehendit opulentam feminam, quæ nihil obtulerat, his verbis: *Locuples et dives es, et Dominicum celebrare te credis, quæ corbonam omnino non respicis; quæ in Dominicum sine sacrificio venis; quæ partem de sacrificio, quod pauper obtulit, sumis.* Basnagius *Exerc. Histor. crit. ad an. 44 n. 67*, *corbonæ* nomine non arcam pecuniariam, sed potius ipsas oblationes designari arbitratur, quoniam hebraicum hoc vocabulum donum significat. Verum & ipsum *Corbon* hebraicum locum condendæ pecuniæ destinatum notat Matthæus xxvii 6 *non licet res argenteas mittere in corbonam.* Adde quod verisimile non est, Cyprianum latine scribentem aliter, ac Latini explicabant, intellexisse vocem, quæ latini juris ac significationis evasit. Vide etiam Justinum Martyrem, & Tertullianum *loc. cit.*, qui memorant hanc stipem a fidelibus in Ecclesia depositam, ut ea pauperibus auxilium præberetur.

(2) Duplex *Gazophylacium* erat, alterum intra & alterum extra ecclesiam; utrumque describit Binghamus *Origin. eccles. l. 8 c. 6 §. 22 t. 5 p. 248 ed. Hale Magdeburg.* 1758. In *Gazophylacio*, quod erat intra ecclesiam, servabantur priores illæ oblationes, quarum antea memini; ad *Gazophylacium*, quod erat extra ecclesiam, alterius generis oblationes deferrebantur.

§. 6. Denique aliæ erant oblationes, quas Christiani pro sua pietate dabant cum justa funeris solvebantur, cum sacramenta suscipiebant, cum alia sacra officia peragebantur. Sane quarto sæculo aliquid in Baptismo dari solebat (1). Hæ oblationes initio voluntariæ erant, sed temporis cursu in laudabiles consuetudines abierunt; & vero Concilio Lateranensi IV sancitum est, ut libere sacramenta ceteraque sacra officia administrentur, sed ut fideles oblationes præstent, quas præstare consueverunt, & recusantes etiam cogi ab Episcopo possint (2). Non enim dantur tamquam pretium rerum sacrarum, sed tamquam præmium laboris, et tamquam alimenta, quæ Jus Divinum Ecclesiæ ministris tribui voluit. Atque hæc sunt jura, quæ ad Parochum pertinent, & ideo parochialia adjunguntur.

(1) Gregorius Nazianz. *Orat. 40 de Baptism.* p. 672 t. 1 *ed. Colonia* 1690.

(2) *Cap. 42 de Simon.*

§. 7. Oblationes omnes, etiam quæ sponte, quæque in cappella inferiori, aliove loco intra fines Párochiæ fiunt,



pertinent ad Ecclesiam parochialem, nisi aliam esse constet offerentium voluntatem. Nimirum fideles oblationes facere videntur propter curam animarum, quam Ecclesia sustinet; quæ præsumptio locum non habet, cum alia offerentium voluntas patet facta est. Tunc enim oblationes dandæ sunt loco, cui quis eas adscribi voluit (1). Similiter ad Ecclesiam parochialem non pertinent oblationes, quæ alii loco consuetudine, vel privilegio addictæ sunt.

(1) Consule *Barbosam de Offic. Paroch. c. 24. Card. de Luca de Decim. disc. 19, & Pagnanum in c. 9 de His quæ fiunt a Prælat. n. 14 & seq.*

§. 8. Inter clericorum redditus recensentur etiam distributiones quotidianæ, quæ debentur Canonicis, qui divinis officiis intersunt. Nulla enim est vel Cathedralis, vel Collegiata Ecclesia, quæ communem arcam non habeat, unde sumuntur hæc præmia, quæ singulis diebus atque horis adscripta sunt, ut Choro addicti facilius hac illecebra ducti, & frequentius ad illum conveniant (1). Non tamen hujus præsertim emolumentum ratio, sed pietatis studium & obsequium in Deum ad chorum vocare unumquemque debet; neque effugeret simoniæ labem, qui tantum distributionum utilitate traheretur (2).

(1) Ivo Carnotensis Ep. 219 ad Paschalem P. p. 93 ed. Paris. 1647.

(2) Vide S. Thomam in *Quolibet* 8 quæst. 6 ars. 1.

§. 9. Synodus Tridentina distributiones approbat, atque eas in morem perducere jubet, ubi veteri instituto receptæ non essent. Propterea statuit, ut in cunctis cathedralibus & collegiatis Ecclesiis tertia pars fructum, aliorumque reddituum, qui ad Capituli Dignitates aut ad Canonicos pertinet, ab Episcopo, etiam tamquam Apostolicæ Sedis delegato, in quotidianas distributiones convertantur (1).

(1) Concilium Tridentinum Sess. 21 c. 5 de Reform.

§. 10. Distributiones, quas absentes amittunt, capitulum nemini remittere, & condonare potest (1); sed Ecclesiæ fabricæ, aliive pio loco Episcopi arbitrio adscribendæ sunt distributiones eorum, qui redditus habent a capituli mensa sejunctos, eorum vero, quibus ex eadem mensa communes sunt redditus, inter præsentem dividuntur (2). Sunt tamen

qui iustis de causis abesse coguntur, & hi distributiones acquirunt, perinde ac praesentes essent; quales sunt vere & graviter aegrotantes, carceribus injuria detenti, & absentes propter pestem, vel propter Ecclesiae utilitatem (5).

(1) Confer Suarezium *de Relig. l. 4. de bonis canonic. c. 10 n. 20 opp. t. 2*, & Benedictum XIV *Inst. Eccl. Institut. 107 §. 7 n. 42.*

(2) Duæ sunt ea de re Tridentini Concilii leges *Sess. 21 c. 3 & Sess. 22 c. 3 de Reform.* Altera absentium distributiones praesentibus, & altera Ecclesiae fabricæ, aut alii pio loco arbitrio Episcopi adscribit. Sed lex illa, locum habet, cum communes sunt omnium canonicorum redditus; altera verb, cum illi absunt, quibus sua a capitulari mensa distincta præbenda est. Consule Fagnanum *in c. Quia nonnulli n. 22 & seq. de Cleric. non resident.*

(3) Bonifacius VII *in c. unic. de Cleric. non resident. in 6*, quam legem renovavit Synodus Tridentina *Sess. 25 c. 12 de Reform.*, postquam generatim constituit, absentes distributionibus carere, addit hæc: *Exceptis illis, quos infirmitas, seu justa & rationalis corporalis necessitas, aut evidens Ecclesiae utilitas excuset.* Itaque quaesitum est quæ infirmitas, quæ item corporalis necessitas, quæ denique Ecclesiae utilitas requiratur, ut absentes distributiones accipiant. Generatim verus gravisque morbus requiritur, qui aliquem domo exire prohibeat, quam ea in re boni viri arbitrium spectare oporteat; neque hic ipse morbus est satis, cum quis sanus divinis officiis interesse non solebat. Excusantur etiam, qui carceribus injuste detinentur, quique ob pestis causam, aut propter inimicitias vel injurias, quas immerito perferunt, ad chorum venire nequeunt. Similiter Canonicus Theologus, & Penitentiarius, itemque Canonicus, qui in eadem Ecclesia & canonicatum, & curam animarum habet, tamquam praesentes in choro habentur, cum ea præstant, quæ sui muneris propria sunt. Hæc et cetera, quæ ad hunc locum pertinent, diligenter explicat Benedictus XIV *l. c. §. 8 & seq. n. 45 & seq.* Vide etiam Giraldum *Exposit. Jur. Pontific. p. 1 l. 5 Decretal. sect. 518 p. 245 & seq.*, a quo omnes, qui etiam absentes quotidianas distributiones accipiunt, accurate recensentur.

§. 11. Denique vicarii, qui exercent curam animarum, quæ capitulis aut monasteriis conjuncta est, congruam portionem habere debent. Quo nomine intelligitur certa pars fructuum, quæ ex parochiæ redditibus Episcopi arbitrio detrahitur, quæque vicario adscribitur unde habeat id, quod ad decentem ejus tuitionem necessarium est (1). Constituunt hos vicarios capitula, monasteria & cetera loca pia, quæ curam habent animarum, ut parochialia gerant officia; verum illi ab Episcopo approbandi sunt (2).

(1) Concil. Trident. *Sess. 7 c. 7 de Reform.* Bened. XIV *Const. Cum semper 105 in ejus Bullar. t. 1 p. 222 §. 10 ed. Rom. seu Ven. 1754* Confer ea, quæ supra diximus *l. 1 tit. 5 sect. 9 §. 84 p. 257.*

(2) Consule Giraldum *Exposit. Jur. Pontific. par. 2 sect. 25 p. 828.*

## T I T U L U S XVIII.

*De Peculio Clericorum.*

1. Peculium ecclesiasticum quid?  
 2. Bona patrimonialia clericorum.  
 3. Usus peculii ecclesiastici.

4. Facultas testandi de hoc peculio.  
 5. Spolia, eorum Collectores

§. 1. **E**x Ecclesiæ bonis, cum ad clericos ea pervenerint, existit illud, quod in Jure nostro peculium Clericorum appellatur. Peculii nomen ex jure civili desumptum significat quasi *pusillam pecuniam*, seu *patrimonium pusillum*, ut inquit Ulpianus (1), quod servus permissu domini separatum a dominicis rationibus habet. Placuit hoc nomen traducere ad res ecclesiasticas, quoniam uti servus verum non habet dominium peculii sui, ita neque clericus dominus est bonorum, unde illud peculium conflatum est; imo si dominus revera est fructuum eorumdem bonorum, non merus administrator, ut multi putant, hoc certe dominium & arbitrium non ita late patet, uti patet dominium, quod omnes habent in rebus suis.

(1) *Leg. 5 de Pecul.*

§. 2. Verum, præter hoc peculium, habent etiam clerici bona privata sive patrimonialia, qualia sunt acquisita hæreditate, legato, contractu aliove jure, quod clerici cum reliquis civibus commune habent. Horum quidem bonorum omnium plenum clericis dominium est, & ideo distractio atque consumptio eorum arbitrio relinquitur (1). Moriente vero clerico sine testamento, hæc bona transeunt ad cognatos proximos ab intestato, ac si nulli fuerint vel ex testamento, vel ab intestato hæredes, ad Ecclesiam deferuntur (2).

(1) *Can. 4 c. 12 quest. 5 cap. 9 et 12 de Testamén.*

(2) *Cap. 1 eod. c. 1 de Succes. ab intest.*

§. 3. Sed in ecclesiastico peculio illud sæpe quæsitum est, num clerici ejus dominium habeant, an potius tantum usum & administrationem. Quæ disputatio eo spectat, ut sciatur num lex justitiæ, an pietatis & misericordiæ, ac jus positivum Ecclesiæ clericos cogat in pauperes,

aut alios pios usus convertere quidquid ex decenti exhibitione sua superest de redditibus rerum ecclesiasticarum (1). Alterutram sequi opinionem placeat, certum est, clericos ex bonis ecclesiasticis tantum sumere, quod ipsis est necessarium ad honeste, ac decenter vivendum, reliquum in pios usus conferre oportere.

(1) Controversiam hanc, omnibus excussis argumentis, diligentissime expendit Benedictus XIV *de Synod. dioces. l. 7 c. 2*. Videndus est etiam Theod. Rupperechtus *Not. hist. in ejus Canon. l. 3 tit. 25*.

§. 4. Antiqui canones de ecclesiastico peculio clericos testari vetabant, quoniam illud redire debebat ad Ecclesiam, unde profectum erat (1). Sed sensim consuetudine ac privilegio Summorum Pontificum, præsertim ob frequentes lites, quas excitabat difficultas discernendi bona ecclesiastica a patrimonialibus, inductum est, ut clerici etiam de bonis ecclesiasticis testamentum condant. Interim in foro valent hæc testamenta; sed gravi certe crimine obligamur clerici, qui potius quam in pios, conferunt in profanos usus, aut in ditandis consanguineis insumunt fructus rerum ecclesiasticarum. Non enim consuetudo bonorum naturam mutat, neque privilegium datum censetur cum gravi detrimento pauperum & Ecclesiarum (2).

(1) *Can. 40 Apostolor.* apud Cotelierum *l. cit. p. 447, c. 2 de Pecul. cleric. c. 7 de Testamen.*

(2) Vide Concilium Tridentinum *Sess. 25 cap. 1 de Reform.*

§. 5. Bona ecclesiastica clericorum post eorum obitum spolia dicta sunt, quoniam clerici, exemplo monachorum, ad vitæ exitum properantes rebus peculiaribus sese ultro spoliare consueverunt, ne quid Ecclesia caperet detrimenti. Hæc bona, quæ clericus moriens relinquit, nisi vel consuetudine, vel privilegio Summi Pontificis testandi facultatem habeat (1), jure spoliū pertinent ad Cameram Apostolicam, quæ ea colligit per *collectores* in provinciis constitutos, & cuncta in pauperum alimenta, aliosve pios usus convertit (2). Neque quis sibi per hos collectores inferri damnum, aut injuriam putet; quoniam spoliū ad ea pertinet, de quibus clericus liberum non habet statuendi arbitrium, atque illud declinare unusquisque potest, si vi-

vens obtemperet legi, qua obstringitur, piisque adscribat  
usibus redditus ecclesiasticos, qui supersunt ex necessariis  
ad vitam traducendam (3).

(1) Consule Giraldum *Exposit. Jur. Pontific. par. 1 Decret. l. 3  
sect. 475 p. 306 et 307*, & Lucium Ferraris *Biblioth. verb. Spolium*,  
a quibus omnes, qui vel consuetudine, vel privilegio de ecclesia-  
sticis bonis testari possunt, accurate recensentur. Cives & incolæ  
urbis Romæ, quique procul ab ea decedunt intra decem millia  
passuum, eo privilegio fruuntur *per consuetudinem*. In *eminenti* 53, Pauli  
V in *Bullar. t. 5 par. 3 p. 197*.

(2) Consule Benedictum XIV *de Synod. dioces. l. 5 c. 8 n. 6*.

(3) Spolia instituta sunt a Summi Pontificibus ad coercen-  
dam avaritiam clericorum, qui multas ex ecclesiasticis bonis qua-  
rebant opes, ut iis ditarent consanguineos suos, atque ad tuen-  
dos canones, quibus sancitum est, ut Ecclesiæ bona in pios usus  
conferantur. Narrat inter ceteros Matthæus Paris ad *an. 1246 p.  
474 ed. Paris. 1644*, tres Angliæ Archidiaconos incredibilem quam-  
dam pecuniæ vim coacervasse, præter mobilia complurima magni  
pretii, & ex iis duos ab intestato obiisse, quo factum est, ut o-  
pes illæ ad laicos pervenirent. *Obierat intestatus*, inquit, & *plura  
millia marcarum cum vasis multis argenteis, saculo, & seculari-  
bus infeliciter dimisit*. Episcopi, cum ipsis decedentium clerico-  
rum spolium permetteretur, sæpe vel potentia impediti suum mu-  
nus exercere non poterant, vel etiam gratia freti ultro negligebant,  
& sæpe etiam in privatam utilitatem suam convertebant  
quidquid ex hoc spolio clericorum acceperant. Adde, quod multi  
Episcopi eodem, quo ceteri clerici, laborabant morbo, studio vi-  
delicet ditandi suos ex rebus ecclesiasticis, neque ullus erat, qui  
de Episcoporum spoliis eam gereret sollicitudinem, quam gerere  
oportebat. Itaque ut frenum haberet avaritia clericorum, ac sarta  
tectâ servaretur vis legum ecclesiasticarum, Sedes Apostolica cu-  
ram suscepit bonorum, quæ ad clericum ex ecclesia venerunt, ut  
ea conferat in pios illos usus, in quos clerici conferre debuissent.  
Quod si ecclesia est, quæ spoliis clericorum indigeat, ea facile re-  
mittit Sedes Apostolica, ut in illius utilitatem convertantur. Ita  
Innocentius XII *const. Inscrutabili* 81 *Bullar. l. 9 p. 342*, quam  
constitutionem postea confirmarunt Bened. XIII in *const. Sacrosan-  
cti Apostolatus* 16, & *const. Romanum decet Pontificem* 151 *Bul-  
lar. t. 11 & 12 p. 324 & 552*, ac Bened. XIV *constit. Pastoralis*  
57 t. 4 *ejus Bullarii p. 57 ed. cit.* in Regno Neapolitano deceden-  
tium Episcoporum ac Prælatorum spolia concessit ecclesiis, qui-  
bus illi præfati fuerant. Recte hinc observat Thomasius *Ver. &  
nov. Eccles. disciplin. par. 5 l. 2 c. 57 n. 5*, quod si invidiosa sunt spo-  
lia, omnis invidia & infamia conferenda est in insatiabilem quam-  
dam avaritiam vel beneficiariorum, qui ex stipendiis in pauperes  
dispensandis quidam sibi accumulanti thesauros iniquitatis, vel co-  
gnatorum, qui in bona pauperibus & Ecclesiis dedicata succedere  
geriunt. Idem habet Baronius ad *an. 397 n. 64 t. 6 p. 252 ed. Lu-  
cæ*, ubi etiam animadvertit, quod qui de collectorum importuna  
exactione queruntur, hoc facile vitabunt, et prudenter arte deludent,  
qui bona Ecclesiæ, quæ supersunt, non congregarint, sed in paupe-  
res erogarint.

## TITULUS XIX.

*De rebus Ecclesiasticis non alienandis.*

- |  |  |
|--|--|
| 1. De rebus ecclesię non alienandis<br>vetos regula. | 5. Quorum rerum permissa alienatio<br>sit?                                       |
| 2. Quid alienatio comprehendat?                      | 6. Venditio fructuum beneficiarum,<br>& horum locatio solutione antici-<br>pata. |
| 3. Quę res alienari nequeant?                        |  |
| 4. Venia Sedis Apostolicę.                           |  |

§. 1. **V**etus est regula, Ecclesię res alienari non posse, quam regulam & sacri canones (1), & civiles leges (2) ratam firmam haberi voluerunt. Nam sua Ecclesię bona, sarta tecta servanda sunt, ut ex iis habeant clerici & pauperes unde vivant, & Religionis cultus sustineatur. Hodie ea in re jure utimur, quod a Paulo II sancitum est (3).

(1) S. Leo M. ep. 17 *ad univers. Episc. per Sicil. constit. opp. t. 1 col. 728 ed. Venet. 1793*; cujus epistolę veritatem adversus Quesnellii ratiunculas egregie ostendunt Fratres Ballerini in *Not. n. 8 Uccellarius in Monit. ad eand. ep. p. 88 ed. Rom. an. 1755*, Tillemontius *Histor. Eccl. not. 7 in Vit. S. Leon. t. 15 p. 834 edit. Venet. 1732*. Eadem lex est Hilarii Pontificis, qui proximus Leonis successor fuit, ep. 8 c. 5 *ad Episc. divers. provinc. Gal. apud Labbæum t. 5 conc. col. 67*, itemque Symmachii ep. 5 *ad Cesar. cod. t. 5 col. 425*, quidam epistolę S. Symmachus respondet S. Csario Arelatensi, qui eum rogaverat, ut rerum ecclesiasticarum alienationes *Apostolica auctoritate prohibet ib. col. 424*, Concil. Ancyranum *can. 14 t. 1 concil. Labbæi, col. 1498*, Carthaginense V *can. 4 t. 2 col. 155*, Agathense *can. 7 t. 5 col. 532*, Aurelianense III *can. 2 col. 1277*, Aurelianense *can. 18 c. 1376*, & V *can. 13 col. 1380 cod. t. 5 & Nicęnam II can. 12 t. 8 col. 1255*, Cyrillus Alexandrinus *Ep. ad Dominum t. 2 Pandect. can. Beveregii edit. Oxonii 1672 p. 177*, quem in locum Balsamon, *vara*, inquit, *pretiosa Ecclesiarum, seu sacra & reliqua Deo consecrata, & possessiones immobiles inalienabilia sunt, & Ecclesiis reservantur*. Non igitur nova, ut quidam putant, sed vetustissima est canonum regula de rebus Ecclesię non alienandis. Confer etiam Decretal. titulum *de Reb. Eccles. alien. vel non.*

(2) *Leg. 14 & 17 cod. de Sacror. Eccles. Novell. 7 c. 1*. Vide etiam Capitularia Regum Francorum *l. 2 c. 29 col. 502 & l. 6 c. 156 col. 652 t. 1 ed. Balutii cit.*, aliaque multa eorundem capitularium loca, quę laudat & expendit Cl. Mamachius *del diritto libero della Chiesa d'acquistare e di possedere l. 3 c. 1 p. 61 & seq.* ubi totum hoc argumenti genus graviter & solide pertractatur.

(3) *Extravag. Ambitiosa de Reb. Eccles. alien. vel non.*

§. 2. Pertinet hoc interdictum etiam ad monasteria, hospitalia, ceteraque loca pia & religiosa, quorum etiam

bona ecclesiastica dicuntur, eaque distrahere nefas est (1). Alienationis autem nomen comprehendit venditionem, donationem, permutationem, emphytheusim, locationem, conductionem ultra triennium (2), pignoris constitutionem seu nexum, & hypothecam, in feudum concessionem (3), denique omnem conditionem, per quam res Ecclesiæ deterior efficitur (4).

(1) *Tit. Novell. 71, et cit. Extravag. Ambitiosa.*

(2) Vetita est locatio rerum ecclesiasticarum ultra triennium, quando ex iis fructus quoque anno percipiuntur. Nam si ex fructus ferant tantum unoquoque biennio aut triennio, tunc recte per annos sex aut novem locatio perficitur. Communis hæc est Canonistarum sententia, quam præter ceteros sequitur Fagnanus in c. 5 de *Reb. Eccles. alienan. vel non n. 43.*

(3) *Ead. Extravag. Ambitiosa, et c. 5 de Reb. Eccles. alienat. vel non.* Vide etiam *const. Humanae salutis* 152. Urbani VIII in *Bullar. t. 5 par. 5 p. 374*, ejusdem decretum edit. die 7 Sept. 1624 apud Giraldum *par. 1 sect. 451 p. 292*, quo sublata sunt privilegia regularium, quibus antea res ecclesiasticas, inscia Sede Apostolica, alienare licebat.

(4) Vox hæc *conditionem* occurrit in *cit. c. 5 de Reb. Eccles. alien.*, & eam tamquam importunam rejiciunt Cujacius & Antonius Augustinus, quod non intelligant, quæ species alienationis conditio sit. Sed recte Innocentius Gironius *Paratit. in Decres. l. 3 tit. 13 §. 3 p. 257 ed. Vindobona 1761*, vocem illam retinendam esse ostendit, quoniam conditio est pactum, per quod rei Ecclesiæ detrimentum inferri potest.

§. 3. Neque solum res immobiles Ecclesiæ, uti prædia rustica & urbana, alienari nequeunt, sed etiam res immobiles pretiosæ, quæ servari possunt, integra armenta, gregesque integri, arbores prædio utiles ac necessariae, jura, actiones, census, cetera, ex quibus annui fructus capiuntur. Verum alienatio valet, si justa de causa, & adhibitis solemnitatibus facta sit. Causa vel est necessitatis, puta æris alieni dissolvendi, cum ei fructibus satisfieri non possit (1); vel utilitatis, si Ecclesiæ utilis futura sit alienatio, puta si ædes ruinosæ in emphytheusim dentur, vel silvestria loca, agrique inculti colonis permittantur, aut terræ longe positæ cum vicinis commutentur (2); vel demum pietatis, puta si famis tempore alendi pauperes, aut si captivi redimendi sint (3).

(1) *Clement. 1 de Reb. Eccles. non alien.*

(2) *Can. 53 cap. 12 qu. 2 c. 1 de Rer. permut.*

(3) *Can. 15 & seq., et can. 70 et 71 c. 12 qu. 2.*

§. 4. Solemnitates omnes fere pertinent ad consensum Sedis Apostolicæ, a qua causæ expendantur, iisque recte cognitæ alienatio permittitur (1). Sine consensu Sedis Apostolicæ irrita alienatio est; præterea qui rem distraxerunt, aut qui distractam acceperunt, pœna plectuntur excommunicationis, si Episcopi vel Abbates non sint. Nam his Ecclesiæ ingressus interdicitur, iidemque, si menses sex in interdicto fuerint, ab omni suspenduntur administratione Ecclesiarum aut monasteriorum, quibus præfecti sunt. Capitula quoque, & aliæ universitates in interdictum incidunt; singuli vero, ex quibus illæ universitates constant, privantur jure electionis & ecclesiasticis officiis, quorum bona alienarunt, atque ab iis aliisque perpetuo remonentur (2). Quod si post alienationem rite factam Ecclesia grave damnum acceperit, ea, non secus ac minor, beneficium habet in integrum restitutionis (3).

(1) Omnes Episcopi in jurejurando, cujus facta mentio est *lib. 1 tit. 4 reb. 1* §. 2, spondere debent se, inconsulto Rom. Pontifice non alienaturos suarum Ecclesiarum bona. Ægre ferunt hostes Sedis Apostolicæ hoc juramentum, ejusque originem repetunt a celebri *Extrav. Ambitiosa*, quam Paulus II evulgavit. At si vetustissima, uti demonstratum supra est, regula erat, eaque probata Conciliis, Summisque Pontificibus, quod res Ecclesiæ alienari non possent, equidem non intelligo, neque intelligere quemquam arbitror, qua in re peccarint Rom. Pontif., cum regulam tam salutarem, tam vetustam, tam probatam & ubique receptam firmiorem reddere voluerunt, imposito Episcopis jurejurando, quod ii nihil se inconsulto Romano Pontifice ecclesiasticorum bonorum alienaturos promitterent. Falsum autem est, quod hujus sacramenti origo ab extravaganti Pauli II repetenda sit. Nam liber diurnus Pontif. Roman. a Garnerio illustratus, collectusque sæc. VII aut initio sæc. VIII, uti ostendit ejus ætatis Codex, quem ipse Garnerius affert in *Prefat. n. 10 & 11*, continet *solemnibus verbis* eandem hanc promissionem, qua se quisvis a Sum. Pontif. consecrandus Episcopus obligabat. *Cap. 5 tit. 7 p. 54 ed. Paris. an. 1680* Celestinus III, qui sæc. XII Pontificatum obtinuit, in *c. 8 de Reb. Ecclæ. non alien.* memorat *Sacramentum fidelitatis*, quo Ravennatensis Archiepiscopus tenebatur *Apostolicæ Sedis nihil alienare*. Quam decretalem explanans Glossæ Auctor, qui floruit sæc. XIV testatur quod ætate sua *quilibet Episcopus, qui immediate D. Papæ subest, jurat ei fidelitatem, quod non alienabit bona Ecclesiæ, neque infeudabit; & idem juramentum præstant alij Episcopi suis Metropolitanis*. Ii vero, qui non immediate suberant Romano Pontifici, jusjurandum emittebant ea formula, quam describit Dorandus Mimatensis Episcopus, qui vixit in exitu sæculi XIII, uti legitur in exemplari Vaticano, quod laudat Catalanus *Pontific. Roman. t. 3 §. 9 n. 290*, eoque jure-



jurando promittebant perpetuam obedientiam B. Petro, Sanctæque Romana Ecclesiæ, & ipsi Summo Pontifici, & Archiepiscopo, cui suberant, spondebantque præterea, nihil se alienaturos *contra jus vel consuetudinem Ecclesiæ*, apud Catalanum l. 1 Pontific. tit. 15 p. 154. Consule Cl. Mamachium *del Diritto libero della Chiesa* t. 5 par. 1 c. 1 §. 9 p. 48 et seq.

(2) Disputant vero periti Juris Canonici, num *Extravog. Ambrosianæ* ubique vigeat, & num etiam in omnibus locis, in quibus vigeat, obtineant pœnæ, quæ ab ea constitutæ sunt. Confer Schmalzgrueber l. 3 tit. 13 §. 4 n. 122 et seq., & Giraldum par. 1 l. 3 sect. 444 p. 238.

(5) Cap. 1 de integr. restit.

§. 5. Sunt tamen nonnullæ res ecclesiasticæ, quarum, etiam sine venia Sedis Apostolicæ, permessa alienatio est. Huc spectant ea, quæ servando servari ac retineri non possunt, uti sunt fructus arborum, frumentum & similia; quæ vetusto usu locari, aut in emphytheusim dari consueverunt, quoniam hæc finita locatione aut emphytheusi iterum conceduntur iisdem, quibus antea, pactis & legibus, terrulæ; vincolæ non fertiles resque ceteræ exigui pretii (1), denique collata in monasterium aut locupium, a quo ea retineri nequeunt. Ita legatum Cappucinis, aliisque similibus recte distrahitur, modo pretium in Ecclesiæ aut monasterii utilitatem convertatur (2).

(1) *Can. Terrula* c. 12 qu. 2.

(2) Consule l'agnanum in c. 5 de Reb. Eccles. alien. vel non num. 19 et seq.

§. 6. Pertinet etiam ad alienationem rerum ecclesiasticarum venditio fructuum beneficiorum, quos aliquis in alium confert vel ad longum tempus, vel quamdiu vivit, accepta pecunia, quæ fructus æquet, quos probabile est beneficiarum consequuturum esse. Irrita hæc venditio est, & secumfert pœnam excommunicationis constitutam adversus omnes, qui res Ecclesiæ alienarunt (1). Nec prætereunda locatio bonorum ecclesiasticorum, ex qua in perniciem successoris capiuntur fructus, antequam veniat eorum solvendum dies. Locatio hæc non obstringit successorem, cui beneficiarius sua illa festinatione fructus præripere non potest (2).

(1) Benedictus XIV *Constit. Universalis* 20 ejus Bullar. t. 1 p. 41 ed. Rom. seu Ven. 1754.

(2) Concil. Trident. Sess. 23 c. 11 de Reform.

## TITULUS XX.

*De bonorum Ecclesiasticorum immunitate.*

- |   |  |
|---|--|
| 1 & 2. Unde repetenda immunitas bonorum ecclesiasticorum? | buta ex bonis ecclesiasticis.  |
| 3. Pœna imponentis, & solventis tri-                      | 4. Onera infixa bonis ecclesiasticis, & bona patrimonialia clericorum. |

§. 1. **E**cclésiastica bona sunt, quæ ad Ecclesiam pertinent, & quorum redditus in sacris aliendis ministris, atque in sustentandis pauperibus impendendi sunt. Bona hæc ad Ecclesiam pertinere dicuntur, quod ipsa eorum habet administrationem atque custodiam; sed revera propria sunt Dei, ideoque in hominum commercio versari non possunt (1). Inde repetenda est eorum immunitas a tributis & vœgalibus, quæ a laicis imponuntur; atque hæc immunitas non hominum privilegio data, sed ex ipsa eorum natura in bonis ecclesiasticis penitus affixa atque insita est (2). Si quando Christus, cum inter homines versaretur, tributum solvit (3), id quidem fecit voluntate & arbitrio suo, ut omnem scandali causam removeret (4), non quod aliqua humana ad solvendum lege cogi posset (5); neque vero solvi voluit ex oculis, in quibus erat patrimonium pauperum & Apostolorum (6).

(1) Adeundi sunt S. Gregorius Nazianz. *ep.* 80 p. 853 *seq. opp. t. 1 ed. Colon. 1690*, & S. Ambrosius *de Penitent. l. 2 c. 8 n. 75 p. 549*, & *ep.* 20 *ad soror. n. 8 p. 905 opp. t. 3 ed. Venet. cit.*

(2) Conseele Thomass. *Ves. et nov. Eccles. discipuli. par. 5 l. 1 c. 53 n. 13*, & Gl. Mamachium *del Diritto libero della Chiesa di acquistare e possedere beni temporali l. 2 par. 1 c. 1 p. 212 seq. et l. 2 par. 2 c. 5 p. 95 seqq.*

(3) Matthæus XVII 25.

(4) S. Hilarius in *Matth. c. 17 n. 11 p. 696 ed. Paris. 1695*, S. Joann. Chrysost. *Hom. 53 in Matth. n. 2 p. 585 t. 7*, Ambrosius *ep. 7 n. 12 15 18 p. 81 seqq. opp. t. 3*, S. Augustinus *Enarrat. in psalm. 157 n. 16 col. 1553 opp. t. 4*, S. Hieron. in *Matth. l. 5 c. 17 sol. 156 opp. t. 7 ed. Ver.*

(5) Hinc merito ab Joanne XXIII damnatus est error Marsiglii Patavini, & Janduni agentium, Christum, cum staterem ex præscitis ore sumptum tributū loco solvit iis, qui petebant didrachma, hoc fecisse non condescensive et liberalitate sua pietatis, sed necessitate coactum, apud Raynald. *ad an. 1527 n. 19 p. 345 t. 5 ed. Luca.*

(6) Matthæus *cit. cap. 17 v. 25 seq.* ita rem narrat: *Accesserunt, qui didrachma accipiebant, ad Petrum, et dixerunt ei: Magister vester non solvit didrachma? At, etiam: et eum intrasset in domum, prævenit eum Iesus dicens: Quid tibi videtur, Simon? Roget terra a quibus accipiunt tributum vel census? a filiis suis, an ab alienis? Et ille dixit: ab alienis. Dixit illi Iesus: Ergo*

*liberi sunt filii: ut autem non scandalizemus eos, vade ad mare et mitte hamum, et eum piscem, qui primus ascenderit, tolle, et aperto ore ejus, inuenies staterem; illum sume, da eis pro me et se.* Quo ex loco colligunt Patres, Christum se tributi lege solum declarasse, id tamen solvisse arbitrio suo, ne publicanos scandalizaret; præterea non ex *loculis*, sed ex *staterem* in ore piscis invento tributum pendi voluisse, ut ostenderet, tributi onere non teneri loculos, in quibus pauperum & Apostolorum patrimonium consistebat. Ita S. Hieron. *l. 5 in Matt. c. 17 col. 156 t. 7 ed. cit.*, S. Agobardus *de Dispensat. eccles. c. 19 p. 287 et seq. opp. t. 1 ed. Paris. 1666*, S. Thomas in *Summa 22 qu. 188 art. 7*. Vanden Espenius, cujus in fingendis epochis temporum magna semper, confidentia, & insignis, ut plurimum, fallacia atque inscitia est, ita rem narrat in *Jur. Eccles. univers. par. 2 tit. 55 n. 51*, quasi Agobardus primus animadvertit, quod Christus ex loculis tributum pendi noluit, ut ostenderet, nihil ex pauperum, sacrorumque ministrorum patrimonio esse detrahendum. Sed erat vehementer. Nam Hieronymus, qui ante quadringentos, eoque amplius, annos, quam Agobardus floreret, vitæ usura fruebatur, hoc ipsum animadvertit, & ejus *loc. cit.* verba sunt hæc: *Quod si quis obijcere voluerit, et quomodo Judas in loculis portabat pecuniam? Respondendum: rem pauperum (Christus) in usus suos convertere nefas putavit, nobisque idem tribuit exemplum.*

§. 2. Privilegium referri potest ad bona patrimonialia clericorum; sed hoc privilegium naturali æquitate nititur, non ex mera hominum voluntate arbitrioque processit. Nam in civitatibus & gratiosos esse decet, qui curam & sollicitudinem habent rerum spiritualium, & omnino æquum est, ut quæ illi sustinent, propter sacrum officium & ministerium onera, compensatione immunitatis a tributis & vectigalibus allevantur (1). His e fontibus hausta est immunitas bonorum clericorum, & his fundamentis nituntur leges, quibus eadem probata est.

(1) S. Thomas *Leñ. 1 in ep. ad Romay. c. 13 ab hoc*, inquit, *debito*, solvendi tributa, *liberi sunt clerici ex privilegio Principum. Quod quidem æquitatem naturalem habet. Hoc autem ideo æquum est, quia sicut reges sollicitudinem habens de bono publico in bonis temporalibus, ita ministri Dei in spiritualibus ministrant, recompensant Regi, quod pro eorum pace laborant.*

§. 3. Quare Ecclesiarum & Clericorum bona non sub sunt tributis, & vectigalibus laicorum, sacrisque interdicitur ille, qui his oneribus sine venia Summi Pontificis, ea bona subjicit (1). Imo ne a sponte quidem pecuniam dantibus pro tributis & vectigalibus accipere fas est, quique hanc pecuniam sponte dederunt, & qui acceperunt, pari anathematis plectuntur pœna (2).

(1) *Can. 4 et 7 de Immunit. Eccles.*

(2) *Cap. 5 eod. in 6.* Sed poenam a Bonifacio VIII constitutam in *cis. c. 3 Bened. in Extrav. unic. de Immunit. Eccles. int. Comm.*, tantum habere locum voluit adversus laicos, qui a clericis pecuniam exigent, non qui a sponte dantibus acciperent. Clemens autem V in *Clem. unic. eod. tit.* Bonifacii constitutionem abrogavit, legemque dixit, ut in ea re Lateranensia decreta comprehensa in *1. 4 et 7 de Immun. Eccles.* observarentur. Verum Leo X in Concilio Lateranensi V Bonifacii constitutionem integravit, poenamque excommunicationis obtinere voluit contra omnes, qui onera patrimonialia ecclesiasticis imponerent, quique eadem exigent, aut etiam a sponte dantibus acciperent, uti patet ex *Const. Super. edita die 5 Maji §. 40.* Hodie igitur hæc Leonis constitutio, & quæ legi solet in die Cœnæ Domini observanda est: quas quidem constitutiones una cum ceteris Conciliorum decretis, quæ ad ecclesiasticam immunitatem pertinent, ab omnibus diligenter observari jubet Concil. Tridentinum *Sess. 26 cap. 25 de Reform.*

§. 4. Sed onera, quæ bonis inhærent, etiam ab Ecclesiis pendenda sunt (1); modo ex iis bonis Ecclesia fundata & constituta non sit (2), & modo perpetuum esset, rei que infixum onus, antequam eadem ad Ecclesiam pervenirent (3). Ecclesiarum bonis æquantur bona monasteriorum, hospitalium, similium, itemque bona; in quibus sacrum clerici patrimonium est constitutum; nam hæc similiter insitum habent in se privilegium immunitatis, cujus gratia laicorum tributis & oneribus non subji-ciuntur; cetera vero patrimonialia bona clericorum non eodem omnino censentur jure, quo bona Ecclesiarum, sed iis tantum gaudent privilegiis, quæ nominatim in jure expressa sunt.

(1) *Can. 22 c. 23 qu. 8 c. 5 de Pignor. c. 55 de Decim.* Itaque a cunctis tributis, etiam quæ erant imposita, antequam res ad Ecclesiam perveniret, immunis est situs Ecclesiæ, ac cœmeterii pro sepulturis, hortus juxta Ecclesiam positus, & similia. *Can. 34 c. 25 qu. 8.* Adeundus Fagnanus in *c. Non minus 4 n. 8 & seq. de Immun. Eccles.*

(2) Consule Fagnanum in *cis. cap. Non minus*, & Giraldum *Exposit. Juris Pontific. par. 1 l. 3 tit. 49 sect. 634 t. 1 p. 460 seq.* ubi cuncta fere habes, quæ ad realem clericorum immunitatem pertinent.

(3) Vide Fagnanum in *Cap. Episcopus 4 de Præben. & dignis n. 55 & seq.*, & Giraldum *loc. cit.*



## R E C E N S I O

## TITULORUM ET SECTIONUM TOMI II.

## L I B E R II.

## T I T U L U S I.

De rerum divisione.

Pag. 3

## T I T U L U S II.

De Sacramentis.

4

Sect. I. De Baptismo.

19

Sect. II. De Confirmatione.

45

Sect. III. De Eucharistia.

51

Sect. IV. De Poenitentia.

82

Sect. V. De Extrema Unctione.

102

Sect. VI. De Ordine.

108

Sect. VII. De Matrimonio.

110

Sect. VIII. De Sponsalibus.

117

Sect. IX. De Matrimonii impedimentis.

121

Sect. X. De Impedimentis impedientibus.

153

Sect. XI. De Divorciis.

155

## T I T U L U S III.

De Indulgentiis et Remissionibus.

159

## T I T U L U S IV.

De Divino Officio.

165

## T I T U L U S V.

De Festorum Celebratione.

174

## T I T U L U S VI.

De Jejniis.

181

## T I T U L U S VII.

De Rebus Sacris, et primum de Ecclesiis.

191

Sect. I. De consecrandis, et reconciliandis Ecclesiis.

205

Sect. II. De immunitate Ecclesiarum.

208

Sect. III. De Cappellis et Oratoriis.

217

Sect. IV. De sacris vestibus, vasis, ceteris ad Ecclesiam pertinentibus.

219

## T I T U L U S VIII.

De Reliquiis, et Veneratione Sanctorum.

223

## T I T U L U S IX.

De Sepulturis.

226

	TITULUS X.	
De Monasteriis.		Pag. 233
	TITULUS XI.	
De Seminariis Clericorum.		238
	TITULUS XII.	
De Hospitalibus.		241
	TITULUS XIII.	
De Rebus Temporalibus Ecclesiae.		243
	TITULUS XIV.	
De Praebendis, et Beneficiis.		247
Sect. I. De vetita beneficiorum multitudiae.		251
Sect. II. De conjungendis, ac dividendis beneficiis.		254
Sect. III. De Commendis Beneficiorum.		256
Sect. IV. De Pensionibus Ecclesiasticis.		260
Sect. V. De adipiscenda beneficiorum possessione.		263
	TITULUS XV.	
De Censibus, Exactionibus, et Procurationibus.		265
	TITULUS XVI.	
De Decimis.		271
	TITULUS XVII.	
De Primitiis, Oblationibus, ceterisque temporalibus bonis Clericorum.		278
	TITULUS XVIII.	
De Peculio Clericorum.		285
	TITULUS XIX.	
De Rebus Ecclesiae non alienandis.		288
	TITULUS XX.	
De immunitate honorum ecclesiasticorum.		292

FINIS TOMI SECUNDI.



Ms 200 6930

